

Գաբրիել Գարսիա Մարկես

ՆԱՀԱՊԵՏԻ  
ԱՇՈՒՆԸ

# ԱՐՄԱՆ ՀԱՅԻ ԳՐԱԴԱՐԱՆ



ԳԱԲՐԻԵԼ ԳԱՐՍԻԱ ՄԱՐԿԵՍ

# ՆԱՀԱԳԵՏԻ ԱՇՈՒՆԸ

*Թարգմանեց՝  
ՌՌԻՐԵՆ ՀՈՎՍԵՓՅԱՆԸ*

ՆՈՐԶ  
ԵՐԵՎԱՆ 2000

ԳՏՀ 860.3 Գարսիա  
ԳՂՄ 84.7 Կո  
Գ 363

CABRIEL CARCIA MARQUEZ  
EL OTONO DEL PATRIARCA

Գիրքը հրատարակվում է Մեծի Տանն Կիլիկիո  
Կաթողիկոս ԱՐԱՄ Ա-ի աջակցությամբ

Գ 4703040100 2000  
0142(01)-2000

ԳՂՄ 84.7 Կո

© «Նորք» հրատարակչություն, 2000

ISBN 09930 862 1 0

**Շ**աբաթվա վերջին գիշակեր անգղերը բղկտեցին պատուհանների մտադյա ցանցերը, լուսամուսաներով ու պատշգամբով խուժեցին պրեզիդենտական պալատ, թեևաբախումներով ալեկոծեցին մեռյալ ժամանակի Հեղձուկ օդը, եւ երկուշաբթի լուսաբացին քաղաքն, ի վերջո, արթնացավ լեթարգիական դարավոր քնից, ուր ընկղմվել էր փթուակած իր ողջ վեհուկթյամբ. այդ ժամանակ միայն մենք Համարձակվեցինք ներս մտնել, եւ Հարկ չկար ամբողջի խարխուլ պատերը գրասիլ գրոհով, ինչպես կոչ էին անում ոմանք, ամինակրակոտները. կամ շրամուտքը խոյահարիլ հզների լծասարքի տռեղով, ինչպես ստաջարկում էին մյուսները, քանզի մատով դիպչելն իսկ բավական էր, սր իրենք իրենց բացվեին այդ շինուկթյան Հիշարժան ժամանակներում Ուկրյամ Դեյմպերի արկերի տակ կանգուն մնացած զրահապատ դարպասները. եւ ահա մենք քայլ ենք գցում անցյալ մի ժամանակաշրջան ու քիչ է մնում շնչահեղձ լինենք վիթխարի, սփերակ դառած տիրակալուկթյան որջում, ուր նույնիսկ լուկթյունն էր գառամ, լույսը՝ աղոտ եւ ամինայն իր աղոտ, ցնորական այդ լույսի մեջ Հազիվ էր նշմարվում. սուսջին բակում, որի քարե սալիկները ճկվել, ճաքճքել էին ուղտափչերի ընդվզումից, մենք տեսանք ճողպարած պահակախմբի այս ու այն կողմ չպրտված զենքը, Հանդերձանքը, տեսանք երկար, տախտակյա մի սեղան՝ վրան կիրակնօրյա ճաշի բորբոսած մնացուկներով ափսեներ, տեսանք մուսյլ, կիսամուկթ մի կառույց, որտեղ ժամանակին տեղավորված էր գրասենյակը, ներսում թուևավոր սնկեր, դալուկ, ժանտահոտ ծաղիկներ, որ բուսել էին լուծում չստացած այն գործերից, որոնց քննարկումն այստեղ ամենամանավորուղ կյանքից էլ դանդաղ էր ընթացել. այդ բակում մենք տեսանք նաև բարձրադիր կնքավազանը, որի մեջ կնքվել

էին պալատի տիրակալ բոլոր Հինգ սերունդները, բակի խորքում տեսանք փոխարքայական կառասարահի փոխակերպված Նոյի տարվա ախոռը եւ ներսում, ամպ կազմած ցեցերի միջից տեսանք Մեծ Աղմուկի ժամանակի կառքը, ժանտախտի ժամանակի ծածկված սայլը, Գիսաստղի ժամանակի լծասարքով կառքը, կարգուկանոնի շրջանակներում Առաջընթացի ժամանակների դիակառքը, Խաղաղության Առաջին Դարի լուանոտ լիմուզինը, եւ այս ամենը սարքին-կարգին, ներկված ազգային դրոշի գույնով, թեեւ աղտոտ էին, սարդոստայնով պատած, Հաջորդ բակում, երկաթյա ցանկապատից այն կողմ ծաղկել էին արծաթավուն, ասես լուանափոշով օծված վարդերը. այս վարդենիների հովանու տակ, պալատի փառավոր օրերին քնում էին բորոտները. վարդաթփերն այնպես էին հուռացել, որ շրջապատը լցրել էին իրենցով. օդը արբած էր վարդահոտից, խառնված այգու խորքից եկող դարչահոտով, որին էլ խառնվել էին հավանոցի, թրիքի, ինչպես նաեւ գինվորական մեզի գարչահոտերը. և զինվորներն ի վերուստ իրենց փոքր պետքերն անում էին կաթնաֆերմա դարձած գաղութային բազիլիկի պատի տակ. անցնելով շնչահեղձ անող վարդաթփերի միջով, մենք դուրս ելանք կամարակապ մի պատշգամբ, որ պատված էր միխակի, բազմաթերթ աստղածաղկի, գառ-մանուշակի ծաղկամաններով. հավանոցի այս պատշգամբը նրա կանանց համար էր եւ դատելով կուտակված ամենատարբեր փալաս-փուլուսից ու կարի մեքենաների քանակությունից՝ կարելի էր ենթադրել, թե քանի կին էր բնակվում բարաքում. հազարից ոչ պակաս՝ յուրաքանչյուրն անհաշիվ ու օրապակաս իր երեխաների հետ. մենք տեսանք փնթի խոհանոցների նողկալիությունը, տեսանք տաշտակներում նեխող սպիտակեղեն, տեսանք զինվորների եւ կանանց համար ընդհանուր պետքարանի բաց հոսքը. տեսանք Փոքր Ասիայից հսկայական չաներով ու այնտեղի հողով բերված բարելոնյան ուռենիներ՝ թխակապույտ, ասես մանր անձրեւով ցողված, իսկ ուռենիների ետեւում նրա պալատն էր, նրա տունը՝ հսկա, մոսյլ- վարագույրները պոկոտված լուամուտների բացվածքից դեռեւս ներսուղուրս էին անում անգղերը. մենք հարկադրված չեղանք կտորել դռները, դրանք բացվեցին իրենք իրենց, ասես ենթարկվելով մեր ձայնին, եւ մենք, ահա, քարե սանդուղքով բարձրացանք գլխավոր հարկա-

րաժին, որ օպերետային շքեղություն ուներ, ծածկված էր կովերի կճղակների տակ տրորված գորգերով եւ, սկսած առաջին սրահից մինչեւ վերջին ննջասենյակը, մենք եղանք բոլոր սենյակներում, անցանք օժանդակ զետեղարանները, անհամար ընդունարանները, եւ ամենուր թափառում էին անվրդով կովերը. նրանք որոճում էին թավշի վարագույրները եւ մուրտառում բազկաթոռների ատլասե պաստառները՝ տրորելով սրբապատկերները եւ զորավարների դիմանկարները, որ թափված էին հատակին, կահույքի շարդոնի եւ թրիքի մեջ. կովերը տեր ու տիրակալն էին ճաշասենյակում եւ համերգային դահլիճում, որ պղծել էին իրենց մնչոցով, ամենուր էին կովերը. մենք տեսանք նաեւ դոմինո խաղի շարգված սեղանիկները եւ բիլիարդի սեղանի կանաչասուպիտակավուն մահուկը, որ ասես նախրի արտաօց տկտրված մարգագետին լիներ, տեսանք մի կողմ գցած քամու մեքենան, որի թիակները կարող էին նմանակել ուզածդ ուղղության ծովային քամուն, որպեսզի իրենց հարազատ ավերը լքած այս տան բնակիչները չթախժեին ծովի կարտոփ. մենք տեսանք նաև ամենուր կախված ծածկոցներով թռչնավանդակներ. ինչպես ծածկել էին անցած շաբաթվա գլշիրը, այդպես էլ մնացել էին. իսկ անհաշիվ լուսամուտներից երևում էր քաղաքը՝ վիթխարի մի կենդանի, որի գիտակցությանը դեռևս չէր հասել արդեն շնչող պատմական երկուշաբթին, իսկ քաղաքից այն կողմ, մինչեւ հորիզոնը, տարածվում էին ամալի խառնարաններ, խոր դուբորդ, ասես լուանի փոշուց կազմված բլրակներ՝ անկր հարթության վրա, որտեղ հրբեւէ ծովն էր ալեկոծվում. իսկ արգելավայր մենաստանից, ուր դեռ երեկ շատ քչերն էին համարձակվում մտնել, փտումի, լեշի հոտ էր փչում, լավում էր այնտեղից եկող անգղերի ասթմատիկ շնչառությունը, եւ անտանելի գարշահոտի ու անպղերի թոփչքի ուղղությունը բռնած՝ մենք հասանք նիստերի դահլիճ, որտեղ նույնպես կովեր էին, միայն թի սատկած, նրանց որդնոտած մարմինները, նրանց կյորավուն սուկիները բազմապատկիչ էին դահլիճի հսկայական հայելիների մեջ. մենք հրեյինք կողբի գաղտնի դուռը, որ տանում էր նրա առանձնասենյակը եւ տեսանք այնտեղ նրան՝ առանց տարբերանշանի դոշտային համազգեստով, ճաքավոր կոշիկներով. ձախ կոշիկի վրա պսպղում էր ոսկյա խթանը: Նա, որ ամենատարեցն էր աշխարհի բոլոր մահ-



կանացուներէց, ամենաՀինը ջրային ու ցամաքային նախապատմական կենդանիներէց, պառկած էր բերանքսիփայլ, դեմքը խրած ափերի մեջ,- ահա այսպես, այս դիրքով էր նա քնում միշտ, ինքնիշխան-ճգնափորի իր երկար կյանքի երկար գիշերները. բայց երբ մենք շրջեցինք նրան, որ տեսնենք դեմքը, Հասկացանք, որ նրան ճանաչելն անհնար է, եւ ոչ միայն այն պատճառով, որ դեմքը կտցահարել էին անգղերը. ինչպե՞ս կարող էինք ճանաչել, հրը մեզանից եւ ոչ մեկը չէր տեսել նրան կենդանութեան օրոք: Եվ թեեւ նրա կիսադեմը դրոշմված էր ցանկացած դատադատման գույգ հրեան էլ, պատկերված էր փոստային դրոշմանիշների, փորլուծութեան դեմ դեղերի պիտակների, կալանդների ու մետաքսյա խնկամանների վրա, թեեւ ոսկյա շրջանակով նրա վիճագրական դիմանկարը՝ դրոշակով, վիշապի նշանը կրծքին, յուրաքանչյուր պահին եւ ամենուր բոլորիս աչքի առաջ էր, մենք գիտեինք, որ դրանք պատճեններն էին նախկին պատճենների, որ անհավաստի էին Համարվում դեռեւս Գիսաստղի տարին, երբ մեր ծնողներն իրենց ծնողներից իմացան, թե ով է նա եւ ինչ տեսք ունի, իսկ նրանք իմացել էին իրենց պապերից. փոքր տարիքից մենք վարժվել էինք Հավատալ, որ նա անմահ է ու ընդմիշտ ապրելու է Իշխանութեան տանը. մենք գիտեինք, որ տոնի նախօրյակին նրան տեսնող էր եղել Իշխանութեան տանը կանթեղի գնդերը վառելիս, լսել էինք պատմութեանները, թե ինչպես է մեկը տեսել նրա թախծոտ աչքերը, գունատ շրթները՝ պրեզիդենտական կառքի լուսամուտիկից, տեսել էր նաեւ ձեռքը, որ դուրս էր եկել եկեղեցական շուրջառի նման արծաթահյուս վարագույրի վերեւից,- այդ ձեռքը մտախոհ օրհնում էր ամայի փողոցը. մենք լսել էինք, որ նա ողջ-առողջ է այն կույր թափառաշրջիկից, որին տարիներ առաջ, կիրակի օրով ձերբակալեցին Հենց փողոցում, որտեղ նա Հինգ սենտավո վճարով արտասանում էր մոռացված պոետ Ռուբեն Դարիոյի բանաստեղծութեանները,- ձերբակալեցին, բայց շուտով էլ երջանկացրած բաց թողեցին՝ մաքուր ոսկյա դրամը գրպանը խցկած, որ Հոնոլարն էր Հատուկ պրեզիդենտի Համար կայացած պոեզիայի երեկոյի. թափառաշրջիկն, Իհարկե, նրան չէր տեսել, քանզի կույր էր, բայց եթե առողջ աչքեր էլ ունենար, միեւնույն է, չէր տեսնի գեներալին, որովհետեւ Դեղին Տենդի ժամանակից ի վեր նրան չէր կա-

րոպ տեսնել եւ ոչ մի մահկանացու: Եվ, այսուհանդերձ, մենք գիտեինք, որ նա կար, որովհետեւ երկրագունդը պտտւում էր, կյանքը շարունակվում, փոստը գալիս էր, քաղաքապետարանի փողային նվազախոսմբը մինչեւ շաբաթ օրվա վերջին զանգը նվազում էր անհեթեթ վախերը դե Արմա Հրապարակի փոշոտ արմավենիների եւ տխուր լապտերների ներքո,- մեռնող երաժիշտներին փոխարինում էին նորերը,- նույնիսկ վերջին տարիներին, երբ Իշխանության տնից այլեւ չէին լսվում ոչ մարդկային ձայներ, ոչ թուչնային երգեր, երբ դադարեցին բացվել զրահապատ դարպասները, մենք գիտեինք, որ պալատում կա մեկը, որովհետեւ նախկին ծովին նայող լուսամուտներից, ինչպես նալի լուսամուտներից, լույս էր նշմարվում, իսկ եթե մեկը Համարձակվում էր մոտ գնալ, լսում էր սմբակների գոփյուն եւ ինչ-որ խոշոր կենդանիների շնչառություն, որ գալիս էր ամրոցի պատերի այն կողմից. իսկ մի անգամ, Հունվարին, մենք տեսանք պրեզիդենտական պատշգամբից արեամուտ ար վայելու կովին. պատկերացնում էք, կովը Հայրենիքի գլխավոր պատշգամբում: Ինչպիսի՜ այլանդակություն. թրիքոտ երկիր չէ՞: Բայց կասկածն սկսեց կրծել ամենքիս. հնարավոր է, արդյոք, որ կովը Հայտնվի պրեզիդենտական պատշգամբում: Մի՞թե կովերը ճեմում են սանդուղքներին, այն էլ պալատական, այն էլ գորգածածկ: Եվ այնպիսի մի դատարկ խոսքուղրույց սկսվեց, որ մենք, ի վերջո, չգիտեինք, թե ինչ մտածեինք. տեսե՛ղ ենք անիծյալ այդ կովին պրեզիդենտի պատշգամբում, թե աչքներիս է երեւայել: Չէ՞ որ այդ պատշգամբում ոչ ոք երբեք, ոչինչ չի տեսել մինչեւ ճակատագրական ուրբաթ օրվա լուսաբացը, երբ այստեղ հկան առաջին անգղերը՝ լքելով աղքատաց հիվանդանոցի քովերը, ուր սովորաբար թառում էին դանթելու. բայց թւան-հկան ոչ միայն գրանք, հեռու-հեռուներից հկան բազմաթիվ այլ երամներ, նրանք Հայտնվում էին մեկը մյուսի ետեւից, ինչպես երբեմնի ալիքները, որ գլորվում էին հորիզոնի տակից, որտեղ հիմա նախկին ծովի փոխարեն փոշու ծովն է փռված. ողջ օրն անպերի երամները ծուլորեն պտտվում էին Իշխանության տան գլխավերեւում, մինչեւ առաջնորդը, երկար, կարմիր վզով, սպիտակ փեսրափնջով, ասես թագով պտակված նրանց արքան անձայն Հրահանգ տվեց եւ այնժամ շրխկացին կոտրատվող ապակիները, մեծ հանգուցյալի

գարչահատն ընկալ, անգղերն այսուայն կողմ էին թռչում, մտնում-դուրս գալիս պատահած լուսամուտով, ինչպես լինում է տիրոջից լքված տանը, կենդանի շունչ չունեցող տանը. եւ երկու-շաբթի օրը մենք էլ սիրտ առանք, ներս մտանք ու դատարկ սրբարանում տեսանք երբեմնի վեհության ավերակները, գտանք նրա մարմինը՝ բզկտված դեմքով, խնամված, կանացի ձեռքերով,- աջ ձեռքի անանուն մատին մատանի կար՝ պետական կնիքով. ամբողջ մարմինը ծածկված էր մանր ցանով, հատկապես թեւատակերին եւ աճուկների վրա. նա հագել էր բրեզենտե կալանդ, որ սեղմած պահում էր նրա հսկայական, ինչպես ցլի երիկամ փոշտանկը, միակ բանը, որին չէին դիպել անգղերը: Բայց նույնիսկ հիմա մենք չէինք կարողանում հավատալ, որ մեռած է, որովհետեւ մի անգամ արդեն նրան այս նույն առանձնասենյակում գտել էին մեռած,- թվում էր մեռել է բնական մահով, քնի մեջ, ճիշտ այնպես, ինչպես ջրով լի թասին նայելով տարիներ առաջ գուշակել էր գուշակ-պայծառստեւը. այն ժամանակ նրա աչքան տարիները դեռ նոր էին մոտենում, իսկ երկիրը դեռ այնքան էր աշխույժ, որ նա չէր կարող իրեն ապահով զգալ նույնիսկ սեփական առանձնասենյակում, իր գաղտնի ննջասենյակում, բայց եւ կառավարում էր այնպես, ասես համոզված էր, որ չի մեռնելու երբեք, եւ պրեզիդենտական պալատն իր բոլոր բակերով ու ծառայություններով ավելի շատ շուկայի էր նման, քան պալատի,- այս շուկան դուրին չէր խցկվի ավանակների ծանր հակերը բեռնաթափող, պալատի միջանցքներով բանջարեղենի, հավերի զամբյուղները քարշ տվող ոտաբութիկ սպասյակների պատնեչի միջով. հարկ էր շրջանցել կանանց խմբերը, որոնք քաղցած հրեխաններին գրկած ննջում էին սանդուղքների վրա՝ սպասելով պաշտոնական ողորմածության հրաշքին. հարկ էր լինում խուսափել պղտոր ջրերից, որ թափում էին նրա կուլարար սիրուհիները ծաղկամաններից, որպեսզի դիչերվա ընթացքում թառամածների փոխարեն նոր ծաղիկներ տնկեն. այդ տիկիները թաց փալամներով սրբում էին հատակը եւ վասն մեղսալի սիրո հրգեր հրգում, չափ զարկում այն ավելներով, որոնցով պատուզ գամբում գորգերն էին ծեծում. ավելների յաղմուկը եւ երգեցողությունը խառնվում էին նույն պաշտոններին ցմահ գամված չինովների կենդան ճայներին. սրանք հայհոյում էին մեկմեկու եւ

Հայհոյանքով էլ իրենց գրասեղանների դարակիներից վռնդում  
Հինց այդ դարակներում Հանգիստ խղճով ձու ածող Հիմար Հավե-  
րին, իսկ սքանց Հայհոյանքին ձայնակցում էին կանանց եւ գին-  
վորների Համար ընդհանուր պետքարանի ազմուկը, թուշունների  
ճովողուներ, նիստերի դահլիճից լավող անտուն շներ/ի զգվտոցի  
ձայները. եւ ոչ մեկն այստեղ չպիտեր, թե ով ով է, չգ/տեր՝ որտեղ  
ինչ կա լայնորեն բացվող Հարյուրավոր ու վիթխարի դռներով այս  
պալատում եւ, անշուշտ, ոչ մի կերպ Հնարավոր չէր որոշել, թե այս  
խենթանոցում, բացառիկ այս խառնաշփոթության մեջ որն է եւ  
որտեղ է կառավարությունը. պալատի տիրակալը չուկայական  
այդ շփոթի սոսկ մասնակիցը չէր. արարիչն էր, սպեշնչողն ու  
զրզիչը, եւ Հինց լուսավորվում էր նրա ննջասենյակի լուսամուտը,-  
իսկ դա լինում էր առաջին արլորականչից էլ շատ առաջ,- պրեզի-  
դենտական գվարդիայի շփորահարը փչում էր նոր օրվա կանչը,  
ազդանշանին արձագանքում էին մոտակա Կոնդե զորանոցները եւ  
Հաղորդում ավելի Հեռու՝ Սան Խերոնիմա բազա, այնտեղից էլ  
Համուտ էր նավահանգստի ամրոցին, եւ ամրոցը նմանապես  
կրկնում էր շփորականչի վեց տակտը՝ վեց ազդանշան, որոնք  
արթնացնում էին նախ մայրաքաղաքը, Հեռու նաև. սղջ երկիրը,  
քանի դեռ փոքրիկ պետքարանում կքված պալատի տիրակալը  
ընկզմված էր լինում վաղորդյան խոհերի մեջ. նա ավերով փակում  
էր ականջները, որպեսզի լուեցնի գլխամեջի ազմուկը, ինչն այդ  
տարիներին սկսել էր տանջել նրան, եւ նայում կենդանի, տոպազի  
նման ծխոտ-երփնագուլյն ծովի վրայով սահող նավերի կրակնե-  
րին,- փառավոր այն ժամանակներում ծովը դեռ ծվում էր նրա  
լուսամուտների տակ. Հեռու նա կաթնաֆերմա էր գնում ստուգե-  
լու՝ այդ առավոտ որքա՞ն կաթ է կթվել եւ կարգադրելու դրա բաշ-  
խումը, որից Հեռու պրեզիդենտական երեք կառքերը կաթը տեղա-  
փոխում էին քաղաքի զորանոցները,- նա անձամբ էր ստուգում  
կաթի քանակը եւ կարգադրում բաշխումը պալատ մտնելու օրից-  
Հեռու խոհանոցում մի գավաթ սուրճ էր խմում եւ ուտում մի պա-  
տառ կասաբե՝, չերուակայելով էլ, թե ուր են տանելու իրեն նոր  
օրվա քամիները, ինչով է զբաղվելու, եւ Հետաքրքրությամբ ա-  
կանջ դնում սպասուհիների զրույցին. նա միշտ էլ ականջ էր դնում,

\* Կասաբե - թխվածք՝ Հացարմատից:

քանզի այդ մենաստանում ընդհանուր լեզու էր գտնում միայն սպասուհիների հետ. նրանց հաղորդակցվելը հեշտ էր, եւ նա լրջորեն էր ընդունում սպասուհիների գովաբանությունները իր հասցին ու առանց դժվարութեան կարողում նրանց սրտի գաղտնիքները...

Եվ այսպես նա սուրճ էր խմում, ուտում մի պատառ կասաբեի եւ իննի մոտերքը մտնում գրանիտյա տաշտը, որ դրված էր նշենիների ստվերի տակ, իր անձնական բակում՝ ետնաբակում, եւ պառկում տաք, բուժիչ տերեւների գոյորչիներով հագեցած ջրերում մինչեւ տասնմեկը, եւ այս արարողութունը նրան օգնում էր հաղթահարել անորոշ տազնապի զգացումը, ձեռք բերել խաղաղություն՝ կյանքի հերթական անակնկալներին դիմագրավելու: մի ժամանակ, այն օրերին, երբ դեռ նոր-նոր էր ափ իջել իրեն պրիզիդենտ դարձնող ծովային դեսանտը, նա փակվում էր դեսանտային զորքերի հրամանատարի հետ իր առանձնասենյակում՝ վճռելու հայրենիքի ճակատագիրը, ստորագրում էր ամեն տեսակի օրենքներ ու հրահանգներ ընթացող սեղմումով, քանզի բացարձակապես անզբազետ էր՝ ոչ կարգալ գիտեր, ոչ գրել, բայց երբ նրան թողեցին մեն-մենակ հայրենիքի ու իշխանութեան հետ, նա վճռեց, որ չարժե արյուն պղտորել ծուռտիկ-մուռտիկ տառերով գրված, նրբանկատություն պահանջող օրենքների պատճառով, եւ սկսեց կառավարել երկիրը՝ ինչպես աստվածն էր հոգուն թելադրում, եւ դարձավ ամենագո ու անառարկելի, իշխանութեան գագաթներում ցուցաբերելով ժայռագնացի զգուշավորութուն, միեւնույն ժամանակ իր տարիքին անհավատալիորեն ոչ հատուկ ճարպիկութուն, անվերջ շրջապատված բորոտների, կույրերի ու ընկնավորների ամբոխով. սրանք մի պտղունց աղ էին խնդրում, որովհետեւ կարծում էին, թե նրա ձեռքի աղը բուժիչ է. շրջապատված էր նաեւ դիվանագետ-քաղաքագետներով, լիտի ստահակներով ու քծու շողոքորթներով, որոնք նրան երկրաչարժների, երկնային նշանների, նահանջ տարիների եւ աստծո այլեայլ սխալների կորեխիդոր՝ էին հուշակում, իսկ նա, ձյան վրա քայլող փղի նման պալատով մեկ քարչ էր տալիս իր վիթխարի ոտքերը, հենց ընթացքում վճռում

\* Կորեխիդոր - նահանգապետ: Այստեղ բառախաղ է. կորեխիդորի առաջին նշանակութունը ուղղող, սրբադործող է:

պետական ու կենցաղային հարցերը, ճիշտ այնպիսի հեշտությամբ, ինչպես հրամայում էր հանել ու տեղափոխել այս կամ այն դուռը. հրամանն իրագործվում էր առանց ուշացման, թեև նա տեղնուտեղն էլ կարգադրում էր ետ տանել դուռը. այս կարգադրությունն էլ էր կատարվում իսկույն, ինչպես եւ հրամանը՝ որ աշտարակի ժամացույցը կեսգիշերին եւ կեսօրին զարկի ոչ թե տասներկու, այլ երկու անգամ, որպեսզի կյանքը առավել երկար թվա,- հրամանները կատարվում էին անառարկելիորեն, անտրտունջ: Եվ միայն սիեստայի մեռյալ ժամերին էր ամեն ինչ սակվում, ամեն ինչ կանգ առնում, իսկ նա այդ ժամերին շոգից փրկվում էր կանանց հավանոցի կիսախավարում, որտեղ ընտրություն վրա պահ իսկ չկորցնելով, հարձակվում էր առաջին պատահած կնոջ վրա, ճանկում ու պառկեցնում էր անկողնու լայնքով՝ առանց մերկացնելու, ինքն էլ չէր հանվում, ետեւից դուռն էլ չէր փակում, եւ ամբողջ պալատը լսում էր նրա ծանր փնչոցը, նրա շնային կաղկանձը, նրա հապշտապ հեւոցը, խթանների հաճախակի զնգզնգոցը, որ ոտքերն ընկած թույլ դողերոցից էր ծնվում, եւ լսվում էր սարսափով համակված կնոջ ձայնը,- կինը սիրո այդ պահերին փորձում էր իր վրայից ետ վանել նիհար, վտիտ օրապակասների հայացքները. «Դուրս կորեք, գնացեք բակ. ձեր տեսնելու բանը չէ. երեխաներին չի կարելի տեսնել այդ բանը»: Եվ կարծես իսաղաղ հրեշտակն էր ճախրում հայրենիքի երկնքում. լուռ էին ձայները, կանգ էր առնում ամեն մի շարժում, ողջ երկիրը մատը շրթներին էր տանում. «Սուսա... մի շնչեք... լուռվոյուն... գեներալը սեր է վայելում...»: Սակայն ուժեր ծանոթ էին նրան, հավատ չէին ընծայում, նույնիսկ պետություն կյանքի այդ դադարին, չէին հավատում, թե նա զբաղված է սիրո վայելքով, որովհետեւ քաջ գիտեին՝ նա երկատվելու սովորություն ունի. երեկոյան ժամը յոթին նրան տեսել էին դոմինո խաղալիս, բայց ճիշտ ժամը յոթին նա այրվող աթարի ծխով նիստերի դահլիճից դուրս էր քշում մժողովներին. ոչ մեկը հաստատ ոչինչ չէր կարող իմանալ, քանի դեռ չէին մարում բոլոր պատուհանների լույսերը, եւ չէր լսվում նրա ննջասենյակի դռան երեք կողպեքների ճռնչոցը, երեք մղակների չրխկոցը եւ երեք շղթաների զնգոցը, քանի դեռ այնտեղից, ննջասենյակից չէր լսվում խուլ թրխկոցը, որ նշան էր, թե նրա ծանր, հոգնած մար-

մինն ընկավ քարե հատակին, որից հետո կարելի էր լսել մանկան քուն մտած ծեր մարդու արագահար շնչառությունը, որ ծովի գիշերային մակընթացության հետ ավելի ու ավելի համաչափ ու խոր էր դառնում. եւ այդ ժամանակ քամու տավիղները թմրկաթաղանթներում խլացնում էին ճպուռների ճռտոցը, լայն, փրփրալի ալիքը վազ էր տալիս փոխարքաների ու բուկանյերների՝ հինավուրց քաղաքի փողոցներով, զարկվում լուսամուտներին, ողողում պալատը, եւ խոտունջները կպչում էին հայելիներին, նիստերի դահլիճում հրախնները լայն բացում էին շնաձկները, իսկ ալիքը բարձրանում էր նախապատմական օվկիանոսի ամենաբարձր մակարդակից էլ վեր, գրավում հրկիրը, տարածությունը, ժամանակը եւ միայն նա էր լուսնալույս ծովով լողում իր երազներում՝ որպես մենավոր ջրահեղձ՝ դաշտային համազգեստով, ոսկյա խթանով ճութավոր կոշիկները հագին, լողում էր երեսն ասիերի, ինչպես բարձի, մեջ խրված:

Նրա երկատվելու, այսինքն միաժամանակ տարբեր տեղերում լինելու հրեւույթը՝ բարձրանում էր երկրորդ հարկ եւ նույն պահին էլ առաջին հարկ իջնում, միայնության մեջ ծովի հեռվին էր նայում եւ նույն պահին էլ թրթռում սիրո վայելքի մեջ- այս ամենը բոլորովին էլ արտահայտությունը չէին նրա անձնական ինչ-ինչ արտակարգ հատկությունների, ինչպես հավաստում էին շողոքորթները, եւ ոչ էլ զանգվածային տեսապատրանք էր, ինչպես պնդում էին թշնամիները. պարզապես նա նմանակ ուներ, ճիշտ իր պատճենը, շան պես հավատարիմ մեկը, որը հանուն նրա պատրաստ էր ամեն ինչի. Պատրիսիո Արագոնեսն էր, որին, ի դեպ, գտան պատահականորեն, քանզի ոչ մեկը հատկապես չէր փնտրել նրան. պատահեց այնպես, որ մի անգամ պրեզիդենտին զեկուցեցին. «Իմ գեներալ, պրեզիդենտական կառքի նման մի կառք է չրջում Հնդկացիների գյուղերով, եւ նրա մեջ նստած է մի ստահակ, որն իրեն մեծ հաջողությամբ ներկայացնում է ձեր փոխարեն: Մարդիկ կառքի կիսախավարում տեսել են նրա թախծոտ աչքերը, եւ դրանք ձեր աչքերն են, իմ գեներալ. տեսել են նրա գունատ շրթները, եւ դրանք ձեր շրթներն են, իմ գեներալ. տեսել են, թե

\* Բուկանյերներ - Ամերիկայի իսպանական տիրույթները թալանող ծովահեններ:

ինչպես է նա մետաքսի ձեռնոցը հագին կանացի, ձերի նման ձեռքով կառքի լուսամուտից այդ շարտում հիվանդներին, որոնք ծնկի են գալիս ճանապարհի երկայնքով, իսկ կառքի հետևից սպայական համազգեստով երկու հեծյալ են գնում ու փող ժողովում իբրև թե բուժիչ այդ աղի համար: Ինչպիսի՜ սրբապղծություն, իմ գեներալ»: Նա, սակայն, չհրամայեց անհապաղ պատժել խաբեբային, հրահանգեց ծածուկ պալատ բերել նրան՝ գլխին պարկ հագցրած, որպեսզի ոչ մեկը ստահակին չչփոթեր պրեզիդենտի հետ. իսկ երբ ստահակն արդեն պալատում էր, գեներալը նվաստացման տարօրինակ զգացում ապրեց՝ ասես իրեն տեսավ կողքից. նվաստացուցիչն այդ տականքի հետ հավասարվելու վիճակն էր: «Գրողը տանի, այդ մարդն, ախր, ես եմ», - ասաց նա ինքն իրեն, թեև առայժմ այդպես չէր. երկվորյակը չէր կարողանում նույնիսկ նմանակել պրեզիդենտի ձայնը, ավամիջի կյանքի գիծն էլ շատ որոշակի էր ընդգծված. սհա այս հանգամանքն էլ ամենից շատ հուզեց նրան, հատկապես այդ պատճառով չհրամայեց գնդակահարել ստահակին. սարսափում էր, որ նրա ձեռքի ճակատագրի գիծը կարող էր ինչ-ինչ կերպով ազդել իր իսկ ճակատագրի վրա. Պատրիսիո Արագոնեսին պաշտոնական նմանակ դարձնելու գաղափարը ծնվեց ավելի ուշ, երբ համոզվեց, որ իր սարսափն անհիմն է: Այդ ժամանակ Պատրիսիո Արագոնեսն արդեն հասցրել էր մեծ հաջողությամբ իուլափի վեց մահափորձից, վարժվել էր ոտքերով քստքստացնելուն, փայտե մուրճիկով այնքան էին հարվածել ներբաններին, որ գրեթե հարթաթաթություն էր ձեռք բերել, տառապում էր ականջներում հնչող աղմուկից եւ ճողվածքից՝ ամենից շատ ձմռանը եւ ավելի հաճախ առավոտները, սովորել էր խթանի հետ խաղալ այնպես, ասես իրար էր խառնել իր բոլոր գոտիներն ու ճարմանդները. դա արվում էր ընդունելություններին՝ ժամանակ չահելու նպատակով. իբր, խթանն էր ամրացնում ու փնթփնթում քթի տակ. «Գրողը սրանց տանի, այս ճարմանդները, Ֆլամանդական դարբիններին էլ՝ ոչինչ չեն կարողանում սարքել»: Խեղկատակից ու շատախոսից, ինչպիսին էր նա, երբ հոր մոտ ապակի փչող էր աշխատում, վերածվել էր մոսյլ լուակյացի, երբեք ուչք չէր դարձնում բարձրաձայն արտասանված բառերին, հայացքով սուզվում էր գրուցակցի աչքերի խորքը՝ այնտեղ կարգալու չաս-



վածք. նա հտ վարժվեց Հարցերին մեկին պատասխանելու սովորովթյունից եւ ցանկացած Հարցին պատասխանում էր Հարցով. «Իսկ դո՞ւք ինչ եք կարծում»: Այդ անբան սրիկան, որ դեռ վերջերս զբաղվում էր կաղերի ու խեղճուկրակների ապաքինման հրաշագործովթյամբ, հիմա դարձել էր գործունյա, ոչ մի բույս չէր նստում միեւնույն տեղում, ամբողջ ժամանակ դեսուդեն էր ընկնում, դարձել էր ժլատ եւ Հաշտվել այն մտքին, որ կանանց պետք էր տիրանալ աքլորի պես, մի ցատկով, եւ քնել Հատակին, առանց բարձի, դեմքը խրած ավերի մեջ. նա հրաժարվեց փառասիրական իր տարփանքից, որովհետեւ ինքնիշխան էր ուզում ապրել, որովհետեւ ի ծնի նրան ապակյա շշեր փչելու շնորհք էր տրված, ինչով եւ զբաղվեց մի որոշ ժամանակ՝ փայփայելով բարի մտադրություններ. աշխարհում ունեցած ամեն ինչը նա փոխեց մահացու վտանգի հետ, ինչով նախանշված է դերագույն իշխանությունը կրողի կյանքը. այդ վտանգին Պատրիսիո Արագոնեսը ենթարկվեց բոլոր այն արարողություններում, որտեղ առաջին հիմնաքարերն էին դրվում, որտեղ երկրորդները չէին դրվելու, այն Հանդիսությանը, որտեղ ինչ-ինչ ցուցահանդես էին բացում, եւ ինքը կտրեց ժապավենը, իսկ շուրջը վխտում էին խաբուսիկ եւ անհասանելի թշնամիներ, գեղեցկության թագուհիների օժման անհաշիվ ծեսերին. գեղեցկուհիներին նա չէր համարձակվում ավափիլ ինչպես Հարկն է, քանզի Հաշտվել էր իր խեղճ ճակատագրի հետ. անշուշտ, այս ամենին նա տրվեց ոչ ազահուլթյունից եւ ոչ էլ համոզմունքից, պարպապես այլ ելք չունեի, որովհետեւ ամսական հիսուն պետ աշխատավարձով ցմահ նմանակի պաշտոնը, արքա չլինելով արքայազայի ապրելու հնարավորությունը նրան շնորհվել էր մահապատժի փոխարեն. այլեւս ի՞նչ հրաժարվելու մասին է խոսքը: Բայց մի գիշեր պրեզիդենտը ընկճված Պատրիսիո Արագոնեսին տեսավ ծովափին, Հասմիկի բուրումնավետ թփի տակ Հառաչելիս եւ անկեղծ անհանգստացած Հարցրեց, թե ինչ է պատահել. հո չէ՞ր թունավորել ճաշին, կամ գուցե չար աչք է դիպել, որ այդպես ծեծված է երեւում, կծկված. եւ Պատրիսիո Արագոնեսը պատասխանեց. «Ոչ, իմ գինեիրալ, ավիկի վատ բան է կատարվել»: Եվ իսկույն էլ պարզվեց, որ շարափ օրը նա թագադրիլ էր պարահանդեսի թագուհուն, պարել նրա հետ առաջին վախճ ու հիմա ոչ մի կերպ չի կարողա-

նում գտնել այդ հիշողութիւնը ճանապարհ գցելու դուռը, չի գտնում փախուստի ուղին, քանզի այդ կինը, աշխարհի ամենագեղեցկուհին նրանցից է, ուլքեր թեւ լալն են, բայց մերը չեն, իմ գեներալ. եթե՞ միայն տեսնեիք նրան: Եվ այդժամ, թեթեւացած շունչ քաշելով, գեներալն ասաց, որ կնկա Համար այդպես Հալումաշ լինելը բանի նման չէ, սակայն ինքը Հասկանում է՝ Պատրիսիոն պարզապես անկնիկ է մնացել, եւ առաջարկեց փախցնել գեղեցկուհուն, ինչպես ինքն է փախցրել շատ անգամներ անմատչելի թվացողներին, որոնք Հետո մեծ բավականությամբ էին ապրում իր Հետ: «Ես կպառկեցնեմ նրան քո մահճակալին,- ասաց նա,- չորս զինվոր կբռնեն նրա ձեռքերը եւ ոտքերը, քանի դեռ դու զբաղված կլինես նրան ճաշակելով: Թող նա դիմադրի... Տանձիդ... նույնիսկ ամենասրբերն են սկզբում չարանում, այս ու այն կողմ շուտ գալիս, իսկ Հետո աղաչում են՝ չլքեք ինձ, իմ գեներալ, կծած խնձորի նման ինձ դեն չչալտեք»: Սակայն Պատրիսիո Արադոնեսը չբավարարվեց այդքանով, ավելին էր ուզում, սեր էր ուզում, ցանկանում էր սիրելի լինել, որովհետեւ, սուսց նա, այդ կինը աննման է, գիտե, թե ինչ բան է սերը, գիտե՞ ինչն ինչոց է, ինքներդ կՀամոզվեք, իմ գեներալ, երբ տեսնեք նրան: Եվ այդժամ գեներալը մեղմացրեց Պատրիսիոյի հոգսը, որպես փրկության բանաձեւ մատնացույց անելով թաքուն այն արահետները, որ տանում էին տիրոջ կանանոց-ննջասենյակները, եւ թույլատրեց նրան օգտվել սրտին ուզածի չափով, միայն թե իր պես, աքլորի նման, մի ցատկով, առանց մերկացնելու ու մերկանալու. եւ Պատրիսիո Արագոնեսը բարեխղճորեն սողոսկեց ուրիշի սիրո ճահիճը, Հավատալով, թե այդ կերպ կկարողանա խեղդել սեփական կիրքը, սեփական ցանկութիւնը, բայց կիրքն այնքան մեծ էր, ցանկութիւնն այնքան ուժեղ, որ նա, պատահում էր, մոռանալով պայմանը, գործում էր անշտապ, վայելքով, ոգեշնչված, արթնացնելով նույնիսկ քնքշանքից ժլատ, ամենասառը կանանց, կենդանացնելով նրանց քարացած զգացմունքները, ստիպելով տնքալ Հաճուքից եւ զարմացած Հրճվել մթության մեջ. «Ա՛յ, քեզ բան, օր-ծերության ավելի անխոնջ եք դառնում, իմ գեներալ...»: Եվ այդ ժամանակից սկսած ոչ ոք՝ ո՛չ գեներալը, ո՛չ Պատրիսիոն, ո՛չ էլ կանանցից որեւէ մեկը, չէր կարող իմանալ, թե ումից է սաղմնավորվել այս կամ այն երե-

իսան, որն է ուժ տշան եւ ով է ուժ Հայրը, որովհետեւ Պատրիսիո Արագոնեսից, ինչպես եւ գեներալից, միայն օրապակասներ էին ծնվում: Ահա այդպես եղավ, որ Պատրիսիո Արագոնեսը դարձավ պալատականներից ամենամտերիմը, ամենասիրելին եւ, թերեւ, ամենասարսափելին, իսկ գեներալը Պատրիսիոյի շնորհիվ ազատ ժամերի մեծ պաշարի տեր դարձավ, սկսեց զբաղվել ռազմական ուժերով, ներդրեց իր ողջ ուշադրութիւնը, ինչպես այն ժամանակ, երբ ստանձնեց բարձրագույն պաշտոնը: Բայց նա զբաղվում էր ռազմական ուժերով ոչ այն պատճառով, որ իր իշխանութեան հիմքը բանակն էր համարում: Ընդհակառակը: Նա կարծում էր, որ ռազմական ուժերը իր ամենաերդկյալ թշնամիներն են եւ այս համոզմունքին էլ համապատասխան ձգտում էր իրար դեմ լարել սպաներին. մեկի ականջին շնչում էր, թե իր նկատմամբ որոգայթներ են լարում մյուսները, այս ու այնտեղ տեղափոխելով, նշանակումներով, նա այնպես էր խառնշտորում նրանց ճակատագրերը, որ անհնարին դառնար դավադրութիւնը. նա զորանոցներ էր ուղարկում փամփուշտներ՝ տասից ինը դատարկ, ծովի ավազով խառնված վառոդ էր մատուցում, իսկ ինքը ուներ գերազանց զինանոց, որ տեղավորված էր պալատի նկուղներից մեկում. նկուղի բանալիները թաքուն զրնգում էին այլ դռների բանալիների հետ միեւնույն փնջում եւ յուրաքանչյուր բանալուց գոյութիւն ունեւ միայն մեկը. միայն ինքն իրավունք ունեւ բաց անել զինանոցը՝ ստվերի պես ուղեկից-պահակ ունենալով գեներալ Ռոդրիգո դե Ագիլարին, իր թանկագին ընկերոջը, կադրային հրետանավորին, որը զբաղեցնում էր պաշտպանութեան մինիստրի, պրեզիդենտական գլխաւորի հրամանատարի եւ ազգային անվտանգութեան ծառայութեան պետի պաշտոնները. նա մեկն էր սակավաթիվ այն մահկանացուներից, որին թույլատրվում էր հաղթել գեներալին դոմինո խաղում,- չէ՞ որ Ռոդրիգո Ագիլարն էր կորցրել աջ ձեռքը՝ ուժանակի լիցքը վնասագերծելիս, մի քանի բույս առաջ այն պահից, երբ անցնելու էր պրեզիդենտական կառքը մահափորձի համար նախատեսված վայրից: Գեներալ Ռոդրիգո դե Ագիլարի թիկունքում եւ Պատրիսիո Արագոնեսի դեմքով նա իրեն այնքան ապահով էր զգում, որ բթացրեց ինքնապաշտպանութեան բնագործ, սկսեց հայտնվել մարդկանց ավելի ու ավելի հաճախ, հա-

մարձակվեց գրոսնեկ քաղաքում միայն համհարգի ուղեկցությամբ, առանց գերբի սովորական կառքով, որի վարագույրը ետ քաշելով՝ նայում էր ոսկեգույն քարերով շարված, չքեղ պրեզիդենտական չորովարտակով աշխարհի ամենագեղեցիկը հռչակված տաճարին, նայում էր հինավուրց, աղյուսաշեն տներին, որոնց չքամուտքերում քարացի էր հեռավոր, ննջող ժամանակը, արեւածաղիկներին, որ դեղին երեսներով ծովի կողմն էին շրջվում, սալիկապատ փողոցներով փոխարքայական թաղամասին, որտեղից այրված մոմերի հոտ էր գալիս, որի պատշգամբներում մեխակով ծաղկամանների, պատատուկների կանաչ թելերի ոստայնում նստոտած քարե առաքինի արտահայտությունները աղջիկները շուղերով անվերջ մանյակներ էին հյուսում. նայում էր բիսկայեկների մենաստանի պատուհանների մուկթ խոռոչներին, որտեղից կեսօրվա ճիշտ ժամը երեքին լսվում էր կլավիկորդային այն նույն վարժութունը, ինչը լսվում էր անհիշելի ժամանակներից,- այդ վարժանքով էր իր ժամանակին նշանավորվել առաջին գիսաստղի Հայտնությունը: Իսկ մի անգամ նա մտավ առեւտրական թաղամասի բարեխոյան իրարանցման մեջ եւ կտրեց-անցավ ողջ թաղամասը, որ հոնդում էր անտանելի երաժշտություն, նայելով վիճակախաղի տոմասկների դրասանգներին, գուլարապոյով լի սայլակներին, իգուանների՝ ձվերի բլրին, թուրքական կրպակներին, ծնողներին չլսելու համար կարիճ դարձած աղջկա՝ արեւից ճերմակած սարսափելի դիմանկարին, այրի կանանց նրբանցքի խղճուկ խրճիթներին,- երեկոյան դեմ մերկ այդ կանայք Հայտնվում են կրպակների դիմաց, որպեսզի մի քանի ձուկ գնեն ընտանիքների համար եւ միաժամանակ հոգիները թեթեւացնեն Հայհոյելով կանաչի վաճառողներին՝ մինչեւ վարպետորեն զարդաքանդակված փայտե պատշգամբներում չորանա սպիտակեղենը. հետո նրա քթին նեխող խխունջների հոտ դիպավ. նա տեսավ հեռավոր ու պայծառ մի լույս, որ հավալուսնի երամ էր, եւ աչքերը շողվեցին ծովախորչի երկայնքով տնկված բլրակներին կառչած նեգրական տնակների խայտաբղետությունից, եւ հանկարծ երեւաց նավահանգիստը. նավահանգիստը... փտած, խոնավ տախտակներից պատրաստված

\* Գուլարապո - շաքարեղեղնի գինի:

\*\* Իգուան - վիթխարի մողես:

նավամատուց, երկար, ճշմարտությունից էլ մռայլ, հինավուրց ու կառանկած դեսանտայինների զրահանավ: Եվ այստեղ կառքը քիչ մնաց անխիւսերի տակ տրորեր բեռնակիր նեգրուհուն, որը ետ ցատկեց, ազատելով անսպասելիորեն շրջվող, ասես ինչ-որ բանից վախեցած կառքը, եւ նրան թվաց, թե տեսավ Հենց իրեն՝ մահին, որը համաշխարհային վիշտն իր մեջ առածի հայացքով զննում էր նավահանգիստը: «Նա է,- ճչաց ցնցված նեգրուհին:- Նա է: Կեցցե՛ իսկական տղամարդը».- «Կեցցե՛»,- բղավեցին տաղավարներից ու չինական խորտկարաններից, ամեն կողմից մոտ վազող տղամարդիկ, կանայք, տղաներ: «Կեցցե՛, կեցցե՛, կեցցե՛»,- ճչում էին նրանք, ուլքեր բռնեցին կատաղած ձիերի սանձերը, եւ ուլքեր շրջապատեցին կառքը, որպեսզի սեղմեն իշխանության ձեռքը. ներշնչված ողջ այս ամբոխը գոյացավ այնպես անմիջականորեն եւ, որ գլխավորն է, այնպես արագ, որ նա հազիվ հասցրեց մի կողմ հրել համհարզի ատրճանակը սեղմած ձեռքը, ճչալով. «Ձի կարելի վախկոտ լինել, լեյտենանտ, նրանք սիրում են ինձ, մի խանգարեք նրանց»: Նա ծայր սատիճան հուզվեց սիրո նման պոռթկումից եւ համանման արտահայտություններից, որ տեսավ հաջորդ օրերին, այնպես որ Ռոզրիգո դե Ազիլարին հարկ եղավ մեծ ջանք թափել փոխելու բաց կառքով զբոսնելու նրա վճիռը.- «Թող երկրի հայրենասերները տեսնեն ինձ ոտքից գլուխ: Ոչ մի վտանգ չկա, դատարկ բաներ են»: Նա գլխի չէր էլ ընկնում, որ նավահանգստում ծագած հայրենասիրական հրճվանքի պոռթկումն էր միայն եղել տարերայնորեն, իսկ շարունակությունը կազմակերպվել էր անվտանգություն ծառայություն կողմից, որպեսզի առանց վտանգի ենթարկելու սիրաշահեն գեներալին. կյանքի աշնանամուտին նա այնպես էր հուզվել իր անձի նկատմամբ ցուցաբերված սիրուց, որ երկարամյա մեկուսացումից հետո համարձակվեց դուրս գալ մայրաքաղաքից, հրամայեց բորբոքել աղգային դրոշի դույնով ներկված Հին գնացքի հնոցը, եւ գնացքը կատվի նման մաղցելով հուսահատություն եւ վշտի թագավորություն քրվերը, սողալով խուրճների եւ ամազոնյան հինածաղիկների մացառուտների միջով, վախեցնելով կապիկներին, դրախտահավերին ու երկաթուղազծերին քնած ընձառյուծներին, քարչ եկավ երկրով մեկ դեպի ճյուղապատ գյուղերը, պրեզիդենտի հարազատ վայրերը, որ

կորել էին մերկ սարահարթի ամայի անկյուններում. կայարաններում նրան դիմավորում էին ծուլ, կարծես Հոգեհանգստի թախժալի երաժշտությամբ, զողանջում էին զանգերը, ծածանվում գեներալին սուրբ երրորդությունից աջ նստող առաքյալ Հռչակող ցուցանակներ. գնացքի մոտ քշել-բերել էին հնդկացիներին՝ ցույց տալու իշխանության դեմքը, որ թաքնվել էր պրեզիդենտական վագոնի անդրչորիմյան կիսախավարում, սակայն ովքեր շատ մոտեցան, փոշոտ լուսամուտից այն կողմ տեսան միայն զարմանքից լայն բացված աչքեր, թրթռացող չրթներ, ողջույնի համար վեր տնկած, չուված մատներով մի թաթ, որն ասես կախված էր օդում, ինքն իր համար, որովհետեւ նկատելի էր չուված այդ թաթը միայն եւ ոչ թե ուղ ձեռքը: Պահակախմբի գնդապետը փորձեց հեռացնել նրան լուսամուտից. «Ձգուչացեք, գեներալ, դուք պետք եք հայրենիքին», - ինչին նա առարկեց համոզվածությամբ. «Մի հուզվիր, գնդապետ, այս մարդիկ սիրում են ինձ»: Հետո նա գնացքից տեղափոխվեց գետային, անվավոր շոգենավ, որի պիանոլայի ստեղների նման փայտյա թիերը իրենց ետեւից ջրերի վրա թողնում էին լայն ու սահուն, վալսի պարաքայլեր հիշեցնող շրջաններ, իսկ շոգենավը լողում էր գարդենիայի տտիպ հոտերի եւ ծանծաղուտներում նեխող հասարակածային սալամանդրների գարշահոտության միջով, շրջանցում գիշատիչ մողեսների ոսկորներից կազմված նախապատմական կուտակումները եւ աստծուց մոռացված, ծանրամարմին ծովահարսերով բնակեցված կղզիները, լողում էր, իսկ հեռվում բոցկլտում էր անհետացող հսկայական քաղաքների հրդեհին նմանվող արեւմուտքը, իսկ գետափին հայտնվում էին տոթից խարկված աղքատիկ բնակավայրեր. մարդիկ գետափ էին դուրս թափվում տեսնելու ազգային դրոշի գույնով ներկված շոգենավը եւ հագիվ էին նշմարում մետաքայա ձեռնոցով ձեռքը, պրեզիդենտական խցիկի պատուհանից ծուլ թափահարվող ձեռքը, իսկ նա, նկատելով, թե ինչպես են գետափի մարդիկ թափահարում մալանգայի տերեւները, որ դրոշին էին փոխարինում, քանզի աղքատիկ այդ գյուղերում դրոշներ չկային, տեսնելով, թե ինչպես են ոմանք ջուրը նետվում, որպեսզի լող տալով շոգենավ հասցնեն՝ որը կենդանի այծիկ, որը վիթխարի, փղի ոտնաթաթի մեծության նյամեի պալարներ, որը զամբյուղով լի թռչուններ՝ պրեզիդենտա-

կան խոհանոցի համար, հուզված հոգոց հանեց խցիկի եկեղեցական խավարում. «Տեսեք, կապիտան, նրանք լող են տալիս իմ ետեւից: Ինչպե՞ս են նրանք սիրում ինձ»:

Դեկտեմբերին, երբ կարիքյան երկրներում սկսվում է դարունը, նա կառքով կտրեց-անցավ լեռնային ժապավեն-ճանապարհը, բարձրացավ ամենաբարձր լեռան գագաթին տնկված մենավոր ծիրանոցը, որտեղ մեկ-երկու իրիկուն մթնեցրեց՝ դոմինո խաղալով մայրցամաքի տարբեր երկրների նախկին բռնակալների, տարբեր Հայրենիքների տապալված Հայրերի հետ, ում տարիներ առաջ քաղաքական ապաստան էր տվել. նրանք ծերանում էին գեներալի սիրալիր հյուրընկալութան ստվերի ներքո, այդ շատախոս, կենդանի մեռելները, որ բազմում էին պատշգամբի բազկաթոռներին վերացած տեսքով, ընկղմվում ցնորական այն երազների մեջ, թե մի օր իրենց ետեւից պիտի գա իշխանութան վերադարձի ճանապարհը բաց անող նավը. այդ սպաստարանը, տարբեր Հայրենիքների նախկին Հայրերի հանգստյան այդ տունը կառուցվից, երբ նրանց թիվը աճեց, թեև գեներալի համար նրանք բոլորն էլ նույն դեմքն ունեին, որովհետև բոլորն էլ ներկայացել էին լուսաբացին, գիշերազգեստի վրա թարսուչիտակ հագած գիշերային համազգեստով, պետական գանձարանից թուցրած փողերով լի սնդուկով, արտոնագրեր, լրագրային հոդվածներով սոսնձված գրասենյակային մատյաններ եւ լուսանկարների ալբոմ պարունակող պայուսակով. նոր ժամանած Հայրենիքի նախկին Հայրերից յուրաքանչյուրը գեներալին ալբոմը ցույց էր տալիս որպես հավատարմագիր, քթի տակ խոսելով. «Տեսեք, գեներալ, այստեղ ես եմ դեռեւս լեյտենանտի կոչումով, իսկ այստեղ՝ պրեզիդենտ դասնալու օրը, իսկ այստեղ, ահա, իշխանութան գլուխ անցնելու տասնվեցերորդ տարեկիցի օրը, իսկ այստեղ...», բայց գեներալը բոլորովին ուշադրութիւն չէր դարձնում այդ ալբոմներին, որ ներկայացվում էին իբրև հավատարմագիր, քանզի համոզված էր եւ այդ մասին հայտարարում էր ի լուր ամենքի, որ տապալված պրեզիդենտի անձը հաստատող արժանահավաստ միակ փաստաթուղթը նրա մահվան վկայականն է. նա արհամարհանքով էր լսում հերթական ժամանածի փքուն ճառիկը՝ թե ինքն, ահա, ժամանել է կարճ ժամանակով, ժամանակավորապես. «Մինչեւ այն պահը, իմ գեներալ, քա-

նի դեռ ինձ ետ չի կանչել իմ ժողովուրդը»: Բայց գեներալը գիտեր, որ քաղաքական ասպաստան խնդրելու արարողությունն այդ մաշված ձեռակերպումները դատարկ խոսքեր են, բարբաձանք: Նա միեւնույն խոսքերը լսել էր յուրաքանչյուրից, թե՛ նրանից, ով տապալվել էր, թե՛ նրանից, ով տապալվել էր, քանզի սրան էլ էին տապալել իր հերթին: Այդ ցուանները կարծես թե չգիտեին, որ քաղաքականությունը արհուլթյուն է պահանջում, իշխանությունը մի այնպիսի սայլ է, որ եթե վրայից մի բան ընկավ, համարիք կորած, եւ իզուր է ապուշային ցնորական երազներ փայփայելը: Նոր ժամանածին նա երկու ամիս պահում էր պրեզիդենտական պալատում, հետը դոմինո խաղում, մինչեւ նախկին բռնակալը գեներալին տանուկ էր տալիս վերջին սենտավոն, որից հետո, մի գեղեցիկ օր, գեներալը նրան ծովահայաց լուսամուտի մոտ էր տանում, սկսում հոգեփրկիչ մի գրույց, անիծում արագահոս կյանքը, որն, ավաղ, միայն մեկ ուղղություն էր ընթանում, ոչ մեկին չի բավարարում, մի խոսքով՝ կյանք չէ, այլ ձեռնաշարժություն, հավատացնում եմ ձեզ: Բայց եւ սփոփանք կա. տեսնո՞ւմ եք ժայռազլխի այն տունը: Տեսնո՞ւմ եք օվկիանոսային վիթխարի այն նավը, որ խրվել է լեռնագագաթներում: Այդ նավում ձեզ հասկացված է հրաշալի մի խցիկ՝ լուսավոր սենյակ: Մտունդը հիանալի է... Այնտեղ, որքան ուզեք, ազատ ժամանակ ունեք... Հանգստացեք բախտակից ձեր ընկերների հետ... ծովահայաց չնաչխարհիկ պատշգամբ կա այնտեղ: Նա ինքն էլ էր սիրում հանգստանալ այդ տանը, բայց ոչ այնքան առնությունը կորցրած այդ թափթփուկների հետ դոմինո խաղալու հաճույքի համար, որքան թաքուն այն ուրախություն, որ վայելում էր իր վիճակի առավելությունը զգալով. ինքը նրանցից մեկը չէ. եւ նա վայելում էր իր վիճակը, այդ ոչնչություններին, մարդկային այդ ճահճին նայելով նա ձգտում էր ապրել սիրտն ուզածին պես, ձգտում էր իրականացնել քաղցր անուրջները, հագուրդ տալ մեղսալի ցանկություններին. ոտնաթափիրի վրա հետապնդում էր հեշտ տրվող մուկատուհիներին, որոնք վաղ առավոտվա ժամերին ալլում էին տունը, ետեւներից ընկած չնչում էր այդ կանանց բնորոշ բրիլիանտինի եւ ընդհանուր ննջասենյակների գեշ հոտը եւ սպասում, մինչեւ որ մեկի հետ մնում էր մեն-մենակ, որպեսզի տրորեր նրան, ինչպես աքլորը հավին՝ որ



անկյունում էլ պատահեր, եւ լսեր նրա կշկչոցը, սրտաբաց քրքիջը. «Բայց դուք պապակ եք, իմ գեներալ, եւ անկուշտ՝ ձեր տարիքին ոչ համապատասխան»: Բայց բուպեական սիրուց հետո նրան թախիծ էր համակում, որից փախչելով նա երգում էր որեւէ թաքուն, աննկատ անկյունում. «Օ, հունվարյան լուսին, տես, քո լուսամուտի դիմաց իմ թախիծը ելել է կառափնարան»: Դրանք առանց չար նշանների, առանց վատ կանխազգացումների գարուններ էին, եւ նա այնքան վատահ էր իր ժողովրդի հավատարմության վրա, որ ճոճը կապում էր պալատից հեռու, այն մենատան բակում, որտեղ ապրում էր մայրը՝ Բենդիսիոն Ալվարադոն, եւ այնտեղ, առանց պահակախմբի, Հնդկարմավի ստվերի տակ անցկացնում մեռյալ ժամերը, երազում տեսնում ճանապարհորդ-ձկների, որ լողում էին պալատի ննջասենյակների գուլնն ունեցող ջրերում. «Հայրենիքը ամենազեղեցիկ հորինվածքն է, մայր»,- հառաչում էր նա, թեեւ բոլորովին չէր ցանկանում, որ մայրը պատասխաներ իրեն,- մայրն աշխարհում միակ մարդն էր, որ համարձակվեց ասել՝ թեւերիդ տակից գեշ հոտ է գալիս. նա կամացուկ պրեզիդենտական պալատ էր վերադառնում շքամուտքով, խաղաղված, բարեհամբույր՝ լույս աշխարհի նկատմամբ, կարիքյան գարնան, հունվարյան փիփերթի բույրերով արբած. այդ օրերին նա հաշտվեց նույնիսկ պապի նվիրակի, այսինքն Վատիկանի դեսպանի հետ եւ սա սկսեց այցելել նրան երեկոները ոչ պաշտոնական այցով, մի բաժակ շոկոլադի եւ թխվածքի սեղանի շուրջը հոգեփրկիչ զրույց բացելով, որի նպատակը գեներալին կաթոլիկ եկեղեցու գիրկը, դեսպի քրիստոնեությունը ետ տանելն էր, իսկ նա, ծիծաղից թուլանալով, ասում էր, որ եթե տեր աստվածն այդքան հզոր է, ինչպես դուք եք ասում, ապա հաղորդեք նրան իմ խնդրանքը, սուրբ Հայր, թող նա ազատի ինձ այս անպետք ծղրիդից, որ ականջս է մտել, թող փրկի ինձ այս ուռած ձվից, թող բաց թողնի միջից ավիւրով օդը: Եվ արձակելով շալվարի կոճակները, նա ցույց տվեց, թե ինչը նկատի ունի, բայց պապի նվիրակը կայուն մարդ էր, պնդում էր, որ այդուհանդերձ, ամեն ինչ ասածուց է, որ ամեն ինչ ծնվում է սուրբ հոգուց, ինչին գեներալը պատասխանում էր նույն զվարճությամբ. «Իզուր տեղը վատող մի ծախսեք, սուրբ Հայր: Ձեր ինչի՞ն է պետք իմ դարձը, եթե ես, միեւնույն է, ինչ ձեզ պետք է, այն եմ անում»:

Բայց նրա հոգեկան անդորրը անսպասելիորեն խռովվեց մի խուլ քաղաքում, ուր աքլորակույժ տեսնելու էր գնացել. Հերթական մենամարտի ժամանակ մի հզոր, գիշատիչ աքաղաղ պոկեց հակառակորդի գլուխը եւ գազանացած ամբոխի աչքի առաջ սկսեց ագահաբար կոցահարել ու խժռել, քանի դեռ հարբած նվագախումբը ի փառս հաղթողի ցնծալի տուչ էր նվագում. գեներալն իսկույն վատ նշան տեսավ աքլորակույժի ասպարեզում կատարվածի մեջ, պատահածը համարեց հրկնից ուղարկված ակնարկ՝ որ իր հետ էլ, ահա-ահա, նույնն է կատարվելու. նա զզաց դա բնագոյաբար եւ հրամայեց պահակախմբին ձերբակալել անհայտաղ եղջյուր փչող հրաժշտին. պարզվեց, որ հրաժիշտը գինված էր. տանջանքների ենթարկվելով, նա, ի վերջո, խոստովանեց, որ պիտի կրակեր գեներալի վրա, երբ ամբողջ շարժվելիս լիներ դեպի մուտքը եւ սկսվեր հրմշտոցը: «Ես դա իսկույն հասկացա, - ասաց գեներալը, - հասկացա, որ նա պիտի կրակի: Որովհետեւ ես նայում էի բոլորի աչքերին, եւ բոլորն էլ նայում էին իմ աչքերին, բացի այդ վիժվածքից, դժբախտ այդ կոտոշավորից. կնիկը կոտոշ է տնկել գլխին, դրա համար է կոտոշ փչում»: Այդ պահից գեներալը վերադառնալով սկսեց վախենալ, թե եւ հասկանում էր, որ իրեն բոլորովին էլ աքլորակույժի դիպվածը չէր հուզել, որ խնդիրը դա չէր. նրան սարսափ էր պատում ամեն գիշեր, նույնիսկ պալատի պատերի ներսում, չնայած անվտանգության ծառայության հավաստիացումներին, թե կարգին է ամեն ինչ, անհանգստության ոչ մի հիմք չկա. ահա թե երբ ավելացան Պատրիսիո Արագոնեսի հոգսերը: Պատրիսիոյի հետ գեներալը գրեթե փոխեց իր տեղը, սնում էր նրան իր անձնական կերակուրներով, հյուրասիրում անձնական ամաններում պահվող մեղրով, սփոփվում այն մտքից, թե թունավորվելիս կմեռնեն երկուսն էլ: Համենայնդեպս, ոչ միայն ինքը: Երկուսով էլ թրեւ էին գալիս պալատի հարկաբաժիններում ինչպես ստվերներ, եւ յուրաքանչյուրը ճգնում էր քայլել միայն գորգերի ու ուղեգորգերի վրայով, որպեսզի չմատնեն իրենց փղային քայլվածքը: Թվում էր նրանք իրենցից անկախ լողում էին պալատի դահլիճներով, փարոսի կանաչ լույսերի տակ. կես րոպեն մեկ բոցկլտում էին փարոսի փայլակները անհունության մեջ, որտեղ ծփում էին քնած ծովի կանաչ ալիքները, - բոցկլտում էր փարոսը, ծփում էին ալիք-

ները, եւ գիշերային շոգենավերի թախծոտ, հրաժեշտի ազդանշանները ներս էին խուժում լուսամուտից, ծովափին այրվող աթարի ծխի հետ: Եվ կամ օրեր շարունակ նայում էին թափվող անձրեւին, հաշվում ծիծեռնակներին, ինչպես սեպտեմբերյան սիրտ մաշող երկոններին վարվում են շարքից դուրս եկած սիրեկանները, եւ այնքան կտրվեցին կյանքից, որ կորցրեցին իրականության զգացողությունը, եւ գեներալի մտքով էլ չէր անցնում, որ ձգտելով ներկայացնել իրեն երկակի, միաժամանակ լինելով թե՛ այստեղ, թե՛ այնտեղ, նա իրականում հարկադրել էր մարդկանց կասկածել՝ իսկ, սուհասարակ, գոյություն ունի՞ ինքը: Չի՞ քնել, արդյոք, լեթարգիական քնով: Եվ թեեւ պահակախումբը կրկնապատկվել էր, թեեւ ոչ ոք չէր կարող պրեզիդենտական պալատ մտնել ու դուրս գալ այնտեղից, խոսում էին, թե իբր մեկին, այդուհանդերձ, հաջողվել է լինել պալատում եւ իբր այդ մեկը տեսել էր սատկած թռչնակներով վանդակներ, մկրտություն ավագանից, ինչպես սովորական գուռից շուր խմող կովի, բուրումնապիտ վարդաթփերի տակ քնած կաթվածահարներ ու բորոտներ, եւ ողջ երկիրը քարացավ սպասման մեջ, կարծես կեսօրից հետո կրկին լուսաբաց էր լինելու, որովհետեւ լուր տարածվեց, թե նա մեռել է այնպես, ինչպես կանխատեսել էր ժամանակին գուշակ-պայծառատեսը՝ ջրով լի կոնքին նայելով,- մեռել էր բնական մահով, քնի մեջ, իր անկողնում, բայց,- նոր թափ էր առնում լուրը,- բարձրաստիճան պաշտոնյաները ծածուկ են պահում եղելությունը, որովհետեւ արյունալի հաշիվներ են մաքրում իրար մեջ: Նա ուչք չէր դարձնում այդ խոսակցություններին, թեեւ զգում էր, որ իր կյանքում ահա-ահա ինչ-որ բան է պատահելու եւ, ընդհատելով անվերջանալի դժմինո խաղը, հարցնում էր գեներալ Ռոդրիգո դե Ագիլարին, թե ինչ կազկա, բարեկամս, եւ սա պատասխանում էր. «Ամեն ինչ մեր ձեռքում է, իմ գեներալ, երկրում խաղաղություն է»: Բայց նա չարագուշակ նշաններ էր փնտրում այրվող աթարի կրակի օձանման լեզվակներում, բակում վառվող այդ մուսյլ խարուկներում, աչք էր գցում այլեւս լքված ջրհորների մուկթ խորքերը, որպեսզի դրանց հատակում տեսներ իր ճակատագիրը եւ, չգտնելով ոչինչ, տագնապներից բզկտված, գնում էր մոր՝ Բենդիսիոն Ալվարադոյի մոտ, նրա մենատուն, որի բակում, հնդկարմալի ստվերի տակ կարելի

էր Հաճելի պաղովթյուն շնչել. մորից սառը շունչ էր փչում. նստում էր կողքին, իր մաշված ճոճում, զառամյալ, բայց Հոգեկան ուժերով լի. եզիպտացորենի Հատիկներ էր տալիս ոտքերի տակ քջջող Հավերին ու սիրամարգերին, իսկ գեներալը, ընկղմվելով ճերմակ, Հյուսկին բազկաթռո՛ւ մեջ, գլխարկով հով էր անում ու թախճոտ աչքերով նայում բարձրահասակ մուլատուհիներին, որ իրեն վառ ներկած, պաղ մրգաջուր էին մատուցում. «Թարմացեք, ձերդ գերազանցություն»: Նայում էր ու մտածում այն մասին, ինչը ուզում էր, բայց չէր կարողանում խոստովանել մորը. «Մայր իմ, Բենդիսին Ալվարադո, հի՞հ միայն իմանայիր, թե ինչպես եմ ես ավարտվել ու չգիտեմ անելիքս այս աշխարհում, թե ինչպես եմ ուզում փախչել այս տառապանքներից, բայց ո՞ւր՝ ինքս էլ չգիտեմ»: Մայրը գլխի չէր ընկնում, թե ինչն է որդու ծանր Հառաչանքների պատճառը, ենթադրում էր, թե Հառաչում է մուլատուհիների Համար, իսկ նա, երբ վառվում էին իրիկնային առաջին լույսերը, կամացուկ վերադառնում էր պալատ՝ ծածուկ, ետնամուտքից, եւ գողունի շարժվում միջանցքներով, ականջ դնելով պարեկների ոտնաձայներին. նկատելով նրան, պարեկները զվարթաձայն գեկուցում էին. «Ամեն ինչ կարգին է, ձերդ գերազանցություն: Բացարձակ խաղաղություն է»: Բայց նա գիտեր, որ պարեկներն այդ խոսքերն ասում են ըստ սովորության, որ նրանք խաբում են իրեն, որպեսզի խաբեն նաեւ իրենց, որովհետեւ իրենք էլ են վախենում. դա մի ճգնաժամային ժամանակ էր, եւ ոչ ոք իրեն վստահ չէր զգում, թեեւ բոլորն էլ ստում էին, թե ամեն ինչ Հրաշալի է. Հատկապես անվստահությունը, անկայուն վիճակն էր մռայլում նրա գոյությունը, դառնացնում փառքը, մարում նույնիսկ իշխելու ցանկությունը: Եվ այս ամենը՝ ճակատագրական աքլորակովից Հետո: Գիշերներ շարունակ անքնությունից տառապելով, նա երեսնիվայր պառկում էր Հատակին եւ լսում բաց լուսամուտից ներս լցվող թմրուկների զարկերը, պարկապզուկի գեղգեղանքը, որ Հնչում էին աղքատ մարդկանց Հեռավոր ու Համեստ Հարսանիքներում մի այնպիսի ոգեւորությամբ, ասես իր մահն էին տոնում. լսում էր, թե ինչպես է ափից պոկվում, Հրաժեշտի ազդանշան տալով ափից Հեռանում ճարպիկ մի նավ, որ ակնհայտորեն անօրեն գործով եւ առանց թուլատրության էր գիշերվա երկուսին ծով

դուրս գալիս. յսում էր առավոտները բացվող վարդերի թղթյա շրշյունը, յսում էր ու մարմինը սառը քրտինքով էր ծածկվում եւ ծանր տնքալով, չվայելելով ոգեշնչման եւ ոչ մի ակնթարթ, քանզի նախնական բնագոր զավթել էր նրա ողջ էությունը այն երեկոյի կանխագագամամբ, երբ սովորականի նման վերադառնալով մոր մոտից, փողոցներում տեսավ անհամար մարդկանց, տեսավ, թե ինչպես են տներում լայն բացվում լուսամուտները, ինչպես են ծիծեռնակների երամները անսովոր աշխույժով կտրատում դեկտեմբերյան կապույտ երկինքը. եւ նա ետ քաշեց կառքի վարագույրը, որպեսզի ավելի լավ տեսնի անցուղարձը, եւ ասաց ինքն իրեն. «Ահա թե ինչն էր ինձ տանջում, մայր, ահա թե ինչն էր ինձ չարչարում. վերջապես կատարվեց»: Եվ նա վայրենի հանդատություն զգաց, նայելով երկնքում լողացող դուռնավոր ու անհամար փուչիկներին՝ կարմիր, կանաչ, դեղին, երկնագույն, վիթխարի նարինջներին՝ ողողված բյուրեղյա լույսով, որ հատուկ էր դեկտեմբերյան, կեսօրվա ժամը չորսի երկնքին. իսկ փուչիկները սարսափահար ծիծեռնակների միջև լող տալով՝ հանկարծ մեկին ու անձայն պայթեցին, եւ քայքայի վրա թափվեցին հազարավոր թռուցիկներ, պտտվեցին օդում, ինչպես փոթորկից առաջացած անակնկալ տերեւթափ. եւ պրեզիդենտական կառքի կառուպանը պահից օգտվելով՝ կառքը դուրս բերեց մարդկային ջրապտույտից: Բայց ոչ ոք էլ ուշք չդարձրեց կառքին, չճանաչեց, որովհետեւ բոլորն էլ զբաղված էին թռուցիկներ որսալով, հավաքելով - բոլորը, իմ գեներալ: Թռուցիկների տեքստը բարձրաձայն կարգում էին պատշգամբներից, բոլոր խաչմերուկներում ճիչեր էին լսվում. «Կեցցե՛ր ժողովրդի եւ բոլոր դասակարգերի միասնությունը՝ հանուն դարավոր բռնակալության դեմ մղվող պայքարի: Կեցցե՛ր բոլոր հայրենասերների միությունը՝ հանուն ծախսե զինվորականության դեմ մղվող պայքարի: Կորչի կաշառակերությունը: Վերջ արյունահեղությանը: Վերջ կողոպտոտին»: Ողջ երկիրն արթնացել էր հազարամյա քնից ճիշտ այն պահին, երբ նա կառքում նստած՝ իմացավ սարսափելի լուրը. «Իմ գեներալ, Պատրիսիո Արագոնեսին թունավոր նետով մահացու վիրավորել են»:

Մի քանի տարի սուաջ տանջվելով իրիկնային ձանձրույթից,

վատ տրամադրութեան մեջ նա Պատրիսիո Արագոնեսին առաջարկել էր խաղարկել իրենց կյանքը՝ մանրադրամ գցելով: «Գցենք մանրադրամը,- ասել էր նա,- եւ եթե «արծիվ» դուրս գա՝ կմեռնես դու, եթե՝«գիր»՝ ես»: Պատրիսիո Արագոնեսին առարկեց, ասելով, որ մեռնելու վիճակը երկուսին էլ կընկնի, որովհետեւ որքան էլ գցեն, միեւնույն է, կլինի ոչ ոքի. «Մի՞թե մոռացել եք, իմ գեներալ, որ պրեզիդենտական կիսադեմը դրոշմված է դրամի երկու կողմերում»: Այդժամ գեներալն առաջարկեց խաղարկել իրենց կյանքը դոմինոյով. քսան խաղից ով ավելին Հաղթի, նա էլ ողջ կմնա: «Լավ,- ասաց Պատրիսիո Արագոնեսը,- մեծ Հաճույքով, իմ գեներալ: Բայց մի պայմանով. դուք պիտի ինձ իրավունք շնորհեք Հաղթել ձեզ»: Իրավունքը շնորհվեց, նրանք նստեցին խաղալու, եւ Պատրիսիո Արագոնեսը, որ մինչ այդ տանուկ էր տալիս, որովհետեւ արգելված էր Հաղթելը, շահեց բոլոր քսան խաղափուկերը, բոլոր քսան դաժան մենամարտերը եւ թուլացած ձեռքերով մաքրելով դեմքի քրտինքը, ասաց Հառաչելով. «Ինչ արած, իմ գեներալ, ցավում եմ, բայց ես չեմ կամենում մեռնել»: Եվ այնժամ գեներալը փայտյա արկղիկի մեջ խնամքով, շարքը շարքի վրա դասավորելով դոմինոյի ոսկյա քարերը, ասաց երգեցիկ ձայնով, դասը բացատրող դպրոցական ուսուցչի պես՝ Հատ-Հատ, թե ինքն էլ Հարկադրական մահով մեռնելու ցանկութուն չունի, Հատկապես դոմինո խաղում տանուկ տալով, մանավանդ, որ մեռնելու է բնական մահով, սահմանված ժամանակին, իր անկողնում, քնի մեջ, ինչպես կանխատեսել էր Հեռավոր օրերում գուշակ-պայծառատեսը՝ ջրով լի կոնքին նայելով: «Ասենք,- շարունակեց նա,- եթե լավ մտածենք, ամեն ինչ այնքան էլ պարզ չէ, քանի որ մայրս՝ Բենդիսիոն Ալվարադոն, ինձ նրա Համար չի ծնել, որ կարդամ եղանով ջրի վրա գրածը, ծնել է, որ իշխեմ: Եվ, առհասարակ, ես ես եմ եւ ոչ թե դու, եւ փառք տուր աստծուն, որ այս բոլորը կատակ էր սոսկ»: Նա այդ պահին չէր մտածում, թե կատակ չէ, չէր ենթադրում, որ շուտով իրենցից մեկնումեկին, իրոք, մահվան վիճակ էր ընկնելու: Եվ ահա, կատարվեց:

Նա մտավ Պատրիսիո Արագոնեսի սենյակը եւ տեսավ նմանակին վերջին ջրածգումների մեջ. փրկութեան Հույս չկար, չափից ա-

վելի էր եղել թուլյնի բաժինը նետի ծայրին: Եվ, ահա, նա ներս մտավ ու շնից ողջունեց Պատրիսիոյին վեր բարձրացրած ձեռքով, հռոմեացու պես. «Թող օրհնի քեզ աստված, իմ քաջ: Մեծ պատիվ է՝ մեռնել Հայրենիքի համար»: Եվ հետո, նստելով մեռնողի անկողնու մոտ, սպասեց այնքան, քանի դեռ շարունակվում էր հույս-վարքը, իր իսկ ձեռքով մատուցեց ցավերը մեղմող դեղորայք, խմեցրեց դրանք գրալով, իսկ Պատրիսիո Արագոնեսը, թեև չէր հրաժարվում խնամքից, սակայն ընդունում էր առանց փոքր իսկ երախտագիտության, եւ կուլ տալով դեղի հերթական բաժինը, անկեղծորեն ասաց այն ամենը, ինչ մտածում էր այդ պահին. «Ես կարճ ժամանակով եմ ձեզ թողնում այս կեղտոտ կյանքում, իմ գեներալ... սիրտս գուշակում է, որ մենք շատ շուտով կհանդիպենք դժոխքի ամենախորքում. ես՝ կապկաված ծովային հանգուցյով, այս թուլյնից եռածալ գալարված, դուք՝ ձեր սեփական գլուխը ձեռքներումդ բռնած, չիմանալով, թե ուր խցկեք... Ներեցեք անկեղծությանս համար, իմ գեներալ, բայց հիմա ես ասում եմ միայն ճշմարտությունը... հիմա ես կարող եմ ասել, որ երբեք չեմ սիրել ձեզ... այդ դուք եք ձեր գլուխը մտցրել, թե սիրում եմ ձեզ... այնինչ ես ձեզ միշտ էլ ատել եմ... այն պահից ի վեր, երբ ձեր ողորմածությամբ կորցրեցի իմ ազատությունը... դրկվեցի աղաւթափառաշրջիկի կյանքով սպրելու հնարավորությունից... այդ պահից ես ամեն օր աղոթում էի, որ դուք մեռնեք՝ տանջալից կամ հանգիստ մահով, մեկ է, միայն թե մեռնեք, միայն թե ձեր կյանքով վճարեք խեղանդամված իմ կյանքի դիմայ... ձեր ողորմածությամբ, ախր, ինչպե՞ս վարվեցին ինձ հետ... փայտյա մուրճերով հարթեցրին իմ ներբանները, այլանդակեցին ոտքերս, մինչև երանք դարձան ձերի նման՝ Հարթաթաթ, մինչև սկսեցին շարժվել դանդաղ, լուսնոտի ոտքերի նման... ծակծկեցին ամորձապարկս կոշկակարի բզով, որպեսզի ես էլ ճողվեմ... ստիպեցին սկիպիրար խմել, որպեսզի ետ վարժվեմ կարգալ-գրելուց, մոռանամ քերականությունը, որովհետեւ դուք էլ չպիտեք... Եթե իմանայիք, թե որքան է տառապել խեղճ մայրս ինձ ուսում տալու համար... դուք ինձ ստիպում էիք կատարել ձեր անվերջանալի շքերթապաշտոնական պարտականությունները ոչ թե այն պատճառով, որ պահում էիք ձեզ այլ, ավելի կարեւոր, հայրենիքին առավել անհ-

րաժեշտ գործերի համար, ինչպես կրկնում էիք հաճախ, այլ որովհետեւ՝ նույնիսկ ամենաքաջի հետույքն է սառչում սարսափից, երբ գեղեցկուկության մրցույթում, հերթական պոռնիկին թաղաղբիլիս, չես իմանում, թե որ կողմից է ահա-ահա վրա պրծնելու մահը... ներեցեք անկեղծությանս համար, իմ գեներալ...»: Գեներալը, սակայն, խայթվեց ոչ այնքան Պատրիսիո Արագոնեսի հանդուժողունից, որքան՝ երախտամոռությունից. «Դո՛ւ, այդ դո՛ւ ես ասում... դու, որ այստեղ ապրում էիր արքայի պես, ում տվեցի ես այն ամենը, ինչ չեմ տվել երբեք եւ ոչ մեկին: Նույնիսկ սեփական կանանցս եմ քեզ տվել»: Բայց այստեղ Պատրիսիո Արագոնեսն ընդհատեց նրան. «Պետք չէ խոսել այդ մասին, իմ գեներալ... Լավ է մարդ կուտված լինի, քան ընկնի դժբախտ այդ կանանց, տանջահար այդ մայրերի վրա, լավ է կուտված լինի, քան պառկեցնի դրանց, ինչպես հորթերին են պառկեցնում խարանելու, այն տարբերությամբ միայն, որ հորթերը քացի են տալիս ու բառաչում, իսկ սրանք անտարբերությամբ դեմ են անում նիհար կուկերի քամակի նման հետեւները, շարունակելով կարտոլ կլլպել կամ ձայն տալով ընկերուհիներին՝ որ հետեւեն օջախին դրված բրնձի շիլային՝ հանկարծ չայրվի, մինչ ինքը զբաղված է այդ գործով... Միայն դուք կարող եք այդ բուժ կենսակցությունը սեր կոչել, իմ գեներալ, որովհետեւ ուրիշ ոչինչ դուք չեք տեսել երբեք... ներեցեք անկեղծությանս համար»: Եվ այնժամ նա բղավեց. «Լո՛ւի՛ր: Չայնդ կտրիր, գրողը քեզ տանի: Կտրի՛ր ձայնդ, թե չէ վատ կլինի»: Բայց Պատրիսիո Արագոնեսը շարունակեց շատ հանգիստ ու կշռադատված. «Ոչ, ես չեմ լուի, իմ գեներալ... Դուք ի՞նչ կարող եք ինձ անել... Սպանե՛լ... առանց այն էլ ես համարյա մեռած եմ... ավելի լավ է, մի փախցրեք առիթը, լսեք այն ամենը, ինչ ոչ ոք եւ երբեք չի ասի ձեզ, թեեւ այդպերպ մտածում են բոլորը... ձեզ չէ՞ որ ասում են միայն այն, ինչ դուք եք ցանկանում լսել... Գլուխ են խոնարհում, քծնում, իսկ զրպաններում գինք են պահում... Դուք ինձ շնորհակալ պիտի լինեք անկեղծության համար, իմ գեներալ... Ես միակն եմ, որ խղճում եմ ձեզ... Ես խղճում եմ ձեզ, ինչպես ոչ մեկն աշխարհում չի կարող խղճալ... որովհետեւ պատահականության բերումով, բախտի քմահաճույքով ես գրեթե նույն մարդն եմ, ես չէ՞ որ ձեր նմանակն եմ... ահա թե ինչու եմ ազնվորեն ասում այն ա-



մենք, ինչ չեն համարձակվի ասել երբեք ուրիշները, թեև մտածում են նույնիերպ... Բանն այն է, իմ գեներալ, որ դուք բոլորովին էլ պրեզիդենտ չեք... Ոչ ոք ձեզ չի համարում օրինական պրեզիդենտ... Դուք նստած եք պրեզիդենտական աթոռին, որովհետև ձեզ նստեցրել են անգլիացիները... Իսկ նրանցից հետո յանկիները ձեզ օգնեցին իրենց զրահանավի մի գույգ մահաբեր ձվերով... Ես չե՞ որ տեսա, ես չե՞ որ հիշում եմ, թե ինչպես էիք դուք, բզբզի նման, շփոթված վազվզում, գլուխներդ էիք կորցրել, երբ գրինգոները բղավեցին ձեր վրա: «Վերջ: Կմնաս մենակ կեղտոտ այս բուլանոցում: Տեսնենք՝ ինչպես ես առանց մեզ գլուխ հանելու»: Եվ եթե այդ օրից դուք չեք իջել եւ մտադիր էլ չեք իջնել ձեր աթոռից, ապա բոլորովին էլ ոչ այն պատճառով, որ շատ է դուր գալիս աթոռը... ոչ, պարզապես անհնար է այդ քայլն անելը... Գաղտնիքը սարսափով պետք է բացատրել... Խոստովանեք, իմ գեներալ, դուք քաջ գիտեք, որ եթե փողոց ելնեք հասարակ մահկանացուի տեսքով, ապա մարդիկ կհարձակվեն ձեզ վրա, ինչպես որսաչները, որ պեսգի վրեժխնդիր լինեն Սանտա-Մարիա-դել-Ալտարի զանգվածային կոտորածի համար... բերդախրամը նետված, կոկորդիլոսներին ողջ-ողջ որպես կեր տրված բանտարկյալների համար... նրանց համար, ում վրայից քերթիլ են մաշկը եւ ուղարկել դժբախտների ընտանիքներին, որպեսգի դարուղարեր չմոռանան այդ դասը...»: Այսպես խոսեց Պատրիսիո Արագոնեսը, խոսեց ու խոսեց, հին վիրավորանքների անհատակ ջրհորից հանելով սոսկայի հիշողությունների անհատների քարերը, ասես ջոկջկում էր դրանք, ասես աղոթք էր հորինում ի հիշատակ հրեշային բռնակարգի զոհերի: Բայց հանկարծ նա լռեց, որովհետև անտանելի ցավը շիկացած փոցիերով ծվատեց նրա ներսը ու քիչ մնաց կանդ առնեի սիրտը: Սակայն կրկին ուշքի գալով, նա շարունակեց կամացուկ, առանց վիրավորական բառերի, աղերսալից ձայնով. «Իմ գեներալ, բաց մի թողեք այս հարմար պահը... մեռեք ինձ հետ... ձեզ համար ամենահիշտը մեռնելն է... ով՞ ով, բայց ես դա լավ գիտեմ... ես չե՞ որ դուք եք, թեև, աստված վկա, երբեք չեմ ցանկացել նմանակել մեծությանը, դառնալ հայրենիքի հերոս, բայց այդպես ստացվեց... և ես գիտեմ, թե ինչ կյանք է ձեր կյանքը... այլ կյանքերի հետ կարող եմ համեմատել... որովհետև հոգուս խորքում ես միշտ էլ հա-

սարակ ապակի փչող եմ մնացել, մեկը նրանցից, ովքեր Հորս նման շշեր էին փչում... Մի սարսափեք, իմ գեներալ, մահն այնքան էլ ցավոտ չէ, որքան թվում է...»: Նա այս խոսքերն արտասանեց այնպիսի Համոզականությամբ, այնպես անկեղծ ու ազդեցիկ, որ մեր գեներալն իր մեջ չարություն չգտավ առարկելու: Նա մնաց տեղում նստած, բռնում էր մեռնողին, որ վայր չընկնի անկողնուց, երբ սկսվեցին վերջին ջղաձգումները, ցնցումները, երբ Պատրիսիոն երկու ձեռքով բռնեց փորը եւ հեկեկաց ցավից ու ամոթից. «Օ, տեր աստված: Ես չարվարումս արեցի, իմ գեներալ»: Նա կարծեց, թե Պատրիսիոն փոխաբերական իմաստով այդպես արտահայտվեց, կարծեց թե ասվածը պետք է հասկանալ որպես վերջին պահին մահից վախենալու խոստովանություն, սակայն Պատրիսիոն կրկնեց, որ չարվարի մեջ է արել ոչ թե փոխաբերական, այլ ամենատղիղ իմաստով, եւ մեր գեներալը ճչաց. «Աղաչում եմ, Համբերիր մի քիչ, գսպիր քեզ: Հայրենիքի գեներալները պետք է մեռնեն տղամարդայի՛լ ինչ գնով էլ լինի»: Բայց արդեն ուշ էր ոգեկոչելու Հայրենասիրական զգացմունքները, քանզի Պատրիսիո Արազոնեսը փռվել էր հատակին եւ ոտքերն իրար քսելով ճռճոճ էր վերջին հոգեվարքում ամբողջովին լլուզված կեղտով ու արցունքի մեջ կորած: Նիստերի դահլիճին կից առանձնասենյակն ջրահանյալում գեներալն անձամբ լողացրեց Պատրիսիոյի մարմինը, հագցրեց իր հագուստը, որ հանել էր վրայից ու մնացել այնպես, ինչպես մայրն էր լույս աշխարհ բերել. նա վրայից հանեց նույնիսկ բրնձենտե կալանդը, փոշտանկը պահող կալանդը եւ քաշեց Պատրիսիոյի վրա. ոտքերին հագցրեց իր ճոքավոր կոշիկները, ձախին ամրացնելով ոսկյա խթանը: Այս բոլորը նա արեց խոր վշտի մեջ, անհուն մենության զգացումով համակված, գիտակցելով, որ այսուհետ ամբողջ աշխարհում ինքը դարձավ ամենամիայնակ արարածը: Այս զգացողությունը, սակայն, չխանգարեց նրան հանգամանորեն վերացնել հանգուցյալին մշակելու իր բոլոր հետքերը եւ ջանաց հիշել այն տեսիլքի մանրամասները, որ երեւաց իրեն գուշակ-պայծառատեսի շնորհիվ, նախնական ջրերի հայելում, փորձեց հիշել, թե ինչ դիրքով էր պառկած լինելու իր մարմինը, երբ առավոտյան նկատեին սպասուհի-հավաքարարները. երեսնիվայր, դեմքը ավերի, ինչպես բարձի մեջ խրված, առանց տարբե-

րանչանները դաշտային Համազգեստով, ճութավոր կոշիկներով, ճախին՝ ոսկյա խթան,- ճիշտ այնպես, որպեսզի ասեն, որ նա մեռել է բնական մահով, քնի մեջ, Համաձայն գուշակի վաղուց ի վեր կանխատեսման: Բայց, սպասածին Հակառակ, ոչ ոք չչտապեց Հավաստել նրա մահը. վարչակարգի ժառանգորդները խոհեմաբար սպասում էին, գաղտնի Հետազոտություններ կատարում, մեկը մյուսի Հետ բանակցում եւ դեռ Հարմար առիթով Հերքում մահվան լուրը, օգնություն Հրավիրելով մորը՝ Բենդիսիոն Ալվարադոյին, ստիպում նրան երեւալ առեւտրական թաղամասում, որպեսզի բոլորս Համոզվեինք, որ նա սգի մեջ չէ. «Վրաս ծաղկանախշ շրջազգեստ գցեցին, սենյոր, եւ ինձ, որպես մի խրտվիլակի, ստիպեցին գնել թուխակի փեսուրներով գլխարկ, Հազար ու մի զարդարանք ու դասարկ բաներ, որպեսզի բոլորը տեսնեին իմ անհույսիկունը, հրջանկությունը, թեեւ ես ասում էի նրանց, որ Հասել է արտասովելու եւ ոչ թե գնումների ժամանակը. ես, ախր, ոչինչ չգիտեի, ես մտածում էի, որ մեռել է որդիս եւ ոչ թե մեկ ուրիշը, իսկ նրանք ստիպում էին ինձ ժպտալ, երբ ինչ-որ մարդիկ լուսանկարում էին ինձ ամբողջ Հասակով. ինձ ասում էին, թե այդպես է պետք Հանուն Հայրենիքի, սենյոր»: Իսկ նա այդ ժամանակ, իր թաքստոցում նստած, տարակուսանքի ու շփոթութեան մեջ էր. «Գրողը տանի, այս ինչո՞ւ աշխարհում իմ մահից Հետո ոչինչ չփոխվեց: Ինչպե՞ս կարող է պատահել, որ արեւն առաջվա պես ծաղում ու մայր է մտնում եւ նույնիսկ ամպի չի Հանդիպում: Ինչո՞ւ, օ՛ մայր իմ, կիրակին կիրակի է մնացել, իսկ շոգը՝ անտանելի նույն շոգը, ինչպիսին իմ ժամանակ էր»: Այսպես ինքն իրեն Հարց էր տալիս, երբ անսպասելիորեն որոտաց թնդանոթային կրակոցը նավահանգստի ամրոցում, եւ տաճարի միալար զանգերի Հուղարկավորման ղողանջը լող տվեց քաղաքի երկնքում, իսկ դեպի պալատը շարժվեցին մարդկային անկանոն շարքեր, որոնց, դարավոր գառամախտից, արթնացրել էր ցնցող լուրը: Եվ այդժամ նա փոքրինչ բաց արեց իր գաղտնի ննջասենյակի դուռը եւ, բացվածքից ծիլրակելով, նիստերի դահլիճում տեսավ իր մեռած մարմինը՝ շրջապատված վառվող մոմերով, զգեստավորված ավելի շքեղ, քան Հոռոյի պապերից որեւէ մեկը քրիստոնեություն պատմության ամբողջ ընթացքում, սակայն սարսափն ու ամոթը ցնցեցին նրան, երբ

տեսավ այդ մարմինը՝ ընկղմված ծաղիկների մեջ, քուռքից ճերմակած դեմքով, ներկած շրթներով, քմահաճ պչրուհու փայտացած ձեռքերով, որ դրված էին շքանշաններով զրահավորված կրճին. այդ մարմնին ինչ-որ մեկի հորինած Տիեզերքի Հանգուցյալ գեներալի Համազդեստ էին Հագցրել՝ ուսադիրներին բոցկլտացող տասական արեդակներ, կարճ, խաղաքարտե թագավորի խաղալիք սուսերը գոտկից կախ. այդ սուսերը տարօրինակ կերպով փոխում էր մասշտաբը եւ ամեն, ամեն ինչ՝ իր անսահման իշխանության բոլոր խորհրդանշանները, սգո մեջ ծխակատարությունը, զինվորական պատիվները մի տեսակ փոքրացել էին, զրկվել ազդեցությունից ու վեհությունից, դարձել էին սովորական եւ լիովին Համապատասխանում էին դադաղում պառկած, մարդկային կանոնավոր, նույնիսկ փոքր-ինչ ողորմելի չափերով Հանգուցյալին, այնինչ իրեն արտակարգ տղամարդ էր կարծում, կտրիճ զինվորական, եւ նա շատ բարկացավ ու ասաց ինքն իրեն. «Մի՞թե սա ես եմ: Ոչ, գրողը տանի»: Իսկ մարդիկ անվերջանալի հոսքով անցնում Հանցնում էին Հանգուցյալի կողքով, եւ նա մի պահ մոռացավ, որ խաղ է այս ամենը, թատրոն, մոռացավ թատրոնի մուժ նպատակները եւ վիրավորվեց, ստորացավ իշխանության նկատմամբ մահվան դաժան արհամարհանքի Համար: «Անարդարություն է, գրողը տանի,- կրկնում էր նա քթի տակ, տեսնելով, թե ինչպես են մարդիկ պահում իրենց, եւ ուրախանում էր, նկատելով ոմանց շփոթվածությունը, անօգնականությունը եւ խղճում իրենց կորցրած այդ մարդկանց եւ շունչը պահած Հետեւում էր նրանց, ովքեր ակնհայտորեն եկել էին ճշտելու՝ Հո խաբկանք չէ՞, ստո՞ւյգ է լուրը: Նա՞ է դադաղում պառկածը: Նա տեսավ մի ծերունու, Ֆեդերացիա ստեղծելու Համար մղված պատերազմի մասնակցի, որ քարացավ դադաղի մոտ՝ Հանգուցյալին պատիվ տալու. տեսավ սգո թեւակապով մի տղամարդու, որը կռացավ ու Համբուրեց Հանգուցյալի մատանին. տեսավ լիցեյի մի սանուհու, որը մի Համեստ ծաղիկ դրեց դադաղի մեջ,- տեսավ եւ առանձնահատուկ դրոշմեց Հիշողության մեջ,- սրանց եւ շուկայի վաճառողուհուն, որը Հանկարծ Հատակին զցեց ձկներով լի զամբյուղը, ընկավ Հանգուցյալի վրա, գրկեց օծված, ներկված դիակը եւ ողբաց դահլիճով մեկ. «Ողորմած աստված, Հիմա ի՞նչ է լինելու մեր վիճակը: Նա մեռել է:

Մեռել է: Նա մեռած է»: Եվ այդ պահին բոլորը սկսեցին շնչալ, խոսել, աղմկել. «Իրոք, նա է: Տեսնո՞ւմ եք, նա է: Ոչ մի խաբկանք: Մեռած է», - «Իս նա է: Նա: Նա,- ոռնաց, մռնչաց դե Արմաս հրապարակում կրակ-արեւի տակ կանգնած ամբոխը: Նա է»: Եվ անակնկալ դադարեց հուզարկավորման զանգի ղողանջը, եւ տաճարի բոլոր զանգերը, բոլոր եկեղեցիների բոլոր զանգերը հնչեցին անսպասելի ուրախութեամբ, ինչպես ավետման սուրբ չորեքշաբթի օրը, եւ սկսեցին ճայթել զատկվա ճայթռուկները, հրկինք սուրացին հրավառութեան հրթիռները, տկտկացին ազատութեան թմբուկները, եւ նա տեսավ ապստամբների զրոհային խմբեր, որ պահակախմբի լուռ խրախուսանքով պայատ խուժեցին լուսամուտներից, տեսավ, թե ինչպես նրանք մահակներով ցրեցին դագաղի մոտ հավաքվածներին, հստակին փռեցին. անմխիթար ձկնափածառուհուն, տեսավ, թե ինչպես նրանք ծանակեցին դիակը, հետո ութ հսկա տղաներ դիակը հափշտակեցին անմահությունից, գրկեցին նրան ծաղիկների հոծ թագավորությունից եւ ոտքերից քարշ տալով իջեցրին սանդուղքներով, իսկ մյուսները նույն պահին քանդում ու ոչնչացնում էին այն ամենը, ինչ հնարավոր էր քանդել ու ոչնչացնել շրջութեամբ ու աղետներով լեցուն այդ դրամատում. նրանք ջարդեցին համաչափ սալերից շարված դորիական խոյակները, լուսամուտներից դուրս շարտեցին թուշուների վանդակները, փոխաբայական գահը, դաշնամուրը, փշուր-փշուր արեցին անհայտ հերոսների աճյունասափորները, պատառոտեցին հիասթափութեան գոնդոլները նստած քնքուշ աղջիկների պատկերներով գորելենները, ոչնչացրին Նոյի տարվա համազգեստով գինվորականների ու եպիսկոպոսների դիմանկարները, ծովային ահեղ մարտեր պատկերող կտավները. նրանք կարծում էին, թե ընդմիջտ կործանում են ատելի իշխանութեան որջը, եւ ձգտում էին կործանել ամեն բան՝ առանց մնացորդի, որպեսզի ապագա սերունդներին նույնիսկ հիշողություն չմնար անիծյալ ցեղից. եւ այս բոլորը նա տեսավ, իսկ հետո նետվեց իր թագաւորի լուսամուտը, որպեսզի ծածկված վարագույրների արանքից հետեւի դրսի անցուղարձին, տեսնի, թե որքան է առաջացել ամեն ինչ ու ամենայն բան կործանելու ալիքը. «Եվ մի ակնթարթում ես տեսա ավելի շատ ստորություն ու երախտամոռություն քան տեսել ու տեսածի

Համար արտասովել էին իմ աչքերը կյանքիս ողջ ընթացքում մա՛յր ես տեսա երջանկությունից խենթացած իմ այրիներին որ խուճբ-խուճբ լքում էին տունս՝ Հետները քշել-տանելով Ֆերմայիս կովերը պետական գույքը քո փեթակներից քամված մեղրը մա՛յր ես տեսա իմ երիտաներին բոլոր այդ օրապակասներին որ դիվային Համերգ էին սարքել իրար զարկելով կաթսաների կափարիչները եկեղեցական ճաշասպասքի արծաթեղենը պղնձյա թասերին զարկելով բյուրեղապակյա ափսեները եւ ճշալով անվերջ թե մեռել է մեր Հայրը եւ կեցցե ազատությունը ես տեսա դե Արմաս Հրապարակում բոցկլասցող խարույկը եւ կրակների մեջ այրվող իմ պատմական դիմանկարներն ու օրացուցային դիմանկարները»։ Եվ, ա-Հա, նա դիտում էր, թե ինչպես են բոցավառվում պաշտոնական այդ դիմանկարները, որ հոգնեցրել էին մարդկանց աչքերը ամեն քայլափոխին, վարչակարգի բոլոր տարիներին, եւ կրկին տեսավ սեփական մարմինը,- դիակը քարշ էին տալիս սալահատուկի վրայով, քարշ էին տալիս շրանչանները, մեղալները, ոսկիգօծ կոճակները, ոսկեյուլն ուսակապերը, դիպակի ցնցոտիները, ծոպավոր կոթով խաղաթղթի թագավորի սոււերը, Տիեզերքի Գեներալի մարած տասական արեղակներով ուսադիրները, եւ նա շնչաց. «Տես, մայր, թե ինչ դարձրեցին ինձ», - եւ ամբողջ մաշկով, ողջ էությամբ զգաց իր մարմինն շնորհված ամբոխի թուքն ու ծաղրը, շնչեց պատշգամբներից իր վրա թափվող գիշերանոթների պարունակության հուռը, եւ այրող ամոթը կրծոտեց նրան. այդ ամոթը սարսափի էր վերածվում այն մտքից, որ իրեն մահվան այս տոնահանդեսի խեղազար ունուցների ու պիրոտեխնիկական որոտների մեջ կարող են քառասուկ, կարող են շների առաջը գցել՝ խժռելու, եւ անդդերին Հանձնել՝ բզկտելու։ Իսկ երբ այդ թաթառն անցավ, ամեն կողմից երաժշտություն ձայներ էին լսվում, որ գալիս էին հեռուներից, թեեւ օրը խաղաղ էր, քամի չկար. նա սկսեց ետուառաջ ա-նել իր ապաստարանում եւ ճանճ սատկեցնել՝ ափերի մեջ ճզմելով, փորձեց նույնիկը պ նաեւ ականջը խցկված, մտածելուն խանգարող անտանելի ծղրիղը որսալ, հետո նայեց Հորիզոնի Հրացուքին, փարոսին, որի կանաչ լույսը կես ըրպեն մեկ թափանցում էր վարագույրի ճեղքից ներս, կես ըրպեն մեկ շերտավոր վագր դարձնելով նրան, իսկ նա նայում էր ու լսում, զգալով դրսի առօրեական կյան-

քի շնչառությունը, որ գնալով ավելի ու ավելի էր բռնում իր սովորական ափերը. իր մահը արտակարգ իրադարձությունից վերածվում էր շարքայինի, դառնում էլի ինչ-որ մեկի մահ, ճիշտ այնպեսին, ինչպիսին այլ մահերն էին անցյալում, եւ զոյության համերժական հորձանուտը տանում էր նրան ոչ մեկին չպատկանող, համընդհանուր ներողամտության ու մոռացման երկիրը: Եվ այդժամ նա ճչաց մահվան վրա. «Դե, գնա, ես քո անքրիթ մերը...»,- եւ լքեց իր ապաստարանը, վճռելով, որ հասել է ժամը, բավական է թաքնված մնա. եւ ծանր քարշ տալով ոտքերը, նա անցավ խավարի մեջ ընկղմված, մեռնող ծաղիկների ու այրված մոմերի հոտերով լեցուն կողոպտված դահլիճներով, ինչպես անցյալի բեկորների մեջ շարժվող ուրվական, եւ հրեց նախարարաց խորհրդի նիստերի դահլիճի դուռը. ներսում ծուփ էր եւ այդ ծխի մեջ, այնտեղ, որտեղ ընկուզինու փայտից երկար սեղանն էր, լավում էին խոսրոտած ձայներ. եւ նա տեսավ, որ սեղանի շուրջը հավաքվել էին բոլոր նրանք, ում ուզում էր հանդիպել. լիբերալները, ովքեր ծախսեցին հաղթանակը ֆեդերացիայի համար մղված պատերազմում, սլավոնոզականները, ովքեր սրանցից գնեցին այդ հաղթանակը, բարձրաստիճան սպաներ, երեք նախարար, արքեպիսկոպոսը եւ դեսպան Շնտտները. բոլորը միեւնույն ծուղակում: Նրանք ընդբեմ դարավոր բռնակալության միասնության կոչ էին անում, բայց եւ բզկտում էին իր ժառանգությունը, եւ ազահությունը այնպես էր կլանել նրանց, որ ոչ ոք չնկատեց մեռյալներից հարություն առած պրեզիդենտին, իսկ նա սոսկ ձեռքի ափով շրխկացրեց սեղանին ու հարցրեց. «Այդպես, հա՞»: Եվ նա չհասցրեց որեւէ բառ ավելացնել, որովհետեւ, երբ ձեռքը հտ քաշեց սեղանից, արդեն հնչել էր խուճապի պայթյունը, եւ չքվել էին բոլորը. մնացել էին միայն ծխախոտի մնացորդներով լեցուն մոխրամանները, սրճի բաժակները, շուռ եկած բազկաթոռները եւ մեկ էլ նրա թանկագին բարեկամը՝ գեներալ Ռոդրիգո դե Ազիլարը, որը դաշտային համազգեստով էր. փոքրամարմին, անլրդով այդ զինվորականը, միակ ձեռքով ցրեց ծխախոտի ծուխը եւ նշան արեց. «Պառկեք հատակին, իմ գեներալ: Հիմա կակալի հարայհրոցը»: Եվ նա պեռ չէր հասցրել պառկել թանկագին ընկերոջ կողքին, երբ թնդայ կոտորակատումի մահացու խրախճանքը, եւ սկավեց կոտորածը, պրեզիդենտա-

կան գվարդիայի արյունալի տոները. գվարդիականները մեծագույն հաճույքով և առանձնահատուկ ջանասիրութեամբ էին իրագործում վճռական հրամանը. «Դավադրութեան և ոչ մի մասնակից ողջ չպիտի մնա»: Հետեւելով ձեր այդ հրամանին, իմ գեներալը, գվարդիականները զնդացրային կրակահերթով Հնձեցին շքամուտքից փախչողներին, որպես թռչնաձագերի որսացին լուսամուտներից դուրս նետովողներին, իսկ նրանց, ում հաջողվեց թաքնվել հարեւան շինութիւններում, դուրս բերեցին ծխաբեր նռնակներով եւ սպանեցին՝ հսկաստաբիւս պրեզիդենտական սկզբունքին. «Մահապատժից խուսափածը մինչեւ դարավերջ յխերիւմ թշնամի կմնա»:

Մինչ կատարվում էին այս անցքերը, նա երեսնիվայր պառկած էր հատակին, Ռոզդրիգո դե Ագիլարից մի երկու քայլ հեռավորութեան վրա եւ լսում էր սլայթիւնների աղմուկը. ամեն սլայթիւնից հետո նրա թիկունքին թափվում էին ապակու փշուրներ, սվաղի կտորտանք, իսկ նա, այդ կարկտի տակ պառկած, փնթփնթում էր քթի տակ, աղթքի հոնգով. «Վերջ բարեկամս վերջ ամեն ինչին սրանից հետո ինքս եմ միայն ղեկավարելու եւ ոչ մի շուն ոչ մի շուն այլեւ հրաման չի տա վաղն առափոտյան կոտանինք թե ինչ է մնացել անփնաս այս հարայհրոցից եթե նստելու տեղ էլ չի մնացել կգտնենք մի դույզ էժանագին աթոռ մի քանի խսիր որ ծածկենք ծակուծուկերը եւ էլի որոշ բաներ կստանենք բայց ոչ ամանջաման ոչ սփսե ոչ դղալ ամեն ինչ կվերցնենք զորանոցից ու չեմ պահելու այլեւս ոչ զինվորներին ոչ սպաներին թող կորչեն դրանք գրողի մոր ծոցը միայն կաթ լակել գիտեն դրանք իսկ երբ իրարանցում է սկսվում թքում են կաթնատու ձեռքին եւ կպահեմ միայն պրեզիդենտական գվարդիան որի մարդիկ ազնիվ են ու քաջ եւ այլեւս ոչ մի նախարարների խորհուրդ տանձիս պետք չէ ինձ հերիք է միայն առողջսպահութեան մի կարգին նախարար նման նախարար իրոք անհրաժեշտ է եւ էլի որեւէ մեկը որ գեղեցիկ ձեռագիր ունենա հավանաբար հարկ կլինի որոշ բաներ գրի առնել եւ բավական է իսկ բոլոր այդ զորանոցները նախարարութիւնները կդարձնենք բնակելի շենքեր եւ բնակարանային վարձի գումարով պալատը կպահենք եթե մի պահանջ կա ապա դա փողի պահանջն է եւ ոչ թե մարդկանց կճարենք աշխատասեր երկու սպասուհի մեկը



կեփի մյուսը լվացք ու արդուկ կանի իսկ կովերին ու թռչուններին եթե մնացել են ինքս կխնամեմ եւ ոչ մի բող այստեղ այլեւս թրեւ չի գա հերիք է վայ տան գինվորական արտաքնոց եւ բոլոր բորոտներին որ քնուժ են վարդաթփերի տակ վռնդել եւ իրավագիտութեան բոլոր դոկտորներին որոնք ամեն բան գիտեն եւ ուսյալ բոլոր քաղաքագետներին որոնք տեսնում են ամեն ինչ վռնդել որովհետեւ ի վերջո սա պրեզիդենտական պալատ է եւ ոչ թե կեղտոտ բողանոց ինչպես ասացին յանկինները եթե հավատանք Պատրիսիո Արագոնեսին եւ մենակ էլ գլուխ կհանեն ինձ ոչ ոք պետք չէ գլուխ կհանեմ մինչեւ պիտաստողի երկրորդ հայտնությունը որովհետեւ ես այլեւս մտադիր չեմ մեռնելու ով ուզում է թող միտնի եւ թող կորչեն դրանք բոլորը գրողի ծոցը»։ Այսպես բարձրաձայն, միաձուլ, առանց դադարի, ինչպես աղոթք, ինչպես անգիր արած ոտանավոր փնթփնթում էր նա իր մտքերը. դեռ պատերազմական տարիներից եկած հին սովորութիւն էր՝ խոսքով խեղդել սարսափը, փրկվել սարսափից բարձրաձայն մտածելով, եւ, ահա, նա մտածում էր բարձրաձայն, զուրս էր տալիս իր մտքերը, ասես չչսելով պալատը ցնցող պայթյունները, կազմելով եկող առաւիտոկա եւ գալիք հարյուրամյակի ծրագրերը։ Բայց, ահա, փողոցում ճայթեց վիրավորներին սպանող վերջին կրակոցը, եւ գննելոյ Ռոդրիգո դե Ագիլարը սողաց դեպի լուսամուտը, ոտքի ելավ, դուրս նայեց ու ինչ-որ մեկին հրամայեց բերել աղբի սայլերը՝ դիակները տանելու, որից հետո հեռացավ, հրաժեշտի պահին մաղթելով. «Բարի գիշեր, իմ գեներալ» - «Բարի գիշեր,- արձագանքեց նա,- բարի գիշեր, բարեկամս։ Անչափ շնորհակալ եմ»։ Նա այդպես էլ մտաց երեսնիվայր պառկած սգո սեւ մարմարե հատակին, նախարարների խորհրդի նիստերի դահլիճում, գլխի տակ հարմարեցնելով աջ ձեռքի արմունկը, խրվեց դրա մեջ դեմքով եւ ակնթարթորեն քնեց՝ ափելի միայնակ, քան եղել էր երբեւէ, օրորվելով իր կյանքի խլճուկ աշնան դեղին տերեւների սփափոցի տակ. այդ աշունն անվերադարձ եկել էր հատկապես այս մեծ կոտորածի գիշերը, որ նշանավորվել էր ծխացող խրամներով եւ արյան լճակների կարմրավուն լուանյակներով։ Առաւոտյան, սակայն, նա ազատվեց նախորդ օրվա ծրագրերն իրականացնելու անհրաժեշտութիւնից, քանի որ բանակն ինքն էր դադարեցրել իր գոյութիւնը, պինվորները վա-

խել էին, իսկ մայրաքաղաքի եւ երկրի վեց այլ գորանոցներում մինչեւ վերջ դիմադրած սպաներին գնդակահարեցին պրեզիդենտի գվարդիականները՝ քաղաքացիական կամավորների օժանդակութեամբ. ողջ մնացած նախարարները փախել էին արտասահման, բացի երկուսից, ամենահավատարիմներից. մեկը նրա անձնական բժիշկն էր, մյուսը՝ երկրի լավագույն գեղագիրը. դրամական միջոցների հարցն էլ լուծվեց. ինդորելու հարկ չկար, քանի որ պրեզիդենտի կողմնակիցները, որոնք այնքան էլ փոքրաթիվ չէին, ժողովեցին բազմաթիվ մատանիներ, ոսկյա զարդեր եւ հանձնեցին պետական գանձարան. նմանապես հարկ չեղավ գնելու էժանազին, կաշեպատ աթոռներ, խսիրներ, որոնցով հուղարկավորման պղծման օրից ամենուր մնացած ավերածութեան հետքերը պիտի ծածկվեին, որովհետեւ մինչեւ վերջնականապես կխաղաղեցվեր երկիրը եւ դեռ դրանից էլ առաջ, պրեզիդենտական պալատը վերակառուցվեց եւ դարձավ առավել շքեղ ու գեղեցիկ. կրկին հայտնվեցին թռչուններով լեցուն վանդակները, - մի վանդակում նստոտած էին լեզվանի գառկամայա թուփակները, մի այլ տեղ, առաստաղից կախ, արքայական թուփակները. «Եթե ոչ Իսպանիայում, ապա Պորտուգալիայում» հանրաճանաչ երգի մեղեդին էին երգում, իսկ շուրջըտըրը փայլում էր մաքրությունից, ինչպես ռազմանավի վրա, - նավային մաքրությունը եւ կարգուկանոնը պահպանում էին երկու համեստ, աշխատասեր կլին. լուսամուտներից ներս էր խուժում նրան փառաբանող երաժշտություն, հնչում էին ճայթոփիների հրճվալից պայթյուններ, լսվում էր դանգերի հանդիսավոր զոզանջ. դե Արմաս հրապարակում աղմկում էր մշտապես գործող ցուլց, որի ճիչերը կեցցեներ էին պրեզիդենտի եւ ժողովրդի հավերժ միասնութեան պատվին, իսկ վեր խոյացած ցուցատախտակներին մեծ-մեծ տատերով գրված էր. «Աստված պահպան լինի մեռելներից երրորդ օրը հարություն առած նորին գերազանցութեանը»:

Մի խոսքով կյանքը վերածվեց ամենօրյա տոնակատարութեան, որն անհրաժեշտ չէր բորբոքել արհեստականորեն, ինչպես նախկինում, որովհետեւ ամեն ինչ հրաշալի էր ընթանում. պետական հարցերը լուծվում էին իրենք իրենց, հայրենիքը առաջադիմում էր, կառավարութունն ինքն էր, ոչ ոք ո՛չ խոսքով եւ ո՛չ էլ

գործով չէր խանգարում նրա մտահղացումների իրականացմանը. թվում էր, նույնիսկ, փառքի գազաթում, մենուժյան մեջ մնացած գեներալը թշնամի այլեւս չունի,- նրա թանկագին բարեկամը՝ գեներալ Ռոդրիգո դե Ագիլարը կարող էր գոհ մնալ իր աշխատանքից. ինքն էլ էր գոհ, եւ, ահա թե ինչու մի օր հրահանգեց վարժահրապարակում շարել պրեզիդենտական գվարդիայի բոլոր այն շարքայիններին, որոնք անկարգությունները ճնշելիս առավել աչքի էին ընկել, եւ դարձրեց նրանց սպա, թեեւ հասկանում էր, որ հիմա Հարկադրված է լինելու վերականգնելու բանակը, որովհետեւ հրամանատար դառնալու համար սպային զինվոր է պետք. այո, հարկադրված էր վերականգնել բանակը, որը վաղ թե ուշ խայթում է իրեն սնող ձեռքը. բայց մեկ է, նա սպա դարձրեց այդ շարքայիններին՝ ցուցամատը շարժելով այս կամ այն աստիճանը շնորհելիս միայն ներշնչանքի ձայնը լսելով. «Դու կապիտան ես: Դու՝ մայոր: Դու՝ գնդապետ: Այսինքն ի՞նչ եմ ասում. դու գեներալ ես, իսկ մնացած բոլորը լեյտենանտներ են: Ոչ մի դեպքում, բարեկամս, չչեղվես ճանապարհից, ընդունիր զորքը»: Նա չըջանցեց նաեւ նրանց, ովքեր անկեղծորեն վշտացել էին իր մահվան համար, շնորհակալական զգացումը համակել էր նրան, ահա թե ինչու հրամայեց փնտրել-գտնել այն ծերուկին, որը հրաժեշտի օրը վշտացած կանգնել էր դազադի մոտ՝ վերջին պատիվը ստալու, հրահանգեց գտնել այն տղամարդուն, որը համբուրել էր հանգուցյալի ձեռքի մատանին, եւ սրան ու ծերունուն պարգեւատրեց խաղաղության մեդալով. նա հրամայեց գտնել իր դազադի վրա հեկեկացող ձկնալվաճառ կնոջը եւ տասնչորս երեխա ունեցող այդ խեղճ մորը նվիրեց բազմաթիվ սենյակներով մի տուն, ինչի կարիքն ամենից շատ էր զգացվում. նա հրամայեց գտնել լիցեյի այն սանուհուն, որը ծաղիկ դրեց դազադի մեջ և նրան ամուսնացրեց մի նավաստու հետ, իրագործելով աղջկա ամենամիտրական երազանքը: Այսուհանդերձ, նրա ցնցված սիրտը, որ խաղաղվելու միտք էլ չուներ, ողորմություն բաժանելիս չհանգստացավ, քանի դեռ Սան Խերոնիմո զորանոցի բակում չտեսավ պրեզիդենտական պալատի վրա գրոհած բոլոր ողջ մնացածներին կապկպված. վախն ու ատելությունը սրում են հիշողությունը, եւ նա դաժան անսխալակա-նությամբ ճանաչեց բոլորին եւ խմբավորեց գերիներն ըստ նրանց

մեղսաչափի. «Դու ղեկավարում էիր գրոհը՝ կանգնիր այստեղ: Դու մի կողմ շարտեցիր դազադի վրա լացող կնոջը՝ կանգնիր այստեղ: Դուք սմարգոմ էիք դիակը, քարը էիք տալիս սանդուղքով եւ ցեխաջրերի միջով՝ կանգնեք այստեղ: Իսկ մնացածները՝ այստեղ: Ես ձեզ ցույց կտամ, կոտորավորներ»»: Բայց կարեւորը նրա համար պատժելը չէր, պատիժը նրան չէր բավարարում,- նրան պետք էր համոզել ինքն իրեն, որ պալատի վրա գրոհող մարդկանց դաժանությունը, դիակի անարգումը ժողովրդական անբավականության տարերային պոռթկման արդյունք էր, այլ կեղտոտ վարձկանների ձեռքի գործ եւ այդ պատճառով նա գերիներին հարցաքննեց անձամբ, ցանկանալով նրանցից կորզել սիրտը շոյող խոստովանություն: Բայց գերիները չէին խոստովանում, եւ այդժամ նա հրամայեց գլխիվայր, որպես թուլթակ, կախել նրանց, կախել առաստաղի հեծանից, ոտուձեռքը կապած, մի քանի ժամով, իսկ երբ սա էլ չօգնեց, հրամայեց պատահական մեկին բերդախրամը նետել, մնացածներին էլ ստիպեց նայել, թե ինչպես են ընկերոջը ողջ-ողջ լսվում կայմանները. երբ սա էլ չօգնեց, նա գերիներին խմբերից մի-մի մարդ ընտրեց եւ հրամայեց ի տես բոլորի քերթել դրանց կաշիները. բոլորը պարտավոր էին նայել անջատվող. դեղին ու նուրբ, ծննդկանից հենց նոր դուրս թափված ընկերքի նման մաշկին, պարտավոր էին տեսնել, թե ինչպես է մինչեւ. կենդանի միսը մերկացած, գորանոցային վարժահրատարակի քարե սալիկների վրա թրթռացող մարմիններից առատորեն ծորում տաք, մածուցիկ արյունը. եւ այդժամ բոլոր պնդաճակատները խոստովանեցին, որ, այո՛, հենց այդպես է որ կա, իրենք վարձկաններ են, իրենց վճարել են չորահարյուրական ոսկե պետ, որպեսզի պղծեն դիակը, քարը տան շուկայի աղբանոց, որ իրենք սկզբում չէին համաձայնում եւ ոչ մի գնով, քանզի այդ ամենը հակառակ է իրենց համոզմունքներին, որ իրենք ոչինչ չունեն գեներալի դեմ, առավել եւս մեռածի, բայց պատահեց այնպես, որ մի գաղտնի հավաքում, որտեղ ներկա էին բանակի երկու բարձրաստիճան գեներալ, իրենց հարկադրեցին, վախեցրին հազար ու մի սպառնալիքով. «Միայն այդ կերպ համաձայնեցինք, արհիվ խոսք»»: Եվ այդժամ, հանգիստ շունչ քաշելով, նա հառաչեց. «Խեղճ իմ խարված սողաներ», - հրամայեց սնել նրանց, քնելու հնարավորություն տալ, իսկ առավո-

տյան շարժումները կայունները առաջ՝ որպես կեր: Այս հրամանը տար-  
լով, նա մեկնեց պալատ, գեպարով, թե ինչպես է հոգին սղա-  
տագրվում կասկածի քրճից եւ մեծ բավարարվածութեամբ նա  
մրմնջաց ինքն իր համար. «Ահա գրողը տանի բոլորը համոզվեցին  
որ ժողովուրդն այստեղ գործ չունի ժողովուրդն ինձ սիրում է»: Ոտնատակ  
տալով տագնապների այն խարուկի վերջին խանձո-  
ղասները, որ իր սրտում վառել էր Պատրիսիո Արագոնեսը, նա  
վճռեց խոշտանգումները վերացնելու որոշում կայացնել եւ հրդ-  
վեց, որ այս հրաշալի երկրում այլեւ ոչ մի անդամ ոչ մի խոշտան-  
գում չի լինի. դրանից հետո սատկեցրին բոլոր կայմաններին եւ վե-  
րափոխեցին խոշտանգումների խցիկները, որտեղ առանց մարդուն  
սպանելու հնարավոր էր աղալ նրա ոսկորները. հետո համընդհա-  
նուր ներդւմ հռչակվեց, որից հետո, ապագայի մասին մտածելիս,  
նրա ուղեղը հանկարծ լուսավորվեց. ասես պարզվեց այն դադանի-  
քը, որ պատճառն էր դարձել երկրի բոլոր դժբախտութեանների.  
մարդկանց ազատ շատ ժամանակ էր տրված տարբեր տեսակի խո-  
հերի, մտածմունքների համար, ուրեմն, հարկավոր է ինչ-ինչ բա-  
ներով զբաղեցնել այդ ժամերը. այդ նպատակով նա վերականգնեց  
պոեզիայի մարտյան եւ գեղեցկուհիների ամենամյա մրցույթները,  
կառուցեց կարիքյան երկրներում ամենախոշոր փակ մարզահրա-  
պարակը՝ ձեռքի գնդակի հրաշալի դաշտով, մեր թիմին պարտու-  
վորեցնելով խաղալ «Հաղթանակ կամ մահ» նշանաբանով. յուրա-  
քանչյուր գավառում նա հիմնեց հավաքարարների անվճար դպ-  
րոց, եւ ձրի ուսուցման համար նրան մոլեռանդորեն նվիրված սա-  
նուհիները մեծ ոգեւորութեամբ ավլում էին ոչ միայն աների, այլեւ  
փողոցների աղբը, իսկ հետո նախաձեռնեցին այլեւ ճանապարհնե-  
րը՝ պուղամիջյան եւ գլխավոր, բոլորն անխափր, այնպես որ՝ սղրի  
կույտերը մի գավառից մյուսն էին տեղափոխում, չիմոնալով ինչ  
անել, եւ աղբակույտի յուրաքանչյուր տեղափոխում կատարվում  
էր պետական դրոշի ներքո եւ բոցավառ ցուցանակներով. «Թող  
աստված պահի առաքինութեան առաքյալին, որը հոգ է տանում  
ազգի մաքրութեան համար», - իսկ նա այդ ժամանակ հնարելով նո-  
րանոր զբաղմունքներ երկրի քաղաքացիների համար, անշտապ,  
ինչպես խոհուն կենդանի, քարչ էր տալիս ոտքերը այդու ծառու-  
ղիներով՝ շրջապատված բորոտներով, կույրերով եւ կաթվածա-

Հարնհրով, որոնք խնդրում էին նրանից մի պտղունց բուժիչ աղ, բաց երկնքի տակ դրված մկրտության ավազանում կնքում էր Հին սանիկների երեխաներին, որոնցից յուրաքանչյուրին իր անունն էր բաշխում. շողքորթները փառաբանում էին նրան, կոչում միակը, իսկ նա այն օրերին իր տեսակի մեջ իրոք միակն էր, որովհետեւ այլեւս նմանակ չուներ եւ Հարկադրված էր Հանդես գալ նմանակի փոխարեն շուկա դարձած այդ պալատում, որտեղ ամեն օր անհամար թռչուններով վանդակներ էին բերում,- ամեն օր, սկսած այն օրից, երբ լուր տարածվեց, թե նրա մայրը՝ Բենդիսիոն Ալվարադոն ինչ-որ ժամանակ թռչնավաճառ է եղել. ոմանք թռչուններ էին ուղարկում քծնելու Համար, ոմանք էլ՝ բացահայտ ծաղրանքով, բայց ինչ էլ լիներ, պալատում շուտով ազատ տեղ չմնաց, որտեղ Հնարավոր լիներ վանդակ կախել. այս Հոգսերին ավելացան նաեւ պետական շատ ուրիշ Հոգսեր, գործեր, եւ այս ամենը փորձում էին լուծել միաժամանակ, ինչի շնորհիվ սուանձնասենյակում այնքան մարդ կուտակվեց, որ անհնար էր որոշել՝ ով է այստեղ պաշտոնյան եւ ով՝ խնդրատուն. որպեսզի ընդարձակեն տարածությունը, որպեսզի բոլորը կարողանան Հիանալ ծովով, այնքան միջնորմ քանդեցին, այնքան նոր պատուհաններ բացեցին, որ սովորական անցումը մի սրահից մյուսը նմանվեց Հանդիպակաց քամուց փքված, աշնանային ծովի անհզրության մեջ կորչող սուազաստանավի տախտակամածի տեղաշարժին: Եվ թեեւ մարտյան պասստները միշտ էլ փչում էին պալատի լուսամուտներին, բոլորը սկսեցին աւսել, թե այդ քամիները Հանգստության ու խաղաղության քամիներ են, իմ գեներալ, նույնիսկ ականջների աղմուկը, որ տարիներ շարունակ չարչարել էր նրան, վերածվեց Հանդարտության ու խաղաղության ձայնի, անձնական բժիշկը Հենց այդպես էլ ասաց. «Դա խաղաղությունն ու անդորրությունն է Հնչում ձեր ականջներում, իմ գեներալ»: Երկրի վրա ու երկնքում ամեն արարած խաղաղություն ու անդորր էր ներկայացնում, Համընդհանուր բարեկեցություն էր այն օրից, երբ ինքը Հարություն առավ մեռյալներից, եւ նա Հավատաց այդ իրավիճակին, Հավատաց՝ լուրթյուն է սկսվել, անդորր եւ աստվածային երանություն, Հավատաց այնքան, որ դեկտեմբերին կրկին այցելեց ժայռի վրա կառուցած տունը, որպեսզի Հաճույք ստանա՝ տեսնելով այդ տանը ձանձրալի մի

միաբանութիւն ստեղծած նախկին բռնակալների դժբախտութիւններ, իսկ նրանք ընդհատեցին խաղը, որպեսզի այս էլ որբերոյդ անգամ դոմինոյի քարերով ցույց տան իրենց գլխով անցածը. «Ես, ասենք, գույգ վեցն եմ, իսկ պնդաճակատ պահպանողականները՝ գույգ երեքը, բայց ես հաշվի չառա տերտերների ու մասոնների անդրկուլիսյան գործարքները»: Եվ ասա պե՞տք է քեզ, պատաված դողոշ, շատախոսել այդ մասին, մուսանալով, որ սառչում է սպուրդ: Իսկ հետո մի ուրիշ պառավ դողոշ սկսեց բացատրել այս կերպ. այս շաքարամանն, ասենք, պրեզիդենտական պալատն է, իսկ թշնամական հրանոթները համընթաց քամու օգնութեամբ արկերը հասցնում էին չորս հարյուր մետր հեռավորութեան վրա. Եթե չլիներ համընթաց քամին, արկերը չէին հասնի պրեզիդենտական պալատ,- «Եվ եթե դուք հիմա ինձ տեսնում եք այս վիճակում, մեղքը եղած-չեղած ութսուն սանտիմետրինն է: Բախտի բան է»: Սակայն նույնիսկ ամենահամառներն էլ կտորվել էին չափից ավելի երկարատև վտարանդութեան մեջ, կորցրել ամեն տեսակի հույս եւ սպրում էին նրանով, որ հորիզոնում իրենց Հայրենիքի նալն էին տեսնում,- ճանաչում էին ծխի գուլնով, ազդանշանների դժժոցով,- նախահանգիստ էին իջնում եւ մանր անձրևի տակ փնտրում նավատիների վցած ուտելիքի փաթեթ-յրազրեր, հանում էին աղբարկղերից, կտրում ծայրից ծայր ոչ միայն ձախից աջ, այլեւ աջից ձախ՝ ճգնելով մեկ-երկու հաղորդագրութիւնների հիման վրա,- ով է Հայրենիքում ամուսնացել, ով է մահացել, ով ում է հրավիրել եւ ով ում չի հրավիրել իր ծննդյան առթիվ կազմակերպված երեկոյին,- գուշակել քաղաքական հասունացումը իրենց երկրներում. յուրաքանչյուրը սպասում էր, որ իր ճակատագիրը փոխելու է ահեղ որեւէ ամպի ուղղութիւնը, եւ այդ ամպը, աստված տար, ամենակույ փոթորկի ձևով փլչելու էր իր երկրի վրա, քանդելու էր բոլոր թմբերն ու ամբարտակները, եւ գետերը հոսելու էին դեպի դաշտերն ու ոչնչացնելու էին բերքը, քանդելու տները. սով էր սկսվելու, ժանտախտ, մահացութիւն, եւ մարդկանց ոչինչ չէր մնալու անել, քան օգնութեան կանչել նրան, ում վռնդել էին, որպեսզի նա փրկեր իրենց աղետի հետեւանքներից ու անօրինականութիւններից: «Այդպես էլ կլինի, ա՛յ, կտեսնեք»: Այդ մեծ ժամին սպասելիս, սակայն, հարկ էր լինում մի կողմ կան-

չիլ ասպաստարանի Համեմատաբար երիտասարդ բնակիչներից մեկին հու ինդրել կամացուկ. «Բարի եղեք, այս թիլը ասեղն անցրեք. հս պեաք է կարկատեմ շալվարս, հս չեմ կարող այն մի կողմ շալրտել, որովհետեւ հիշատակ է եւ թանկ... սա իմ հոգեւոր արժեքն է...»: Հարկ էր լինում բոլորից ծածուկ գբաղվել նսեւ լվացրով, աննկատ հավաքել սալրովիլու օգոտագործված սրիչները, որ սկզբում շալրտում էին ասպաստարանի նորեկները, ճաշել մենու-թյան մեջ՝ կողպելով դուռը, որպեսզի չբացահայտվեր անատամու-թյան խեղճությունը, որպեսզի հրապարակավ չմատնվեին գառա-մախտի նշանները, ծերունական անգսպուլթյան՝ շալվարը մուրտա-ուելու վկայությունները: Եվ մի գեղեցիկ օր նրանցից մեկին, որն ակնհայտորեն երկարաձգել էր իր գոյությունը այս լույս աշխարհում, վերջին պահին հագցրին պատշաճ շապիկ, կրծքին ամրացրին ունեցած բոլոր շքանշանները, մարմինը փաթաթեցին հանգուցյալի հայրենիքի ազգային դրոշով եւ երգելով նրանց ազգային հիմնը, ուղարկեցին մոռացության երկիր, հանձնեցին ի տնօրի-նություն քայքայումից կրծոտված վշտերի իշխանությանը. թախ-ծից քարացած հանգուցյալի սիրտը միակ բայատուն էր, որ իր հտե-ւից տանում էր նրան ծովի հատակի, ժայռատորոտի այդ երկիրը. երկրի վրա նրանից հետո մնաց դատարկ մի տեղ, լողափի աթո-ուակ՝ անելանելիության պատշգամբում. «Մենք նստեցինք այդ ա-թուակին, իրար մեջ խաղարկելով հանգուցյալի իրերը, եթե նրա-նից, իհարկե, մնացել էր որեւէ բան: Ինչպիսի խղճուկ ավարտ՝ այնպիսի փառքից հետո»:

Մի ուրիշ, վաղուց անցած հեռավոր դեկտեմբերին, երբ նոր էին բացում ասպաստարանը, նա հենց այս պատշգամբից հանկարծ նկատեց Անթիլյան կղզիների մանյակը, Կարիբյան ծովափի քա-ղաքները: Կարծես երազ լիներ: Բայց երազ չէր, ինչ-որ մեկը ցույց տվեց, մատը հպելով կապույտ ծովի ցուցափեղկին. «Ահա այն-տեղ, իմ գեներալ, Մարտինիկան է»: Եվ նա տեսավ Մարտինիկան, անուշաբույր, մարած հրաբուխը, թոքախտավորների առողջարա-նը, ժանյակե կոֆտա հագած վիթխարի նեգրին, որ տաճարի սյու-ների տակ հողաթմբերը հետը զարդինյա էր վաճառում քաղաքագ-լուխների կանանց: «Իսկ այնտեղ Պարամարիբոն է, իմ գեներալ»: Եվ նա տեսավ տարտարոսի նման Պարամարիբոյի շուկան, տեսավ



խնցզետիներ, որ ծովից դուրս էին գալիս արտաքնոցի հոսքային խողովակներով ու մագլցում ծովափնյա սրճարանի սեղանների վրա, տեսավ աղամանդներով ատամները լցրած հաստաքամակ պառավ նեգրուհիներին, որ հնդկական դիմակներ ու պենջեֆիլի արմատներ էին վաճառում ապուրի պես թանձր անձրեւի տակ: Նա տեսավ Տանգուարենի ծովափում պառկած, արեւից ոսկեգույն դառած կովերի նման պատկառելի տիկիներին,- «Մաքուր ոսկի են, իմ գեներալ»,- տեսավ կույր պայծառաստեխին Գուայրոյից, որը երկու ուսուցիչ մեկ լարանոց ջուրով էր նվազում վունդելով հնդկուհի մահին, տեսավ Տրինիդադի շոգ օրը, ետնամասով առաջ գնացող ինքնաշարժերը, կանաչ հագած հնդկացիներին, որոնք իրենց մեծ պետքը հոգում էին հենց փողոցի մեջտեղում, իրենց կրպակները դիմաց, որտեղ վաճառում էին բնական մետաքսից շապիկներ եւ նեղաչք մանդարինների արձանիկներ՝ քանդակված փղի ամրողջական ժանիքից. տեսավ Հաիթիի մղձավանջը. այնտեղ չրջում էին մագլթափ, կապտախտավոր շներ, իսկ եղներով լծված սայլերը առավոտները հավաքում էին փողոցներում փռված դիակներ. տեսավ Կյուրասաոյի բենգինի պահեստը՝ զարդարված վարդակազաններով, որ նշան էր, թե վերադարձել է Հոլանդիան, տեսավ ալրաղացի նման տներ՝ ձյունառատ ձմեռվա համար նախատեսված թեք տանիքներով, տեսավ օվկիանոսային տարօրինակ մի նավ, որ լողում էր քաղաքի կենտրոնով մի հյուրանոցից մյուսը, տեսավ Կարտախենի քարե փափախը, շղթաներով շրջապատված նրա ծովախորշը, լուսավոր պատշգամբները, փոխաբայական կերի կարտից հորանջող, ուժասպառված շքերթաձիերին,- «Թրիքի հոտ է գալիս, իմ գեներալ: Ա՛յ քեզ հրաշք: Ի՛նչ հսկայական է աշխարհը»: Աշխարհն, իրօք, հսկայական էր, բայց եւ նենգ, այնպես որ եթե այս տարվա դեկտեմբերին էլ գեներալը բարձրացավ ապաստարան, ապա բոլորովին էլ ոչ նրա համար, որ զրուցի բնակիչների հետ, որոնց ատում էր, ինչպես դժբախտության հայելում արտացոլվող իր սեփական պատկերը, այլ նրա համար, որպեսզի ներկա լինի կախարդական այն ակնթարթին, երբ դեկտեմբերյան լույսը դառնում է հրաշալիորեն թափանցիկ եւ կապույտ ծովի ցուցափեղկի վրա նկատելի է դառնում Անթիլյան մանյակն ամբողջությամբ՝ Բարբադոսից մինչեւ Վերակրուս: Եվ, ահա, այդպես էլ ե-

դավ, եւ նա մոռացավ, թե ինչի համար է զույգ վեցով խաղաքարը ու դուրս եկավ պատշգամբ, որպեսզի հիանար ծովախորշում քնած կայմաններին նման կղզիների լուսնային լուսարձակումով, եւ նա-յկուով դրանց, կրկին հիշեց, վերստին ապրեց պատմական այն հոկ-տեմբերի ուրբաթ օրը, երբ ինքը վաղ առավոտյան դուրս եկավ իր ննջատենակից եւ նկատեց, որ պրեզիդենտական պալատի բոլոր բնակիչներն անխտիր կարմիր թասակներ են գրել: Կարմիր թասա-կով էին նրա սենյակները ավոդ ու թռչնավանդակների ջուրը թարմացնող կենակցուհիները, ֆերմայի կթվորուհիները, ե՛լ ժա-մապահներն էին կարմիր թասակներով, ե՛լ սանդուղքներին մշտապես նստոտած կաթվածահարները, ե՛լ վարդանոցում զբոս-նող բորտներն էին կիրակնօրյա պարահանդեսի կարմիր թասակ-ներով. նա ոչ մի կերպ էչը հասկանում, թե այդ ինչու են պալատի ու քաղաքի բոլոր բնակիչները շրջում թասակներով, եւ թե ինչ չխչխկանների կապ է յուրաքանչյուրի ձեռքում, բայց, ի վերջո, գտնվեց մեկը, որը բացատրեց նրան, թե ինչ է կատարվում. «Ինչ-որ օտարերկրացիներ են ժամանել, իմ գեներալ. նրանք խոսում են իսպաներեն, բայց դա մեր իսպաներենը է, որովհետեւ նրանք «ծովը» իգական սեռով են օգտագործում, մեր թուլթակներին ան-վանում են «պապապայո», մակույկները՝ «պմադիյամ», իսկ «ե-ռաժանին»՝ «ասադա». իսկ երբ մենք մեր մակույկներով ծով դուրս եկանք եւ սկսեցինք պտտվել նրանց նավերի շուրջը, նրանք բարձրացան կայմերի վրա եւ մեկը մյուսի ետեւից բղավում էին, թե մենք, իբր, հրաշալի կազմվածք ունենք, գեղեցիկ մարմին ու դեմք, եւ գովաբանում էին մեր մազերը, համեմատում ձիու մազե-րի հետ, իսկ երբ նրանք նկատեցին, որ մենք ծածկված ենք ներ-կով, որպեսզի արեւը չպլոկի մեր մաշկը, բլբլացին ինչպես կոտորո-ներ՝, թե մենք, իբր, իրենց պես սպիտակամորթ չենք եւ ոչ էլ կա-նարցիների նման սեւամորթ, սատանան գիտե, թե ինչպիսին ենք, որովհետեւ ծածկված ենք մուգ-դարչնագույն ներկով, եւ ծիծա-ղում էին, իսկ մենք չէինք հասկանում նրանց ծիծաղի պատճառը, որովհետեւ մենք ամենաքնական տեսքով էինք, իմ գեներալ, ինչ-պես մեր մայրերն են միզ ծնել. այդ նրանք էին հագնված խաչի

\* Կոտորո - փոքրիկ թուլթակ, շատախոսության խորհրդանիշ:

տղաների պես, թեև շոգ էր. նրանք «շոգը» արտասանում էին Հոլանդացի մաքսանենգների նման, իսկ մազերը կանացի էին, թեև մեջները ոչ մի կին չտեսանք, բոլորը տղամարդիկ էին. նրանք բղավում էին, թե ինչու չենք հասկանում մարդկային լեզուն, իսկ հետո մոտեցան մեզ իրենց մակուկներով, որ, ինչպես ասվեց, կոչվում էին «ալմադիյամներ», եւ զարմացան, որ մեր որսատեղերի ծայրերը սաբալո ձկան ոսկրից են սարքված. այդ ձկանը նրանք «ատամ-ձուկ» են կոչում. եւ նրանք սկսեցին փոխանակել մեր ունեցածը կարմիր այդ թասակների ու թելն անցկացրած սպակեղենի հետ. այդ կապերը մենք մեր վզերը գցեցինք, որպեսզի զվարճացնենք օտարերկրացիներին. իսկ հետո մեր ունեցածի դիմաց նրանք տվեցին մի մարավեղի՝ էլ չարժեցող թիթեղյա չխկչխկաններ եւ անդրծովյան էժանագին այլ հիմարություններ, իմ գեներալ. երբ մենք համոզվեցինք, որ նրանք չար մտքեր չունեն եւ ինչ-որ բան գիտակցում են, իրենց համար էլ աննկատ ավ հասցրեցինք եւ այստեղ ամեն ինչ խառնվեց, մի այնպիսի շուկա առաջացավ, որ գլուխ չէիր հանի. ով չէր պարում, բերում էր թուփակ, ծխախոտ, գլուխ-գլուխ շոկոլադ, իզուանի ձվեր, բերում էին ու բերում, իսկ նրանք այս ամենը մեծ բալականությամբ վերցնում էին եւ հաճույքով տալիս իրենց ունեցածը. ցանկանում էին նույնիսկ մեզանից որեւէ մեկի թավչե խուփոնը փոխանակել, որպեսզի ցուցադրեին Եվրոպայում, պատկերացնո՞ւմ եք, իմ գեներալ, թե ինչ էր կատարվում»: Նա ծայր աստիճան շփոթմունքի մեջ էր եւ չգիտեր՝ կարո՞ղ է, արդյոք, միջամտել այդ տարօրինակ գործին: Արդյոք, կարո՞ղ է իշխել իշխանությունների վրա: Այդպես հուզված վերադարձավ պալատ, իր ննջասենյակը, հուսալով, թե նոր օրվա առավոտը նոր լույս կսփռի կատարվածի վրա եւ ինքը կհասկանա, թե ինչ է նշանակում այս երազը, կպարզաբանի այն շփոթը, որ հիմա լսեց: Բայց երբ բացեց լուսամուտը, տեսավ, որ նավամուտույցում, բացի ժամանակին հետեւակից լքված զրահանավից, խարիսխ էին գցել երեք առաքաստանավ:

Երբ նրան կրկին մեռած գտան նույն առանձնասենյակում, նույն դիրքով, նույն հագուստով, բզկտված դեմքով, մեզանից ոչ

\* Մարավեղի - հին մետաղադրամ:

մեկը դեռ այնքան ծեր չէր, որ հիշեր, թե ինչպես է եղել այդ ամենն սուսջին անգամ, բայց մենք գիտեինք՝ ոչ ոք համոզված չէր կարող պնդել, թե իրոք նա է մեռել, չնայած մահվան ակնհայտությանը, քանզի նախկինում բազմիցս պատահել էր նույնը, քանզի նրան վերաբերող բոլոր հարցերում ակնհայտությունը կարող էր սոսկ երեւութական լինել, իսկ ականատեսների վկայությունը վերածվել վայրահաչությունից։ Կնդում էին, օրինակ, թե ինչ-որ մեկին ընդունելիս, նա հանկարծ սոսկալի գայարումներով ընկել է բազկաթուռից ու դեղին փրփուր է թափվել նրա բերանից։ Կնդում էին, թե երկնավորը պատժել էր նրան պիղծ լեզվի համար եւ զրկել խոսելու ունակությունից։ Իբր, անձամբ ինքը ոչ մի բառ չի արտասանում, միայն բերանն է բացում-փակում, իսկ նրա փոխարեն խոսում է շրմայի ետեւ թաքնված որովայնախոսը։ Կնդում էին, թե մեղքերին ի պատիժ, նրա ողջ մարմինը պատվել է ձկան թեփուկով, թե վատ եղենակներին փոշտանկն այնպես է տանջում նրան եւ այնպես փքվում, որ նա ունում է հայհոյելով, իսկ որեւէ տեղ գնալիս, փքված այդ ձուռն, իբր, հարկ է լինում հատուկ սայլակի մեջ դնել, այնպես որ՝ մահը յոթ սարի ետեւում չէ։ Կնդում էին, վերջապես, թե ոմն մեկը իր սեփական աչքերով տեսել էր պայտոփ հոնամուռքից դուրս բերված, ալ թավապատ, ոսկյա սկզբնատուրով կնքված դադաղը, Անձրեւների այգում արյուն-արցունք թափող Լեոփսիա նասարենոյին։ Սակայն ինչքան ճամարտանման էին հնչում նրա մահվանը վերաբերող ամենաբազմազան լուրերը, այնքան մեծանում էր հիասթափությունը, երբ հանկարծ պարզվում էր, որ նա ողջ-առողջ է եւ նախկինից ավելի ամուր է ձեռքում սեղմել կառավարման սանձերը՝ կտրուկ փոփոխելով մեր ճակատագրերը իր ողջ կյանքի ընթացքում... Թվում էր՝ բարդ գործ չէր դիակը ճանաչելը։ Չէ՞ որ միայն նա էր կրում պետական կնիքով մատանի, միայն նա ուներ անխոնջ ոտավորի վիթխարի ներբաններ, թեեւ տառապում էր հարթաթաթուկությամբ. իսկ գլխավորը՝ բոլորը գիտեին չափսերով աննախադեպ նրա փոշտանկի մասին, որին չգիտես ինչու, չէին դիպել անպղերը։ Բայց մեր մեջ մարդիկ եզրան, հիշեցին, որ մի անգամ արդեն նման մատանիով, վիթխարի ներբաններով ու հակայական փոշտանկով հանգուցյալ տեսել է երկիրը, այդ իսկ պատճառով մենք վճռեցինք մանրագնին տնտղել

ողջ պալատը՝ վերջնականապես համոզվելու, որ կեղծ չէ մեր հայտնաբերած դիակը. սակայն պալատի գննումը ոչինչ չհաստատեց եւ ոչինչ չհերքեց: Բենդիսիոն Ալվարադոյի ննջասենյակում, նրա մոր, սրի մասին այդ օրերին մենք ոչինչ չգիտեինք, բացի մշուշապատ այն ավանդությունից, թի ինչպես է հատուկ հրովարտակով սրբերի շարքը դասվել,- ահա նրա ննջասենյակում մենք գտանք թռչունների քարացած կմախքներով ջարդոտված մի քանի վանդակներ, ծղոտահյուս, թրիքոտ բազկաթոռ, ջրաներկի պարկուճներ եւ նկարչական բազմաթիվ վրձիններ - այդ ներկերով ու վրձիններով Բենդիսիոն Ալվարադոյի ընկերուհիները, սարահարթիցի այդ կանայք, սովորական թռչնակներին պիրոլ էին դարձնում եւ հարյուրավոր կեղծ պիրոլները վաճառվում էին թռչնաշուկայում: Բենդիսիոն Ալվարադոյի ննջասենյակում մենք տեսանք մեղվախոտի վիթխարի մի թումբ. առանց խնամքի մնացած մեղվախոտը ոչ միայն չէր չորացել, այլև հուռացել էր, նրա ճյուղերը մազցել էին պատերն ի վեր, փաթաթվել կախված դիմանկարների, հստեի կողմից ծակել նկարներից մեկի կտավը եւ կանաչ շուգիրով աչքերը խրվել. մեղվախոտի ճյուղերը ձգվել էին դեպի լուսամուտ, դուրս ճողպրել եւ միահյուսվել այգու փարթամ բուսականությանը. նա, ում մահվան փատոր կասկածելի էր, չէր կարող այստեղ թաքնված լինել՝ ոչ մի հետք չկար: Լեոխիա Նասարենոյի պատկերը մեր հիշողության մեջ բավականաչափ վառ էր մնացել ոչ միայն այն պատճառով, որ դեռ վերջերս էր թագավորում, ո՛չ, պարզապես, չէր եղել հասարակական որեւէ միջոցառում առանց նրա աղմկալի մասնակցության. ահա, նրա ննջասենյակում մենք ամենից առաջ տեսանք սիրո շքեղ մահիճը՝ ժանյակավոր ամպհովանիով հսկայական մահճակալը, որի վրա կշկչում էին հավեր. մենք բաց արեցինք բոլոր սնդուկները ու տեսանք դրանց մեջ միայն փոշի՝ ցեցն էր աղացել սեւագորշ աղվեսնետյ կարած օձիքները. տեսանք օղակապերով շրջագգեստի մետաղալարե կմախքը, փոշոտ անձրեւանոցները, բրյուսեյան ժանյակավոր կրճկայները, տղամարդու հողաթավիր, որ այստեղ սովորություն ուներին հագնել նաև կանայք, տեսանք ոսկեկար ալ կոշիկներ, որոնցով Լեոխիան ընդունելություններին էր ներկայանում. տեսանք նրբաթաղիքին մանուշակներ ասեղնագործված նրա երկա-

րափնչ շրջագգեստը եւ դիպակն սգո ծանր ժապավենները - երկրի առաջին տիկնոջ չքեղ հուղարկավորման պարագաներն էին դրանք. սնդուվներից մեկում մենք գտանք սանուհու կոպիտ րրդյա շրջագգեստը, որը հազին էր Լեոտիսիան առեւանգվել Յամայկայից ու բերվել մեր երկիր բյուրեղյա սպասքի արկղի մեջ փակված,- ուղեւորութեան անհարմարութեանը հատուցվեց հետագայում, երբ Լեոտիսիան շատ հարմարավետ տեղավորվեց փաստացի պրեզիդենտուհու բազկաթոռում. սակայն նրա հետքերը, ում փնտրում էինք, Լեոտիսիայի ննջասենյակում նույնպես չկային՝ ոչ մի հետք. նույնիսկ Լեոտիսիայի առեւանգումը սիրո թելադրանքով բացատրելու հետքերը չկային, մենք չգտանք ոչինչ, որ վկայի նրա սերը, կարծես թե ոտք էլ չէր դրել այս ննջասենյակի շինից ներս: Նրա անձնական ննջասենյակում, ուր նա առանց դուրս գալու անց էր կացրել իր կյանքի գրեթե բոլոր վերջին տարիները, խնամքով հարգարված պինդորական մի մահճուկայ կար, փոքրիկ մի աթոռակ,- նրանցից, որ ամեն հնոտի գնող ժամանակին կարող էր գտնել ծովային-հետեւակ դրինգոնների տներում,- եւ կար մի սնդուկ՝ ներսում իննսուններկու շքանշան ու առանց տարբերանշանների դաշտային համազգեստ, ճիշտ այնպիսին, ինչպիսին հասկ էր անգլերից բզկաված մեռելը, բայց սնդուկի համազգեստը ծածկված էր խոշոր տրամաչափի վեց գնդակներով. եզրերը խանձված վեց խոշոր անցքեր էին բացված կրծքին, եւ մենք ստիպված էինք գրեթե հափառալ նրա անխոցելիութեան առասպելներին. ասում էին, թե հմայված է գնդակների դեմ, իբր, եթե մեկը դավաճանաբար կրակում է նրա թիկունքից, ապա գնդակը անցնում է մարմինը՝ առանց վնասելու, իսկ դեմ դիմաց թուշող գնդակները հոտ են ցատկում ու զարկում կրակողին. ասում էին, թե նրան կարող է սպանել անասհամաճորեն նվիրված, ուզածդ պահին նրա համար մեռնելու պատրաստ այն մարդը միայն, ով հարկադրված կլինի կրակել կարեկցանքի թելադրանքով - կարեկցանքի գնդակն է ի պորու միայն սպանել նրան: Մեր հայտնաբերած համազգեստները շատ փոքր էին նրա համեմատ, բայց մենք կասկած չունեինք, որ իրենն են, որովհետեւ մանկուց գիտեինք՝ նա շարունակում էր ուճի մինչեւ հարյուր տարեկան հասակը, հարյուր հիսունում երբորդ անգամ նոր ատամներ դուրս եկան - նրա ատամները, իրոք,

ատողջ էին, փոքր եւ բուժ, ինչպես կաթնատամներ. մաշկը դեղնավուն էր, ամբողջովին պատված ծերունական պիգմենտային բծերով, սամնուր ծալքեր էին ու պարկեր, ասես մի ժամանակ շատ դեր էր եղել, բայց, առհասարակ, միջահասակ, կանոնավոր մարդու մարմին էր,- անբնական ոչինչ չկար, բացի անհավատալի մեծութեան փոշտանկից եւ վիթխարի ու հարթ, գրեթէ քառակուսի ներբանները՝ արտակարգ ամբուլթյան, բազելի ճանկերի պես ոլորված հզուկներով. չափից ավելի խոշոր էին նաեւ դատարկ ակնախոռոչները, որոնց մեջ ժամանակին շարժվում էին անգղերի կոցած աչքերը. համենայն դեպս, հսկայի մարմնով նահապետ չէր, ինչպես նկարագրում էին նրան պատմաբանները. նա, իբր, չէր կարողանում դուրս գալ պալատից, որովհետեւ բոլոր դռներն էլ չափազանց ցածր էին ու նեղ, իբր, խենթանում էր երեխաների ու ծիծեռնակների սիրուց, հասկանում էր շատ կենդանիների լեզուն, կանխազգում բնութեան տարերային երեւոյթները, մարդկանց աչքերում կարգում նրանց մտքերը, հասու էր բուժիչ ազի խորհուրդին. մի պտղունց աղն սպաքինում էր բորոտներին ու ոտքի հանում կոթվածահարներին - համազգեստից բացի բոլոր մնացած բաները. սրտնց մասին խոսում էին պատմաբանները, չափազանց մեծ էին նրա վրայով: Իսկ ինչ վերաբերում է նրա ծագմանը, թեեւ ոչնչացվել էին տպագիր բոլոր հիշատակումները, մարդիկ համոզված էին, որ նա սարահարթից էր, վկա՝ իշխելու նրա անհագուրդ ծարավը, որ հատուկ է սարահարթում ծնվածներին. նույն բանն էին վկայում կառավարման նրա դաժան հղանակները, անփոփոխ մուսյուլթյունը, այն չարախնդությունը, որով նա օտարերկրյա մի պետութեան վաճառեց մեր ծովը եւ դատապարտեց մեզ ապրելու անծայրածիր ու ամայի, լուսնի մեռյալ ու կոշտ փոշով ծածկված այս տաղտկայի հովտում, որի արեւամուտները մարդու հոգու մեջ անբացատրելի ցավ են սրսկում: Ինչ վերաբերում է նրա անձնական կյանքին, ենթադրում են, որ անհամար սիրուհիներից, ավելի ճիշտ, կենակցուհիներից,- որովհետեւ նրանց նկատմամբ սեր չէր տածում,- նա ունեցավ հինգ հազարից ավելի երեխաներ, բոլորն էլ, առանց բացառութեան օրապակասներ: Երեխաներից ոչ մեկը չկոչվեց նրա անունով ու չժառանգեց հոր սզգանունը, բացի Լեփսիա նասարենոյի ծնածից - այդ տղան հազիվ էր լույս աշխարհ

եկել, հրք գեհներայի կոչում ստացալ եւ անդրանիկության իրա-  
վունքով նշանակվեց օկրուգի գիվիզլիայի Հրամանատար, քանզի  
Լեախիսայի. Բորզին էր: Մնացած հրեխաների Համար Հայրն այսպես  
էր մտածում. մարդուս Հերիք է եւ մայրը. նա իրեն էլ նկատի ու-  
ներ, քանի որ շատ ու շատ ականավոր բռնակալների նման հրեք  
չէր տեսել Հորը, գիտեր միայն ծնող մորը՝ Բենդիսին Ալվարադո-  
յին: Բոլոր դասագրքերում գրված էր, որ Բենդիսին Ալվարադոն  
կույս Մարիամի պես Հղիացել էր Հրաշագործությամբ, որ երբ մա-  
նուկն արդեն արգանդում էր, հրկնային ուժերը կանխորոշել էին  
նրա առաքելական կոչումը: Իշխանության գազաթին Հասնելով,  
նա Հատուկ Հրովարտակով Բենդիսին Ալվարադոյին Հռչակեց  
Հայրենիքի մեծ մայր, քանզի նա միակն էր ողջ աշխարհում, քան-  
զի, գրողը տանի, նա իր մայրն էր:

Անորոշ ծագումով, ցնցող միամտությամբ սարօրինակ կին էր  
նա, բնավորության ապշեցուցիչ պարզությամբ, որի Համար, ա-  
ռանձնապես վարչակարգի առաջին տարիներին, նրան ատում էին  
պալատական արքուկարգի սիրահարները. նրանք պարզապես  
չէին Հաշտվում այն իրողության հետ, որ պետության գլխի մայրը  
կրծքից կախ խնկանոթ էր պահում՝ քափուրի տերեւներով, որ-  
պեսզի պաշտպանվեր ամեն տեսակի վարակներից, խավիար էր ու-  
տում պատառաքաղով՝ ճզնելով որսալ առանձին-առանձին Հա-  
տիկները, այնպես էր թփթփացնում ոտքերը, սսես ոչ թե լաքած  
կոշիկներ էր Հագին, այլ երկաթե կասկանքներ: Նրանք դուխները  
կորցրեցին, երբ երաժշտության Համար նախատեսված պատշգամ-  
բում նա մեղվավիթակներ շարեց, պետական Հիմնարկություննե-  
րի ներսում սկսեց Հավեր պահել. նրանք վրդովվում էին, երբ նա  
ջրաներկերով ներկում էր գորշ թռչնակները եւ որպես պիրով վա-  
ճառում շուկայում, երբ լվացքը չորացնում էր պրեզիդենտական  
պատշգամբում, որտեղից պատմական ճառեր էին արտասանվում.  
նրանց Համբերությունը, ի վերջո, սպառվեց դիվանագիտական  
այն ընդունելության ժամանակ, երբ նա բողոքեց, թե Հոգնել է  
աստծուն խնդրելուց, որ ազատի որդուն պրեզիդենտությունից, ո-  
րովհետեւ պրեզիդենտական պալատում ապրելը պարզապես ան-  
տանելի է. «Կարծես օր ու գիշեր լուսարձակների շողերի տակ լի-  
նես, սենյոր»: Այս նախադասությունը արտասանեց ճիշտ այն



նույն անմիջականությամբ, ինչով ազգային տոնի օրը, դատարկ շշերով լի գամբյուղը ձեռքին անցավ պատվո շարասյան միջով դեպի պրեզիդենտական լիմուզինը. ծափահարություններ էին թնդում, հանդիսավոր երաժշտություն էր հնչում, ծաղիկների ծով էր չորս դին. պրեզիդենտական լիմուզինը ահա-ահա պետք է բաց աներ շքերթը, իսկ Բենդիսինն Ալվարադոն մեքենայի լուսամուտին դեմ արեց շշերով լեցուն զամբյուղը եւ բղավեց. «Երեւում է խանութի կողմն ես գնում, ձեռքիդ հետ հանձնիր այս շշերը, որդիս»։ Խեղճ մայր... նրա մեջ չկար պատմական պահը գիտակցելու մինչույլ, քաղաքական հոտառության մի փշուր, ինչը առանձնապես բացահայտվեց ծովակալ Հիգգենսի հրամանատարությամբ ամբրիկյան ծովային հետեւակի ավելման պատվին կազմակերպված խնջույքում. որդուն առաջին անգամ տեսնելով շքերթային համազգեստով, ոսկյա շքանշաններով, մետաքսյա ձեռնոցներով (այդ պահից մինչեւ կյանքի վերջը նա այլեւ չհանեց դրանք), Բենդիսինն Ալվարադոն չկարողացավ դուրս իրեն համակած մայրական հպարտության զգացումը եւ դիվանագիտական ողջ ծառայության ներկայությունը բացակասեց. «Եթե իմանայի, որ որդիս հանրապետության նախագահ կրտսնա, ես նրան կրթության կտայի, սենյորներ»։ Սարսափելի պահ էր, նա խայտառակեց պրեզիդենտին եւ վռնվեց պալատից, տեղավորվեց տամամիկ սենյականոց մի մենատանը, որ զուտով որդին էր շահել նշանակալից այն գիշերը, երբ Ֆեդերացիայի կողմնակիցների հաղթական առաջնորդները խաղասեղանի շուրջ խաղարկում էին հակառակորդների՝ ճողոպրած պահպանողականների պերճաշուք տները։ Բայց Բենդիսինն Ալվարադոյին դուր չէր գայիս մենատան՝ կայսերական ժամանակների ծեփակերտությունը. «Այդ ծեփի պատճառով ինձ թվում է, թե ես Ղոտմի պապի կինն եմ, սենյոր», եւ նա սկսեց ապրել ծառայողների եւ ոչ թե տերունական սենյակներում, վեց հավատարիմ, ոտաբոբիկ սպասուհիների շրջապատում, ազատ ժամանակի մեծ մասն անցկացնելով ամենախորքի զովաշունչ սենյակում, ուր տարել էր կարի մեքենան ու թռչնավանդակները. չոգը երբեք չէր թափանցում կիսափափար, խորդանոցի նման այդ սենյակը, այստեղ համեմատաբար տանելի էին իրիկնային մժղուկները, եւ Բենդիսինն Ալվարադոն կարող էր հանգիստ խղճով զբաղվել իր կարու-

ձեռով, ետնարակից լուսամուտին ընկնող ոչ պայծառ լույսի տակ ներկեղ գորշ թռչնակները, որոնցից յուրաքանչյուրը պիրուլի էր վերածվելու, շնչել տամարինդների առողջ օդը եւ մինչ հավերը կըրջեին սրահներում, իսկ պալատական պահակախմբի զինվորները դատարկ սենյակներում կդարանակայեին սպասուհիներին, հասցնում էր նաեւ բողոքել. «Մանր է խեղճ որդուս կյանքը. ծովային հետեւակը պահում է նրան պալատում: Մայրը կողքին չէ, հոգատար կին չունի: Ո՞վ է սիրոփելու նրան գիշերվա կեսին, երբ արթնանա ցավից, երեք հարյուր խղճուկ պեսսո աշխատավարձով պրեզիդենտական աշխատանքի հոգնութունից: Խեղճ տղաս»: Նա դիտեր, թե ինչ է ասում, չէ՞ որ ամեն օր ուղին այցելում էր մորը, ճիշտ այն ժամերին, երբ քաղաքը խեղդվում էր սիեստայի հեղձուկ ճահճում. նա մոր համար բերում էր շաքարամիրգ եւ բաց էր անում սիրտը, պատմում ծովային հետեւակի դրածոյի, այսինքն՝ իր, աննախանձելի վիճակից. նա բողոքում էր, որ ստիպված է լինում փաստորեն գողանալ բերած շաքարամիրգը, իբր պատահաբար, անձեռուցիկ է գցում վրան, որովհետեւ անխճյալ այդ գրինգոները ծախսերի իրենց մատյաններում հաշվառում են նույնիսկ կերակրի մնացորդները. իսկ վերջերս,- դառն բողոքեց նա,- դրահանավի հրամանատարը պալատ բերեց մի խումբ աստղագետների, թե՞ քարտեզագիրների, եւ սրանք չբարեհաճեցին էլ բարեւել, լուսայն չափչփեցին սենյակը՝ իր գլխի վրայով ձգելով չափերիզի ժպավենը, անգլերենով ինչ-ինչ հաշվումներ արեցին, եւ թարգմանչի միջոցով բզավեցին վրան. «Մի կողմ քաշվիր: Ի՞նչ ես լույսի դեմը փակում: Այստե՛ղ կանգնիր: Մի՛ խանգարիր»: Եվ նա մի կողմ քաշվեց, կծկվեց, հեռացավ, որպեսզի չխանգարի, լույսի դեմը չփակի, ոտքի տակ չընկնի, իսկ նրանք չափելով ամեն ինչ ու ամեն բան, նույնիսկ յուրաքանչյուր պատշգամբի լուսավորվածութունը, շարունակում էին վճռելի նրան տեղից տեղ, այնպես որ՝ նա չգիտեր, թե գլուխն առած ուր փախչի սեփական սալատում. «Բայց սա դեռ ամենասարսափելին չէր, մայր»: Պարզվեց, որ նրանք փողոց էին շարտել նրա վերջին երկու սիրուհուն, պատճառաբանելով, թե գրինգո-ծովակայի կարծիքով պրեզիդենտին անարժան են ռախիստավոր այդ աղջիկները: Եվ հիմա կնոջ այնպիսի կարոտ էր ապրում, որ մորից ծածուկ, իբր հեռանալով նրա անից,

աննկատելիորեն դատարկ սենյակներն էր մտնում եւ Հետապնդում սպասուհիներէց որեւէ մեկին, եւ այդժամ Բենդիսին Ալվարադոն, կարեկցելով որդուն, դիտավորյալ բզրգում էր թռչուններին, որպեսզի սրանք թափահարեին թեւերը, կշկշային, ծղրտային, ճշային կոկորդներով մեկ եւ ստեղծված աղմուկը խլացներ կիսախավար սենյակներից եկող ամոթալի քաշքշուկի ձայնը, որ հարեւանները չյսեին, թե որդին ինչպես է փորձում կոտրել սպասուհու Համառությունը, եւ թե ինչպես է խեղդված ձայնով սպասուհին սպառնում որդուն. «Թողեք ինձ, թե չէ կգանգատվեմ ձեր մորը»: Իսկ մայրն այդ ժամանակ չէր խնայում թեւավոր իր ժողովրդին, գրկում էր նրանց սիեստայից, բզում հա բզում էր խեղճերին՝ որ չյուեին, որ ոչ ոք չյսեր շիկացած շնչառությունը այդ շտապող, թուլ սիրեկանի, որը նույնիսկ չէր մերկացնում կնոջը եւ ինքն էլ չէր հանվում, տիրում էր հապշտապ, շան լակոտի նման վնգստալով, տիրում էր՝ չզգալով պատասխան կիրքը, եւ մենության դառը, ժխտ արցունքները գրորվում էին նրա այտերի վրայով, իսկ քաշքշուկից տապնապած հավերը կշկշոցով փախչում էին տարբեր կողմեր, կրկին քաշվում պաղ անկյուններ, իսկ շոգն այնպիսին էր, որ օդը ասես հարված սպակի լիներ. «Խեղճ տղաս, անասոված այս օգոստոսյան շոգին, կիսօրվա ժամը երեքին, ախր, ի՞նչ սեր»: Նա սպքատ էր եւ նույնիսկ ինքն իրեն չէր պատկանում, քանի դեռ օտարերկրյա դեսանտը չէր լքել երկիրը, իսկ լքեց պայմանագրային ժամկետը լրանալուց էլ առաջ, որովհետեւ երկրում ժանտախտ բռնկվեց: Ժանտախտից սարսափած դեսանտայինները տախտակ առ տախտակ քանդեցին եւ բեռնարկղերի մեջ դասավորեցին իրենց սպայական կոտեջները, գետնից պոկեցին երկնագույն, արհեստական լճակները եւ ոլորեցին որպես գորգ, ծալծեցին մոմլաթե ցիստեռները, որոնց մեջ հայրենիքից ստացվող թորած ջուր էին պահում, որպեսզի ստիպված չլինեին օգտագործել մեր գետերի նեխած ջուրը, քարուքանդ արեցին իրենց հոսպիտալների ճեմակ շինությունները, պայթեցրին զորանոցները, որպեսզի ոչ ոք չիմանար դրանց կառուցվածքի գաղտնիքները. անվնաս մնաց միայն հին գրահանավ, որի տախտակամածին, հունիսյան գիշերներին, հայտնվում էր ծովակալի զարհուրելի ուրվականը. նավամատուցում միայն այդ գրահանավը մնաց ծովային հետեւակից

Հետո, մնացած ամեն ինչը նրանք տարան իրենց օդային գնացքներով: Տարան դրախտային բոլոր շրջիկ Հարմարություններն ու Հարմարանքները, որ նախատեսված էին մանր պատերազմների համար, բայց տանելուց առաջ նրանք պետութայան ղեկավարին, նման դեպքերին պատշաճ կարգով, պատիվ տվեցին, ի նշան բարիդրացիական Հարաբերությունների պարգևատրվեցին մեղալով, Հետո բղավեցին այնպես, որ ողջ աշխարհը լսի. «Վերջ: Մնա մենակ այս կեղտոտ բողանոցում: Տեսնենք առանց մեզ ո՞նց ես գլուխ հանելու»: Եվ գնացին: «Գնացին, մայր, սատանայի մոր ծոցը գնացին, ետ դարձան ձեռնուռայն, ես դրանց մերը...»: Եվ առաջին անգամ սանդուղքով նա վիր էլավ որպես սեր եւ ոչ թե լծված եզ, աջ ու ձախ նետելով իր եւ ոչ թե այլոց Հրամանները՝ բարձրաձայն, անսքող, անձամբ բավարարելով ամենատարբեր ցանկություններ, խնդրանքներ: «Նորից թույլատրել աքլորակո՞ւ վր: Թույլատրում եմ: Ասում եք կարելի է նորից օդապարիկներ՞ բաց թողնել: Կարելի՞ է»: Նա Հասարակ մարդկանց վերադարձրեց զավթիչների արգելած բոլոր գվարճությունները, ասես արգելքները վերացնելով իր իշխանութայան հզորությունն էր Հաստատում, իսկ երբ Համոզվեց, որ ոչ ոք իրեն չի Հակառակվում, որ իշխանությունն այժմ, իրոք, իրեն է պատկանում, նա փոխեց ազգային դրոշի գունաշերտերի Հաջորդականությունը՝ վերին շերտը ներքեւ տարավ, ներքեւինը՝ վերեւ, պետական գինանշանից Հանեց փյունիկյան թասակը եւ Հրահանգեց փոխարենը տապալված դեւի պատկերը դրոշմել. «Որովհետեւ մենք, վերջապես, առանց վզակապի ենք, մայր: Կեցցե ժանտախտը»: Բենդիսիոն Ալվարադոն երբեք չէր մոռանում, թե ինչպես էին ապրում մինչեւ օտարերկրյա դեսանտի մեկնումը, Հիշում էր ամոթալի կախվածությունն ու խեղճությունը, նույնիսկ աղքատությունը, որի մեջ ընկնում էին ժամանակ առ ժամանակ, բայց առանձնահատուկ դառնությունը եւ տիրությունը նա գանգատվեց իրենց անապահով վիճակից այն օրերին, երբ որդին Հարություն առավ մեռյալներից, երբ Պատրիսիո Արագոնեսի մահով իր սեփական Հուղարկավորության խեղկատակությունը խաղաց, Հետո ճնշելով խաղի Հրահրած խոտվությունը, ընկղմվեց բարեկեցության ճահիճը. Հենց այդ օրերին, սկզբում ոչինչ չնկատելով, Բենդիսիոն Ալվարադոն գանգատվում

էր բոլոր նրանց, ովքեր Համբերություն ունեին լսելու, որ ինքը թիեւ պրեզիդենտի մայր է Համարվում, սակայն չունի ոչինչ, բացի խղճուկ մի կարի մեքենայից եւ որ որդին էլ, իրականում ոչինչ չունի. «Դուք տեսնում եք նրան կառք նստած, սենյոր, եւ ջահակիրներ են ուղեկցում նրան, բայց իմ խեղճ զավակը նույնիսկ իր տեղը չունի գերեզմանատանը, նույնիսկ գերեզմանոցային մի թիզ հոյ չի ձեռք բերել, որպեսզի կարողանա Հանգիստ շունչը փչել: Այ՛թե սա արդար բան է, սենյոր, այն էլ այսքան տարվա անբասիր ծառայությունից Հետո»: Բայց շուտով նա դադարեց խոսել որդու գժրախոտություններից, որովհետեւ պրեզիդենտն այլեւ չէր բացում սիրտը, առաջվա պես վազ չէր տալիս մոր մոտ՝ պատմելու իշխանության գաղտնիքներն ու նենգությունները, դեսանտայինների ժամանակների Համեմատությամբ նա այնպես էր փոխվել, որ թվում էր, թե մորից էլ տարիքով է, կարծես հրաշքով ժամանակի մեջ նա Հասկ-անցել էր մորը. մայրը նկատել էր, որ որդու խոսքը Հանկարձ դառնում է անհասկանալի, անկապ, բառերը սայթաքում են, մտքերը փախչում, ինչպես շաղ եկող ուլունք, երբեմն էլ շողիք է բաց թողնում, եւ այդժամ Բենդիսիոն Ալվարադոյին Համակում էր անսահման խղճահարություն. բայց դա ոչ թե մոր, այլ դատեր խղճահարություն էր՝ զառամած հոր նկատմամբ: Այդ զգացումը նա առանձնապես սուր սպրեց այն օրը, երբ որդին իր մոտ եկավ փաթկափափրված-տուփափրված գնումների ահապին կույտով եւ փորձում էր արձակել դրանց կապերը մեկին, անհամբերությունից թիը կտրատում էր ստամոքսով, չսպասելով մոր փնտրած մկրատին. կտորեց եղունգները, երկու ձեռքով ամեն ինչ թափեց սեղանին ու շնչակտուր, անհասկանալի Հանդիսավորություն, բառերից խեղդվելով, ասաց. «Տես, թե ինչեր եմ բերել, մայր: Ահա կենդանի ծովահարս՝ ակվարիումի մեջ, ահա բնական չափսերով լարովի Հրեշտակ. նա կարող է թռչել սենյակում եւ զանգակ զնգացնել. սա օվկիանոսային խեցի է, տեսնո՞ւմ ես ինչ խոշորն է, բայց եթե ականջիդ մոտ պահես, մեր ազգային Հիմը կլսես եւ ոչ թե օվկիանոսի ազմուկը, ինչպես երգում են սովորական բոլոր խեցիները: Հրաշք են, չէ՞, մայր, ի՞նչ լավ բան է Հարուստ լինելը»: Սակայն մայրն անհաղորդ մնաց որդու Հրճվանքին եւ լռելյայն կրծում էր իր վրձինների կոթերը, եւ նրա սիրտը պայթում էր

խղճահարուժյունից, անցյալի հիշողութիւններից. անցյալը նա հիշում էր եւ գիտեր բոլորից լավ. բոլորից լավ նա գիտեր ու հիշում էր, թե որքան էր վճարում որդին՝ պրեզիդենտական աթոռը պահելու համար. «Հիմա ուրիշ ժամանակներ են, սենյոր, իշխանութիւնը Հիմա ըմբռնելի է, տեսանելի, աչքիդ առաջ, ապակյա գնդիկ է՝ ձեռքիդ մեջ, ինչպես սիրում է ասել որդիւ. այն օրերին իշխանութիւնը սպրդում էր ձեռքիցդ սաբայո ձկան պես, եւ նա, որ օժված չէր աստծուց եւ ոչ էլ ընտրյալն էր օրինականութեան, պատից պատ էր դարկվում՝ այն օրերին իսկական խենթանոց դառած այս պալատում»: Այդ խենթանոցում նրան հետապնդում էր հանուն Ֆեդերացիայի կռիւում առաջ քաշվածների անկշտում երամը. նրանց օգնութեամբ էր տապալվել գեներալ եւ բանաստեղծ Լաուտարո Մունյոսի նման ուժեղ բռնակալը, եւ թող չպակասի նրանից տիրոջ ողորմածութիւնը եւ լատինական պատարագամատուցը՝ ազնվացեղ, քառասունհերկու նժույգներով, սակայն որպես փոխհատուցում իրենց ծառայութեան, նախկին զինակիցները պահանջում էին երկրից արտաքսված Ֆեոդալների կալվածքներն ու անասունները, երկիրը բաժանում էին ինքնավար դավառների եւ մի-մի գավառ գալթած Հայտարարում, թե հենց սա է Ֆեդերացիան, որի համար արյուն էին թափել. «Մեր երակներից, իմ գեներալ»: Նրանք իրենց գավառներում դարձան բացարձակ միապետներ, սեփական օրենքներ էին հռչակում, իրենց ծննդյան օրերը Հայտարարում էին ազգային տոն, անձնական ստորագրութիւններով դրամ էին կտրում, պճնվում արծաթակար եւ ոսկեհյուս շքազգեստներով, ադամանդներով դրվագազարդում ոսկյա պատյաններն ու թրերի կոթերը, հագնում սիրամարգի փետրափնջով եռանկյուն գլխարկներ. հասկանալի է, որ ողջ այս հագուստ-կապուստը նրանք պատճենահանել էին փոխարքայական ժամանակների հինավուրց վիճակարներից: Նրանք բռի էին, սենյոր, բռի ու անտաշ, պալատ էին խուժում առանց որեւէ հրավերի, բայց եւ սեփական արժանապատիւութեան բարձր գիտակցումով. «Պետութիւնը մենք ենք, իմ գեներալ, երկիրը մեզ է պատկանում, բոլորիս. ե՛ւ երկիրը, ե՛ւ այս պալատը. հանուն դրանց ենք մենք մեզ մահու տվել. մի՞թե այդպես չէ», - նրանք մենակ չէին պալատ խուժում, գալիս էին իրենց քածերով, մի ամբողջ հարեմ քածերով,

հետևերը հավուճիվ էին բերում՝ փորները լցնելու,- հավուճիվը խլում էին հասարակ ժողովրդից՝ որպես խաղաղության տուրք, յուրաքանչյուրին անձնական պահակախումբ էր ուղեկցում,- վարձու բարբարոսներ էին, իսկական վայրենիներ, որ քայլում էին առանց կոչիկների, միայն դարշահոտ փաթաթաններով, գրեթե չգիտեին քրիստոնեական լեզուն, բայց ծանոթ էին զառ, խաղաթուղթ հւ այլ խաղերի բոլոր խորամանկություններին, հրաշալիորեն տիրապետում էին զենքի բոլոր տեսակներին. անկոչ ու անկիրթ հյուրերի մշտական արշավանքներից պրեզիդենտական պալատը նմանվել էր գնչուների վաչկատան, սենյոր. անտանելի գարշահոտ էր ընկել պալատը, կարծես գետերը վարարման ժամանակ այտոեղ էին ափ հանել իրենց ողջ աղտեղությունը. գլխավոր շտաբի սպաներն իրենց տուն էին քարչ տալիս պալատական կահույքը, բայց չէ՞ որ կահույքը Հանրապետության սևիականությունն էր, սենյոր. նրանք դոմինոյով խաղարկեցին պետական նպաստները: Խաղում էին օր ու գիշեր, ուշադրություն չբարձնելով Բենդիսիոն Ալվարադոյի բողոքներին. խեղճ կինը դժվարությամբ էր ոտքի վրա մնում, այնքան էր հոգ տանում, որ այդ անասնոցում փոքրինչ կարգուկանոն հաստատի, փոքր-ինչ կարպի բերի. մարքի կեղտ ու աղբի կույտերից. նա միակն էր, որ տեսնում էր, թե ինչպես է այլասերվում, համընդհանուր նույնալիության վերածվում Ֆեդերալիստների լիբերական շարժումը, ինչպես է քայքայվում ամենայն բան. նրան չհաջողվեց կեղտոտ ցախսովելով դուրս վճռել բոլոր այդ տականքներին, երբ տեսավ դրանց անբանությունը, տեսավ, թե ինչպես են խաղաթղթով խաղարկվում պետական բարձր պաշտոնները, ինչպես են տրվում գեխությանը. նրանք պոռնիկներին պառկեցնում էին դաշնամուրի ստեղնաշարի վրա, բնական պետքերը հոգում ալաբաստրե սափորների մեջ, թեեւ ինքը զգուշացրել էր. «Ձէ, սենյոր, սա զուգարանի փոքրիկ կոնք չէ, գիշերանոթ չէ, սա սափոր է, որ դուրս են բերել ծովի հատակից»։ Ի պատասխան՝ նրանք քրքջում էին եւ շարունակում պղծել թանկարժեք սափորները. «Տապալված հարուստների ջիգրու, սենյորա: Թող չմոգոնեն զիզի-բիզի սափորներ»։ Եվ ոչ ոք չէր կարող խանգարել նրանց, ինչպես ոչ մեկը, նույնիսկ, տեր աստվածը չկարողացավ խանգարել գեներալ Ադրիանո Հուսամանին հարբել պրե-

զիդենտական պաշտոնին անցնելու տասնամյակի առթիվ կազմակերպված կառավարական ինչուպքում: «Ո՛ր՛ւմ մտքով կանցներ, որ այդպիսի հիմարություն կանի: Նա հայտնվեց պատշաճ տեսքով՝ վուչի գործիսմաքի թեթեւ, ձյունաթուլը համագգեստով, առանց պինքի, ինչպես խոստացել էր ինձ նախօրյակին, սպայի ազնիվ խոսքով, որ գենքը կթողնի տանը: Նրան ուղեկցում էին քաղաքացիական շորերով թիկնապահները եւ օտարերկրյա լեզեռնից իր կողմն անցած ֆրանսիացիներ. բոլորն էլ ծանրաբեռնված էին նվիրներով, որ գեներուլը բերել էր տվել Կայնից եւ նախատեսել գեսպանների ու նախարարների կանանց համար. նվիրները հանձնում էր ինքը՝ Հուամանը, ոտքերն իրար զարկելով նախ ձիգ կանգնում յուրաքանչյուր տիկնոջ ամուսնու գիմաց՝ թուլլատրություն խնդրելու. այս նրբակրթությանը նրան ծանոթացրել էին Ֆրանսիացիները, ահա այսպես էր, իբր, ընդունված ֆրանսիական արքունիքում. ընծաները տիկնանց հանձնելով, Ազրիսոնո Հուամանը նստեց դահլիճի անկյունում, մի փոքրիկ սեղանի մոտ եւ սկսեց հիանալ պարերով, դսՀունակու թյամբ շարժելով գլուխը եւ քթի տակ խոստովանելով, որ իրեն դուր է գալիս, շատ է դուր գալիս եվրոպական այդ պճնամոլների պարը. թվում էր, թե ինքն իր համար խաղաղ նստած էր բազկաթուին, մոռացված բոլորից, բայց ես տեսնում էի, որ թիկնապահներից մեկը հեղում է նրան շամպայնով, լցնում հա լցնում էր նրա գավաթը. ի վերջո այնպես լցվեց փրփրուն այդ խմիչքով, որ դարձավ ալ կարմիր ու քրանեց. ձյունաթուլը բաճկոնակի կոճակներն իրար հոտելից արձակելով, նա սկսեց զկուտալ ու բխկալ, բխկալ ու գկուտալ, մինչեւ բոլորովին շիւվեց, մայր, եւ հանկարծ, երբ պարը մի պահ դադարեց, հլավ իր տեղից, քանդեց շալվարի կոճակները եւ սկսեց ջրջնքել շուրջբոլորը իր խողովակից՝ ամեն ինչ ու ամենքին, մայր. նա միգում էր տիկնանց մոտլինն նուրբ փեշերին,- ջայլամի փետուրներով նրանց հովհարներին, կոշիկներին: Իհարկե, աներեւակայելի իրարանցում սկսվեց, աներեւակայելի խայտառակություն, իսկ այդ Հուամանը շարունակում էր միղել, հետն էլ երգում էր. «Դու ինձ մերժեցիր, բայց ես ջրում եմ քո այգու վարդերը: Օ՛, հրաշալի վարդեր»: Եվ ոչ ոք չհամարձակվեց հասցնել դրա վզակոթին, ոչ ոք, նույնիսկ ես, որովհետեւ դիտելի. թեեւ իմ իշխանությունն ավելի հզոր է,



քան զինակից գեներալներից յուրաքանչյուրինը առանձին-առանձին, սակայն ոչ այնքան, որ կարողանամ դիմադրել նրանցից թեկուզեւ երկուսի դավադրությանը»։ Այդպես էր, բայց ոչ մեկը դեռ իրեն Հաշիվ չէր տալիս, որ պրեզիդենտը, քարի ամրությամբ այդ մարդը, մինչեւ ուղնուծուծը ճանաչում էր բոլորին, գիտեր, թե ով ինչով է շնչում, այնինչ սեփական մտքերն ու մտահղացումները պահում էր ծածուկ. ոչ ոք, ոչ ոք չէր կարող գուշակել, թե ինչի է ընդունակ նա, ոչ ոք չգիտեր, որ նրա անվրդովությունն ու խաղաղությունը նիրհում էին սթափ ու դաժան Հաշվենկատության, սպասելու մեծ կարողության, ամեն ինչ կործանելու ճիշտ պահն ընտրելու մեծ համբերության վրա։ Ահա թե ինչու նրա աչքերն անսահման թախծոտ էին, շրթներն անարյուն, իսկ կանացի ձեռքը նույնիսկ չզողաց թրի կոթը բռնելիս, երբ սոսկալի այն կեսօրին գեկուցեցին նրան, թե մարդկային կերպարանքը կորցնելու աստիճան անխոնի օղիով հարբած բանակի հրամանատար Նարսիսոս Լոպեսը արտաքնոցում, ամենավերջին պոռնիկի նման, հարկադրել է դրազունական սպային իր հետ անբնական հարբերության մեջ մտնել, եւ հետո, ուշքի գալով, նվաստացումից ու չարությունից տառապելով, բռնել է գեղեցկադեմ սպային, քարշ տվել նիստերի դահլիճ եւ հեծելագորային նիզակով, որպես մի թիթեռ, մեխել նրան գարնանային բնանկար պատկերող գոբելինով պատին. դժբախտ դրազունը պատին մեխված մնացել էր հրեք օր եւ ոչ մեկը չէր համարձակվել դուրս տանել նրա դիակը. այս դիպվածն այնքան էլ չէր անհանգստացրել պրեզիդենտին, նա հետեւում էր միայն, որ զինակիցներն իր դեմ դավապրություն չկազմակերպեն, իսկ նրանց արարքներին ուշադրություն չէր դարձնում - ի վերջո այդ արարքները նպատեցին համընդհանուր այն համոզվածությանը, որ վաղ թե ուշ նախկին զինակիցները կկոտորեն մեկ-մեկու։ Եվ, իրոք, մի գեղեցիկ օր նրան գեկուցեցին, որ գեներալ Խեսուէրիսոս Սանչեսին ստիպված են հղել սպանել աթոռի հարվածներով, որովհետեւ կատվի ճանկուտոցից Սանչեսը կատաղության նոպա է ունեցել։ Այդ լուրին բառացիորեն մյուսը հաջորդեց. գեներալ Լոտարիո Սերենոն խեղդվից ձիով գետն անցնելիս. անհասկանալի բան էր պատահել ձիուն՝ ծնկել էր հանկարծ խեղճը ու սուզվել հատակը, ափսո՛ս։ Որոշ ժամանակ անց նոր իրադարձու-

թյուն. «Գեներալ Նարսիսո Լոպեսը, այլեւս չզիմանալով խայտառակ իր արատի ամոթին՝ արվամուղությանը, ուժանակ է խցկել իր քամակը եւ փրթիկ-փրթիկ արել իրեն»։ Ահա, այս կերպ, մեկը մյուսի ետեւից հեռանում էին նրանք, իսկ նա տխրությամբ ասում էր յուրաքանչյուրի հասցեին՝ «Խեղճ», եւ մի՞թե հնարավոր էր ենթադրել, որ նա որեւէ չափով մասնակցություն է ունեցել անփառունակ ու հանկարծահաս այդ մահերին։ Յուրաքանչյուր անգամ պաշտոնապես հաղորդվում էր, որ սա կամ նա զոհվել է ծառայողական պարտականությունները կատարելիս, բոլորին էլ կառավարական եւ զինվորական պատիվներով թաղեցին ազգային հերոսների պանթեոնում. «Երկիրն առանց հերոսների նույնն է, ինչ տունը առանց դռների, սենյոր»։ Եվ, ահա, երբ ողջ երկրում մայցին ընդամենը վեց գեներալ, որոնք անցել էին պատերազմական տարիների բոլոր փորձությունները, նա հրավիրեց նրանց իր ծննդյան տոնակատարությանը, բարեկամական խնջույքի՝ առանց բացառության բոլորին, սենյոր, ներառյալ գեներալ Խասինտո Ագաբարբիին՝ ամենանեղ ու սարսափելի նախկին զինակցին, որը վառողով խառնված սպիրտ էր խմում եւ հրեխա էր ունեցել սեփական մորից։ «Մենք մենակ կլինենք,- ասաց նա նրանց,- մեզանից՝ մարտական ընկերներից բացի ոչ ոք չի լինի։ Հին օրերի պես կհավաքվենք միասին, առանց զենքի, իհարկե։ Բոլորս միասին, կաթնեղբայրների պես»։ Եվ բոլորը ժամանեցին, սենյոր, բոլորը հայտնվեցին խնջույքի դահլիճ, առանց զենքի, ինչպես պայմանավորվել էին, բայց իրենց թիկնապահներով, որոնք աչալուրջ սպասում էին կից սենյակներում։ Հյուրերը դատարկ ձեռքով չէին եկել, հրաշալի նվերներ էին բերել. «Մեզանից եզակիին, որը կարողացավ միավորել բոլորիս»։ Նրա կանչին արձագանքել էր նույնիսկ գեներալ Սատուրնո Սանթոսը, դուրս էր եկել սարահարթի իր որջից, առասպելական Սատուրնո Սանթոսը, ոչ մեկին չվստահող, կասկածամիտ, զտարյուն հնդկացին, պոռնիկի զավակը, որը մշտապես չրջում էր ոտաբոբիկ, որովհետեւ, ինչպես ինքն էր ասում՝ իսկական տղամարդը չի կարող չնչի, եթե ոտքի տակ չզգա հողի սրտփյունը։ Նա խնջույքին էլ ոտաբոբիկ էր եկել, վրան գցել երեւակայական կենդանիների պատկերներով պոչո, եկել էր ինչպես միշտ մենակ, առանց թիկնապահների, մաչետոնով, որ հրա-

ժարվեց հանձնել, քանի որ դա գինք չէր, այլ աշխատանքային գործիք, սաֆրանների գործիք: «Եվ նա նվիրեց ինձ մարտական մի քարարծիվ, մայր, տղամարդկային ազնիվ մենամարտի համար եւ հետը բերել էր տավիղ, մայր, սուրբ մի տավիղ, որի հնչյունները փոթորիկ էին հանդարտեցնում եւ նպաստում բերքատուլթյան բարձրացմանը. նա նվագեց տավիղը, նվագի մեջ հայելով սիրտը, արվեստը, եւ մեր մեջ արթնացրեց պատերազմական տարիների կարոտը, սոսկալի առաջին օրերի հիշողությունները եւ այդ հիշողությունները նման էին շնային եռուքորին. մինք նույնիսկ զգում էինք պատերազմի հոտերը, նա տակնուվրա արեց մեր հոգիները հեռուները տանող մարտական ոսկե նավակի մասին երգով եւ մինք ձայնակցեցինք խմբովին, երգեցինք սրտանց. «Կամուրջից ես ետ դարձա արտասովորով...»: Նրանք երգում էին, խմում, ուտում, մինչեւ խժոռեցին փորը սալոր լցված մի ամբողջ հնդուհավ եւ տապակած վարագլի կեսը. ամեն մեկն իր խմիչքն էր խմում, իր անձնական տափաշչից, իսկ գեներալ Սատուրնո Սանթոսը եւ պրեզիդենտը ոչինչ չխմեցին եւ համարյա ոչինչ չկերան, որովհետեւ հրկուսն էլ խմող չէին եւ իրենց կյանքում չէին կերել ավելին, քան պետք էր քաղցած չլինելու համար. մարտական հրգեորդ հետո գեներալներն իրենց ընկերոջ պատվին հրգեցին Դավիթ Թագավորի առաջնության սաղմոսները, բոլոր այն մաղթանքի երգերը, որ տարածված էին երկրում, քանի դեռ դեսպան Հանեմանը պրեզիդենտին չէր բերել իր հրաշալի նվերը. ձայնակալառակ էր, որի վրա մեկընդմիջտ գրանցվել էր «Ծննդյան տոնդ շնորհավոր» երգը. նրանք բղավում ու բղավում էին իրենց երգերը, ավելի ու ավելի հարբում, լպստում մարտական ընկերոջը՝ Թախժոտ, վշտոտ ծերուկին, իսկ երբ բոլորովին հարբեցին, պրեզիդենտը լքեց նրանց եւ լամպը ձեռքին, իր հին, գորանոցային սովորությամբ, շրջեց ողջ պալատը, բոլոր սենյակները եւ ննջասենյակ գնալուց առաջ վերջին անգամ տեսավ մարտական ընկերներին այնտեղ, ուր Թողել էր վեցն էլ քնել էին հատակին փռված, մեկմեկու գրկած՝ ծանրացած մարմիններով ու անհույս հարբած, բացի Սատուրնո Սանթոսից. նրանց քունը հսկում էին հինգ թիկնապահներ, քանզի Սանթոսը թիկնապահ չուներ. թիկնապահներն աչքները չէին հեռացնում մեկը մյուսից, որովհետեւ հատակին քնած գեներալները, նույնիսկ

քնի մեջ, նույնիսկ եղբայրաբար իրար գրկած, չէին վստահում միմյանց եւ վախենում էին իրարից ճիշտ այնպես, ինչպես նրանցից յուրաքանչյուրն առանձին-առանձին վախենում էր պրեզիդենտից, իսկ պրեզիդենտը սրանց զուլգերից, քանի որ երկուսը, զուլգը՝ դավադրություն է: Վերջին անգամ քնածներին նայելով նա ուղղվեց ննջասենյակ, դռան մոտ կախեց լամպը, փակվեց երեք կողպեքով, երեք շղթայով եւ երեք սողնակով, պառկեց Հատակին՝ երեսը ինչպես բարձին ափերի մեջ խրած, եւ Հենց այդ ակնթարթին պալատը դողաց պահակախմբի հրացանազարկի որոտից՝ մեկ: Եվ երկրորդը՝ երկու: «Եվ վերջ ոչ մի ավելորդ ազմուկ ոչ մի Հատուկենտ կրակոց ոչ մի տնքոց ամեն ինչ վերջացավ մի Հարվածով գրողը տանի ողջ այդ շիլափլավը»: Միայն վառոդի ծուխը նստեց անմուռնչ աշխարհի վրա: Իսկ առաւոտն արթնանալով նա Համոզվեց, որ այլեւս ոչ ոք եւ ոչինչ չի սպառնում բացարձակ իր իշխանությանը. արյան լճակները չլմփացնելով գինվորները կարգի էին բերում անցած գիշերվա բարեկամական խնջույքի դահլիճը. ցնցված Բենդիսիոն Ալվարադոն սարսափաՀար բռնել էր գլուխը, նայում էր պատերին, որոնցից արյուն էր կաթկթում, թևեւ սվաղում էին մոխրով ու կրով՝ պատերը արյուն էին քրտնում. արյուն էր ծորում գորգերից, թեեւ նոր էին դրանք քամել, ինչպես սպիտակեղենն են մղում. արյան առվակները վազում էին միջանցքներով, լցվում բոլոր սենյակները,՝ թվում էր, թե որքան ցանկանում էին ազատվել, այնքան ավելի էր շատանում արյունը,՝ սրբում էին, չորացնում, մաքրում, որպեսզի քողարկեն պատերազմի վերջին Հերոսների սպանության Հետքերը. պաշտոնապես Հայտարարվեց, որ նրանց սպանել են Հանկարծակի խելագարության նոպայով բռնված թիկնապահները, Հետո ազգային դրոշներով պատանված նրանց մարմինները Հերոսների պանթեոնում Հողին Հանձնեցին եւ նրանց պատվին պատարագ մատուցեց ինքը՝ եպիսկոպոսը. գեներալների թիկնապահները նույնպես դուրս չպրծան ծուղակից, ոչ մեկը ողջ չմնաց, բայց ողջ-առողջ դուրս պրծավ գեներալ Սատուրնո Սանթոսը, որովհետեւ նա վգից կախ գնդակներ վանող, զրահի պես, յոթ սուրբ խնկաման ուներ, սենյոր, որովհետեւ նա փոխակերպով էր, կերպարանափոխվում էր ինչպես կամենար. կրիա կարող էր դառնալ, լճակ, կայծակ. պրեզիդենտը ստիպված

էր հավատալ, որովհետեւ Սատուրնո Սանթոսին չգտան նույնիսկ հովազների հետքերը բռնելուն վարժված շները. պայծառաստեագուշակը նույնպես հաստատեց, որ ողջ է Սատուրնո Սանթոսը. «Ահա նա, իմ գեներալ, այս խաչի թագավորն է»: Ինչ գնով էլ լիներ, պետք էր գտնել նրան, որովհետեւ ճողոպրած գեներալն անհանգստացնում էր պրեզիդենտին, չէ՞ որ գիտեր ամեն ինչ. եւ նրան որոնում էին օր ու գիշեր, փնտրեցին տարիներ շարունակ, մինչեւ մի օր պրեզիդենտն իր վագոնի լուսամուտից տեսավ տղամարդկանց, կանանց ու երեխաների մի թափոր, որ թափառում էր կահ-կարասիով, անասուններով. այդպես պատերազմի տարիներին էին գյուղովի դաղթում՝ Փեդերայիտների զորքերի ետեւից. բայց այս ամբոխը գնում էր գունատ, հյուծված, կոշտ հազուատով եւ պատառտոված պոնչոյով մի մարդու ետեւից, գնում էր հորդ անձրեւի տակ՝ իրենց ծերերին ու հիվանդներին տանելով ճոճերի մեջ պառկած - այդ մարդն իրեն մեսիա էր անվանում եւ ամբոխը քայլում էր նրա ետեւից: Եվ պրեզիդենտը զարկից իր ճակատին ու բացականչեց. «Ահա նա, գրողը տանի: Սա չէ՞ որ Սանթոսն է»: Իրոք այդ մարդը Սատուրնո Սանթոսն էր, որ ապրում էր քարոզչությամբ, սնվում հավատացյալների ողորմածությամբ եւ հրաշագործ տավիղի նվագով. այո, ինքն էր՝ աղքատ, մռայլ, պատառտոված պոնչոյով եւ մինչեւ վերջին թելը քրքրված փետրի գլխարկով, սակայն այս խղճուկ տեսքով էլ նա ահեղ էր եւ հնարավոր չեղավ առանց արյուն թափելու ձերբակալել. մաչետի հարվածներով նա գլխատեց երեքին, պրեզիդենտական պահակախմբի ամենաճարպիկ ու քաջ զինվորներին, որոնք փորձեցին որսալ գեներալին միանգամից. եւ պրեզիդենտը հրամայեց կանգնեցնել գնացքը գերեզմանատան նման տխուր այդ սարահարթում, մեսիային չըջապատած ամբոխի մոտ. մարդիկ իսկույն ցրիվ եկան, երբ ազգային դրոշի գույնով ներկված վագոնից գեներալը պատրաստ դուրս թափվեցին պրեզիդենտի թիկնապահները. ոչ մի շունչ չմնաց, միայն Սատուրնո Սանթոսն էր՝ իր հրաշագործ տավիղի մոտ քար կտրած. նրա ձեռքում մաչետի կոթն էր, իսկ աչքերն անշարժացել էին պրեզիդենտական վագոնի դռանը - գեներալ Սատուրնո Սանթոսը հմայված էր իր երգվյալ թշնամու տեսքով. նա Հայտնվեց աստիճաններին առանց տարբերանշանի դաշտային համազ-

գեստով, առանց գենքի. այնքան ծեր էր ու այնպես հեռու. «Ասես  
չենք տեսնվել մի Հարյուր տարի, իմ գեներալ»։ Սանթոսի աչքին  
պրեզիդենտը չափազանց հոգնած երեւաց ու միայնակ, անառողջ -  
լյարդի քմայքներից դեղնել էր մաշկը, դեղնել էին աչքերը, բայց  
դրանցից մի արտակարգ ճառագայթում էր արձակվում. ողջ իշ-  
խանության ուժի բխումն էր, որ կենտրոնացրել էր նա իր ձեռ-  
քում՝ սպանելով մյուս Հավակնորդներին, եւ գեներալ Սատուրնո  
Սանթոսը իր մահն ընդունելով վճռեց չդիմադրել, տեսնելով, որ  
ոչնչի առաջ չի կանգնեցնի, ոչ մի բան խելքի չի բերի բացարձակ  
իշխանությունից խենթացած, միայն տիրելու ծարավ այդ ծերու-  
նուն, բայց պրեզիդենտը Սանթոսին պարզեց կլոր ու Հարթ, ման-  
տերայայի՝ մարմնի նման ձեռքը եւ բացականչեց. «Թող աստված  
օրհնի քեզ, Հայրենիքի քաջ ու փառավոր զավակ»։ Որովհետեւ նա  
գիտեր, որ թիկունքը չձուած, Հպարտ թշնամուն Հաղթող միակ  
գենքը բարեկամական ձեռքն է, եթե դու ես առաջինը պարզում:  
Եվ գեներալ Սատուրնո Սանթոսը Համբուրեց պրեզիդենտի ոտքե-  
րի տակի Հողը եւ ասաց. «Թույլ տվեք Հավատով ու ճշմարտու-  
թյամբ ծառայել ձեզ, իմ գեներալ, քանի դեռ կարող եմ մաշխտե  
բռնել, քանի դեռ նա կարող է կրպել իմ ձեռքերում»։ Եվ նա ըն-  
դունեց Սատուրնո Սանթոսին ծառայության, դարձրեց իր թիկնա-  
պահը, պայմանով սակայն, որ նա երբեք չկանգնի իր թիկունքի ե-  
տեւում. նա դարձրեց նրան նաեւ իր խաղընկերը, եւ նրանք չորս  
ձեռքով դոմինո էին խաղում. մինչեւ վերջին սենտավոն մաքրա-  
զարդեցին տապալված, գանձարանների Հետ մեր երկիրը փախած  
չատ ու շատ բռնակալների գրպանները. պրեզիդենտական կառքով  
նա նրան տանում էր ամեն տեղ, գազանի Հոտ արձակող այդ ոտա-  
բորիկին քարչ տալիս դիվանագիտական ընդունելությունների -  
նույնիսկ շներն էին փախչում Հովազի նրա Հոտն առնելով, իսկ  
դեսպանների կանայք սրտխառնուք էին ունենում. նա Հրահանգեց  
նրան հսկել իր քունը եւ Սատուրնո Սանթոսը քնում էր ննջա-  
սենյակի դռան տակ. ննջասենյակի տիրող Հոգին խաղաղվում էր  
այն գիտակցությունից, որ ոչ հեռվում կենդանի շունչ կա, որով-  
հետեւ նրան մշտապես տանջում էին մղձավանջները եւ նա սար-  
սափում էր մենակ մնալ նրանց Հետ, ում տեսնում էր երազում. եր-

\* Մանտերայա - ձուկ, «ծովային սատանա»:

կար տարիներ նա պահեց Սատուրնո Սանթոսին իր կողքին, թեև լրիվ չէր վստահում, թեև որոշ տարածութեան վրա, բայց կողքին, մինչև Սատուրնո Սանթոսին Հաղթեց տառապալից Հողատապը, որից նա բոլորովին Հյուծվեց եւ մաշետեմն այլեւ չէր երգում նրա ձեռքերում, եւ այս Հանգամանքը ստիպեց նրան մահ տենչալ. «Ապանեք ինձ, իմ գեներալ: Միայն դուք ունեք այդ իրավունքը»: Բայց նա Սատուրնո Սանթոսին պատկառելի կենսաթոշակ նշանակեց, պարգեւատրեց Հավատարիմ ծառայութեան Համար մեղալով եւ մեռնելու ուղարկեց սարահարթ, անասնազոդերի խուլ մի գյուղակ, ուր ժամանակին ծնվել էր Սանթոսը. Հրաժեշտին նույնիսկ արտասովեց, երբ Սանթոսը Հպարտութեամբ վերջնականապես մի կողմ դնելով, իր անկարողութեանից չամաչելով, դառնացած աւսաց. «Ահա տեսնում եք, իմ գեներալ, նույնիսկ ամենապիտիւ տղամարդիկ են թուլանում, դառնում կնիկ»:

Այո, Բենդիսիոն Ալվարադոն լավ գիտեր եւ Հիշում էր, թե ինչ գնով էր որդին մնում պրեզիդենտական աթոռին, եւ ոչ մեկը իրենից լավ չէր Հասկանում երեխայական այն Հրճվանքը, որով որդին լրացնում էր բաց թողածը, այն շոյալութեամբ, որով նա աջ ու ձախ վատնում էր իշխանութեան շնորհիվ ձեռք բերած փողերը. վատնում էր, որ ունենար այն ամենը, ինչից զուրկ էր մանկութեան, երիտասարդութեան տարիներին, բայց Բենդիսիոն Ալվարադոյին զայրացնում էր այն իրողութեամբ, որ մարդիկ օգտակար չէին միամտութեանից, առասպելական գներով էին վաճառում նրան արտասահմանյան զանազան ծառայութիւններ, թեև նա տեսնում էր, որ դրանք գրոշի արժեք ունեն, ամեն դեպքում ավելի անարժեք էին, քան ջրաներկով ներկված իր թռչնակները - թռչնակներին կերպարանափոխելը Հնարամտութեամբ ու փորձ էր պահանջում, սակայն մեկ թռչնակին չորս պետոյից ավելի ոչ ոք երբեք չէր վճարել: «Ես դեմ չեմ քո խաղալիքներին,- ասաց նա որդուն,- բայց վատ չէր լինի ապագայի մասին էլ մտածել. ես չեմ կամենում տեսնել քեզ գլխարկը մարդկանց դեմ արած, երբ քեզ գլորեն քո աթոռից. աստված ոչ անի, իհարկե, բայց չէ՞ որ կարող է այդպես պատահել, ուրեմն, ի՞նչ պիտի անես: Գոնե լավ երգիչ լինի՞ր կամ արքեպիսկոպոս, կամ նավաստի, բայց դու ընդամենը գեներալ ես, միայն Հրամայել գիտես՝ մեկ, երկու: Բա դրանով ասրել կլինի՞»:

Նա որդուն խորհուրդ տվեց ապահով տեղում թաղել պետական ծախսերից ավելացած փողերը, այնպես որ ոչ ոք չիմանար թաքստոցի տեղը, եւ այդ փողերը պետք կզան, երբ Հարկ կլինի մի կողմ քաշվել, ինչպես ետ են քաշվել իրենց երկրներից վտարված այն խեղճ պրեզիդենտները, որոնց բաժին էր Հասել միայն մոռացությունը, որոնք ողորմածություն ստանալու պես ուրախանում էին Հարազատ նավի սոսկ ազդանշանը լսելիս. «Հաճախ հիշիր ժայռակատարի տանը ապրող մարդկանց, հիշիր, որ նրանց նայելով դու Հայելու մեջ քեզ ես տեսնում»: Բայց նա կամ ուշք չէր դարձնում մոր խոսքերին եւ կամ Հանգստացնում էր նրան մոզական խոսքերով. «Ոչնչից մի վախենա, մայր, որովհետեւ ժողովուրդը սիրում է ինձ»: Բենդիսիոն Ալվարադոն ապրեց մինչեւ խոր ծերություն, մշտապես գանգատվելով աղքատությունից, Հայհոյիլով սպասուհիների, շուկայում շախումանների Համար, երբեմն ինքն էլ իրեն գրկելով ճաշից, միայն թե կրճատի ծախսը, եւ ոչ ոք չէր Համարձակվում բաց անել նրա աչքերը, ասել, որ վաղուց արդեն նա աշխարհի ամենահարուստ կանանցից մեկն է, քանզի այն ամենը, ինչ շահում էր որդին կառավարական գործարքների ու մեքենայությունների շնորհիվ, գրանցում էր մոր անունով. նա չգիտեր, որ դարձել է անձայրածիր կալվածքների ու անհամար անասնահոտերի տիրուհի, տեղական տրամվայի գծերի, փոստի, Հեռագրատան եւ ազգային ջրերի կառավարչուհի, չգիտեր, որ մեզ պատկանող ջրերը մտնող, մեր գետերով լողացող յուրաքանչյուր նավ պարտավոր էր նրան մաքս վճարել. այս ամենը նա չգիտեր, ինչպես չգիտեր եւ այդպես էլ մինչեւ մահ չիմացավ, որ իր որդին բալորովին էլ միամիտ չէր, մեծահասակ երեխա չէր, ինչպիսին թվաց իրեն, երբ մենատուն եկավ ու բերեց բոլոր այդ նվեր-խաղալիքները, որոնցով ինքն էլ զվարճացավ. նա չգիտեր, որ այդ ժամանակ արդեն որդին անասնամորթի տուրք էր նշանակել եւ այդ տուրքն ամբողջությամբ իր գրպանն էր լցնում, չգիտեր, որ ուրդին խոշոր գումարներ էր վերցնում Հովանավորելու դիմաց, չէր նողկում շահամոլ արբանյակների շույլ նվիրատվություններից, բացի դրանցից հսկայական գումարներ էր շահում վիճակախաղում - վիճակախաղի շահումների կարգը չէ՞ որ մանրամասնորեն ինքն էր մշակել եւ խաղարկությունն այնպես էր գործում, ինչպես պետք էր ի-



րեն: Վիճակախաղի գործարքը նա ձեռնարկեց իր կեղծ մահից հետո, ավելի ճշգրիտ՝ Մեծ Աղմուկի ժամանակներում, սենյոր, որ այդպես կոչվեցին ոչ այն պատճառով, ինչպես կարծում են շատերը, թե մի անգամ, սուրբ էրակլիո մարտիրոսի օրվա լույս գիշերը, ողջ երկրով մեկ դժոխային ստորերկրյա որոտ թնդաց,- ի դեպ, այդպես էլ խելքին մոտ ոչ մի բացատրություն չատանալով,- այլ այն պատճառով, որ այդ օրերին մեծ աղմուկով ամենուր, ամենաբազմազան շինությունների հիմքն էր դրվում. հիմքը գցելու պահին կառույցները հուշակվում էին աշխարհի մեծագույնները, թեև դրանցից եւ ոչ մեկն ամբողջությամբ չկառուցվեց, բայց աղմուկը մեծ էր, սենյոր. այդ ժամանակներում նա պետական խորհուրդներ հրավիրելու սովորություն ուներ՝ սինատայի ժամիրին եւ մոր մենատանը, տամարինդների ստվերով ծածկված բակում. ճոճում պառկած, գլխարկով հով անելով, աչքերը փակ նա լսում էր ճոճի շուրջը նստոտած, ներկած բեղերով ճոճամաբաններին, որոնք շնչահեղձ էին լինում շոգից ցելուլոիդե օձիքներով սեղմված մահուրե սյուրթուկների մեջ, շատախոս նախարարներին, ատելի այդ քաղաքացիականներին, որոնց նա ստիպված էր հանդուրժել իր իսկ շահերի համար. նրանք ճամարտակում էին, իսկ նա լսում էր, թե ինչպես են դրանց ձայները սուզվում բակում հավիրին հետապնդող աքաղաղների թեւաբախման աղմուկի մեջ, լսում էր ճոճիների անվերջ ու միալար ճռտոցը, մոտերքից եկող անխոնջ գրամաֆոնի միեւնույն երգը. «Սուլաննա, ինձ մոտ արի, Սուլաննա», ննջում էր եւ նախա-րարները իսկույն լուռում էին հարգալից. «Սուս, գեներալը քնեց»,- սակայն ընդհատելով խումփոցը, բայց եւ աչքերը չբանալով, նա բղավում էր. «Շարունակեք, ես լսում եմ»,- եւ նրանք շարունակում էին, քանի դեռ նա դուրս չէր գալիս սինատայի սարդոստայնից, տանջալից նինջից եւ չէր ամփոփում նիստի արդյունքները. «Հիմարություններ դուրս տվեցիք: Ձեզանից միայն մեկն է գործի մարդ՝ առողջապահության նախարարը, իմ հայրենակիցը: Դե, էլ ի՞նչ է ձեզ պետք: Ցրվեք, վերջացրինք այս չիլաչփոթը»: Հետո նա պետական գործերը քննարկում էր անձնական օգնականների հետ, ճաշի ժամանակ, ետ ու առաջ քայլելով, ավստեն մի ձեռքում, գլխը՝ մյուս, իսկ շատ հարցեր վճռում էր ընթացքում, սանդուղքով բարձրանալիս, նույնիսկ չէր վճռում,

փնթփնթում էր. «Արեք ինչ ուզում եք, միեւնույն է, ես եմ այստեղ տեր ու տիրականը»: Նրան այլեւս չէր հետաքրքրում՝ սիրո՞ւմ են իրեն, թե ոչ,- «Դատարկ բաներ են», - եւ սկսեց հայտնվել հասարակական հազար ու մի հանդեսներում. անձամբ ժապավիններ էր կտրում՝ բաց անելով ինչ-ինչ ցուցահանդեսներ, ամբողջ հասակով մեկ տնկվելով մարդկանց առջեւ վտանգելով իրեն այնպես, ինչպես չէր վտանգել նույնիսկ առավել խաղաղ ժամանակներում. «Դատարկ բաներ են, ոչինչ չի պատահի»: Իսկ օրվա մնացած ժամանակը նա անց էր կացնում իր թանկագին ընկերոջ՝ գեներալ Ռոդրիգո դե Ագիլարի եւ առողջապահութեան նախարարի՝ թանկագին հայրենակցի հետ դոմինո խաղալով: Այս երկուսը միայն իրավունք ունեին խնդրել, որ այս կամ այն կալանավորին ազատի, որեւէ մահապարտի ներքի, միայն այս երկուսը կարողացան տեսակցութեան թույլտվութիւն խնդրել գեղեցկութեան թագուհի Մանուելա Սանչեսի համար: Հասարակ դասից ծնված մի հրաշք արարած էր նա, աննման ծաղիկ, ծլած աղքատութեան այն ծովի մեջ, որ մենք անվանում էինք Շնային գզվուտոցների թաղամաս, որովհետեւ այդ թաղամասում բնակվող շները գզվուտվում էին օր ու գիշեր, առանց շունչ քաշելու, առանց դադարի. դա այն թաղամասն էր, ուր չէին համարձակվում մտնել ազգային գվարդիայի պարեկները, որովհետեւ բավական էր հայտնվելին, իսկույն տկտրվում էին, իսկ նրանց մեքենաները մի ակնթարթում վերածվում էին պահեստամասերի. այստեղ մոլորված ավանակը դուրս էր ելնում ոսկորներով լի պարկի տեսքով - ահա այդպիսին էր Շնային գզվուտոցների թաղամասը, իր խճճված փողոցների լաբիրինթոսով, մահվան այդ որջը, ուր անհետանում էին հարուստների առեւանգված որդեակները. «Նրանց այնտեղ սպանում էին ու տապակում, պատկերացնում էք, իմ գեներալ»: Բայց հենց այդտեղ էր ծնվել ու մեծացել, այդտեղ էր ապրում Մանուելա Սանչեսը, չարաբաստիկ Մանուելա Սանչեսը, աղքատրդի այդ ծաղիկը. «Այդ աղջկա գեղեցկութունն ապշեցրել է ողջ երկիրը, իմ գեներալ»: Նրա հետաքրքրասիրութիւնը բորբոքվեց, այնպես բորբոքվեց, որ ասաց. «Եթե նա, իրօք, այդպիսի արտակարգ գեղեցկուհի է, ապա ես պատրաստ եմ ոչ միայն ընդունել նրան, այլեւ հետը վալս պարել: Գրողը տանի, թող գրեն այդ մասին լրագրերը, նման պատմութիւններ չատ են հա-

վանում հասարակ մարդիկ»։ Երեկոյան, սակայն, Մանուելյա Սան-  
չեսի տեսակցութունից հետո, սկսելով դոմինոյի հերթական խա-  
ղը, նա բացահայտ հիասթափությամբ ասաց գեներալ Ռոդրիգո  
դե Ազկիլարին, որ աղքատների փառաբանված այդ թագուհին ար-  
ժանի չէ նույնիսկ իր հետ վալս պարելուն, որ նա սովորական մի  
աղջիկ է, հար ու նման հարյուրավոր այլ Մանուելյա Սանչեսների,  
ովքեր բնակվում են Շնային գզվուտոցների թաղամասում. «Մու-  
լինն բոլորածալերով դրա հավերժահարսի շրջագգե՛ստը, կեղծ քա-  
րերով զարդարված, ոսկեջրած դրա թա՛գը, հապա ձեռքի վա՛րդը,  
վախը՝ մորից, որն այնպես է դողդողում աղջկա համար, կարծես  
մաքուր ոսկուց է չինված։ Բայց սատանան նրա հետ, ես բավարա-  
րեցի նրա երկու խնդրանքը. նա ջուր եւ էլեկտրականություն էր  
խնդրում տալ Շնային գզվուտոցների թաղամասին։ Սակայն ես  
զգուշացրի նրան այլևս աչքիս չհրեալ իր խնդրանքներով. տանել  
չեմ կարող մուրացիկներին եւ չեմ կամենում խոսել պատահական  
ամեն քրջոտի հետ։ Ի՞նչ է նրանց ուզածը»։ Եվ նա խաղը կիսատ  
թողած ոտքի ելավ ու հեռացավ դուռը շրխկացնելով, իսկ երբ ժա-  
մը ութը դարձավ, հայտնվեց Ֆիրմայում, կեր տվեց կովերին, հրա-  
հանգեց աթար տանել պալատ, հետո գնաց ընթրելու եւ, սովորու-  
թյան համաձայն, մի ձեռքով ափսեն բռնած - քայլում էր սենյա-  
կում, ուտելով տապակած միսը, լոբու, բրնձի եւ չինարի տերեւնե-  
րով սալաթը, ստուգում ամե՞ն ինչ կարգին է պալատում. հաշվեց  
բոլոր ժամապահներին, բոլոր պահակակետերը, սկսած պալատի  
դարպասներից մինչեւ իր ննջասենյակի դուռը, համոզվեց, որ պա-  
հակներն, ինչպես կարգն է, տանչորսն են, հետո ստուգեց՝ տե-  
ղո՞ւմ են անձնական պահակախմբի մյուս անդամները եւ համոզ-  
վեց, որ տեղում են, պալատի առաջին ետնաբակում դոմինո են  
չրխկացնում. հետո նա համոզվեց, որ բոլոր բորոտները պառկած  
են սանդուղքի աստիճաններին եւ երբ ժամը ինը դարձավ, ընթրի-  
քի ափսեն առաջին իսկ պատահած բաց լուսամուտի գոգին դրեց,  
իսկ ինքն ընկղմվեց գարշահոտ ու թանձր խավարն ու հայտնվեց  
իր սիրուհիների բարաքը, այն մահճակալի մոտ, որի վրա քնել էին  
միանգամից երեք կին՝ օրապակաս իրենց երեխաներով. նա  
խցկվեց այդ մարդակույտի, գեշ հոտ արձակող մարմնեղեն խառ-  
նախյուսի մեջ, մի կողմ հրեց իրեն խանգարող երկու գլուխ եւ ե-

րեք գույգ ոտքեր եւ տիրացավ կանանցից մեկին, չտեսնելով նույնիսկ նրա դեմքը, իսկ կինը չարթնացավ էլ, եւ ոչ մեկը չարթնացավ այդ մահճակալի վրա, միայն Հարեւան մահճակալից լավեց կանացի քնատ մի ձայն. «Մի փնչացրեք այդպես, իմ գեներալ, երեխաները կվախենան»: Հետո նա պալատ վերադարձավ, ստուգեց երեք լուսամուտների բոլոր քսան մղակները, մտոլվներին քշելու համար միջանցքում աթար վառեց - Հանդերձարանից դեպի բնակելի սենյակները շարժվելով, նա Հինգ մետրը մեկ աթարի կտոր էր վառում եւ ներշնչելով ծուխը հիշում անհուսալիորեն հեռու իր տկոր մանկութունը. բայց մի՞թե դա իր մանկութունն էր: Եղած-չեղածը ակնթարթային հիշողութուն էր, որ ծնվում էր աթարի ծուխը ներշնչելիս, հետեւյալ պահին նա ոչինչ այլեւս չէր հիշում... Հետո նա շարժվում էր հակառակ ուղղությամբ՝ դեպի Հանդերձարան, մարելով բոլոր սենյակների լույսը, ծածկելով թռչնավանդակները եւ հաշվելով դրանք. «Քառասունութ հատ պիտի լինեն»: Այո, քառասունութ հատ էին, բայց նա չհանգստացավ, կրկին շրջեց ողջ պալատը՝ լամպը ձեռքին, տասնչորս անգամ տեսավ իր արտացոլանքը տասնչորս հայելիների մեջ՝ տասնչորս համանման գեներալներ՝ ձեռքներին վառվող լամպ: Ժամը տասը դարձավ: Ամեն ինչ կարգին էր: Մտավ իր գվարդիականների ննջասենյակը, մարեց լույսը. «Բարի գիշեր, սենյորներ»: Հետո աչքի անցկացրեց առաջին Հարկի բոլոր առանձնասենյակները, բոլոր ընդունարանները, բոլոր արտաքնոցները, վարագույրների ետեւը տնտղեց, սեղանների տակը՝ ոչ ոք չկար. եւ նա գրպանից հանեց բանալիների փունջը, շոշափելով գլխի ընկավ՝ որը որ փականքինն է, փակեց բոլոր առանձնասենյակները, բարձրացավ գլխավոր Հարկաբաժին եւ այնտեղ էլ ստուգեց բոլոր անկյունները՝ սենյակ առ սենյակ, եւ փակելով բոլորը, վերջապես հասավ իր ննջասենյակ, թաքստոցից դուրս բերեց մեղրի պուլիկը, կուլ տվեց ամենօրյա բաժին երկու գդալ մեղրը, հասցնելով մտածել մոր՝ Բենդիսիոն Ալվարադոյի մասին, երեւակայությամբ տեսավ նրան քնած քաղաքամերձ իր մենատանը, թուրինջի թփի եւ օրեգանո խոտի հաճելի բույրերի մեջ, պարզորոշ տեսավ մոր անշարժ, անուժ ցած ընկած ձեռքը, ուղածո գորշ թռչնակին պիրոլ դարձնող ձեռքը, որը հիմա այնքան անկենդան էր պատկերանում, ասես քնած չէր մայ-

որը, այլ մեռած. «Բարի գիշեր, մայր», շնչաց նա եւ լսեց քաղաքամերձ իր մենատանը քնած մոր պատասխանը քնի միջից. «Բարի գիշեր, որդիս»: Հետո նա ննջասենյակի մուտքի մոտ, կեռից կախեց լամպը - լամպը վառվելու էր ողջ գիշեր, ոչ ոք մարելու իրավունք չուներ, որովհետեւ այդ լամպը անհրաժեշտություն էր, եթե հարկ լիներ փախչել գիշերով. տասնմեկը դարձավ, եւ նա կրկին շրջեց ողջ պալատը, չվառելով եւ ոչ մի լույս, մթության մեջ շրջում էր հենց այնպես, համենայնդեպս՝ ո՞վ իմանա, գուցե թե մեկն ու մեկը համարձակվել էր ներս սողոսկել: Նա կամացուկ շարժվում էր մի քանի ակնթարթ տեւողությամբ կանաչ ծեփերով, փարոսի պտտվող թիակների կանաչ լուսափնջերով լուսավորվող մթության մեջ, եւ այդ կանաչ լույսերում բոցկլտում էր նրա ոսկյա խթանը, որն իր հտեւից թողնում էր աստղափոշու առկայծող հետք. երկու բռնկումների արանքում նա տեսավ ոտքի վրա քնած մի բորոտի, որը, հավանաբար, մոլորվել էր, եւ չգիպչելով նրան, ուղեկցեց մինչեւ այգի, վարդաթփերից մեկի մոտ, ճանապարհի խավարը լուսավորելով իր արթմնության լույսով. բորոտին թփի տակ թողնելով եւ կրկին հաշվելով պահակակետերը, նա իր ննջասենյակը բարձրացավ. հրկար միջանցքի լուսամուտների մոտով անցնելիս նա յուրաքանչյուրից տեսավ ապրիլ ամսվա կարիբյան ծովը, տեսավ քսաներեք անգամ, եւ թեեւ կանգ չէր առնում, նկատեց՝ ծովը նույնն էր, ինչ լինում էր միշտ ապրիլ ամսին - նման էր ոսկեգօծ ջրաոսպով ծածկված ճահճի. տասներկուսը դարձավ, եւ ժամացույցի վերջին դարկի հետ նա հոգին շամփրող սարսափ զգաց, որ գալիս էր պալատի խորքերից. այդ սարսափը սոււոցի պես խլացրեց նրան, եւ աշխարհում այլեւս ոչ մի զգացողություն, ոչ մի այլ հնչյուն չկար, եւ վախենալով իր սարսափից, նա փակվեց երեք կողպեքով, երեք շղթայով, երեք սողնակով, փոքր պետքը հոգաց՝ քամելով երկու կաթիլ, չորս կաթիլ, յոթը տառապալից կաթիլներ, եւ փովեց հատակին, ընկավ բերանքսիվայր ու ակնթարթորեն քնեց աներազ քնով. բայց երեքից քառորդ պակաս արթնացավ քրտնքի մեջ կորած, սուկալի այն զգացողությամբ, թե իրեն նայող կա. քանի դեռ քնած էր, առանց կողպեքների գիպչելու պատերի միջով թափանցելու ընդունակությամբ օժտված ինչ-որ մեկն էր. «Ո՞վ կա այստեղ», - հարցրեց նա, բայց պատասխանը

լուսթյունն էր. նա փակեց կոպերը, փորձելով քնի աշխարհ վերադառնալ, բայց Հանկարծ կրկին զգաց, որ իրեն նայող կա եւ սարսափից բացելով աչքերը, տեսավ Մանուելյա Սանչեան է քայլում կողպեքներով ու սողնակներով փակ իր ննջասենյակում, պատերի միջով անցած Մանուելյա Սանչեար, չարաբաստիկ գիշերվա Մանուելյա Սանչեար, մուսլինն շրջագգեստով, բոցկլտացող վարդը ձեռքին Մանուելյա Սանչեար, որի շունչը խոլորձի բուլբ էր արձակում՝ «Ասա, որ դու իրական չես, տեսիլք ես,- մրմնջաց նա,- ասա, որ դու՝ դու չես, որ խոլորձի թմրեցնող այս բուլբը քո շունչը չէ»։ Բայց նա էր՝ Մանուելյա Սանչեար, եւ վարդը բոցկլտում էր նրա ձեռքին, նրա տաք շնչառությունն էր, որ օդ դարձավ ննջասենյակում. այստեղ ամեն ինչ դարձավ Մանուելյա Սանչես, ուղ աշխարհը դարձավ Մանուելյա Սանչես, այդ կերպ Համառ ժայռն է իրեն ենթարկում ծովի Հնադարյան ուժը. «Իմ անկումների Մանուելյա Սանչես, դու չէ՞ որ չկաս իմ սփի բախտագծերում, քեզ չեն գուշակել սրճի մրուրում, դու չես երեւացել ջրի այն Հայելում, որով Հմայում էր գուշակ-պայծառատեսը. ուրեմն, մի խլիր գիշերային քունս, մի գրկիր ինձ սովորական օդից, ննջասենյակիս խավարից, ուր չի մտել եւ չի մանի ոչ մի կին, Հանպարու քո վարդը»,- սղաչեց նա պատի վրա սփլիփելով անջատիչը, բայց ամենուր գտնելով իր ցնորանքի Մանուելյա Սանչեսին. «Սատանան տանի, ինչո՞ւ պիտի գտնեմ քեզ, եթե երբեք չեմ կորցրել։ Ի՞նչ ես ուզում ինձանից։ Ուզո՞ւմ ես վերցրու պալատս, վերցրու ամեն ինչ, ողջ երկիրը, միայն թույլ տուր վառեմ լույսը, իմ գիշերվա կարիճ, իմ փոշտանկի Մանուելյա Սանչես, ես քո մոր եղած-չեղածը»։ Նա Հույս ուներ լույսը վառելով ազատվել տեսիլքից, Մանուելյա Սանչեսի դյութանքից եւ բղավում էր կոկորդով մեկ. «Հեռացրեք սրան, ազատեք ինձ սրա ձեռքից, խարխալը վզից կախ ծովը չարտեք դրան, խեղդեք, որպեսզի ոչ ոք չտառապի դրա վարդի շողարձակումից»։ Նա բղավում էր, մթության մեջ կովի թրիք տրորելով գայթում եւ սարսափահար Հարցնում ինքն իրեն. «Այս ի՞նչ կատարվեց լույս աշխարհում։ Շուտով առավոտյան ութը կլինի, իսկ այս նողկալի տանը դեռ մրափում են բոլորը»։ «Ելեք, կոտոշավորներ», - բղավեց նա եւ սկսեցին վառվել լամպերը, պալատի զորանոցում շեփոր Հնչեցրին, արձագանքեց նավահանգստի ամրոցը, Հետո նաեւ

Սան-Խերոնիմոյի բազան. շեփորականչ Հնչեցրին երկրի զորանոցներում, արթնացան բոլորը, չրխկացին զինաբուրգերից փութով վերցված հրացանները, վարդերը բացվեցին առաջին ցողից երկու ժամ առաջ, պալատի սպասուհիները, աստղային երկնքի տակ, ինչպես լուսնոտներ, թափ տվեցին ուղեգորգերը, վանդակներում քնած թռչուններին կեր տրվեց, դեռ չթառամած ծաղիկները դեն չպրտվեցին եւ փոխարենը սափորների մեջ նույն թարմությունն ունեցող նորերը դրվեցին. որմնադիրների մի խումբ հապշտապ պատեր շարեց՝ արեւահայաց յուրաքանչյուր պատուհանին սոսնձելով ոսկեգույն ֆուլգայից մեկական արեգակ, ինչով շփոթեցրին արեւածաղիկներին, բայց ֆուլգայե արեգակներն անհրաժեշտ էին, որպեսզի ցերեկվա տպավորություն ստեղծվեր, քանզի երկնքում գիշեր էր դեռ թեւածում, օրացույցը կիրակի օրն էր ցույց տալիս, երկուշաբթի լուսաբացը դեռ չէր քսվել ապրիլյան ծովին. երկնքում թեւածում էր գիշերը, իսկ ճշան չինացիները՝ լվացքատների տերերը, արթնացնում ու փողոց էին հրում առաքիչներին՝ պատվիրատուներից կեղտոտ սավաններ բերելու, կույր-պայծառատեսները գուշակություններ էին սկսել, փորձառու պաշտոնյաները մի այնպիսի տեսք էին ընդունել, ասես սկսված երկուշաբթի օրվա ձվերն էին հայտնաբերում իրենց գրասենդանների դարակներում, այնինչ անցած երեկոյի ձվերն էին դրանք. ամենուր խմբվել էին շփոթված մարդիկ, այն սեղանների տակ, որոնց շուրջ արտակարգ նիստի էին հավաքվել պետական խորհրդի անդամները, իրենց հավերժական գզվուտոցը սկսեցին պալատական շները, իսկ նա անակնկալ այս առավոտից շացած, ուղղվեց դեպի նիստերի դահլիճ՝ շրջապատված ոչնչով չզարմացող շողոքորթներով, որոնք անվերջ անվանում էին նրան լուսաբացի արարիչ, ժամանակի տիրակալ, արեգակնային ճառագայթների պահապան. երբ գլխավոր շտաբի սպաներից մեկը համարձակվեց կանգնեցնել նրան եւ պատիվ տալով գեկուցեց, որ հիմա ոչ թե առավոտյան ժամը ութն է, այլ ընդամենը երեքն անց հինգ րոպե, նա ապտակեց անպատկառին եւ այնպես բղավեց, որ լսելի էր ողջ աշխարհին. «Հիմա ժամը ութն է, գրողը տանի, ութը, ասացի»: Երբ կեսօրվա ժամը երեքին նա հայտնվեց մոր մոտ, Բենդիսիոն Ալվարադոն զարմացած հարցրեց. «Ի՞նչ է պատահել: Հո քեզ չի՞ խայթել մոր-

մը: Ինչո՞ւ ես բռնել սիրտդ»: Նա լռեցյալն ընկղմվեց ցանցաՀյուս  
բազկաթոռի մեջ, ձեռքն ուզեց Հեռացնի կրծքից եւ նույն պահին  
էլ մոռանալով, կրկին տեղը դրեց: Եվ այդ ժամանակ Բենդիսիոն  
Ալվարադոն որդու կողմը տնկելով թռչնակներին ներկող վրձինը,  
Հարցրեց առավել զարմացած. «Դու, ինչ է, իրո՞ք, Քրիստոսի  
սրբապատկեր ես դարձել, որ այդպես թախծել ես աչքերդ ու  
ձեռքդ դրել կրծքիդ»: Նա ձեռքը Հեռացրեց կրծքից, ոտքի ելավ ու  
դուռը շրխկացնելով Հեռացավ, քթի տակ Հայհոյելով մորը. վերա-  
դարձավ պալատ, սկսեց թափառել բոլոր Հարկերով՝ ձեռքերը  
զրպանները խոթած, որպեսզի չձգվին դեպի կուրծքը. թափառում  
էր ու լուսամուտներից նայում անձրեւի տաղտկալի շիթերին, ա-  
պակիներին սոսնձած փաթեթավորման Ֆոլգայից կտրատված  
աստղերին, լուսամուտներից այն կողմ կախված լատունի լուս-  
նյակներին, որոնք երեկոյան ժամը ութի տպավորութուն պիտի  
ստեղծեին. լուսամուտից տեսնում էր պահակախմբի թրջված գին-  
վորներին, տեսնում էր թախծոտ ծովն ու անձրեւը, անձրեւ՛ը,  
անձրեւ՛ը, որի ամեն կաթիլի մեջ Մանուելա Սանչեսն էր, իրեն  
չպատկանող Մանուելա Սանչեսը, թեեւ նա ապրում էր այս քաղա-  
քում, որ իրեն էր պատկանում, իրեն էր ենթարկվում ամեն ինչ.  
Նրան Հետապնդում էր իր ամայությամբ սոսկալի սենյակի տեսիլ-  
քը,- այդ սենյակում մի սեղան կար՝ բռնված ոտքերը վեր զցված  
աթոռներով,- եւ այս տեսիլքը վերածվեց անհույս միայնության,  
մթնշաղային, վաղանցիկ, էլի մեկ օրվա միայնության, առանց Մա-  
նուելա Սանչեսի էլի մեկ գիշեր ապրելու զգացողության. «Սատա-  
նան տանի,- Հառաչեց նա,- այնպիսի մրմուռ է Հոգուս, ասես խլել  
են ինձանից մի բան, որ իմն է եղել»: Նա ամաչեց իր վիճակից, դե-  
պի սիրտը ձգվող ձեռքը շալվարի ներսը խոթեց, դրեց անձրեւի օ-  
րորից քնած փոշտանկին,- նույնն էր մնացել՝ վիթխարի, ծանր եւ  
նախկին ցափն էր նվվում, նախկին, սովորական դարձած ցավը,  
բայց Հիմա անտանելի թվաց, կարծես ձեռքը սեփական սիրտն էր  
խցկել, կարծես սիրտն առել էր ասիերի մեջ՝ կենդանի, մերկ սիրտը,  
եւ՝ միայն այս պահերին նա Հասկացավ իրավացիութունն այն  
պնդման, որ լսել էր տարբեր ժամանակներ, տարբեր մարդկանցից.  
«Սիրտը երրորդ ձուռն է, իմ գեներալ»: Սատանայի մորը Հայհոյե-  
լով նա Հեռացավ լուսամուտից, ետ ու առաջ արեց ընդունարա-



նում եւ տառապելով ցմահ պրեզիդենտի իր վիճակից, զգալով իրեն այնպես, ասես ձկան փուշ էր խրվել սիրտը, ուղղվեց պետական խորհրդի նիստերի դահլիճ, նստեց այնտեղ ու Հին սովորությամբ ոչինչ չչսելով սկսեց լսել, եւ ոչինչ չհասկանալով լսածից համարյա քնեց երկրի Ֆինանսական վիճակը ներկայացնող ձանձրալի զեկուցման տակ: Եվ Հանկարծ ինչ-որ բան փոխվեց նիստի մթնոլորտում, ինչ-որ բան կախվեց օդում. լռեց Ֆինանսների մինիստրը, հայացքը պրեզիդենտին հառեց, եւ բոլոր հավաքվածները հայացքները սեւեռեցին նրա վրա, զննելով նրան, ներս նայելով անթափանցիկության զրահի ճաքերից, որ բացվել էին ցավից, իսկ նա պարզորոշ տեսավ ինքն իրեն՝ անպաշտպան, անսահման մեռակ, նստած ընկուզենու փայտից երկար սեղանի ծայրին դրված աթոռին, գունատված այն մտքից, որ ցմահ պրեզիդենտին ոչ վայել խղճուկ վիճակում էր՝ սիրտը բռնած. նրա կյանքն այրվում էր առողջապահություն մինիստրի՝ ոսկերիչի աչքերի նման սեւեռուն, սառցե ածուխ աչքերի առաջ. թանկագին հայրենակիցը խաղալով գրպանի ժամացույցի ոսկյա շղթայի հետ, ասես տնտղում էր պրեզիդենտի ներսը: «Երեւի ծակոցներ ունի», - զգուշորեն ասաց մեկը, բայց նա կրծքից արդեն հեռացրել էր ջրահարսի իր ձեռքը, որ քարացավ սեղանին, դեմքն ամենօրյա գույնը ստացավ, եւ նա, ինչպես արճճե կրակահերթ, բոլորի դեմքին թքեց կատաղի մի ճառ՝ հաստատելով իր անառարկելի իշխանությունը. «Դուք շատ կուզեիք, որ ծակոց լինեք, կոտոշավորնեք: Դե, ինչո՞ւ պապանձվեցիք: Շարունակեք»: Նրանք շարունակեցին, ակամա, իրենք իրենց էլ չսելով, եւ հասկանում էին, որ նման արտակարգ դիպված է պատահել, եթե չարացել է այսպես. սկսեցին փսփսայ, մատնացույց անել նրան. «Ինչքա՞ն է հուզված, որ սիրտն է բռնել: Ի՞նչ է պատահել: Նա բոլորովին քարուքանդ է եղել»: Պալատում լուր տարածվեց, թե պրեզիդենտը շտապ իր մոտ է կանչել առողջապահության նախարարին եւ երբ սա ներկայացել է, տեսել է պրեզիդենտին սեղանի մոտ նստած, աջ ձեռքին նայելիս, եւ այդ ձեռքն, իբր, ընկած է եղել սեղանին փքված կոճղի նման. ասում էին, թե պրեզիդենտն առողջապահության նախարարին հրամայել է անհապաղ կտրել այդ ձեռքը, անհնազանդ այդ ձեռքը, որ թունավորում է իր կյանքը. բայց առողջապահության նախարարը, ասում

էին, կտրականապես հրաժարվել է այդ գործից, հայտարարելով, որ նման հրաման չի կատարի նույնիսկ զնդակահարութեան սպառնալիքի տակ. «Արդարութեան խնդիր է, իմ գեներալ, ես չեմ կարող անդամահատել ձեզ, որովհետեւ ոտքից գլուխ ես չարժեմ ձեր այդ մի հատիկ ձեռքը»: Այս լուրը եւ նրա վիճակին վերաբերող այլ լուրեր կրկնվում էին բոլոր նրբանցքներում ու խաչմերուկներում աճում ու ընդարձակվում էին, մինչ նա ֆերմայում շարունակում էր իր ձեռքով բաժանել զորանոցների կաթը, տեսնելով, թե ինչպես է երեքշաբթի օրվա մոխրագույն առավոտը գրավում երկինքը - Մանուելա Սանչեսի առավոտը, որովհետեւ այսուհետ ամեն ինչ ու ամեն բան Մանուելա Սանչես էր: Նա կարգադրեց վարդերի թփերի տակից վունդել բոլոր բորոտներին, որպեսզի նրանց ներկայութեամբ չգարշահոտեին վարդերը՝ պղծելով Մանուելա Սանչեսի վարդի բույրը, պալատում որոնեց ամենախուլ անկյունները, որպեսզի ոչ ոք չլսեր իր երգը. «Ես պարում եմ քեզ հետ առաջին վալսը, թագուհի, որպեսզի դու չմոռանաս ինձ: Որպեսզի իմանաս, որ մահվան կբատապարտվես, եթե մոռանաս ինձ»: Այս երգը հոգում նա սուզվեց հարճերի ննջասենյակների ճահիճը, ճգնելով մի կերպ մեղմայնել տառապանքները եւ անպետք սիրեկանի իր երկար կյանքի ընթացքում առաջին անգամ շտապող սքաղաղ չեղավ. չէր շտապում նախկինի պես, հաճույք էր ստանում ու հաճույք պատճառում՝ երկար, շատ, զարմացնելով հարճերին, որոնք երջանկությունից քրքրում էին մթութեան մեջ ու տաքուկ-տաքուկ շնջում. «Վատնում եք ձեզ, իմ գեներալ, այն էլ ձեր այս տարիքում»: Բայց նա շատ լավ գիտեր, որ այս ամենն ինքնախաբեություն է, անխուսափելիության հետաձգում, գիտեր, որ անդամադրելիորեն մոտենում է այն օրը, երբ ինքը պիտի մեկնի Մանուելա Սանչեսի սերը պաղատելու, հանուն բոլոր սրբերի նրա սերը մուրալու, պիտի մեկնի փնտրելու նրա պալատը բարբարոսական թագավորության աղբակույտերի թավուտում՝ Շնային գզվոտոցների թաղամասի սրտում: Նա այնտեղ մեկնեց ամենաշոգ մի օր, կեսօրվա ժամը երկուսին, քաղաքացիական հանդերձով, առանց պահակախմբի, սովորական մեքենայով, որը երկար պտտվեց սիեստայի մահաքունն ընկղմված քաղաքում, հոեւից այրված գազի հոտ բաց թողնելով. նա ետեւում թողեց առեւտրական փողոց-

ների ասիական խառնաշփոթությունը եւ տեսավ իր ճգնաժամի Մանուելյա Սանչեսի մեծ ծովը, տեսավ Հորիզոնում նշմարվող միայնակ Հավալուսինը, մինչեւ Մանուելյայի տունը ընթացող Հնացած տրամվայները եւ Հրամայեց փոխարինել դրանք դեղնագույն նորերով, որոնցից յուրաքանչյուրը պետք է ունենա փայլատ լուսամուտներ եւ թավիչե նստատեղ՝ Մանուելյա Սանչեսի Համար. տեսավ մերկ լողափեր, որտեղ Մանուելյան անց էր կացնում իր կիրակիները եւ Հրամայեց այնտեղ Հանդերձարան դնել եւ եղանակի դրոշ տնկել, որպեսզի դրա գույնով իմացվեր՝ կարելի՞ է, արդյոք, ծովը մտնել, եւ Հրամայեց նաեւ մետաղական ցանցով շրջափակել Մանուելյա Սանչեսի անձնական լողափը. ծովափին նա տեսավ իր օգնութեամբ Հարստացած տասնչորս ընտանիքների ամառանոցները՝ մարմարյա պատշգամբներով, խաղաղ լճակներով, Հատկապես ուշադրութեան արժանացրեց բոլորից առանձնացված մի մենատան, որ ամենամեծն էր, պտտվող շատրվաններով, եւ ցանկացավ. «Ուզում եմ, որ դու ապրես այս ամառանոցում եւ այստեղ սպասես ինձ»: Եվ, իհարկե, ամառանոցն իսկույն բռնապրավից, Հանձնվեց Մանուելյա Սանչեսին. ահա այսպես նա մտքում վերակառուցում էր շրջապատող աշխարհը, անընդամենը աչքերը բաց, մեքենայի ետնամասում թիկնած, մինչ մեքենան սահում էր ծովափով, բայց, ի վերջո, կտրվեց առափնյա զեփյուղի շունչը, քաղաքը ետեւում մնաց եւ մեքենա խուժեց Շնային զգվտոցների թաղամասի դիվական աղմուկը. նա Հայտնվել էր թաղամասում ու չէր Հավատում աչքերի առաջ փոխած տեսարանի իրողութեանը. սարսափից նա ոռնաց իր ներսում. «Մայր իմ, Բենդիսիոն Ալվարադո, ապա մի տես, թի ուր եմ ընկել: Փրկիր ինձ»: Սակայն ոչ ոք այդ խնեթանոցում չճանաչեց նրա թախծոտ աչքերը, բարակ շրթները, Հոգնած, կրծքին դրած ուռած ձեռքը, ոչ ոք ուշք չդարձրեց սպիտակ, վուշե կոստյում Հագած, Հասարակ կեպի դրած զառամ ծերունու նողկալի ձայնին, ոչ մեկին չհետաքրքրեց պառակած այդ նախապապը, որը գլուխը մեքենայի լուսամտից դուրս Հանած Հարցնում էր. «Որտե՞ղ է ապրում իմ խայտառակութեան Մանուելյա Սանչեսը, աղքատների թագուհին, վարդը ձեռքին սենյորան»: Հարցնում էր Հասցեն, իսկ ինքը Հուզմունքով մտածում էր. «Ինչպե՞ս ես կարողանում ապրել այստեղ որտեղ Հրեշավոր մի կծիկ են

գարձել կատաղի կաղկանձող արյունոտ ժանիքներով արյունալի սատանայի աչքերով շները մղձավանջային այս խորխորատում որտեղ կիսամահուկության չափ բզկտված քած շները պոչերը ծալած ոռնում են եւ իրենց վերքերը լիզում այս գարշահոտ ջրափոսերի մեջ ինչպես որսալ խոլորձի քո քաղցր շունչը գինեմաներից աքացիներով դուրս վռնդված հարբեցողների այս գոռում-գոչումնի մեջ ինչպես քո մորն էսպես ու էնպես ինչպես կյանքիս տառապանք ինչպես գտնեմ քեզ մարանգուանգոյի եւ բուրանդանգո գաղոլորոյի եւ մանտա-դե-բանդերայի՝ անվերջանալի պտտահողմում բազմամարդ հարայ-հրոց ճաշարաններում, որոնց գարշելի երշիկների քաշիցի հարեանուկթյամբ ընկած մետաղադրամը նույնիսկ սեւ է կտրում ինչպես գտնեմ քեզ գրողը տանի Սեւ Աղամի եւ ինուանսիտո Տրուկուպեյի՝ ցնորական այս դրախտում ինչպես գտնեմ դեղին ճաքքված պտտերով մուգ-կարմրավուն ինչպես եպիսկոպոսի փարաջա եզրագարդերով ու լուսամուտի թուխակային կանաչ ապակիներով երկնագույն շրջանակներով քո տունը խղճուկ տների այս շփոթի մեջ ինչպես գտնեմ քո տունը որտեղ ձեռքիդ վարդը բայլված է ինչպես վարդախեցի ինչ ժամ է ցույց տալիս այս պահին քո ժամացույցը այս դժոխքում որտեղ անարժան խուժանը չի ընդունում իմ սահմանածը հիմա կեսօրվա ժամը երեքն է եւ ոչ թե երեկվա երեկոյան ուխթ թեեւ նման դժոխքում կարելի է խճճել ցերեկն ու երեկոն ինչպես ճանաչեմ քեզ այս կանանց մեջ որոնք դատարկ սենյակներում օրորվում են ճոճերում թափահարելով փեշերը որպեսզի փոքր-ինչ հովացնեն ոտքերի բոցավառվող արանքը...»: Այսպես մտածելով նա նայում էր բաց լուսամուտին եւ հարցնում. «Որտե՞ղ է ապրում իմ հուսահատուկության Մանուելա Սանչեսը, նա, որի հագին ազամանդի շողերը վրան փրփուրեք շրջապահատ է, մաքուր ոսկուց ապարոչ, որ ուղարկել էին նրան թագադրման առաջին տարեդարձի առթիվ»: Եվ վերջապես մեկը, դիվային այդ աղմուկի մեջ լսելով նրան, ասաց. «Հը՛մ, գիտեմ, թե ում եք փնտրում: Մի հաստաքամակ, քիթը վեր ցցածի մեկն է, որ կարծում է, թե ինքը բոլոր կապիկներից ամենակապիկն է: Նա ապրում է ահա այնտեղ, սենյոր, այ, այն տանը»: Ոչնչով աչքի

\* Այստեղ թվարկված են կողմաբիական ժողովրդական պարերի անունները:

\*\* Խուանսիտո Տրուկուպեյ - բանահյուսական կերպար, զվարճարան-պարող:

չընկնող, թերեւս՝ միայն ճշացող գույններով, ներկված մի տուն էր, շեմին շան կեղտի կույտեր. երեւում էր, որ մեկը քիչ առաջ սայթաքել էր այդ կույտը տրորելով. աղքատ այդ տունը ոչ մի կերպ չէր ներդաշնակվում տեսակցութեան ժամանակ փոխարքայական բազկաթոռին նստած Մանուելյա Սանչեսի պատկերի հետ. «Մայր իմ, Բենդիսիոն Ալվարադո, ուժ տուր ինձ, որ կարողանամ ներս մտնել...»: Բայց ներս մտնելուց առաջ նա տասը անգամ պտտվեց թաղամասում, հետո շունչը տեղը բերելով, երեք անգամ թրխկացրեց դուռը, եւ այդ երեք թակոցները հնչեցին որպէս երեք աղաչանք. նա կանգնել ու սպասում էր մուտքի շիկացած ստվերում եւ չէր հասկանում, թե որտեղից է փչում սոսկալի գարշահոտը. կամ օդն էր հոտել շոգից, կամ հենց ինքն էր հուզմունքից հոտ բաց թողել: Վերջապէս Մանուելյա Սանչեսի մայրը նրան տարավ պաղ, բնդարձակ մի դահլիճ, որտեղ նեխած ձկան հոտ կար, իսկ ինքը գնաց արթնացնելու դատերը, որ քնած էր սիեստայի այդ ժամին. իսկ նա նստեց ու աչքի անցկացրեց խղճուկ այդ դահլիճը, իր դժբախտութեան այդ սենյակը եւ պատերին նկատեց անձրեւահոսքի հետքեր, տեսավ մաշված մի բազմոց, մաշված կաշվով երկու աթոսակ (նույնպիսի երրորդի վրա ինքն էր նստած), տեսավ կտրատված լարերով մի դաշնամուր: Եվ ուրիշ ոչինչ չկար դահլիճում. «Ոչինչ, գրողը տանի, եւ այս համաստարած խեղճութունը տեսնելու համար՞ ես այսքան տառապեցի»: Մանուելյա Սանչեսի մայրը հոտ եկավ ձեռագործի զամբուղով, նստեց աթոռակներից մեկին եւ սկսեց ժանյակ գործել, քանի դեռ դուստրը հագնվում էր, սանրվում, փնտրում իր լավագույն կոշիկները, որպեսզի ինչպէս հարկն էր պատշաճ ներկայանա անսպասելի հյուրին, անակնկալ հայտնված ծերուկին, իսկ սա դեռեւս շփոթմունքի մեջ փնթփնթում էր քթի տակ. «Որտեղ ես դու իմ դժբախտութեան Մանուելյա Սանչես ես եկել եմ քո տուն բայց չեմ տեսնում քեզ այս աղքատիկ տանը չեմ գտնում խողորձի բույրով քո շունչը գգում եմ միայն թերմացքի գարշահոտը ուր է քո վարդը ուր է քո սերը ազատիք ինձ իմ շնային չարչարանքների բանտից»: Այսպէս փնթփնթում էր նա քթի տակ, հառաչելով եւ, ահա, ներքին սենյակի շեմին հայտնվեց Մանուելյա Սանչեսը. ճիշտ այնպիսին էր, ինչպիսին երեւակայում էր իր անուրջներում, կրազներում, բայց եւ բոլորովին ուրիշ էր, մի

երազի արտացոլանքն էր մյուսի հայելում. էժանագին չթի շրջա-  
զգեստ էր հագել, մաշված կոշիկներ, մազերը հապշտապ հավաքել  
էր սանրի-տակ, բայց միեւնույն է, աշխարհի ամենագեղեցիկ ու ամենահպարտ կինն էր նա, եւ վարդը բոցավառվում էր նրա ձեռ-  
քին. մի այնպիսի շացուցիչ տեսիլք էր, որ նա իր մեջ հագիվ ուժ  
գտավ ոտքի ելնելու, գլուխ խոնարհելու, երբ Մանուելյան, թագու-  
հուն վայել բարձր պահած գլխով ողջունեց նրան. «Աստված պա-  
հապան ձեզ, ձերդ գերազանցություն», - ողջունեց ու նստեց բազ-  
մոցին, ուր չէր կարող հասնել հյուրից արձակվող տոսիանքի գար-  
շահոտը, մատներով պտտեցրեց վարդը ու համարձակ նայեց ուղիղ  
հյուրի դեմքին. «Ես տեսա չղջիկի շրթեր, մեծաչղջիկի շրթեր, ջրա-  
հեղձի չթարթվող աչքեր, որ ինձ էին նայում ասես ջրի շերտերի  
տակից, տեսա անմազ, հողագույն, թորչոմած դեմքի մաշկը, բայց  
այդ մաշկը լավ ինամաված ու հարթ էր ձեռքերի վրա. աջ ձեռքը նա  
պահում էր ծնկին, եւ հրաշալի երեւում էր պրեզիդենտական կնի-  
քով մատանին. վուչե ճերմակ կոստյումը կախված էր նրանից, ինչ-  
պես հանդերձարանի կախիչից, կոշիկները խոշոր էին - հանգու-  
ցյալներին են նման կոշիկներ հազցնում, սենյոր: Ես կարդում էի  
նրա թաքուն մտքերը, զգում էի ամենադաժան, ողջ երկրով մեկ ա-  
տելի, խղճահարության, կարեկցանքի կաթիլ իսկ չառաջացնող  
այդ գտում ծերունու իշխանության անիրական ուժը, իսկ նա կե-  
պին էր թափահարում ու տնտղում ինձ կյանքի մյուս ափից:  
«Աստված իմ, ինչ մուսյլ մարդ է», - սարսափահար մտածեցի ես,  
բայց շատ սառը հարցրի. «Ինչո՞վ կարող եմ ծառայել, ձերդ գերա-  
զանցությանը», - ինչին նա հանդիսավոր պատասխանեց. «Ես եկել  
եմ Հենց այնպես, թագուհի: Հենց այնպես»: Այս այցելությունը  
նրան թեթեւություն չպարզեւեց: Սկսեց ամեն օր այցելել, ամեն  
օր՝ ամիսներ շարունակ, ամեն անգամ սիեստայի շոգ, մեռյալ ժա-  
մերին. նա հատկապես այդ ժամերն էր ընտրել, որ կարողանար  
խաբել ազգային անվտանգության ծառայությանը - թող կարծեն  
մոր մոտ է գնում: Բայց միայն ինքը չգիտեր այն, ինչ հայտնի էր  
ողջ աշխարհին. գեներալ Ռոդրիգո դե Ազիլարի կարաբինավորնե-  
րը տանիքներին պառկած ապահովում էին նրա յուրաքանչյուր  
քայլը, միտումնավոր խանգարում փողոցային երթեւեկությունը,  
առաջացնելով դիվային շփոթ, հետո խզակոթերով մաքրում էին

փողոցը անցորդներինց. դադարեցվում էին բոլոր տեսակի շարժումները այն փողոցներում, որտեղով պիտի անցնեն նա. այդ փողոցներն ամայանում էին ժամը երկուսից մինչև Հինգը. կարաբինավորները հրաման էին ստացել առանց նախազգուշացման կրակել նրանց վրա, ովքեր կհամարձակվեն այդ ժամերին հայտնվել պատշգամբներում: Միայն ամենաանհետաքրքրասերներն էին հաջողեցնում հետևել հասարակ մեքենայի դիմակով պրեզիդենտական լիմուզինի ընթացքին, հասցնում էին տեսնել մեքենան նստած, վուշե սպիտակ կոստյումը հագին տաքարյուն ծերունուն, տեսնում էին նրա գունատ, որբի անհամար լուսաբացներ տեսած նրա երեսը. բոլորից ծածուկ այդ ծերը վշտի արցունքներ էր թափում, եւ նրա պետքը չէր, թե ինչ կմտածեն կամ կասեն մարդիկ իր ձեռքը սրտին սեղմելու համար: Նրա ողջ տեսքը վկայում էր, որ նա չի իշխում իր հուսուն, որ մատաղի գառան նման այս ամայի փողոցներով, շոգի այս մեռյալ ժամերին, երբ օդը դառնում է հալված ապակու նման, գնում է մատնվելու հավետ կորստյան: Եվ հետզհետե, անըմբռնելի ու տարօրինակ նրա արատների շուրջ եղած խոսակցությունները վերածվեցին ասեկոսենների՝ իբր սիեստայի ժամերը նա անց է կացնում ոչ թե մոր՝ Բենդիսին Ալվարադոյի տանը, այլ Մանուելյա Սանչեսի խաղաղ լճախորշում, նրա բնակարանի ստվերաշատ դասկիճում, Մանուելյայի մոր աչալուրջ հսկողության տակ. Մանուելյայի մայրն առանց հոգնության իր ժանյակներն էր գործում, ոչ մի ակնթարթ չթողնելով դատերը պրեզիդենտի հետ միայնակ, բայց եւ ջանալով մնալ աննկատ - վերջիվերջո պրեզիդենտը հանուն իր դատեր էր ճանապարհին թանկարժեք խաղալիքների, հազար ու մի տեսակ խորամանկ մեքենաների վրա փող չապյում, ձգտում զբաղեցնել նրան մագնետիզմի խորհրդավորություններով, նվիրում էր լեռնային բյուրեղապակուց ճնշածան, որի բեկորում. լուսախաղի շնորհիվ, գերուհիների նման ձնաբքեր էին մրրկում, նվիրում էր աստղագիտական եւ բժշկական սարքեր, մանոմետր, մետրոնոմ, գիրոսկոպ, նա գնում էր դրանք որտեղից պատահեր, դրամ էր շաղ տալիս ի հեճուկս մոր՝ Բենդիսին Ալվարադոյի դժգոհության. նա երջանկություն էր համարում զվարճանալը Մանուելյա Սանչեսի հետ, երբ ականջին մոտեցնում էր ծովային այն խեցին, որը ոչ թե ծովի ալեբախումների աղ-

մուկն էր հաղորդում, այլ վարչակարգի պատվին ստեղծված գին-վորական քայլերգը. նա վառվող լուցկին մոտեցնում էր պատի ջերմաչափին, որպեսզի Մանուելա Սանչեսը կարողանար տեսնել, թե ինչպես է վերուվար անում իր նվիրական խոհերի ճգմված սնդիկը. նա ոչինչ չէր խնդրում Մանուելայից, միայն նայում էր նրան, ոչ մի արարքով չէր մատնում մտադրությունը, լռեցյալն փորձում էր ճնշել նրան խենթ ու խելառ նվերներով, դրանց միջոցով ասել այն, ինչը չէր կարողանում արտահայտել բառերով. չէ՞ որ իր ցանկությունները վարժվել էր պարուրել սեփական ամենակարողության, մի տեսակ տեսանելի, շոշափելի, նյութականացված խորհրդանշաններով: Եվ ահա մի անգամ, Մանուելա Սանչեսի ծննդյան օրը, նա առաջարկեց բաց անել պատուհանը, որպեսզի թագուհին հրճվի հայացքի առջև փռվող տեսարանով. «Ես բաց արեցի, սենյոր, եւ քարացա սարսափից: Ի՞նչ էին արել նրանք իմ խեղճ, Շնային գզվուտոցների թաղամասը: Ես տեսա հապշտապ կառուցված ու կրով ճերմակեցրած փայտե տներ, տեսա երկնագույն, պտտվող շատրվաններով արհեստական լճակներ, տեսա սիրամարգեր, սպիտակ, ինչպես սառցի պտուտաձողմ ԴԴՏ-ի փոշու ամպ. պտտկերացնո՞ւմ եք, սենյոր»: Ժամանակին ծովային Հե-տեւակի համար կառուցված թաղամասի խղճուկ պատճենավորումն էր փռված լուսամուտից այն կողմ. ամեն ինչ կառուցվել էր գիշերով, ծածուկ, որ աղմուկ չբարձրանա, կոտորել էին բոլոր շներին, իսկ բնակիչներին փտելու աքսորել աղտեղությունների մի այլ աղբահոր. նոր թաղամաս էր վեր խոյացել, Մանուելա Սանչեսի թաղամասը, որ նա պիտի տեսներ իր լուսամուտից, իր ծննդյան օրը. «Ահա, տես, թագուհի, ու երջանիկ եղիր»: Իշխանության ամենագորությամբ, իշխանության հնարավորություններով աղջկան շճեցնելու, գայթակղելու, նրա շատ նուրբ, բայց համառ անգիջողականությունը ցնցելու մի փորձ էր կատարվածը. «Խնդրում եմ չսեղմվել ինձ, ձեր գերագանցություն: Չէ՞ որ մայրս այստեղ է»: Եվ նա ստիպված էր հաշվի առնել դատեր պատվի բանալիները պահպանող մորը, եւ ցանկությունից տառապելով, ցանկության մեջ աղտոտվելով, ինքն իր ներսում կրծում էր չարության ոսկորը, իսկ Մանուելա Սանչեսը գվանաբանի ծառի պտղի հյութով խառնված սառը ջուր էր մատուցում, եւ նա ծերունական



դանդաղ կուսերով խմում էր այդ ջուրը, համբերությամբ տանում էրակների սառցային ցավը, միգրենի ներթափանցող խիթերը, ճգնելով ցույց չտալ տարիքի թուլությունները, վախենալով, թե Մանուելը հանկարծ իրեն կսիրի խղճահարությունից, ոչ այնպես, ինչպես ինքն է տենչում, իսկ Մանուելան թեեւ կողքին նստած, թեեւ մոտիկ, բայց նետել էր նրան մենության անտանելի մի խոր-խորատ, և նա մեռնում էր նրան գունե շնչով քավելու ցանկությունից, և այս վիճակը պահպանվում էր մինչեւ այն պահը, երբ լարովի բնական չափսերով հրեշտակը սենյակներում ճախրելով ու զանգակը խփելով ազդարարում էր, որ ավարտվել է ժամադրությունը. «Իմ մահվան ժամն ավետեց այդ հրեշտակը»: Նա երկարաձգում էր իր ներկայության վերջին րոպեները՝ վայելելով դահլիճի օդի վերջին ուժակերը, նա ձգում էր ակնթարթը, արկղիկների մեջ խաղալիքները դասավորելով, որպեսզի խոնավ, աղով գերհագեցած այս եղանակին սարկոմայի նման ժանգը չփոշիացներ դրանց,- «Մի րոպե, թագուհի: Ես միայն թաքցնեմ այս ամենը»: Բայց ուհա, ավարտվեց այդ րոպեն ևս և նա պիտի հեռանա, մինչեւ նոր օրը բացվի: Մինչեւ վաղը մի ամբողջ կյանք է, մի ամբողջ հավիտենություն, իսկ առայժմ նրան չէր բավականացնում մի ակնթարթը, ակնթարթի մի մասը՝ որ էլի մի անգամ նայեր սնահասանելի աղջկան, զանգակով հրեշտակի ճախրանքից քար կտրած սղջկան, որ թառամած վարդը փեշն առած, սպասում էր երկրպագուի հեռանալուն: Վերջապես նա գնում էր, չքվում, վերածվում իրիկնամուտի ստվերի, հեռանում խայտառակության տառապալից վախով, հասարակության աչքին ծիծաղելի երեւալու սարսափով. նա չգիտեր, որ վաղուց ի վեր ծիծաղում էին իր վրա, որ իր կրքից ասում-խոսում էին բոլոր խաչմերուկներում և նույնիսկ երգ էին հորինել և այդ երգը միայն ինքը չէր լսել: Ողջ երկիրը գիտեր այդ երգը, նույնիսկ կոկորդաները պատռելով թութակներն էին երգում ամեն հունաբակում: «Աչքերը թաց, թախիծը կանաչ գեներալն է քայլում սիրահարված, ձեռքը կրծքին սեղմած: Մի սրան նայեք. ամեն ինչ խժուել է իր չար կրքով՝ թե արժանապատվություն և թե իշխանություն: Ողջ երկիրն է հայտնի՝ կառավարում է նա մեզ երազում»: Այս երգը ընտանի թութակներից սոփորեցին նաև վայրիները, սրանցից էլ թոցրեցին կաշաղակներն ու ծաղրահավիկներ-

րը, եւ սրանց շնորհիվ երգը դուրս ելավ մայրաքաղաքի սահմաններից, սկսեց երգվել ողջ երկրով մեկ, ամենուր, ազգային անվտանգութեան աշխատակիցներից ցրած մարդկային խմբերը Համերաշխ ճշոցով այդ երգի բառերն էին արտասանում. հետո այլ քառյակներ էլ ավելացան, սհա մեկը. «Մեր սիրելի դեներալը ողջ երկիրը մուրտառեց. այնքան լավ գործ կատարեց, որ իր զլխով տակն արեց, իսկ նորապույն օրենքը իր քամակով շարադրեց»: Նոր քառյակները բազմանում հա բազմանում էին, հորինել էին սկսել նույնիսկ թուլթակները՝ շփոթեցնելով ազգային անվտանգութեան ծառայութեանը, որ ճգնում էր արմատախիլ անել երգը. ոտքից գլուխ գինված գինվորական պարիկները ներխուժում էին ետնաբակերն ու գնդակահարում վարչակարգի հիմքերը քանդող թուլթակներին, թառերից հանելով ողջ-ողջ գցում շների առաջ. նույնիսկ պաշարման դրութուն հայտարարվեց, որ այդկերպ ոչնչացնեն ըմբոստ քառյակները, այդկերպ զրկեն մարդկանց տեսանկյուն տեսնելու հնարավորութունից՝ թե ինչպես է նա միջադին գաղտագողի մոտենում պալատի հոնամուտքին, ինչպես է ներս սողոսկում գիշերային թափառաշրջիկի նաման, ինչպես է անցնում խոհանոցով եւ թաքնվում այրվող աթարի ծխի մեջ, որով բնակելի սենյակներից դուրս էր վաճառում մժղուկներին. «Մինչեւ վաղը, թագուհի: Մինչեւ վաղը»: Իսկ հաջորդ օրը, ճիշտ նույն ժամին նա կրկին ներկայանում էր Մանուելյա Սանչեսին՝ ծանրաբեռնված աներեւակայելի ընծաների հսկայական քանակութեամբ եւ, ի վերջո, այնքան նվիր կուտակվեց, որ հարկ եղավ Մանուելյայի սուներ միացնել հարեւան տներին. այս տները որպես կից շինութուն միացան Մանուելյայի բնակարանի այն դահլիճին, ուր հյուրընկալվում էր պրեզիդենտը, եւ այս ամենը միասին վերցրած վերածվեց վիթխարի, խավար մի պահաստի, որի ներսում պահվում էին բոլոր ժամանակների ամենատարբեր ժամացույցներ, բոլոր տեսակների ու նմուշների գրամաֆոններ՝ սկսած ամենապարզունակից, գլանայինից, վերջացրած նորագույն, նիկելապատ մեմբրանովը, բազմաթիվ ձեռքի, ոտքի եւ էլեկտրական կարի մեքենաներ, գալվանոմետրեր, երաժշտական զարդարկղեր, օպտիկական աճալարարութունների սարքեր, չորացրած թիթեւների հավաքածոներ, ասիական բույսերի հերբարիումներ, ֆիզիոթերապեւտիկ եւ ֆիզիկա-

կան կուլտուրայի փորձասենյակների սարքավորումներ, աստղագիտական եւ ֆիզիկայի գործիքներ, ինչպես նաեւ մարդկանց կապկելու համար ներքին մեխանիզմ ունեցող անհամար տիկնիկներ. պահեստի շատ բաժանմունքներում մարդու ոտք չէր դիպչում, իրերը մնում էին իրենց տեղերում ու փոշոտվում, այս պահեստը նույնիսկ չէին ավլում, ոչ մեկը կապ չուներ պահեստի հետ, առավել եւս Մանուելա Սանչեսը. աշխարհում ամեն ինչի նկատմամբ անտարբեր էր դարձել նա ու սառը, սկսած այն սեւ շաբաթ օրից, հրբ իրեն թագադրեցին դիմակահանդեսում. «Այդ օրն ինձ դժբախտություն բաժին հասավ, ես դարձա գեղեցկության թագուհի: Այդ հրեկո ինձ համար աշխարհի վերջը եղավ: Բոլոր իմ նախկին երկրպագուները մեկը մյուսի ետեւից մեռան՝ որը սրտի պայթյունից, որն այս կամ այն անհայտ հիվանդությունից, անհետ կորան իմ բոլոր ընկերուհիները»: Հարազատ տնից դուրս չգալով, նա հայտնվեց օտար, անծանոթ թաղամասում, որովհետեւ շուրջբոլորը վիրակառուցված էր, վերածեւած, հայտնվեց ճակատագրի ծուղակում, դարձավ անասնաման իշխանության տեր սիրահարի գերուհին եւ քաջությունը չէր բավականացնում, որ ասեր. «Ոչ», եւ ուժը չէր հերիքում, որ ասեր «Այո», իսկ նա անվերջ հետամտում էր ու հետամտում իր նվաստացնող սիրով, աղջկան նայելով մի տեսակ բուժ երկյուղածությամբ, սպիտակ գլխարկը թափահարելով, քրտինքից թրջված, այնքան վերացած ինքն իրենից, որ Մանուելան երբեմն այսպես էր մտածում. «Բավական է: Սա նա՞ է, արդյոք: Գուցե սա սարսափելի մի ուրվական է»: Բայց նա ուրվական չէր: Մանուելան տեսնում էր, թե ինչպես է նա քայլում, ինչպես է խմում մրգաջուրը, քիթը վեր քաշում բաժակը ձեռքին, ցանցահյուս բազկաթոռին նստած ննջելիս, իրիկնամուտի այն ժամերին, երբ ճուրիների պղնձյա ճուղերը թանձրացնում էր դահլիճի մթնշաղը, լսում էր նրա խումփոցը եւ վեր թռչում տեղից. որսում նրա ձեռքից ընկնող ջրով բաժակը. «Զգույշ, ձերդ գերագանցություն»: Նա տեղնուտեղը վախեցած արթնանում էր ու մրմնջում. «Ես բոլորովին էլ քնած չէի, թագուհի: Միայն աչքերս էի փակել»: Նա անտեղյակ էր, որ Մանուելան հասցրել էր ժամանակին վերցնել իր խոմփոցի միջոցին վայր ընկնող բաժակը, նա չէր նկատում աղջկա նուրբ եւ ճարպիկ հնարամտությունները, որոնցով Մա-

նուեւրան կարողանում էր միաժամանակ թե կողքին լինել ու խնամք հոգալ, թե խուսափել նրանից: Այսպես շարունակվեց մինչեւ աներեւակայելի այն օրը, երբ նա հայտնվեց արտակարգ հուզված եւ խոսեց բառերից խեղդվելով. «Այս գիշեր, թագուհի, ես կմատուցեմ քեզ չտեսնված ու չլսված մի նվեր, տիեզերական նվեր. այս գիշեր ժամը տասնմեկն անց վեց բոպեին հրաշք կտեսնես. երկնքով աստղ կանցնի եւ կանցնի քեզ համար, թագուհի, միայն քեզ համար»:

Գիսաստղ էր մոտենում. մեզ համար գիսաստղի անցումը մեր երկնակամարով դարձավ մեծագույն մի հիասթափություն, պատմության ամենատխուր իրադարձությունը, դարձավ խորտակված հույսերի օր, որովհետեւ երկար տարիներ լուր էր պտտվում, թե գեներալի կյանքի տեւողությունը հնթակա չէ երկրային, սովորական ժամանակի ընթացքին, պայմանավորված է գիսաստղի պտույտներով, որ նա ապրելու է մինչեւ գիսաստղի հայտնվելը, ճակատագիրն է այդպիսին եւ որքան էլ հակառակը պնդեն շողոքորթները եւ հացկատակները, միեւնույն է, նրան վիճակված չէ տեսնել գիսաստղի երկրորդ անցումը: Այնպես որ՝ մենք սպասում էինք գիսաստղին, ինչպես վերածնության ակնթարթին, ինչպես տիեզերական հրաշագործ մի իրադարձության, որ պատահում է հարյուր տարին մեկ անգամ, նոյեմբերյան գիշերով. այդ գիշերվա համար մենք պատրաստել էինք տոնական հրավառություն, ուրախ երաժշտություն էինք հարինել, հարյուր տարվա մեջ առաջին անգամ հանդիսավոր զանգերի ղողանջը ոչ թե փառաբանելու էին նրան, այլ իրենց տասնմեկ զարկերով, երեկոյան ուղիղ ժամը տասնմեկին նրա անխուսափելի կործանման բոթն էին ավետելու. գիսաստղի պատմական հայտնության սպասման մեջ նա ելել էր Մանուելյա Սանչեսի տան հարթ կտուրը, նստել Մանուելյայի եւ նրա մոր միջեւ եւ աղմկալից փնչացնում էր, որ չլսվեր վախեցած սրտի զարկը, փնչացնում էր ու նայում սարսափելի նախագագումից անշարժացած երկնքին, մոտիկից զգալով Մանուելյա Սանչեսի գիշերային, քաղցր շնչառությունը, նրա մարմնի հուզիչ բույրերը: Բայց ահա լավեցին գիսաստղը հմայող թմբուկների հեռավոր զարկերը, լավեց խուլ ողբը, ստորերկրյա հրաբխային դղրդոցի նման մարդկային ամբոխների գվվոցը. մարդիկ ծնկի էին իջել աշխարհի

կործանման լրաբերի առաջ, խորհրդավոր այն էակի առաջ, ում համար ինքը փոշու հատիկ էր, իր անսահման իշխանությունը՝ ոչնչություն, ում համար իր տարիքն ակնթարթից էլ կարճ էր, քանզի հենց նա էր իսկական հավերժությունը: Եվ նա առաջին անգամ գլխաց ժամանակի անհունությունը, առաջին անգամ սարսափեց իր մահկանացու լինելուց եւ այդ պահին տեսավ Մանուելային. «Տես, թագուհի, այդ նա է»: Գիսաստղը գալիս էր տիեզերքի խորքից, դուրս լողում տիեզերական անհունից, նա ավելի հին էր. քան մեր աշխարհը, վշտահար, կրակե մի մեղուզա էր՝ կես երկնքի մեծություն. նրա ընթացքի յուրաքանչյուր վայրկյանը մի ամբողջ միլիոն կիլոմետրերով մտոեցնում էր նրան իր հարազատ ակունքներին. շուտով բոլորը լսեցին նրա շարժման շրջունը, կարծես քամուց շրջող սկսեցին արծաթազույն ֆուլգայից կտրատված ժապավենները. բոլորը տեսան նրա վշտալի դեմքը, արտասուքով լի աչքերը, մազերի օձանման գզուզները, որ տիեզերական մրրիկներն էին գզգզել. նա անցնում էր հոեւից աստղափոշու լուսարձակում թողնելով, ասուպների պարս, ածխացած լուսաբեկորներ, հար ու նման այն բեկորներին, որոնց անկման հարվածներից էին առաջացել օվկիանոսային խորխորասանբըր, հրք մեր երկրի վրա գեոեւա չէր ծնվել ժամանակը. անցնում էր կրակե մեղուզան՝ գզգզված, լույս արձակող, օձանման մազերով: «Նայիր, թագուհի, լավ նայիր, նա մեկ էլ հարյուր տարի անց է հայտնվելու», Մանուելա Մանչեսը լսեց նրա շուկը եւ վախից խաչակնքեց. գիսաստղի ֆոսֆորական շողարձակման տակ, աստղափոշով պատված նա գեղեցիկ էր, ինչպես երբեք. խաչակնքեց ու բռնեց նրա ձեռքը. «Մայր իմ Բենդիսիոն Ալվարադո, վերջապես կատարվեց Մանուելա Մանչեսը բռնեց իմ ձեռքը»: Մանուելան չզգաց էլ, թե ինչպես դա պատահեց, որովհետեւ իր դիմաց տեսնելով երախը բացող հավիտենություն անդունդը, սոսկաց, իրենից անկախ փորձեց որեւէ հենարան գտնել եւ բնազդաբար նրա ձեռքին հենվեց, անգիտակցորեն բռնեց դիշատչի այդ խնամված, հարթամաշկ, պրեզիդենտական կնիքը անանուն մատին հագած ձեռքը, դանդաղ բոցկտացող ածուխների վրա թխված, ներքին կրակով լեցուն այդ ձեռքը: Իսկ մեկ գրիթե չհուզեց աստվածաշնչյան հրաշքը, կրակե մեղուզան, որ խավարեցրեց համաստեղությունները եւ երկրի վրա

աստեղնային անձրևե շաղեց, մենք գրեթե ուշք չզարձրեցինք այդ հրաշքի վրա, քանի որ կլանված սպասում էինք դրա անհապաղ հետևանքներին. նույնիսկ ամենակասկածամիտներն էին հավատում, որ ո՛ւր որ է, անհավանական մի բան է կատարվելու, մահացու մեծ աղետ, կործանվելու են քրիստոնեություն հիմքերը եւ սկսվելու է նոր՝ երրորդ կտակարանի դարաշրջան. մեծ փոփոխություն ապարդյուն սպասման մեջ մինք գողոցում մնացինք մինչեւ առավոտ, իսկ հետո տուն գնացինք՝ տառապած ոչ թե անքնություններից, այլ մեր անհամբեր սպասման լարումից. մենք մեր տները ցրվեցինք թափառելով աստղային բեկորներով լի, աստղային փոշով պատած փողոցներում, եւ հավաքարար կանայք արդեն ավելում էին գիսաստղի թողած երկնային այդ աղբը, իսկ մենք, դեռեւս, չէինք ուզում հավատալ, որ ոչինչ չպատահեց, ոչինչ չկատարվեց, որ զոհ դարձանք պատմական մեծագույն խաբեությունը. չէ՞ որ պաշտոնական օրգանները հայտարարել էին, որ գիսաստղի բարեհաջող անցումը չար ուժերի դեմ վարչակարգի հաղթանակն է մատնանշելու: Կրակե մեղուլայի բարեհաջող անցումն օգտագործվեց նաեւ պրեզիդենտի տարօրինակ հիվանդությունների շուրջ ասեկոմները դադարեցնելու պայքարում - մի՞թե հիվանդ է այն մարդը, որը կատարում է երկնային ճամփորդների ընթացքը: Հուշակից նրա հանդիսավոր ուղերձը ժողովրդին, որով նա հայտարարում էր իր վճիռը՝ մնալ պրեզիդենտական աթոռում ընդհուպ մինչեւ գիսաստղի հաջորդ հայանությունը: Երաժշտություն էր թնդում, հրավառություն էր, - դրանցով մենք նրա մահը պիտի տոնեինք ու վարչակարգի անկումը, - բայց նա անտարբեր էր երաժշտության ու դե Արմաս հրապարակ ելած ցուցարարների նկատմամբ. մարդիկ բղավում էին ցուցատախտակներին գրածը. «Հավերժ փառք հայրենիքի փրկչին: Թող ապրի նա դարեր ու պատմի մեր մասին ապագա սերունդներին»: Այս ամենի վրա նա ուշադրություն չէր դարձնում, չէր զբաղվում նույնիսկ պետական անհետաձգելի գործերով, հանձնարարելով դրանք աստիճանավորներին, որովհետեւ նրան տանջում էր Մանուելյա Սանչեսի ձեռքի այրման հիշողությունը. նա մեռնում էր երջանկության այդ ակնթարթը մեկ անգամ էլ վայելելու ցանկությունից. այդ պահը վերապրելու համար նա համաձայն էր նույնիսկ, որ փոխվեր իրե-

րի բնույթը, խախտվե՞ր տիեզերքի կարգը. նա մի այնպիսի կրթով էր տենչում այդ պահը, որ, ի վերջո, խնդրեց գիտնականներին պի-րոտեխնիկական գիտաստղ պատրաստել, թռչող աստղ, երկնային կրակի վիշապ, ցնցող տպավորութիւն գործող մի այնպիսի սարք, որ Հավերժութեան դեմքի առաջ, գեղեցիկ, մանկամարդ կինը զլիսապտույտ ունենար, սակայն միակ բանը, որ կարողացան անել գիտնականները, խոստացան, որ արեգակի լրիվ խավարում կլինի, Հաջորդ շարաթվա չորեքշաբթի օրը, կեսօրվա ժամը չորսին. ստիպված էր Համաձայնել. խավարումը, իրոք, ստացվեց ինչպես Հարկն էր, օրը ցերեկով իսկական գիշեր սկսվեց, աստղերը Հայտն-վեցին, ծաղիկները քուն մտան, Հավերժ թուխս նստեցին, անհան-գատացան շնորհ ու կատունները, իսկ նա Մանուելա Սանչեսի կող-քին նստած կլանում էր աղջկա շունչը, նրա իրիկնային թիթեւ շունչը, որ վերածվում էր գիշերային քաղցր շնչի, կլանում էր մթութիւնից խաբված, թառամող վարդի բույրը. «Միայն քեզ Հա-մար է սա, թագուհի, քեզ Համար է այս խավարումը»: Բայց Մա-նուելա Սանչեսը ոչինչ չպատասխանեց, չդիպավ նրա ձեռքին, եւ նա այլեւ չէր զգում աղջկա շունչը - աղջիկը նրան անիրական էր թվում: Եվ այդքամ նա մեկնեց ձեռքը, որ մթութեան մեջ քսվի նրան, բայց ձեռքը Հանդիպեց դատարկութեան. մատների ծայրով նա շոշափեց աթոռը, որի վրա քիչ առաջ նստած էր Մանուելան,- աթոռը դեռ պահպանել էր աղջկա բույրը,- բայց նա չկար, չքվել էր, եւ նա սխեց որոնել նրան հսկայական տան մեջ՝ ավիֆելով պատերը, անկյունները, խավարին նայելով լուսնուտի աչքերով ու հուսահատ հարցնելով. «Որտեղ ես իմ դժբախտութեան Մանուելա Սանչես ես փնտրում ու չեմ գտնում քեզ քո խավարման գիշերում որտեղ է քո անգութ ձեռքը որտեղ է քո վարդը»: Անծանոթ ջրե-րում մոլորված ջրասուլցի պես նա լողում էր խավարում, դեմ առ-նելով մեկ աներեւակայի լանգուստի՝ դալվանոմբարի, մեկ ան-հավանական կորալների՝ երաժշտական ժամացույցների, մեկ զար-մանահրաշ ծովախեցգետինների, որ աճարարութեան սարքերն էին, բայց ոչ մի տեղ խավարի այդ ջրերում, իր ընծաների այդ տուն-պահեստում նա չէր գտնում Մանուելա Սանչեսին, չէր զգում նույնիսկ խոլորձի բույրով նրա շունչը եւ աստիճանաբար, վաղան-ցիկ գիշերվա ստվերների չքվելու հետ նրան էր Հասնում դաժան

ճշմարտութեան լույսը, պատրանքը ցրող լույսը: Եվ կհսօրվա ժամը վեցին ծագած լուսաբացի այդ ժամին նա այնպիսի անհոռն տիրութիւն ապրեց, որ չէր ապրել երբեք, եւ զգաց իրեն աստծուց էլ տարեց, նա այնպես միայնակ էր վիթխարի ու ամայի այս տանը, ինչպես ոչ ոք աշխարհում. «Հավիտենական բացարձակ մենութիւն է առանց քեզ իմ թագուհի որ կորար խաւարման Հանելուկային գիշերում ընդմիջոտ ու Հավիտյանս Հավիտենից»: Անվերջանալիորեն՝ երկար ձգվեցին դեռ նրա իշխանութեան տարիները, բայց նա այդպես էլ չգտավ Մանուէլա Մանչեսին, թեեւ Հաճախ էր փնտրում նրան տուն-պահեստի լաբիրինթոսում. «Որտեղ ես իմ կործանման Մանուէլա Մանչես»: Մանուէլան կարծես զոլորշիացել էր խաւարման այն գիշեր: Նրան Հայտնեցին, թե տեսել են Մանուէլային Պուերտո-Ռիկայի բազմամարդ պարահանդեսում, որտեղ նա, իբր, Ելենա անունն էր կրում, եւ որտեղ նա դանակահարվեց, սակայն հետո պարզվեց՝ Մանուէլան չէր. ասացին, թե նա ռումբա է պարել ռումբայի կատարյալ վարպետ Պապա Մոնտերո Ռումբերոյի հիշատակին նվիրված տոնակատարութեանը, բայց պարզվեց՝ Մանուէլան չէր. ասացին, թե տեսել են նրան Բարլովինտո կղզիներում, որտեղ քարանձաւների կան, որտեղ պարում են քարանձաւների մուտքերի մտա, թմրուկների զարկերի տակ. ասացին, թե տեսել են Արակատակայում, որտեղ նա պտտվում էր պանամական բոժոժների սրընթաց մրրկի տակ. բայց ամեն անգամ էլ պարզվում էր, որ նա չի հղել. «Սատանան է նրան տարել, իմ գեներալ, սատանան, ուրիշ ոչ ոք» - եւ հիթն նա չմտաւ այդ օրերին Հուսահատութիւնից, ապա ոչ այն պատճառով, որ ուժ չունէր ինքնասպանութեան, ոչ, պարզապես գիտեր՝ մեռնելու է ոչ սիրուց, վիճակված չէր իրեն մեռնել սիրուց. գիտեր հեռավոր այն իրիկվանից, երբ իր տիրակալութեան հենց սկզբում դիմեց պուշակ-պայծառատեսին, որպեսզի սա ջրի վրա գուշակեր իր բախտը, որպեսզի հմայված ջուրը ցույց տար այն ամենը, ինչ գրված չէր ձեռքի արձանի, ինչը չգիտեին խաղաթուղթը, սուրճի մրուրը, միայն նախաստեղծ ջրի Հայելին էր ընդունակ ցույց տալ ճակատագրի նվիրական գաղտնիքը: Եվ նախաստեղծ ջրի այդ Հայելու մեջ նա այն ժամանակ տեսավ իր մահը, տեսավ, թե ինչպես է մեռնելու. տեսավ ի-

\* Պապա Մոնտերո - Նիկոլաս Գիլյենի բանաստեղծութեան հերոս:



րեն մեռած բնական մահով, քնի մեջ, նիստերի դահլիճին կից առանձնասենյակում, բերանքսիվայր պառկած հատակին, ճիշտ նույն դիրքով, ինչպես քնում էր իր երկար կյանքի ընթացքում դեմքը ավերի մեջ խրած, առանց տարբերանշանի դաշտային համազգեստով, երկարաճիտ կոշիկներով՝ ձախին ոսկե խթան, անորոշ մի տարիքում, որ տարուբերվում էր հարյուր յոթի եւ երկու հարյուր երեսուներկու տարիների արանքում:

Հենց այդպես էլ մենք գտանք նրան իր աշնան նախօրյակին, այսինքն ոչ թե նրա, այլ Պատրիսիո Արապոնեսի աճյունը գտանք, եւ ահա նրա կեղծ մահից շատ տարիներ անց, մենք կրկին գտանք նրա մեռած մարմինը նույն տեղում, նույն դիրքով, նույն հագուստով, բայց այս խառը ժամանակներում ոչ ոք ոչ մի հարցում վստահութուն չունեի եւ չէր կարող երաշխավորել, թե այս անգամ իրոք նրա մարմինն էր, թե անպղերի բզկտած ու սրվերի խժոժած գառամյայի դիակը իսկապես նրանն էր. քայքայումից այլանդակված նրա ձեռքը պետության սիրելի ղեկավարի ձեռքը չէր, դա այն ձեռքը չէր, որ սեղմվում էր նրա սրտին Մեծ Ազմուկի դարաշրջանի ամենաարտասովոր աղջկա անպատասխան սիրուց. չկար սչինչ, որ օգներ անախտ հաստատել նրա անձը: Այդ խնդրում, անշուշտ, զարմանալի ոչինչ չկար, չէ՞ որ ամենավատագուր ժամանակներում էլ կասկածներ էին պատվում նրա գոյության իսկության շուրջ. նույնիսկ պայտատում ծառայողները պատկերացում չունեին նրա իրական տարիքի ու արտաքինի վերաբերյալ, որովհետեւ տարբեր տեղերում եւ տարբեր հանգամանքներում նա ամենատարբեր տեսքով էր ներկայանում. տոնավաճառում, տոմբուլային՝ մասնակցելիս, նա ութսուն տարեկան էր երեւում, ընդունելություններին վաթսուն, իսկ պաշտոնական հանդիսություններին հայտնվում էր քառասունից էլ երիտասարդ սղամարդու տեսքով: Դեպքան Պարմեստունը, վերջին դիվանագետներից մեկը, որն իր հավատարմագրերը հանձնեց նրան, մեր երկրում արգելված հուշերում գրել է, որ դժվար է երեւակայել ավելի դառամ ծերունի, քան նա էր, նկարագրել է աննկարագրելի այն խառնաչփոթը, որ տիրում էր պրեզիդենտական պալատում. «Հարկ էր լինում շրջան-

\* Տոմբուլ - տոնավաճառային վիճակախաղ:

ցել դեն նհտված թղթերի, կոպի թրիքի, շան կղկղանքի բլուրներ: Միջանցքներում նեխում էին շան լափի մնացորդները, Հենց այստեղ էլ մրափում էին շները: Ծառայողների սենյակներում նստածներից ոչ մեկը չկարողացավ պատասխանել իմ եւ ոչ մի Հարցին, եւ ես ստիպված դիմեցի այդ ժամանակ բնակելի սենյակները զբաղեցրած բորտոններին ու կաթվածահարներին, խնդրելով ցույց տալ ինձ պետական խորհրդի դահլիճ տանող ճանապարհը: Սույն դահլիճում հավեր էին շրջում եւ փորձում կտցահարել ցորենի արտեր պատկերող գորեկենները, իսկ կոփերից մեկը, ականհայտորեն խժռելու մտադրությամբ, պատառտում էր եպիսկոպոսի դիմանկարով կտավը: Ինչ վերաբերում է պրեզիդենտին, ապա ես իսկույն գլխի ընկա, որ կոճղի նման խուլ է նա: Նա ոչ միայն Հարցերիս պատասխանում էր ինչպես սրտահեր, այլեւ ափսոսանք հայտնեց, որ լուծում են իր թռչնակները, այնինչ նրանք երգում էին կոկորդները ճղելով, եւ քեզ թվում էր, թե վաղ լուսաբացի ժամերին քայլում ես կուստկան անտառով: Հանկարծ նա ընդհատեց հավատարմագրերն ընդունելու արարողությունը, պայծառացյալ, ափը շերեփ դարձրած մոտեցրեց ականջին եւ գլխով անելով լուսամուտի կողմը, որից այն կողմ ժամանակին ծովն էր ալիքվում, իսկ հիմա փոշոտ Հարթություն էր, բղավեց ամբողջ ուժով, ինձ կոչելով Ստիտսոն. «Լսո՛ւմ եք, իմ թանկապին Ստիտսոն: Ջորիների դստիկուն է: Նրանք փախչում են, որովհետեւ ծովը ետ է դալիս: Լսո՛ւմ եք»: Անհավատալի էր, որ այդ դառամ ծերուկը մի ժամանակ Ֆեդերալիստների առաջնորդն է եղել, ժողովրդական կուռք, որն իր վարչակարգի առաջին տարիներին սիրում էր անակնկալ հայտնվել քաղաքներում ու գյուղերում գրեթե առանց պահակախմբի, միայն մաշտետով գինված մեն-միակ գուլախրոյի ուղեկցությամբ եւ փոքրիկ չքախմբով՝ կազմված դեպուտատներից ու սենատորներից, որոնց նա նշանակում էր մատի մի շարժումով, ստամոքսի ճայնին միայն ականջ դնելով: Այս կամ այն գյուղում հայտնվելով, նա հետաքրքրվում էր բերքատվության հեռանկարով, անասունների առողջությամբ եւ յուրաքանչյուր բնակչի անձնական գործերով: Սովորաբար նա ժողովրդի հետ զրուցում էր գյուղամիջի հրապարակում, ճոճվող բազկաթողին նստած, մանգոյի ծառերի ստվերում, շոգից թափահարելով բոլորովին էլ ոչ գեներալական,

այլ սովորական գլխարկը, ինչը մշտապես գլխին էր դնում այդ տարիներին, եւ թեեւ թվում էր՝ լսում է կես ականջով ու շոգից թուլացած ննջում, իրականում լսում ու հիշում էր բացարձակապես ամեն բան, ինչ ասում էին գեղջուկներն ու գեղջկուհիները, որոնց նա գիտեր անուն-ազգանունով - ողջ հրկրի անվանական ցուցակը նա պահում էր իր գլխում, եւ հազարավոր թվեր, ազգի բոլոր չյուծված խնդիրներն էր պահում գլխում։ «Մոտ արի, Խասինտա Մորպիս,- կանչեց նա ինձ աչքերն էլ չբանալով,- Հասա պատմիր մեզ այն տղայի մասին, որին անցած տարի ես բանակ քշեցի, որպեսզի ճաշակի կյանքի դառնությունը եւ մի հրկու հոգնա ընդունի. ինչպե՞ս է նա»։ «Ողջույն, Խուան Պրիետո,- ասաց նա ինձ,- ինչպե՞ս է զգում իրեն քո ցեղական ցուլը։ Տեսա՞ր՝ ոնց օգնեցին նրան իմ աղոթքները ժանտախառի օրերին, հիշո՞ւմ ես՝ ոնց բոլոր ճիճուները դուրս սողացին նրա ականջներից»։ Հիտո նա ինձ ասաց. «Դե, ինչո՞վ ես վարձահատույց լինելու, Մաթիլդա Պերալտո, փախստական ամուսնուղ վերադարձնելու համար։ Ահա, վայելիր, մենք նրան քարչ ենք տվել պարանով եւ ես անձամբ եմ զգուշացրել նրան, որ կփոխ չինական կոճղերը ոտքերին, եթե մեկ էլ փորձի փախչել օրինական կնոջից»։ Կենցաղային գործերում ցուցաբերած պարզությունն ու արագությունը նա կիրառում էր եւ հասարակական հարցերը լուծելիս, դատ ու դատաստան տեսնելիս, մասգործին հրամայում էր հրապարակավ կտրել զոդ զանձապահի ձեռքը, գիտակի կեցվածքով խոսում ամեն ինչ մասին, նույնիսկ լուրիկի եւ լոլիկր սնող հողի. համտես անելով որեւէ մեկի բանջարանոցի լուրիկը, նա հեղինակավոր հայտարարում էր ուղեկցող գյուղատնտեսներին. «Այս հողին թրիք է պակասում, բայց ոչ ամեն տեսակի. սրձ էշի թրիք է պակասում։ Եվ ոչ թե՛ էգի։ Ես կկարգադրեմ՝ պետություն հաշվին կրեքին»։ Եվ ծիծաղելով առաջ էր անցնում։

Գլուխն իմ լուսամուտը խոթելով նա ասաց ինձ ուրախ. «Ըհը, այդ դո՞ւ ես, Լորենաս Լուպես։ Ինչպե՞ս է աշխատում կարի մեքենադ»։ Մեքենան ինքն էր նվիրել ինձ քսան տարի առաջ, եւ ես ասացի, որ մեքենան վաղուց ի վեր փչել է հողին. աշխարհի կարգն է, ասացի, հավերժական ոչինչ չկա՝ ո՛չ մարդը, ո՛չ իրը։ Բայց նա ասաց, որ ես ոչինչ չեմ հասկանում, որ հավերժական է աշխարհը,

եւ տուն մտալ, պտուտակահանի օգնութեամբ քանդից մեքենան, յուղեց բոլոր մասերը՝ մոռանալով փողոցում սպասող շքախմբին: Նա երկար չարչարովեց, երբեմն ծանր հոգոց էր հանում, փնչացնում ցուլի պես, լլոզլլեց մեքենայական յուղով, նույնիսկ դեմքը մուրտառեց, բայց երեք ժամից մեքենան աշխատեց նորի նման»: Ահա թե ինչպես էր կյանքը այն ժամանակ, երբ նա տարբերութիւն չէր տեսնում կենցաղային փուչ եւ պետական կարեւորութիւն ունեցող գործերի միջեւ, երբ անկեղծորեն հավատում էր, թե մարդկանց կարելի է երջանկութիւն պարգեւել, իսկ մահին խաբել մարտունակութեամբ: Իսկ հիմա, խնդրեմ՝ զառամյալ ծերուկ: Եվ ոչ մի կերպ չես կարողանում հավատալ, որ այս ծերը նա է, որի իշխանութիւնն անսահման էր, որի հարցին՝ թե ժամի քանիսն է, պատասխանում էին. «Ո՞ր ժամը կհրամայեք, իմ գեներալ»: Եվ իբրոք, նա օրերի հետ խաղում էր ինչպես կամենար, հրամայում էր ցերեկը գիշեր կոչել, գիշերը՝ ցերեկ, եթե այդ փոփոխութիւնը պետք էր իրեն եւ հարմար, օրեցօր նա հետաձգում էր պարտադիր տոները, օրացույցը կազմում էր այնպես, որ երկրի այս կամ այն շրջանում իր հայտնվելը համընկներ որեւէ տոնի, որպեսզի նույն այդ տոնը հասցնէր վայելել մի այլ վայրում եւս. ամենուր նա հայտնվում էր իր սովերի, ռտաբոբիկ հնդիկի ուղեկցութեամբ, որ զինված էր մաշկտեղով, նրան ուղեկցում էին նաեւ թշվառ սենատորները՝ մարտական հրաշալի աքաղաղներով, որ փակված էին փայտյա վանդակներում՝ մարտի նետովելու պատրաստ ուզածդ գյուղի սմենակատաղի աքաղաղների դեմ, յուրաքանչյուր գյուղում պարտադիր աքլորակութիւններ էին կազմակերպվում: Նա բարձրաձայն զրազ էր բռնում հանդիսատեսների հետ, խոշոր դումար դնելով այս կամ այն աքլորի վրա. նրա տարօրինակ քրքիջից դողում էր գալլերայի՝ փայտամածը, այդ քրքիջը խլացնում էր երաժշտութիւնը եւ հրթիռների ճայթյունները, որովհետեւ մենք բոլորս պարտավոր էինք քրքջալ նրա հետ, լռել, երբ ինքն էր լռում, բռնն ծափահարել, երբ նրա աքլորները հաղթում էին մերոնց. մեր աքլորներն այնպես վարպետորեն էին վարժված, որ, մշտապես պարտվելով, մեզ ամոթով չէին թողնում, եթե չհաշվինք այն դեպքը, երբ Դիոնիսիո Իգուարանի հանդուգն աքաղաղը սրընթաց,

\* Գալլերա - աքլորակութի սրահ:

անդիմադրելի գրոհով մահացու կտցեց բարձրաստիճան հյուրի թխակապույտ աքլորին. բոլորը քարացան տեղերում, բայց գեներալը ոտքի ելավ եւ ուղղվեց դեպի Դիոնիսիոն, սեղմեց նրա ձեռքը. «Կեցցես, դու իսկական տղամարդ ես»: Նա հրաշալի տրամադրութիւն ունեւ եւ նրա համար մեծ բան չէր Դիոնիսիոյին գովաբանելը, նա նույնիսկ շնորհակալ եղավ սուր զգացողութիւնն ապրելու համար եւ հարցրեց՝ «Որքա՞ն ես պահանջում կարմիր այդ աքլորի համար», ինչին Դիոնիսիո Իգուարանը պատասխանեց երկչորեւն. «Ձերն է այդ աքլորը, պարոն գեներալ, վերցրեք», ամբողջ Դիոնիսիոյին վարձատրեց ծափահարութիւններով, երբ նա երաժշտութիւնն եւ ճայթռուկի պայթիւնների ուղեկցութեամբ տուն գնաց՝ ողջ աշխարհին ցույց տալով ցեղական գեղեցիկ վեց աքաղաղները, որ նվեր էր ստացել անհաղթելի կարմրի փոխարեն, բայց հենց նույն գիշեր Դիոնիսիո Իգուարանը փակվեց իր ննջասենյակում, մի ամբողջ շիշ շաքարեղեգի ոտմ խմեց եւ կախվեց ճոճի պարանով. խեղճը շատ լավ գիտեր, թե ինչ անհամար դժբախտութիւններ ու փորձանքներ են դարանակալում բարձրագույն ողորմածութեանն արժանացած մարդուն. գեներալն իրեն հաշիվ չէր էլ տալիս, որ իր յուրաքանչյուր ուրախ հայտնութիւն-այցելութիւնից հետո մարդկանց գլխին փորձանքներ էին թափվում, որ իր ետեւից ծորում էր «անցանկալի մարդկանց» սպանութեան արշունալի հետքը. նա չէր էլ մտածում հավերժական անիծքի մասին, որ ճակատագիրն էր դառնում իր կողմնակիցների, որոնք կարող էին փորձանքն ընկնել, եթե նա նրանց հանկարծ չկոչեր ինչպես հարկն է, եւ այն էլ հաճոյակատար վարձկանների ներկայութեամբ, ովքեր անմեղ սխալը, բերանից թուածը մեկնաբանում էին որպես հետապնդման հրաման: Նա երկրով մեկ թափառում էր արմաղիլոյի՝ տարօրինակ քայլվածքով, չսափրված դեմքով, քրտնքի կծու հոտ արձակելով եւ անակնկալ կարող էր հայտնվել ուզածդ տանը, ուզածդ խոհանոցում՝ տան բնակիչներին ստիպելով արտաքուտ կարծես անմիաս ճանապարհորդին տեսնելուն պես դողալ սարսափից. իսկ նա տոտունայով՝ ջուր էր վերցնում կավի գուռից, իմում-հագեցնում ծարավը եւ կամ մոտենում կաթսային ու ձեռ-

\* Արմաղիլո - զրահակիր (կենդ.):

\*\* Տոտունա - դժի տերեւից պատրաստված շերիփ:

քով միջից մասկտոր հանում, ուտում այնպես տնավարի, այնպես հասարակ, որ նողկանք էր առաջացնում, թեև ինքը կասկած չուներ, որ այսուհետ եւ ընդմիջտ իր այցելության խարանը կդաջվեր այս տան վրա. նա այդպես հասարակ էր վարվում ամենեւին էլ ոչ քաղաքական նկատառումներով, բնավ ոչ այն պատճառով, որ համընդհանուր սիրո ու ճանաչման էր տենչում, ինչպես եղավ ավելի ուշ, այլ որովհետև, իրոք, հասարակ մի մարդ էր եւ վարվում էր իր բնությանը համեմատ, եւ իշխանությունը դեռևս ներծծող ճահիճ էր, ինչպես դարձավ նրա հասուն, աշնան տարիներին, այլ փոթորկուն հեղեղ, որ հենց մեր աչքերի առաջ ժայթքում էր նախնական խորքերից. իշխանությունը էջ, ինքն էր իշխում իշխանությանը, եւ բավական է մատնացույց աներ այն ծառերը, որ բերք պիտի տային, եւ նրանք բերք էին տալիս, մատնացույց էր անում կենդանիներին, որոնք պիտի ձագ ծնեին, եւ նրանք ծնում էին, հաջողության սպասող մարդկանց էր մատնացույց անում, եւ նրանք հաջողության էին հասնում, նա կարող էր դադարեցնել անձրեւն այն տեղերում, ուր բերքին էր վնասում, եւ հարկադրել թափվել պապակ հողերի վրա. «Ես դա քաջ պիտեմ, սենյոր, որովհետև աչքովս եմ տեսել»։ Առասպելը նրա շուրջ ստեղծվեց ավելի վաղ, քան նա կհասներ բացարձակ իշխանության եւ կհավատար, որ հասել է, ստեղծվեց դեռ այն տարիներին, երբ նա առանց որեւէ կասկածի հավատում էր գուշակություններին եւ սարսափելի երազների մեկնությանը. այդ ժամանակներում նա կարող էր ընդհատել նոր սկսած ճամփորդությունը սոսկ այն պատճառով, որ մարգարեական պիգվա թռչունը գլխավորելից թռչելիս երգ էր ասել, նա հաջորդ օրվա հանդիպումը ժողովրդի հետ հետաձգեց, որովհետև մայրը՝ Բենդիսիոն Ալվարադոն հավիթի մեջ երկու դեղնուց էր հայտնաբերել. իսկ մի անգամ նա հրաժարվեց շքախմբից, ամենուր իրեն ուղեկցող սենատորներից ու դեպուտատներից, որոնք սովորաբար նրա փոխարեն ճառեր էին ասում, քանզի ինքը էր համարձակվում ճառախոսել - հրաժարվեց, որովհետև հերթական ուղեւորության նախօրյակին տեսավ իրեն գեշ երազի մղձավանջում, մի հակայական ամայի տանը, ուր իրեն ամեն կողմից շրջապատել էին գորշ սյուրթով հագած, մսագործի դանակներով զինված, գունատ տղամարդիկ, ատամները բաց արած,

ՀոՀոսալով, նրանք այդ դանակներով ծակծկում էին իրեն եւ որքան էլ ինքը փորձում էր խուլյա տալ, որ կողմն էլ չըջվում էր, միեւնույն է, հանդիպում էր դեմքին զարկվելու կամ աչքերը հանելու պատրաստ դանակի շեղբերին. գունատ, լուռ, տարօրինակորեն ժպտացող այդ մարդասպանների շրջապատում նա ծուղակն ընկած գազան էր. նրանք ոչ մի կերպ չէին կարողանում վճռել, թե իրենցից ով է հասցնելու վերջին հարվածը, ով է ավարտելու զոհաբերութեան ծեսը եւ առաջինը խմելու նրա արյունը, բայց նա արդեն ոչ սարսափ էր զգում, ոչ չարություն, միայն թեթեւություն էր զգում, որը, մարմնից հեռացող կյանքի փոխարեն, համակում էր ողջ էութիւնը. նա դարձավ անկշռելի, Հոգում այնպես խաղաղ էր ու պարզ, որ ժպտաց մարդասպաններին ու իր ճակատագրին. եւ, ահա, վերջապես մեկը, որը երազում, իբր, որդին էր, դանակը նրա փորը խրեց, բաց թողեց վերջին օղը եւ արյուն ցայտեցրեց այդ տան ճերմակ պատերին, մղձավանջի ճերմակ պատերին. «Եվ այդժամ ես գլխիս զցեցի արյունով ներծծված պոնչոն, որպեսզի նրանք, ովքեր չճանաչեցին ինձ կյանքում, չճանաչեն նաեւ մեռած, եւ ընկա Հատակին ու մահամերձի ջրածգումները բռնեցին իմ ողջ մարմինը»: Երազն այնքան էր իրական, որ նա չդիմացավ, իսկույն պատմեց Հայրենակցին՝ առողջապահութեան նախարարին, եւ սա կրկնապատկեց նրա Հոգու մոսայլութիւնը, առանց թաքցնելու ասելով, որ նման մահ արդեն նկարագրված է մարդկութեան պատմութեան մեջ. «Ճիշտ եւ ճիշտ ձեր երազի նման, իմ գեներալ»: Եվ առողջապահութեան նախարարը ձեռքն առավ գեներալ Լաուտարո Մուլոսի հաստիկ, խանձուտներով հատորյակը եւ կարգաց նման մահ, նման սպանութիւն պատկերող մի դրվագ. «Ճիշտ եւ ճիշտ իմ երազի նման մայր: Լսելով պատմութիւնը ես մտաբերեցի մոռացված բոլոր մանրամասները ինչպես այն մեկը որ երբ արթնացա տեսա թե ոնց են առանց քամու իրենք իրենց բացվում պալատի բոլոր քսաներեք լուսամուտները իսկ երազում ինձ հասցրել էին դանակի ուղիղ քսաներեք հարված: Ինչպիսի՛ ճակատագրական զուգադիպութիւն»: Սա միակ զուգադիպութիւնը չէր, երազն իրականանում էր. նույն այդ շաբաթվա մեջ, զինվորական ուժերի անտարբեր թողտվութեան պայմաններում, ավագակային հարձակման ենթարկվեց սենատը եւ գերագույն դատարար-

նը. ավագակները մինչեւ Հիմքերը քարուքանդ արեցին մեր ազգային սրբությունը՝ սենատի շենքը, որի ներսում անկախության պայքարի մեր հերոսները ժամանակին հռչակել էին մեր ազգի անկախությունը. հրդեհի բոցը հուրհրում էր մինչեւ ուշ գիշեր եւ հրաշալի նկատվում պրեզիդենտական պատշգամբից, սակայն պրեզիդենտին բնավ չվշտացրեց բոթը՝ թե պատմական շինությունից չի մնացել նույնիսկ Հիմը, թե ինչ-որ մեկը ջանացել է արմատախիլ անել այդ շինության հիշողությունը նույնիսկ. մեզ խոստացան հրապարակավ պատժել հանցագործներին, որոնց այդպես էլ չգտան, եւ կառուցել հերոսների տան ճշգրիտ պատճենը, որի ավերակները պահպանվել են մինչեւ օրս: Ինչ վերաբերում է սենատորներին ու արդարագատության ծառայողներին, ապա նա միտք էլ չուներ թաքցնել նրանցից իր երազի չարաբուշակ նշանները, ընդհակառակը, իր գործողություններն արդարացնելով երազից հաղորդված նախազգուշացումով, նա ուրախ էր, որ առիթ եղավ ցրելու օրհնագիրներին եւ քարուքանդ անելու հնացած հանրապետության դատավարական համակարգը. սենատորներին, դեպուտատներին եւ գերագույն դատավորներին (որոնց պետքն այլեւս չուներ, քանի որ իր իշխանության օրինականության հաստատման հարկը չկար), նա պարզեւատրեց շքանշաններով, դարձրեց նրանց ունեւոր եւ, որպես դեսպան, բարեբեր ու հեռավոր երկրներ ուղարկեց, պալատում թողնելով միայն ոտաբոբիկ, լուսկյաց, մաշետով զինված հավատարիմ հնդկացուն. անբաժան այդ ստվերը չէր լքում նրան եւ ոչ մի ակնթարթ, առաջինն էր փորձում ջուրն ու ուտելիքը, հետեւում, որ ոչ ոք չխախտի մոտենալու սահմանված տարածությունը. «Այդ հնդկացին կանգնում էր իմ դասնը, քանի դեռ պրեզիդենտը մի քանի ժամով մնում էր ինձ մոտ: Ասում էին, թե պրեզիդենտն իմ թաքուն սիրեկանն է, մինչդեռ նա ինձ այցելում էր ամիսը երկու անգամ, որպեսզի ես խաղաքարտով իր բախտը գուշակեի: Երկար տարիներ էր նա իմ հաճախորդը, քանի դեռ նա իրեն մահկանացու էր կարծում, քանի դեռ նրան տանջում էին կասկածները, քանի դեռ խոստովանում էր, որ կարող է սխալվել, եւ քարտերին ավելի էր հավատում, քան իր վայրենի բնագրին: Սովորաբար նա ինձ մոտ էր գալիս ինչ-որ բանից վախեցած ու վախից ծերացած, այնպես, ինչպես հայտնվել էր մոտս առաջին



անգամ եւ անխոս մեկնել կլոր, դողողի փորի նման պիրի, Հարթ մաշկով ձեռքերը - նախկինում եւ Հետո էլ ես երբեք չեմ տեսել նման ձեռքեր, թեեւ ճակատագրի գուշակողի երկար կյանք եմ ապրել: Նա լուռ ազդեցողի եւ Հուսահատվածի արտահայտությամբ էր սեղանին դրել գույգ ձեռքը. ես զգացի, որ նրան տանջում է անորոշ մի տազնապ եւ անվստահությունն է կրծում Հոգին, որ նա զրկվել է երազանքից, Հույսից, եւ ինձ այդ ժամանակ զարմացրեցին ոչ այնքան այդ ձեռքերը, որքան նրա անհուն թախիծն ու մենությունը: Ես խղճացի նրա դժբախտ, ծերունական, կասկածներից տառապող սիրտը եւ սկսեցի գուշակել, բայց նրա ճակատագիրն ինձ Համար մնաց անհասանելի, խուլ, փակ: Հնարավոր չէր որեւէ բան իմանալ նրա ձեռնափերից, գուշակման իմացածս բոլոր միջոցներն անգոր էին, որովհետեւ Հենց նա, ասենք, կիսում էր կապուկը, քարտերը խճճվում էին, սրճի մրուրը նրա բաժակում վերածվում էր պղտոր դոնդողի: Ոչինչ Հնարավոր չէր իմանալ նրա մասին, փոխարենը շատ պարզորոշ երեւում էին մոտիկ մարդկանց ճակատագրերը: Ահա, այդպես էս տեսա նրա մորը՝ Բենդիսիոն Ալվարադոյին եւ ցույց տվեցի նրան, թե ինչպիսին է լինելու նա մոտ ապագայում, գառամյալ Հասակում. աչքերը կուրանալու են, բայց շարունակելու է ներկել անհայտ ինչ-որ թռչնակների, ներկելու է՝ չզանազանելով գույները, եւ նա ասաց. «Ընդձ մայր»: Իսկ մի ուրիշ անգամ, գուշակելիս, մենք տեսանք քարուքանդ եղած մեր քաղաքը, եւ կործանողը կատաղի մի ցիկլոն էր, որի կանացի անունը Հնչում է Հրեշավոր ծաղրանքի նման: Մի օր էլ տեսանք կանաչ դիմակ Հագած, ձեռքին սուսեր բռնած մի տղամարդու, եւ պրեզիդենտը տազնապով Հարցրեց, թե որտեղ է բնակվում այդ մարդը. քարտերը պատասխանեցին, որ երեքաբթի օրերն այդ մարդը պրեզիդենտին ավելի մոտ է լինում, քան շաբաթվա մյուս օրերին, եւ նա ասաց՝ «ԸՀը», եւ Հարցրեց՝ ի՞նչ գույնի են այդ մարդու աչքերը, եւ քարտերը պատասխանեցին, որ նրա մի աչքը գուլարապոյի գույնի է, զինու գույնի, եթե լույսի տակ նայես, իսկ մյուսը մուգ է, եւ նա ասաց՝ «ԸՀը», եւ Հարցրեց, թե ի՞նչ մտադրություններ ունի այդ մարդը: Եվ ես չհամբերեցի այլեւս ու ասացի նրան ողջ ճշմարտությունը, քարտերի ցույց տված ճշմարտությունը. ես ասացի, որ կանաչ դիմակը նշանակում է դավաճանու-

թյուն ու նենգություն, իսկ նա բղավեց շատ հանդիսավոր. «Ըհը: Ես գիտեմ թե ով է նա: Գիտեմ»: Այդ մարդը, պարզվեց, զնդապետ Նարսիսոս Միրավալն էր, նրա մտերիմ գնդապետներից մեկը, որը երկու օր անց ատրճանակը պարպեց ականջի մեջ հւ նույնիսկ, որեւէ գրություն չթողեց խեղճը...»: Ահա այսպես, հավատարիվ քարտերի գուշակությանը, նա վճռում էր մարդկանց ճակատագրերն ու հայրենիքի բախտը, հայրենիքի պատմական ընթացքը, քանի դեռ չէին հայտնել իր տեսակի մեջ եղակի պայծառատեսի լուրը. սա գուշակում էր սովորական ջրով, կանխատեսում էր, թե ով, ինչպես եւ երբ է մեռնելու. նա բոլորից ծածուկ, մաշետեղով զինված պահապան հրեշտակի ուղեկցությամբ մեկնեց փնտրելու այդ պայծառատեսին, եւ կտրելով լեռնային արահետներ, ձորեր, որտեղով լուկ ջորիներն էին անցնում, հասավ սարահարթի մենավոր մի խրճիթ, ուր ապրում էր պայծառատեսն իր ծոռնուհու հետ, որն ուներ երեք երեխա, իսկ չորրորդին շուտով պիտի ծներ. այրի էր, մի ամիս առաջ էր թաղել ամուսնուն: Պայծառատեսին նա գտավ խավար սենյակի խորքում. պառավը կաթվածահար էր եւ գրեթե կույր, բայց երբ եկվորին կարգադրեց ձեռքերը պահել ջրով լի կոնքի վրա, խավարը ցրվեց. ջուրը կոնքում լուսավորվեց ներքին, պարզ ու մաքուր լույսով, եւ նա այդ ջրում տեսավ, որ պառկած է հատակին, բերանքսիվայր, առանց տարբերանշանի դաշտային համազգեստով, երկարաճիտ կոշիկներով, ձախին՝ ոսկյա խթան. նա հարցրեց պառավին. թի որտե՞ղ է, ի՞նչ տեղ է սա, ուր պառկած է ինքը, եւ պառավը պատասխանեց, որ չափսերով իր սենյակից ոչ մեծ սենյակ է տեսնում, մի գրասեղան, էլիկտրական հովհար, տեսնում է ծովահայաց լուսամուտ, ճերմակ պատեր, որոնց վրա ձիերի նկարներ կան եւ վիշապի պատկերով դրոշ: Եվ այդժամ նա ասաց՝ «Ըհը», որովհետեւ սույն նկարագրությամբ ճանաչեց նիստերի դահլիճին կից իր առանձնասենյակը, ու հարցրեց. «Իսկ ինչպե՞ս եմ մեռնելու: Բռնի մահո՞վ, թե՞ գեշ հիվանդությունից», ինչին պառավը պատասխանեց, որ ոչ, չի մեռնելու բռնի-մահով կամ գեշ հիվանդությունից, մահը լինելու է բնական եւ վրա է հասնելու քնած ժամանակ, առանց ցավ պատճառելու, եւ այդժամ նա ասաց՝ «Ըհը», եւ հարցրեց շունչը պահած. «Իսկ ե՞րբ է պատահելու»: Պառավը պատասխանեց, որ կարող է հանգիստ

մնալ, որովհետեւ հասնելու է իր տարիքին՝ հարյուր յոթ տարեկան, որից հետո ապրելու է էլի հարյուր քսանհինգ տարի եւ հետո միայն կկատարվի կատարվելիքը: «Ըհը», - ասաց նա եւ սպանեց հիվանդ, պառավ պայծառատեսին հենց ճոճում, խեղդելով նրան իր ոսկյա խթանի քուղով, առանց ցավ պատճառելու, վարպետ դահճի նման, թեւեւ նախկինում, անձամբ, ոչ մարդ էր սպանել, ոչ անասուն՝ լինել դա պատերազմի դաշտում, թե խաղաղ օրերին, - խեղճ պառավը միակ կենդանի արարածն էր, որին նա սպանեց անձամբ, որպեսզի աշխարհում իրենից բացի ոչ մեկը չիմանար՝ ինչպի՞ս, որտե՞ղ եւ ե՞րբ էր մեռնելու ինքը: Իր այս ստոր արարքի հիշողությունները չէին անհանգստացնում նրա հոգին աշնանային գիշերներին, չէին տանջում նրա խիղճը: Ընդհակառակը, նա սիրում էր հիշել այդ դիպվածը ինքն իրեն գտվելու, ինքն իրեն քաջալերելու համար - ահա թե ինչպիսին պիտի լինել՝ վճռական, անխնա, իսկ երբ խավարման մթության մեջ գոլորչիացավ Մանուելա Սանչեսը, նա վերհիշեց իր նախկին դաժանությունը, որպես թույն լուծեց ներսում, որպեսզի գոնե որեւէ չափով ազատագրվի նվաստոպաման զգացողությունից, սրտից դուրս հանի ողջ էությունը այրող ծաղրի խայթը. եւ նա պառկում էր ճոճում, տամարինդների սովերի տակ, լսում ծառի տերեւների մեջ քամու դանգակների ծննդոցը, ատելությամբ հիշում Մանուելա Սանչեսին, մտածում էր ու մտածում, իսկ այդ պահին գինվորական ուժերը Մանուելային որոնում էին ցամաքում, ծովում, օդում, անսահման ու մեռյալ անապատում, որտեղ սելիտրա էին արդյունահանում, որոնում էին, բայց հետքն էլ չէին գտնում, եւ նա դաժանորեն տանջում էր ինքն իրեն անպատասխան հարցով. «Ո՞ւր կորար դու գրողը քեզ տանի որտե՞ղ թաքնվեցիր այնպես որ ձեռքս չհասնի քեզ: Օ եթի ձեռքս հասնե՞ր քեզ դու կհասկանայիր թե ինչ բան է իշխանությունը»: Այրող ատելությունն ավելի ու ավելի էր համակում նրան, կրծքին դրված գլխարկը ուտոստում էր սրտի կատաղի հարվածներից, նա՛ասես չէր էլ լսում մոր՝ Բենդիսիոն Ալվարադոյին, որը համառորեն ճգնում էր իմանալ եղելությունը. «Ինչո՞ւ ես լռել խավարման օրից ի վեր: Ինչո՞ւ ես միայն ինքդ քո ներսը նայում»: Նա լուռ ոտքի էր ելնում, մորը հայհոյելով հեռանում՝ քարշ տալով փղային իր ոտքերը, հոգում շոշափելով խայթված ինքնա-

սիրութեան արյունոտ վերքը, լեղի էր կուլ տալիս եւ տարակուսած Հարցնում չգիտես թե ում. «Եվ այս ամենն ինձ Հե՞տ է կատարվում: Այդ, Խ՞ոս եմ այնքան ապուշ կտրել որ չգիտեմ անիլիքս: Այդ Խ՞ոս եմ դադարել իմ ճակատագրի տերը լինելուց ինչպես սուաջ: Եվ այս ամենը այն պատճառով որ աղջկա տուն եմ մտել մոր թույլատրութեամբ ինդերերով եւ ոչ թե այնպես ինչպես ժամանակին Սանտոս-Իգերոնեսում Ֆրանսիակա Լիներոյի տան պաղ լուսթյան մեջ մտա»: Ֆրանսիակա Լիներոյի Հետ կապված դեպքը կատարվել էր Պատրիսիո Արագոնեսից առաջ, եւ նա ինքն էր մարդկանց ներկայացնում իշխանութեան դեմքը. «Նա ներս մտավ դռան մուրճը նույնիսկ չզարկելով, մտավ, որովհետեւ այդպես էր ցանկանում. ժամացույցի զարկերի Հետ մտավ՝ տասնմեկն էր, եւ ես հտնաբալի պատշգամբից լսեցի, թե ինչպես է ժամացույցի զարկերի Հետ գնզգնզում նրա ոսկյա խթանը, ճանաչեցի նրա քայլերի փոխին դոփյունը, որ գալիս էր հտնաբալի աղյուսահատակ ծառուղուց եւ դեռ չտեսած նրան, պատկերացրեցի ողջ Հասակով մեկ ու սարսափեցի, ավելի վաղ սարսափեցի, քան նա կհայտնվեր ներքին պատշգամբի շեմին, որտեղ ես էի. ոսկեգույն խորդենիների մեջ ճշում էր ջրցուլը, ժամացույցի պես ազդարարելով տասնմեկը, երգում էր գվինեոյի պտուղների բույրերից արբած պիրուլը, ծառի սաղարթից պոկոտված, կախ-կախ ճթերով բեռնված ճյուղերը ճոճվում էին պատշգամբի գլխին, օգոստոսյան չարաբաստիկ երեքշաբթի օրվա արեւի շողերը խաղում էին թարմ տերեւների, մեղրի քաղցրութեամբ լեցուն, մեղրի բծերով պատած պտուղների վրա, մատղաշ եղնիկի վրա, որ ամուսինս՝ Պոնսիո Դասան էր խփել լուսաբացին եւ կախել գլխիվայր, որ արնաքամ լիներ. կախել էր պատշգամբի ծածկի տակ, գվինեոյի պտուղների ողկույզների մոտ: Եվ, ահա, նա ներս մտավ սարսափազդու տեսքով ու մռայլ,- նման տեսքով մարդիկ նույնիսկ ամենազարհուրելի երազներում չեն հայտնվում,- ներս մտավ ցեխոտ, ճահճի լոռատիղմով սվաղված սապոգներով, խակի գուլնի, քրտնքից թրջված բաճկոնակով, առանց գոտուց կախ գնքի, բայց կողքին անձայն կանգնած էր ոտաբոբիկ մի Հնդկացի, ձեռքը մաչեստի կոթին սեղմած: Ես տեսա անխնա, անխուսափելիութունից խոսող նրա աչքերը, իսկ նա դանդաղ, ինչպես կիսաքնի մեջ, մեկնեց կանացի իր ձեռքը գլխ-

նևոյի պատուգներին, պոկեց մի Հատիկ, ազաՀորին կերավ, Հետս պոկեց ու կերավ էլի մի Հատիկ, Հետս էլի - լիքը բերանով նա ճպճպացնում էր ճահճի նման»: Նա խժոռւմ էր գվինեոյի պտուղները եւ աչքերով լափլփում Ֆրանսիական Լինեոյի Հրաշալի մարմինը, իսկ սա չգիտեր ուր կորչեր ամոթից, որովՀետեւ շատ էր երիտասարդ, վերջերս էր ամուսնացել, եւ նման Հայացքները խորապես Հուզում էին նրան, քայց նա Հասկանում էր, որ գեներալը եկել էր բավարարելու իր ցանկությունը, գիտակցում էր կատարվելի լիքի անխուսասիելիությունը, եթե, իՀարկե, գեներալն ինքը միայն ետ չկանգներ որոշումից. «Ես Հազիվ լսեցի սարսափից կծկված ամուսնուս շնչաուլթյունը, նա նստեց կողքիս եւ մենք քարացանք՝ ձեռք ձեռքի տալով, սրաներս էլ միացած, ինչպես ազամինները բացիկների վրա, եւ մեր այդ միացած սրտերը, թպրտում էին վախեցած, մի սիրտ դառած, իսկ Հրեշափոր ծերուկը կանգնել էր մեզանից երկու քայլի վրա եւ խժոռւմ, Հա խժոռւմ էր գվինեոյի պտուղները, ուսի վրայից դեն շպրտում մնացորդները, անթարթ, Համառորեն նայում ինձ: Իսկ երբ խժոռեց ճյուղի բոլոր պտուղները, մաքրագարգած ճյուղը թողեց իր տեղում, եղնիկի կողքին, նշան արեց ուսաբորիկ իր Հնդկացուն եւ ասաց ամուսնուս՝ Պոնսիո Դասին. «Դուրս եկ բարեկամիս Հետ, նա քեզ ասելիք ունի»: Իսկ ես, թեեւ մեռնում էի սարսափից, գիտակցում էի, որ կյանքս փրկելու միակ միջոցը թույլ տալն է, որ նա անի ինձ Հետ, մարմնիս Հետ այն ամենը, ինչ ցանկանում է անել՝ Հենց այստեղ, ճաշասեղանի վրա, եւ ես ինքս օգնեցի նրան մերկացնել ինձ, թե չէ խճճվում էր ժանյակների մեջ. ես շնչահեղձ էի լինում նրա գարշահոտությունից, իսկ նա թաթի մի Հարվածով պատառտեց վրայիս սպիտակեղենը եւ սկսեց առանց Հմուտթյան ափլփել մարմինս, իսկ ես մեքենայաբար մտածում էի. «Սուրբ երրորդություն, ես ինքս էլ, ախր, չեմ լվացվել այսօր, ի՞նչ խայտառակություն, ժամանակ չեղավ այդ եղնիկի պատճառով»: Եվ, աՀա, վերջապես նա ստացավ ցանկացածը, բայց իր գործն արեց այնպես Հապշտապ ու վատ, ինչպես կաներ երեւի ստաթեքով ավելի մեծը, կամ կաթնասկրի մեկը: Նա այնպես ընկճվեց, որ դարձավ անճանաչելի, նա լաց էր լինում մեզի չափ տաք արցունքներով եւ այնպիսի թախիծ կար դեմքին, այնքան տխրություն աչքերում, որբի այնպիսի միայնություն, որ

ես խղճացի նրան եւ աշխարհի բոլոր տղամարդկանց, սկսեցի մատ-  
ներիս ծայրով շոյել նրա գլուխը, մխիթարել. «Հերիք է. մի հուզ-  
վեք այդպէս, իմ գեներալ, պետք չէ: Կյանքը դեռ առջեւում է»:  
Իսկ այդ նույն պահին մաջետեով գինված ոտաբորբիկ հնդկացին  
այգու խորքն էր հասցրել Պոնսիո Դասին եւ սպանել, որովհետեւ  
գեներալն այլապես երգլյալ թշնամի ձեռք կբերեր. սպանել էր ու  
մարմինը կտրատել խոզերին հարմար մանր մասերի, այնպես որ  
խեղճ Պոնսիոյի մարմինը թաղելուց առաջ չհաջողվեց էլ մի կար-  
գին ի մի բերել - ահա թե ինչպիսին էր նա, ահա թե ինչ հիշողու-  
թյուններ էին հառնում անցյալից՝ կրկնապատկելով նրա հոգու  
մուսկուլթյունը, նրա չարությունը, որովհետեւ թվում էր, թե ջրի-  
կացել էր իր իշխանության թանձր նստվածքը, այդ իշխանությու-  
նը չէ՞ որ անգոր եղավ ոչնչացնել մի ինչ-որ խավարման կախար-  
դական հմայանքը: Սեւ լիզի էր լցվել նրա նիւսը, երբ նստեց խա-  
ղասեղանի մոտ, սառնարյուն ու անվրդով գեներալ Ռոդրիգո դե  
Ազիլարի դիմաց, իր թանկագին ընկերոջ, որին վատահում էր, հա-  
վատում, որը միակ մտերիմն էր դարձել այն օրից, երբ հողախտը  
վերջնականապես շղթայեց մաջետեով գինված ոտաբորբիկ պահա-  
պան-հրեշտակի հոգերը, նա նայեց իր թանկագին ընկերոջը եւ  
մտածեց, որ գլխին թափվող դժբախտությունները գուցե թե ծա-  
գում են ընկերոջը չափազանց վատահելուց, գուցե չափից ավելի՞ է  
նրան արտոնություններ շնորհել. «Իմ թանկագին ընկերը չէ՞ր որ  
փորձում էր ինձ եզ դարձնել այդ նա չէ՞ր փորձում զրկել ինձ  
կառուդիլոյի նշաններից պարզապես սափրել վրայիցս բոլոր այդ  
նշանները այդ նա չէ՞ր ջանում դարձնել ինձ պալատական հաշ-  
մանդամ որի հրամանները կարելի էր եւ չկատարել այդ նա չէ՞ր  
հորինել նմանակի վնասակար պատմությունը հարկադրելով ինձ  
թաքնվել ինչ որ մեկի թիկունքում ստիպելով վախենալ անձամբ  
ժողովրդին ներկայանալուց նույնիսկ թիկնապահների բանակով  
չըջապատված այնինչ նախկինում մի ոտաբորբիկ հնդկացի էր ամ-  
բոխների մեջ իր մաջետեի հարվածներով ճանապարհս բաց անում  
բղավում էր մի կողմ քաշվեք կոտոշավորներ տիրակալն է գալիս եւ  
ոչինչ չէր պատահում թեեւ մենք մարդկային այդ անտառում ուր  
ծափահարությունների փոթորիկն էր մոնչում դեռեւս չէինք տես-  
նում թե որտեղ են իսկական հայրենասերները եւ որտեղ նենգ դա-

վաճառները ու ավազակները այդ Հիմա մենք գիտենք որ առավել նենգերը բոլորից բարձր են բղավում կեցցե իսկական տղամարդը կեցցե գեներալը ստոր վիժվածքներ մի Հնդկացին գլուխ էր հանում Հսկայական ամբոխներից իսկ Հիմա իմ թանկագին բարեկամին բանակներն էլ չեն բավականացնում որ գտնի այդ քնձոտոթ թագուհուն»։ Եվ հիշելով, թե ինչպես դուրս պրծավ, չհասկանալով, թե ոնց կարողացավ սպրդել ծերունական իր տուփանքի խուլ պարսպից, նա հանկարծ չարտեց դամիխոյի խաղաքարերը հաստակին, ընդհատեց խաղը ամենաթեթ պահին ու հեռացավ, հայհոյելով ամեն ինչ ու ամեն բան. ահա այսկերպ մի անգամ ընդհատելով խաղը, նա խոր ընկճվածության ու թմրության մեջ ընկավ և մոտածեց հանկարծ, որ այս աշխարհում ամեն ինչ վաղ թե ուշ իր տեղն է ընկնում, միայն ինքն է մնացել անհանգրվան. նա արտասովոր շոգ զգաց, զարմացավ, որ շապիկը քրտնքից ամբողջովին թրջվեց այն ժամին, երբ շոգը, սովորաբար, նվազում էր. ծովային գոլորչիներից նա լեչի հոտ առավ, նրա փոշտանկը նվվում էր խոնավ տոթից և սուլում շլիի պես, իսկ նա չէր հասկանում, թե ինչ է պատահել, ու ասաց ինքն իրեն. «Պարզապես տոթ է»։ Բայց ասաց մի տեսակ անվստահ և անորոշ, անհայտ մի ուժ շարունակում էր ճմլել նրան, հրբ լուսամուտի մոտ կանգնած փորձում էր գուշակել, թե ինչ տարօրինակ լույս է երևում հևուփում, ինչու է քաղաքը մեռած, դատարկ, ասես ողջ էին մնացել միայն անգղերը, սրանք էլ վախեցած լքում էին աղքատաց հիվանդանոցի քիվերը, որտեղ նստոտած ննջում էին սովորաբար. և էլի մի կենդանի արարած կար քաղաքում կույրն էր, որ կանգնել էր դե Արմաս հրապարակում և կարծես զգայով լուսամուտից դուրս նայող ծերունու մշուշոտ անհանգստությունը, հապճեպ ու տագնապալի նշաններ էր անում ձեռնափայտով և անհասկանալի բղսվում. նա այդ բղավոցը մեկնաբանեց որպես մի ավելորդ կանխանշան, որ ահա ահա իրեն ճշող զգացում պատճառող էլի ինչ-որ անհասկանալի բան կկատարվի, բայց կրկին ասաց ինքն իրեն. «Պարզապես տոթ է»։ Պատկեց քնելու և իսկույն քնեց, ապակիները կամացուկ ճանկող, մանր թափվող անձրեւի օրորի տակ, բայց քունը խոր չէր, քնի մշուշոտ զտիչների միջից նրա գիտակցությանը ինչ-ինչ բաներ էին հասնում, և նա արթնացավ վախեցած ու բղավեց.

«Ո՞ր վ կա»։ սրտի թակոցն էր. վախեցած այն տարօրինակուժյամբ, որ լուսաբացի այդ ժամին աքլորները չէին երգում, նա հասկացավ մինչ քնած էր, խաղաղության ու հանգստության նավը լքել էր իրեն, թաքնվել անհայտ ծովախորշում. կատաղի եռում էր մշուշապատ ծովը, աստծո ցամաքային, թեևավոր բոլոր արարածները, որ օժտված էին մահը կանխազգալու ունակությամբ, մարդկային ամենախոր գիտությունից ավելի անսխալ մեծ աղետի գալուստը կանխազգալու ընդունակությամբ, համրացան սարսափից. շնչելու օդ չկար, ժամանակը կանգ առավ, եւ այդժամ նա ոտքի ելավ ու զգաց, որ սիրտը փքվել է, զգաց, որ ամեն քայլի հետ սիրտը փքվում է էլ ավելի, ականջներում պայթում են թմրկաթաղանթները, եռ եկող մի ինչ-որ նյութ է ժայթքում քթից, եւ նայելով ինքն իրեն, արյունոտված բաճկոնակին, մտածեց. «Սա մահն է», սակայն նրան առարկեցին. «Ոչ, իմ գեներալ, սա ցիկլոն է»։ Եվ այդժամ նրա գիտակցության մեջ թափանցեց ցիկլոնի իրողությունը։ Կարիբյան ամբողջական թագավորությունն առանձին կղզիների վերածած բազմաթիվ ցիկլոններից ամենակործանիչն էր դա, խորհրդավոր մի աղետ, որի մոտեցումը նախաստեղծ իր բնազդով նա զգաց ավելի վաղ, քան կզգային խուճապի մատնված շներն ու հավերը. մարդկանց համար ցիկլոնը վրա հասավ այնպես հանկարծակի, որ խառնաչփոթի մեջ հազիվ հասցրեցին դրան կանացի անունով կնքել. ցնցված սպաններ սարսափած զեկուցեցին. «Սա վերջն է, իմ գեներալ։ Ողջ երկիրը դժոխքի բաժին է դառնում»։ Եվ այդժամ նա հրամայեց ամուր փակել լուսամուտներն ու դռները, պահակախմբին հրահանգեց կապկպվել միջանցքում, հենց պահակակետերում, հրամայեց կովերին ու հավերին փակել առաջին հարկի սենյակներում, իրենց տեղերում մեխել բոլոր իրերը, եւ ամբողջ երկիրը, սկսած դե Արմաս հրապարակից մինչև սարսափով համակված վշտի այս թագավորության ամենահեռավոր անկյունը, վերածվեց փոթորկի դեմ դիմաց ամուր խարիսխ գցած մի նավի. խուճապի առաջին իսկ նշանի դեպքում հրամայված էր կրակել, սկզբում երկու անգամ երկինք, զգուշացման համար, հետո արդեն ուղիղ կրծքին, եթե զգուշացումը չօգներ. սակայն ցիկլոնին դիմադրելն անհնար էր. մոլեգին պտտվող նրա քամաղացները զարհուրելի մի հարվածով պատառտեցին դլխավոր դարպասի պող-



պատե՛ս զրահը, քանդեցին գլխավոր մուտքը, կովերին երկինք հանեցին. առաջին այս հարվածից ցնցված, նա այլեւս չէր հասկանում, թե ինչ է կատարվում. նրա վրա թափվեց ոռնացող հորդ անձրեւ, որի շիթերը երկնքից չէին ընկնում, այլ սլանում էին հորիզոնական ուղղութեամբ. հրաբխային ուռմբերի նման որոտալով վար էին թափվում պատշգամբի բեկորները, չրմփոցով գետնին էին զարկվում ստորջրյա ջունգլիներից քամու դուրս հանած արտասովոր գազանիկները, բայց նրան զբաղեցնողը աղետի զարհուրելի չափերը չէին, ջրհեղեղի քառսում նա ըմբոշխնում էր հիշաչարութեան ու չարախնդութեան քաղցրահամը. «Որտե՞ղ ես իմ անեծքի Մանուկյա Սանչես որտեղ ես սատանան քեզ հետ թաքնվել որտե՞ղ ես հիմա փրկվում իմ վրեժխնդրութեան տարերքից»։ Իսկ երբ ցիկլոնի կատաղութեանը փոխարինեց անվրդով խաղաղությունը, պետական խորհրդի նիստերի դահլիճից դուրս լողաց թիավարող մի տապան, որի մեջ ինքն էր՝ մտերիմ օգնականների հետ, եւ լողաց ավերվածութեան պղտոր ապուրի միջով. տապանն անցավ կառասրահը եւ խուսանավելով արմավների կատարների ու դե Արմաս հրապարակի ծոմոված լապտերների գլխիկների միջեւ, մտավ տաճարի մեռյալ ջրերը. այս անշարժ ջրերում, տաճարի գմբեթի տակի այս լճակում էլ հենց մեր գեներալի գլխում լույսի պես միտք բռնկվեց, նա հանկարծ գիտակցեց, որ ինքը հրեք չի հղել ու երբեք չի լինի ամենագոր, որ կա իր իշխանությունից դուրս մի մեծ ուժ, եւ այս միտքը խորապես խայթեց նրան. նա զգաց այդ մտքի դառնությունը, քանի դեռ տապանը զարկվում էր տաճարի տարբեր անկյուններին՝ մեկ կորչելով թանձր խավարում, մեկ որսալով ապակեհակարների շողարձակումները, մեկ լուսավորվելով գահասեղանի զմրուխտների ու ոսկյա քանդակների շողերից. լույս էին արձակում ողջ-ողջ թաղված փոխարքաների գերեզմանասալիկները, հիասթափությունից վախճանված արքեպիսկոպոսների չիրմաքարերը, առկայծում էր Մեծ ծովակալի դաստարկ հանգստարանի գրանիտը,- երբեւէ կարավելաների պատկերը վրան. դաջված սարկոֆագի գրանիտն էր դա,- հանգստարանը կառուցվել էր համենայն դեպս, եթե Մեծ ծովակալը բարեհաճեր մեր հողին հանձնել իր ոսկորները. զոհասեղանի ետեւում առաջացած ջրանցքով տապանը դուրս եկավ տաճարի ներքնաբակ, որ կարծես լուսավոր

ակվարիում լինել, որի Հախճադյուսե Հատակով սուրում էին ծովային մոխարա ձկների վտառներ ու խժուում արեւածաղիկների ջրասույզ էղած ցողունները. հետո տապանը ուղղվեց դեպի ճգնավորների մենաստան, դեպի կուսանոցի կամարները, եւ այնտեղ, տապանում նստածները տեսան ջրով ողողված դատարկ խցեր, կլավիկորդների խաղաղ սահքը՝ ավազան դարձած երաժշտական դահլիճի կենտրոնում, իսկ ճաշարանում, անշարժ ջրերի շերտերում նրանք տեսան բարեպաշտ բոլոր կուսյեքին, կուսանոցի բոլոր միանձնուհիներին, որոնցից յուրաքանչյուրը խեղդվել էր իր տեղում, երկար ճաշասեղանի մոտ նստած. իսկ երբ տապանը պատշգամբի դռնից դուրս լողաց կուսանոցից, բոլորը տեսան, որ այնտեղ, որտեղ քաղաքն էր, հիմա հսկայական լիճ էր՝ լազուր երկնքի տակ. «Արեւմն սա Համաշխարհային ջրհեղեղ է որ պայթեց ինձ ազատագրելու Համար Մանուելյա Մանչես կոչվող հոգեկան տառապանքից գրողը տանի ինչ բարբարոսական են տեր ասածո միջոցները մերի նման չեն»։ Նա մեծ բավարարվածությամբ էր նայում քաղաքն իր տակն արած պղտոր լճին, ջրերի անսահման, աստկած Հավերժով պատված տարածությունը, որի պղտորությունից վեր հառնում էին միայն տաճարի գմբեթները, փարոսի լապտերը, փոխարքայական պալատների արեւոտ, քարաչեն պատշգամբները. հին նավահանգստի շրջանում, ուր ժամանակին ձկան առեւտուր էր եռում, նշմարվում էին ցաքուցրիվ կղզյակներ, որոնց վրա ցիլլոնից փրկված մարդկանց խմբեր էին կուտակվել. անվստահությունամբ էին նայում այդ մարդիկ իրենց կողքով դանդաղ անցնող տապանին, որի սահքը աստկած Հավերժի Համատարած զանգվածի միջով թվում էր նույնն է, ինչ լողը Սարգասյան ծովի կարմրագորշ ջրիմուռների միջով. բայց մարդիկ, ահա, տեսան. թե ով է ազգային դրոշի գույնով ներկված տապանում, տեսան ծանոթ, թախծոտ աչքերը, անարյուն շրթները, տեսան ծանոթ ձեռքը, որ Հանդիսավորությունամբ խաչակնքում էր շուրջբոլորը՝ որպեսզի մաքրվեր երկինքը եւ լուսավորեր արեւը. «Եվ նա կյանքի կոչեց խեղդված Հավերժին, ջրերին հրամայեց իջնել եւ նրանք իջան»։ Զանգերի ուրախ ղողանջի տակ, տոնական հրավառության ճայթոցների մեջ, այն մարդկանց աղմուկ-աղաղակի մեջ, որ դե Արմաս հրապարակ էին ելել հանդիսավորությունամբ նշելու վերակառուցման առաջին քարը

դնելու ծեսը, հրգեհրով փառաբանելու նրան, ով փախուստի մատնեց փոթորկի դեւին, ինչ-որ մեկը բռնեց նրա թեւից եւ պատշգամբ դուրս բերեց. «Ժողովուրդը Հիմա առանձնապէս ծարափի է ձեր ոգեշնչող խոսքին»: Եվ չկարողանալով խոլոյս տալ, նա Հայտնվեց պատշգամբում եւ լսեց ժողովրդի ձայնը. «Կեցցե իսկական տղամարդը», եւ այդ ձայնը փոթորկաբեր քամու նման թափանցեց նրա Հոգու խորքերը. վարչակարգի առաջին իսկ օրերից նրան ծանոթ էր ողջ քաղաքի դեմ-Հանդիման կանգնելու անպաշտպանութեան իր զգացումը, եւ նրա գլխում կայծակի պես փայլատակեց դաժան ու պարզ այն միտքը, որ ինքը երբեք չի խիզախել ու երբեք չի խիզախի ողջ Հասակով մեկ կանգնել այն անդունդի առջեւ, որին ժողովուրդ են կոչում. եւ մենք, ներքեւում, դե Արմաս Հրապարակում կանգնածներս տեսանք գրեթե անիրակա՛ն մի բան, տեսանք լուսապսակով ծերի վաղանցուկ պատկերը. Հագին ճերմակ, քաթանի շորեր, պատշգամբի բարձունքից ծերը լոեյլայն օրհնեց ամենքին եւ իսկույն էլ չքվեց, բայց մեզ բավական էր եւ այդ ակնթարթային տեսիլքը. նա այնտեղ է, իր տեղում, նա պահպանում է մեզ օր ու գիշեր, նա միշտ մեզ Հետ է: Իսկ նա, պատմական տամարինդների տակ, որ աճում էին մոր մենատան հտնարակում, ճոճ-բազկաթոռին նստած, ձեռքին դեռ Համը չտեսած լիմոնադով բաժակը, ինչ-որ բան էր մտածում, քանի դեռ մայրը՝ Բենդիսիոն Ալվարադոն մտիս էր քամհարում դրումի կճեպից սարքված Կափուսի մեջ, աչքերը փակ նա լսում էր Հատիկների շրշուկը. ցերեկվա ժամը երեքին, երբ շոգը պատրանք է ծնում, նա նույն դիրքով դեռ նստած էր ճոճ-բազկաթոռին, մորը նայելով շոգի շղարչի միջից, իսկ Բենդիսիոն Ալվարադոն որսաց ոտքերի տակ Հորանջող Հափին, թեւատակն առավ եւ գրեթե քնքշորեն ոլորեց գլուխը, միաժամանակ որդուն Համոզելով չչտապել այսօր. «Դու թոքախտավոր կդառնաս, որովհետեւ շատ ես մտածում ու ոչինչ չես ուտում»: Նա թախանձեց որդուն մնալ մինչեւ երեկո, որ մի կարգին ընթրի, գայթակղեց թեւատակին վերջին ջղաճգումներով թպրտացող Հափով, եւ նա Համաձայնեց. «Դե, լավ, մայր, մնում եմ», եւ մնաց նստած ճոճ-բազկաթոռում, ներշնչելով կաթսայում քլթքլթացող Հափի նուրբ Հոտը եւ կանխորոշելով մեր ճակատագրերը: Նա երկրային մեր գոյութեան միակ երաշխիքն էր, կյանքն անհե-

Թեթ էր թվում առանց այն համոզմունքի, որ նա կա, ապրում է այնտեղ, իր պայատում՝ ժանտախտից, ցիլլոնից վեր, արհամարհելով Մանուկյա Սանչեսի ծաղրը, նույնիսկ ժամանակից էր նա վեր - նա առաքելութուն էր՝ ընկղմված մեր բարօրության, մեր երջանկության Հոգսերի մեջ. մենք գիտեինք, որ նա մեզ վնասակար ոչ մի բան չի մտածի, նա չէ՞ որ ճակատագրի հարվածներն իր վրա առավ Հենց այն պատճառով, որ գիտեր, թե ինչ է մեզ անհրաժեշտ, հավասարվեց մեզ եւ բոլորովին ոչ արիությունը կամ արտակարգ խելամոտությունը զորավիգ հղան նրան դիմանալու. այո, նա գիտեր, թե ինչ է մեզ անհրաժեշտ, ինչ է մեզ հարմար ու ինչը՝ անհարմար, գիտեր մեր բոլորի փոխարեն եւ մեզանից լավ. այդ իմացությունը նրա մեջ առավել ամրացավ այն բանից հետո, երբ մի անգամ դժվարագույն արշավի ելավ դեպի երկրի արեւելյան սահմանները, դեպի այն վայրը, որտեղ զոհված ամենավերջին գինավորի անունը, ծննդյան-մահվան տարիթվերը կրող պատմական քարն էր գրված. «Ես հասա այդ սահմանին, մայր»։ Հանգստանալու համար նա նստեց այդ պատմական քարին եւ սկսեց տնտղել սահմանից այն կողմ ընկած հողերը, հարեւան պետություն տարածությունները, մոայլ այն քաղաքը, որի պլսին մշտապես պաղ անձրեւ էր մաղում եւ մրից սեւացած մշուշ կախվում. նա նայեց մոայլ այդ քաղաքին եւ տեսավ փողոցներով վազվզող տրամվայներ, տրամվայներում՝ ընտիր հագնված մարդկանց, տեսավ ինչ-որ մեկի հուղարկավորությունը, նշանավոր մեկի, որովհետեւ դիակառքի ետեւից շարժվում էր փետրափնջե գլուխներով, ճերմակ բեռնաձիերով լծված կառքերի երկար մի շարան, տեսավ տաճարի գավիթում քնած, լրագրերով ծածկված երեխաների եւ զարմացավ տեսնելով այս ամենը. «Գրողը սրանց տանի, ինչ սքանչելի մարդիկ են այստեղ ապրում. բանաստեղծներ՞ են, ինչ է»։ Բայց մեկը հուշեց նրան. «Նրանք բանաստեղծներ չեն, իմ գեներալ, գողտներ՞ են, նրանք են կառավարում այս երկիրը»։ Եվ նա ետ դարձավ այդ ուղեւորությունից բարձր տրամադրություն, ուրախությամբ բացահայտած իր համար, որ ոչինչ չի կարող համեմատվել նեխող գուայվոյի՞՞ սրտամոտ բույրի, հարազատ քաղաքների ու գյուղերի

\* Գողթ - արխատոկրատների ծաղրական անունը:

\*\* Գուայլո - համանուն ծառի պտուղ:

չուկայական իրարանցման աղմուկի հետ, որ ոչնչով չես փոխարինի Հոգին թափանցող թախծի այն գզացողութունը, որ ծնվում է արևևամուտի ժամին, այստեղ, աղքատ այս երկրում, որի սահմաններից դուրս ինքը երբեք ոտք չի գցի, եւ ոչ թե այն պատճառով, որ վախենում է աթուր լքելուց, ինչպես պնդում են հակառակորդները, «Այլ որովհետեւ մայր մարդը ծառ է իր անտառում որովհետեւ մարդն անտառի գազան է եւ դուրս է գալիս իր որջից միայն կեր գտնելու համար»: Նա իր համար պնդում էր այս միտքը մահամիճ-խոստովանողի անկեղծությամբ, մտածում անվերջ, մոռացմանը տրվելով միայն սիեստայի կարճ, տազնապալի քնի ժամերին, հիշում հեռու հեռավոր այն տարին, անցած-գնացած օգոստոսյան այն իրիկունը, երբ ստիպված եղավ խոստովանել, որ իր իշխելաիրութունը սահման ունի, որ ինքը բոլորովին էլ հավակնութուն չունի սվեյի շատին, քան երկրի կառավարումն է, միայն այսքանը. այս միտքն արտահայտեց ազատության համար պայքարող օտարերկրացի այն երիտասարդի հետ զրուցելիս, որին ընդունել էր այդ երեկո իր առանձնասենյակի հեղձուկ կիսախավարում. ամաչկոտ երիտասարդ էր, համակված փառասիրական մտահղացումներով եւ դասապարտված միայնության - կան նման մարդիկ, որոնք ծնված օրից մենության խարան են կրում. երիտասարդն անշարժ կանգնել էր դռան բացվածքի մեջ, չէր համարձակվում առաջ գալ, քանի դեռ աչքերը չէին վարժվել կիսախավարին, որի մեջ, այս շուրջ ժամերին, առանձնահատուկ ուժով էր բուրում թիթեռնածաղկի բոցը, եւ քանի դեռ չէր նշմարվել բազկաթոռին նստած ծերունին: Ծերունու ձախ ձեռքի բուռնցքն ընկած էր մերկ սեղանին, ծերունու տեսքն այնպես առօրեական էր ու անզույն, որ համեմատության եզր իսկ չունեիր պրեզիդենտի պաշտոնական դիմանկարների հետ, առանձնասենյակում ժամապահներ չկային, ծերունին անզոն էր, քրտնքից թրջված վերնաշապկով, մի սովորական մահկանացու էր, որ քունքերին գլխացավը հանող շալֆեյի տերեւներ էր կպցրել. «Ես դժվարությամբ էի գիտակցում, որ մինչև ուղնուծուծը ժանգոտած այդ ծերն է պատանությանս կուռքը, լուսավոր դադասիրների կենդանի մարմնացումը»: Վերջապես երիտասարդը մոտեցավ սեղանին եւ ներկայացավ հնչեղ, կտրուկ, գործնական մարդու ձայնով, եւ նա սեղմեց նրա ձեռքը իր վավա-

չոտ, բայց եւ ճրորած ձեռքով, եպիսկոպոսական ձեռքով, եւ զարմացած լսեց երիտասարդ օտարերկրացու Հուզումնալից խոսքը, որ վերաբերում էր Համընդհանուր երջանկութեանը եւ խնդրանք էր՝ քաղաքական ու ուղղմական օժանդակութեան. անխնա պատերազմով Հարկավոր էր մեկընդմիջ տապալել պահպանողական բոլոր վարչակարգերը՝ Ալյասկայից մինչեւ Պատագոնիա. նրան Հուզեց երիտասարդի խանդավառութիւնը եւ նա Հարցրեց. «Քիթդ ինչո՞ւ ես այդ գործի մեջ խոթում, զրոյը քեզ տանի: Հանուն ինչի՞ ես ուզում մեռնել», ինչին երիտասարդը պատասխանեց առանց ուշացման. «Ի փոռս իմ Հայրենիքի, ձերդ գերազանցութիւն: Հանուն Հայրենիքի: Մոռնել Հայրենիքի Համար՝ գերազույն երջանկութիւն է»: Եվ նա խղճաց երիտասարդին ու ժպտաց տխուր, ասաց. «Հիմարութիւններ ես տաւմ, տղաս, կյանքն է Հենց Հայրենիքը»: Եվ բաց անելով բռունցքը, երիտասարդին ցույց տվեց ափամիջի ապակյա գնդիկը. «Տեսնո՞ւմ ես այս գնդիկը: Սա կամ լինում է կամ չի լինում, եւ միայն նա ունի, ով ունի, տղաս: Նույնն է եւ կյանքի, Հայրենիքի Հարցում»: Նա այս խոսքերն ասաց երիտասարդին առանձնասենյակից դուրս ուղեկցելիս, տղայի ուարթութեամբ հետո դուռը փակող Համհարզին. «Այդ տղային ձեռք չտաք, պա՞րզ է: Եվ նույնիսկ չհետեւեք, իզուր ժամանակ մի կորցրեք, նա վտանգավոր չէ, ոչ մի բանի ընդունակ չէ: Պարզապէս ջահել աքլորի պէս վրայն է վեր տնկել»: Նույն միտքը նա արտահայտեց տարիներ անց, ցիկլոնից Հետո, երբ քաղաքական բանտարկյալներին ներում էր շնորհում եւ վտարանդիներին թուլատրում Հայրենիք վերադառնալ - բոլորին, բացի մտավորականներից, անշուշտ. «Դրանց ես երբեք թուլլ չեմ տա տուն վերադառնալ, դրանք նոր փետրակալող ցեղական աքլորների նման մշտական եռք են զոտմ փետրատակերում. դրանք ոչ մի բանի պիտանի չեն. դրանք քաղաքագետներից էլ վատ են, քահանաներից էլ, Հավատացեք ինձ: Իսկ մնացածները թող վերադառնան, բոլորը, առանց մորթու գոյնի խտրականութեան, երկրի վերականգնման գործը պետք է միավորի բոլորին»: Առաջվա պէս իշխանութիւնն ամբողջովին նրա ձեռքումն էր, զինվորական ուժերն անվերապահորեն նրան էին ենթարկվում, հատկապէս այն բանից հե-

տո, որք նա գերագույն Հրամանատարութեանը բաժին հատկացրեց դեղամիջոցներէ, մթերքներէ, ինչպես նաեւ միջոցներ՝ սոցիալական ապահովութեան ֆոնդերէ - այն ամենից, ինչ ստացվում էր արտասահմանից՝ տարերային աղետից տուժածներին օգնելու նպատակով. նրա նախարարները Հնազանդ էին, ինչպես որքեք, որովհետեւ իրենց ընտանիքների հետ կիրակի օրերը անց էին կացնում ծովափերում, Կարմիր խաչի բաց արած Հոսպիտալներում, որովհետեւ արտաքին առևտրի նախարարութեանը, ասեմք, սոսոցապահութեան նախարարութեանն էր վաճառում արտասահմանից ձրի ստացված սրբան պլազման եւ տոննաներով կաթնափոշի, իսկ սոսոցապահութեան նախարարութեանն այս ամենը վերափաճառում էր աղքատաց հիվանդանոցներին. գլխավոր շտաբի սպաներն իրենց փառասիրութեանը հագեցնում էին հասարակական կառույցներում ներդրվող իրենց կապալներով՝ երկրի վերականգնման ծրագրերի սահմաններում, որ իրագործվում էր դեսպան Ուորենի տրամադրած արտակարգ փոխառութեան միջոցներով, փոխարենը մեր ջրերում անսահմանափակ ձկնորսութեան արտոնութեան էր ձեռք բերել: «Սատանան դրանց բոլորին տանի,- ասում էր նա ինքն իրեն, հիշում գրույցն այն երիտասարդի հետ, որի մասին այլևս ոչ ոք եւ երբեք ոչինչ չլսեց, հիշեց թե ինչպես ցույց տվեց ափամիջի գունավոր, ապակյա դնդիկը, կանիկան, ինչպես կոչում են մանկական համանուն խաղում,- միայն նա ունի, ով ունի»: Նա շատ էր ուրիշոված վերականգնման աշխատանքներով, անձամբ էր ղեկավարում բոլոր հարցերով, խորամուկ լինելով նույնիսկ, ամենաչնչին մանրամասնութեանների մեջ, բացարձակապես ինքն էր վճռողը, ճիշտ այնպես, ինչպես իշխանութեանն իր ձեռքը վերցնելու առաջին տարիներին. գլխարկը գլխին եւ ճահճի սապոգները հագած նա հայտնվում էր հաջրհեղեղյան ցեխաջրերով պատված փողոցներում, հետեւում, որ քաղաքը վերականգնեն իր մտահղացումներին համապատասխան, որպեսզի քաղաքը լինի այնպիսին, ինչպիսին տեսել էր մենավոր ջրահեղձի իր հրագում. իր փառքը մեծարող քաղաք: Նա հրամայեց շինարարներին. «Տեղափոխեք այս տներն այնտեղ, դրանք խանգարում են ինձ», եւ տներն իսկույն տեղափոխվեցին, հրամայեց. «Բարձրացրեք այս աշտարակը երկու մետրով, որպեսզի գազաթից երե-

ւան օվկիանոսային նափերը», եւ աշտարակը խփույն ըստըստը  
րին, Հրամայեց. «Շուռ ավիք այս գետի հունը», եւ դա էլ արվեց  
անտրտունջ. նա մոռացել էր տխրութիւնը, թախծը, պլստովին  
խրվել շինարարութեան հոգանքի մեջ, ապրում էր կառուցումների  
տենդագին թափով եւ այնքան հեռացավ պետական այլ գործերից,  
որ մի անգամ, ճակատով ասես, պատին դիպավ, երբ ինչ-ինչ հրե-  
խանների վերաբերող խնդիրը լսեց. «Ինչպէ՞ս վարվել երեխաների  
հետ», - իր ցրվածութեան պատճառով Հարցրեց Համհարզը, որն  
այդ Հարցը ստուշ իրավունքը չունէր: Բայց Հարցը արված էր, եւ  
գնեներալը, վաղքի մեջ ասես, ճակատը պատին խփելով Հարցրեց  
այնպես, կարծես երկնքից Հենց նոր գետին ընկավ. «Ի՞նչ երեխա-  
ներ, գրողը ձեզ տանի»: Եվ նա տեղեկացավ այն եղելութեանը, որ  
երկար տարիներ թաքցնում էին իրենից. բոլորից ծածուկ բանակը  
փակի տակ էր պահում վիճակախաղի խաղարկուհիներին պարկե-  
րից տոմսակների Համարները Հանող երեխաներին: Որովհետեւ  
վախեցնում էին, որ նրանք կպատմեն գաղտնիքը այն Հրաչքի, թե  
ինչպես է միշտ շահում պրեզիդենտը. «Մտադները փորձում են  
պարզել երեխաների թաքստոցի վայրը, մեղադրում են մեզ, որ  
փակի տակ ենք պահում նրանց: Ամեն անգամ մենք պատասխա-  
նում ենք, որ պարտում են մեզ, ընդ-դիմութեան չարամիտ հո-  
րինվածքներն են կրկնում, սակայն ծնողները չեն Հանդատանում:  
Եղավ մի պահ, երբ նրանք ապստամբեցին, ցանկացան զորանոց-  
ներից մեկը խուժել, այնպես որ՝ Հարկ եղավ ականանկտային Հա-  
մաղարկով ետ քշել նրանց: Միջադեպն արյունալի էր, իմ գնեներալ,  
խակական կոտորած ստացվեց, բայց մենք չէինք ուզում անհանգս-  
տացնել ձեզ՝ նման մտնուքով: Երեխաներն, իբր, նստած էին  
բերդի զնդաններում: Իհարկե, Հրաշալի պայմաններ են ստեղծված  
նրանց Համար, բոլորն էլ ողջ-առողջ են, բայց Հարցն այն է, որ ար-  
դեն մոտ երկու Հազար երեխա է կուտակվել, եւ մենք այլեւս չգի-  
տենք, թե ինչպես վարվենք այսուհետ, իմ գնեներալ»:

Անվերապահորեն շահող խաղարկութեան եղանակը Հայտնա-  
գործվեց ինքն իրեն, վերին ներշնչանքով, բիլիարդի Համարակա-  
լած գնդերին նայելիս: Մտահոգումը Հանճարեղութեան աստի-  
ճան պարզ էր, այնքան պարզ, որ չարժեք հետաձգելի դրա իրագոր-  
ծումը. Համազգային վիճակախաղ Հայտարարվեց: Չնայած այրող



արեւին, դե Արմաս հրտարակում մինչեւ կեսօր ոտքի վրա կանգնած, բախտները փորձել ցանկացող մարդկանց ամբոխները փառաբանում էին վիճակախաղի ազնվագույն կազմակերպչին. երաժիշտներ հայտնվեցին, լարախաղացներ, բացվիցին կրպակներ, ամբոխի մեջ ետ ու առաջ էին վազվզում տաքդեղով ու դժմի հետ տապակած լոլիկ վաճառողները, անդրժրհեղեղյան պտուտախաղ էին խաղում եւ այն վիճակախաղը, որի ժամանակ քո փոխարին տոմսակը դուրս է հանում մազաթափ որեւէ գազանիկ. ժամանակավրեպ բոլոր այս պարագաներն անհետացող աշխարհի բեկորներ էին, մեծ բախտի անիվի առաջ փշրանքներով հարտանալու, նրա պատրանքներից պատառներ փախցնելու մի փորձ: Եվ ահա, ցերեկվա ժամը երեքին փայտամած հլան յոթ տարին էլ չբոլորած երեք երեխա, որոնց ընտրել էր ամբոխը, որ ոչ մի կասկած չհարուցվեր, եւ յուրաքանչյուր երեխային տրվեց բիլիարդի գնդերով մեկական պարկ - ոչ մեծ այդ պարկերը տարբեր գույնի էին, յուրաքանչյուրի մեջ տասական՝ գրոյից մինչեւ ինը համարակալումով բիլիարդի գնդեր. նախօրոք, հատուկ վկաների միջոցով ստուգվիլ էր նաեւ համարակալման ճշտությունը: Եվ՝ ուշադրություն, տիկնայք ու պարոնայք. կապված աչքերով երեխաներից ամեն մեկը պարկերից հանում էր մեկական գունդ: Սկզբում կապույտ պարկ ունեցողը, հետո նա, ում պարկը կարմիր էր, իսկ վերջում՝ գեղնագույն պարկ ունեցողն էր հանում: Երեքն էլ, մեկը մյուսի հտեւից, ձեռքները պարկերն էին խոթում, շոշափում կլոր ողորկությունները եւ հանում ամենից սառը գունդը. նրանց այդպես էին հրահանգել: Իսկ պարկերում միակ սառը գունդը սառն էր, որովհետեւ նախորդող մի քանի օրը պահում էին սառցով լի դուլի մեջ: Եվ այսպես, երեխաները պարկերից հանում էին մեկական գունդ, ցույց տալիս ժողովրդին, հայտարարելով համարը, եւ հայտարարված երեք համարներն էլ երջանիկ զուգադիպությամբ համընկնում էին պրեզիդենտի տոմսակի եռանիշ համարին. «Մեր մտքով, սակայն, չէր անցնում, իմ գեներալ, որ երեխաները որեւէ մեկին կպատմեն գաղտնիքը: Իսկ երբ հասկացանք, որ նման վտանգը առկա է, այլեւս այլ ելք չկար, պիտի բանտարկեինք նրանց: Սկզբում երեքին, հետո չորսին, հինգին, հետո նրանց թիվը քսանի հասավ... եւ այսպես շարունակ, իմ գեներալ»:

Թեյի մի ծայրից, նա կծկեց ամբողջը եւ ինքն իրեն խոստովանեց, որ վիճակախաղի խարդախության մեջ ոտից գլուխ խառնված են բանակի, նավատորմի թարձրաստիճան բոլոր սպաները, իմացավ, որ փայտամած թարձրացած առաջին երեխաները ծնողների համաձայնությամբ էին բարձրացել, որ ծնողներն իրենք էլ են օգնել վիճակախաղի կազմակերպիչներին, հուշել երեխաներին, թե որ գուռն է հարկավոր ընտրել: Բայց հետագա խաղարկություններին արդեն ուժով են հարկադրել երեխաներին փայտամած բարձրանալ եւ սպասնայլերով ստիպել սնել այն, ինչ պետք է: Այստեղ արդեն ծնողների համաձայնությունը չկար, որովհետեւ լուրեր էին պտտվում, թե մեկ անգամ փայտամած բարձրացած երեխան այլեւ ցած չի իջնում: Բանակի հասուկ գրոհային խմբերը գիշերներով սներ էին մտնում դռներու հերթական խաղարկությանն անհրաժեշտ երեխաների, բայց ծնողները թաքցնում էին նրանց՝ ով ինչպես կարող էր: Հասուկ նշանակության զորքերը հարկադրված էին շրջափակել դե Արմաս հրապարակը ոչ թե հասարակական հուզումները կարգավորելու համար, ինչպես գեկուցում էին պրեզիդենտին, այլ մահվան սպառնալիքի տակ զսպելու նախրի պես փոխչոլ մարդկային ամբոխները: Այն իրվանագետները, ովքեր ակաակցություն էին խնդրում առաջացած ընդհարումները հարթելու սուտերությամբ, կառավարական պաշտոնյաներից լսեցին վայրկյան բացատրություններ՝ թե ինչու պրեզիդենտը չի կարող ընդունել իրենց: Երջանառության մեջ շարտվեցին նրա տարօրինակ հիվանդությունների հինավուրց առասպելները: Պաշտոնյաների մի մասն ասում էր, թե նա չի կարող տեսակցել, որովհետեւ տառապում է փորացավից, նրա փորում, իբր, գորտեր են հայտնվել, մյուսները պնդում էին, որ նա տանջվում է անքնությունից, որովհետեւ ստիպված է քնել ոտքի վրա, քանզի ողնաշարին ելուստ է բուսել, ճիշտ այնպիսին, ինչպիսին ունի իգուանը: Պաշտոնյաները նրան ցույց չտվեցին բողոքի եւ ոչ մի հեռագիր, երեխաներին սպասելու եւ ոչ մի սղերսապիր, իսկ նման հեռագրերն ու սղերսապիրը ստացվում էին աշխարհի բոլոր ծայրերից: Նրանից թաքցրել էին նույնիսկ Հոռմի պապի հեռագիրը, որով նա առաքելական իր վիշտն էր արտահայտում անմեղ հուգիների դառը ճակատագրերի կապակցությամբ: Բանտերը լեփ-լե-

ցուն էին ապստամբած ծնողներով, անհնար էր որեւէ երեխա գտնել վիճակախաղի Հերթական խաղարկման համար. «Գրողը տանի, անելանելի վիճակ է, իմ գեներալ»։ Բայց ոտքերի սուաջ ըսցված անդունդի ողջ խորովթյունը նա ըմբռնեց այն ժամանակ միայն, երբ բերդի ներքնաբակում տեսավ դժբախտ, սպանդանոց քշվող նախրի նման երեխաների խումբը, երբ տեսավ խենթացած այծիկների նման գետնի տակից դուրս պրծնող մանուկներին, որոնք այսուայն կողմ էին վազվզում՝ երկար ամիսների սարսափելի խավարից հետո, պայծառ արեւից շլացած։ Նրանք մոլորվում էին լույսի մեջ, այնքան շատ էին նրանք և միեւնույն ժամանակ մի այնպիսի ամբողջականութուն էին ներկայացնում, որ նա չընկալից նրանց սուսնձին-սուսնձին, ընկալից ոչ թե որպես երկու հազար տարբեր երեխաներ, այլ որպես հսկայական, անձեւ, բազմադեմ մի կենդանի - այդ կենդանուց խանձված բրդի հոտ էր փչում, այդ կենդանին աղմկում էր տոբերկրյա ջրերի պես։ Այդ կենդանու բազմադիմութունը փրկից իրեն անհապաղ ոչնչացումից, քանի որ անհնար էր մեկին վերջ տալ կյանքի այդ հորձանուտն այնպես, որ սարսափը չցնցեր ողջ աշխարհը. «Ոչինչ անել չես կարող, գրողը տանի»։ Սակայն պետք էր որեւէ բան ձեռնարկել, եւ նա իր մոտ հրավիրեց գլխավոր հրամանատարությանը։ Նրա առաջ ներկայացան արտաքինից անվախ և ահեղ տասնչորս հրամանատարներ, անվախ ու ահեղ հատկապես այն պատճառով, որ ինչպես երբեք, վախեցած էին ու զոգում էին ամեն մեկն իր կաշվի համար։ Նա սեւեռուն նայեց յուրաքանչյուրի աչքերին եւ համոզվեց, որ ինքը մենակ է բոլորի դեմ։ Եվ այդժամ նա կոչ արեց միասնության, հատկապես հիմա, երբ խոսքը գինված ուժերի բարի անվանը եւ պատվին է վերաբերում։ Նա հաստատակամ հայտարարեց, որ չի կասկածում իր զորահրամանատարների անմեղությանը, եւ սեղմած բռունցքը սեղանին դնելով թաքցրեց կասկածի դողը։ Նա բոլորին հրամայեց մնալ իրենց պաշտոնատեղերում, կատարել պարտականությունները նախկին ջանադրությամբ, չտագնապելով հեղինակազրկումից. «Ոչինչ չի պատահել, սենյորներ, նիստն ավարտվեց, ամեն ինչի համար ես եմ պատասխանատու»։ Նիստից հետո երեխաներին դուրս բերեցին բերդից, բռնեցին ծածկասայլերը եւ գիշերվա մթության մեջ ուղարկեցին երկրի հեռավոր ու

անմարդաբնակ մի շրջան, իսկ առավոտյան նա Հանդես եկավ Հանդիսավոր ու պաշտոնական Հայտարարութեամբ, ըստ որի, բանակի կողմից, իբր, երկխաների բանտարկման լուրը լիտի կեղծիք է, որ կառնվարութեանը փակի տակ չի պահում եւ ոչ մի երեխայի, ոչ էլ որեւէ մեկին, որ երկրում, առհասարակ, չկան ոչ մի կարգի բանտարկյալներ, բանտերը դատարկ են, զանգվածային բանտարկութեւնների առատակիները հորինում են ստոր դավաճանները, որոնք ջանում են սղտորել ժողովրդի հայրենասիրական հոգին. «Մեր երկրի դռները բաց են բոլոր նրանց առաջ, ովքեր ուզում են իմանալ ճշմարտութեւնը. ճշմարտութեան համար մեզ մոտ եկեք»: Ի պատասխան այս Հայտարարութեան, ժամանեց Ազգերի Համագործակցութեան Հանձնաժողովը, աչքի անցկացրեց բոլոր ծակուժուկները, փիթը բոլոր թաքստոցները խոթեց, կրքոտ ու մանրազնին Հարցաքննեց նրանց, ում ցանկացավ, այդ թվում նաեւ Բենդիսոն Արխարադոյին, որը զարմացել էր. «Ովքե՞ր էին հոգեհարցուկի հագուստներով այդ ճարպիկ մարդիկ: Տունս մտան ու սկսեցին երկու հազար երեխա փնտրել մահճակալիս տակ, ձեռագործիս գամբյուզով եւ նույնիսկ վրձիններխս ամանում»: Վերջիվերջո, Հանձնաժողովը հրապարակավ Հաստատեց, որ երկրի բանտերը փակված են, որ ամենուր կարգուկանոն է տիրում, որ չկա ոչ մի սպացույց, թե երկրում խախտվել կամ խախտվում են, կամա թե ակամա, գործունեութեամբ, թե անգործունեութեամբ, մարդու իրավունքները, կամ մարդասիրական սկզբունքները. «Քնեք Հանդիստ, իմ գեներալ: Յտեսութեւն»: Լուսամուտի մոտ կանգնած նա նայում էր, թե ինչպես է լողում Հանձնաժողովին տանող նավը եւ, որպէս հրաժեշտի նշան, թափահարեց ասեղնագործած թաշկինակը. «Յտեսութեւն, ապուշներ, ձեզ խաղաղ ծով եմ մաղթում եւ երջանիկ նախարկութեւն»: Եվ թեթեւացած շունչ քաշեց. «Վերջ, վերջացավ այս շիլաչիոթը»: Սակայն գեներալ Ռոդրիգո գե Ագիլարը հիշեցրեց, որ ոչ, չի վերջացել շիլաչիոթը. «Երեխաները չէ՞ որ մնացին, իմ գեներալ»: Եվ այդժամ նա խփեց իր ճակատին. «Գրողը տանի, մոռացել էի, բոլորովին մոռացել էի: Իրոք, ի՞նչ անենք զբանց»: Որպեսզի մի կերպ ազատվեին ձանձրալի այդ Հարցից, նա առայժմ Հետաձգելով վերջնական որոշումը, հրամայեց երեխաներին անտատային թափուտներից, ուր թաքցրել

էին, տեղափոխել այն գավառները, որտեղ մշտապես անձրեւներ են թափւում, որտեղ չեն փչում փսփոխակի քամիներ,- երեխաների ձայնը մարդկանց ականջներին չհասնելու համար,- հրամայեց տեղափոխել նրանց այնպիսի վայրեր, որտեղ նույնիսկ բառերն են բորբոսնում խոնավութունից եւ որտեղ լւրծուն ութոտնիկները ծառից ծառ են սողում. նա հրամայեց նրանց Անդեր, տամուկ անձամները տանել, որ լեցուն են մուշներով, որպեսզի ոչ ոք չզուշակեր, ոչ մեկի մտքով չանցներ, թե որտեղ կարող են լինել նրանք. նա հրամայեց անվերջ տեղից տեղ տանել նրանց՝ ցածրադիր վայրերի փառղ նոյեմբերից դեպի սարահարթի շիկացած փետրվարը. նրանց համար նա խինին ուղարկեց եւ տաք վերմակներ, երբ իմացավ, որ հիվանդացել են ջերմաստիճանով - մի քանի օր նրանք մինչեւ կոկորդները կանգնած են եղել բնձարտերի ջրերում, որպեսզի թաքնվեն Կարմիր Խաչի սալառնակներից: Նա հրամայեց կարմիր լույսով մթնեցնել արեւի պայծառ փայլը եւ աստղերի լուսարձակումը, որպեսզի չկսկծային երեխաների աչքերը, երբ նրանք հիվանդացան քութիչով. նա հրամայեց փոշեցան անել օդից ինսուլտիցիդներով, որպեսզի չխժուր նրանց սոսյաց պուրակների սքցանը. նրանց վրա թափում էին քաղցրավիներքի անձրեւ եւ կաթնասերով պաղպաղակի ձյուն, սավառնակները պարաշյուտներով ցած էին նետում նոր տարվա ընծաներ - նա անում էր ամեն ինչ, որպեսզի երեխաները զոհ լինեն եւ ապահով, մինչեւ վերջնական որոշման կհանդեր նրանց ճակատագրի կապակցությամբ: Իր այս բարեգործութուններով նա հեղհեղ հանգստացրեց իր խիղճը եւ չարանենդ Հարցը՝ «Ինչպե՞ս փարվենք նրանց հետ», դադարեց տանջել. նա մոռացավ երեխաներին, ընկղմվեց ձանձրալի, անքուն գիշերների ու անհաշիվ, համանման ցերեկների միօրինակ ճահիճը, ոչինչ այլևս նրան չէր հուզում, մինչեւ հասավ այն երեկոն...

Երեքշաբթի էր, ժամացույցը զարկեց ինն անգամ, եւ նա լսելով ժամանակի մետաղային ղնգոցը, պալատի լուսամուտի գոգերից վռնդեց թառած հավերին, իրենց բները՝ քեցեց, հետո, երբ նրանք նստոսեցին իրենց թառերին, սովորության համաձայն սկսեց հաշիվ դրանց. եւ այդ պահին ներս մտավ հերթապահ թռչնապահը՝ մուշատուհին, հավաքելու այդ օրվա ածած ձվերը, իսկ նա հանկարծ չվատնված կրակ զգաց ներսում, կրծկալի շրջու-

նը հուզեց նրան, եւ նա մոտեցավ կնոջը: «Ձգույշ, գեներալ,-  
 շէնջաց կինը, ամբողջ մարմնով դողալով,- ձվերը կջարդվեն...»,  
 «Սատանան դրանց հետ,- մրթմրթաց նա,- թող ջարդվեն...»: Եվ  
 թափի մի հարվածով, տանա, ապրտագրվելու ձգտումով այն կան-  
 խազվացումից, որ ինչ-որ բան է կատարվելու արժանահիշատակ  
 այդ երեքշաբթի օրը, նա մուկատուհուն շարտեց քնած հավերի կա-  
 նաչ ծերտով մուրտառված հատակին, սայթաքեց, գլխապտույտ  
 ունեցավ եւ թռավ անուրջների անդունդը, սուտ փրկության ցնո-  
 րական խորխորատը, քրտնքի հեղձուկ ալիքների, ուժեղ կնոջ  
 շնչառության ալիքների մեջ, մոռացման խոստումների վիհը,- նա  
 թռչում էր, ետեկից ընկնող աստղի պարաբոլային ծիրի նման թող-  
 նելով ոսկյա խժանի գնդացող. յույս արձակող հետքը, տարածու-  
 թյունը լցնելով դարչահոտ փնչոցներով, շան պես ատամներն ի-  
 րար դարկելով, լնչում էր՝ համակված գոյի քաղցր սարսափով,  
 կուրացուցիչ բոնկումների եւ անհրեակայելի ակնթարթային  
 մահվան կայծակների անձայն սրտոների միջով, բայց անդունդի  
 հատակին, խորխորատի հատակին նույն այս հավանոցի գետինն  
 էր՝ հավի կանաչ ծերտ. հավերի անքուն քուն, դողացող մուկատու-  
 հի՝ շրջագրեստը լողոված ջարդված ձվերի դեղնուցով. «Ահա, տե-  
 սաք, ասում էի, չէ՞, գեներալ: Բոլոր ձվերը ջարդվեցին»: Եվ նա,  
 բախարարություն չստացած, էյի մի անսեր սիրո չարությունը զս-  
 պելով ասաց. «Հաշվիր ու գրի առ, թե քանիսն են: Ես դուրս կգ-  
 րեմ դրանց արժեքը քո աշխատատեղից»: Եվ դնաց: Ժամացույ-  
 ցը տան էր ցույց տալիս: Նա ֆերմա մտավ, տնտղեց բոլոր կովե-  
 րի լոդերը: Անցնելով հարճերի շինության մոտով, լուսամուտից  
 տեսավ հատակին պառկած ծննդկանին. տատմոր ձեռքերում հենց  
 նոր ծնված երեխան էր. «Տղա է ծնվել, իմ գեներալ: Ի՞նչ անուն  
 տանք»- «Ինչպես կուզեք», պատասխանեց նա: Ժամը տասնմե-  
 կը դարձավ: Սովորականի պես նա հաշվեց ժամապահներին,  
 ստուգեց փականները, ծածկեց թռչնավանդակները եւ ամենուր  
 մարեց լույսերը: Կեսպիշերն էր մոտենում: Երկիրը խաղաղ էր, աշ-  
 խարհը՝ քնած: Խավարի մեջ նա ուղղվեց դեպի իր ննջասենյակ,  
 անցավ պտուխով փարոսի արարած ակնթարթային լուսաբացնե-  
 րով, մութ միջանցքներով: Հոսանելով ննջասենյակին, դռան մոտ  
 կախեց լամպը, որ նախատեսված էր հնարավոր փախուստի հա-

մար. փակվեց հրեք կողպեքով, հրեք սողնակով, դռան վրա ձգեց հրեք շղթաները եւ, նստելով փոքրիկ աթոռակիւն. օրոր ասաց իր անխիղճ զավակին, հրեշապոր իր փոշտանկին, մինչեւ քնեցրեց ափի մնջ, մինչեւ ցավը մեղմացավ: Բայց իսկույն էլ ցավը ետ եկավ, շամփրեց Հանկարծական սարսափի կայծակով. ճիշտ նույն պահին, հրը լուսամուտից ներս խուժեց սեյիտրա արդյունահանող Հեռավոր անապատից եկած քամին, որ ավազահատիկների նման ննջատհնյակը լցրեց հրգող անհամար ձայներով: Նրա սրտից փտարված, մուսյլ անսպասներով թափառող հրեխանների հրգը Հարցմունք էր պատերազմ մեկնած ասպետի մասին. «Ո՞ւր է ասպետը: Ո՞ւր է նա: Օ՛, վիշտ, թախիծ... Բարձրացիր աշտարակը, որ տեսնես նրա վերադարձը, եւ դու կտեսնես, որ նա արդեն վերադարձել է թավշապատ դագաղով: Օ՛, վիշտ, օ՛, տխրություն»: Հեռավոր ձայների խմբերգը կարելի էր աստղերի ձայնի տեղ ընկալիլ, բայց նա կատաղորեն վեր թռավ տեղից ու բղավեց. «Հերիք է, գրողը տանի: Կամ նրանք, կամ ես»: Իհարկե, վիճակն իր օգտին ընկավ: Լուսաբացից առաջ նա Հրաման արձակեց հրեխաներին ցեմհնտով բեռնված նավը լցնել եւ երգերի Հետ ուղարկել ջրային մեր սահմաններից այն կողմ, որտեղ բեռնանավը պայթեցվեց ուժանակի լիցքով, իսկ հրեխաները, ոչինչ չհասցնելով հասկանալ, քարի նման Հատակը սուզվեցին: Երբ հրեք սպա ներկայացան նրան ու գեկուցեցին Հրամանը ի կատար ածելու մասին, նա նախ բարձրացրեց նրանց կոչումները միանգամից հրկու աստիճանով եւ պարգեւատրեց Հավատարիմ ծառայության Համար մեղալով, Հետո Հրամայեց գնդակահարել՝ որպես սովորական քրեականներ. «Որովհետեւ Հրամաններ կան, որ կարելի է արձակել, իսկ իրավորձեղը Հանցագործություն է, գրողը տանի: Խեղճ հրեխաներ»:

Նման դաժան փորձությունները մի ավելորդ անգամ Հաստատեցին նրա վաղեմի այն համոզվածությունը, որ ամենավտանգավոր թշնամին վարչակարգի ներսում է՝ օժտված վստահությամբ, պետության ղեկավարի սիրտը գրաված. մի ավելորդ անգամ նա Համոզվեց, որ ամենամիլիոնները, ում հրեքէ մեծարել էր եւ որոնք, ըստ էության, իր Հենարանը պիտի դառնային, վաղ թե ուշ փորձել են արհամարհել իրենց կերակրող ձեռքը. նա այդպիսին-

րին ոչնչացնում էր թաթի մի հարվածով, դրանց փոխարեն անէությունից դուրս բերում այլոց, առաջ քաշելով բարձր պաշտոնների, զինվորական կոչումների շնորհելով ըստ ներշնչման, մատի մի շարժումով. «Դու կապիտան ես, դու՝ մայոր, դու՝ գնդապետ, դու՝ գեներալ, իսկ մնացածները՝ լեյտենանտ: Էլ ի՞նչ է ձեզ պետք»: Սկզբում նա հետեւում էր, թե ինչպես են սրանք գիրանում, ինչպես են լայնանում համազգեստների մեջ այն աստիճան, որ տրաքտրաքում էին կարերը, իսկ հետո կորցնում էր նրանց տեսադաշտից, ենթադրելով, թե նրանք ծառայում են հավատարմորեն, եւ միայն այս անակնկալը, երկու հազար երեխաների հետ կապված պատմությունը թույլ տվեց նրան բացահայտել, որ իրեն անհարմար վիճակի մեջ է գցել ոչ թե մեկը, այլ զինվորական ուժերի ողջ հրամանատարությունը. «Միայն կաթի ծախսն ավելացնելու պահանջ ներկայացնել գիտին, իսկ փորձության ժամին կարող են վախից այն ափսեների վրա նստիլ, որոնցից քիչ առաջ ճաշ էին խժուռում, իսկ չէ՞ որ ինքս եմ ձեզ ծնիլ, արարել իմ իսկ կողոսկրից, Հաց ու պատվի արժանացրիլ»: Դա այդպես էր, բայց նա մի ընդհանրագիտ չունեիր, ստիպված էր ամեն կերպ սիրաշահել նրանց, Հաշվի առնել յուրաքանչյուրի հավակնություններն ու պատվասիրությունը: Ամենավտանգավորներին նա իր կողքին էր պահում, որպեսզի Հեշտությամբ հետեւեր, մյուսներին ծառայելու էր ուղարկում սահմանապահ ուղեկալներ, բայց այս միջոցառումները չէին ազատում նրան կասկածներից: Ժամանակին, Հանուն այդ սպանների, նա համաձայնեց գրինգոների ծովային Հետեւակին տեղ տալ մեր ծովափում եւ ոչ թե դեղին տենդախտի դեմ համատեղ պայքարի համար, ինչպես պաշտոնական հաղորդագրությամբ հայտարարեց դեսպան Թոմպսոնը, եւ բոլորովին էլ ոչ այն պատճառով, թե իբր, ժողովրդական հուզումներից վախեցավ, ինչպես պնդում էին քաղաքական վտարանդիները. «Ես ուզում էի որ մեր սպաններին կրթեն կարգին մարդ դարձնեն: Եվ նրանք կրթվեցին բայց ի՞նչ դուրս եկավ: Նրանց կոշիկ հագնել սովորեցրին զուգարանի թղթեր ու ապահովիչներ օգտագործել եւ էլի շատ գիտություններ իսկ ինձ հուշեցին զինվորական տարրեր խմբավորումներում տարաձայնություններ բորբոքելու ձեւերը որպեսզի չեղեն ինձ հետ մրցակցելու մտադրությունները գրինգոներն ինձ համար



Հորինեցին ազգային անվտանգության վարչություն Հետաքննության գլխավոր գործակալություն Հասարակական կարգի ազգային դեպարտամենտ եւ նման կարգի այնքան Հիմարություններ որ ես չեմ էլ հիշում բոլորի անվանումները»: Ճիշտն ասած, դրանք բոլորն էլ, միեւնույն, ազգային անվտանգության վարչության տարբեր բաժանմունքներն էին, բայց նրան ձեռնտու էր ցույց տալ, թե տարբեր օրգաններ են, տարբեր ծառայություններ, որպեսզի Հնարավորություն ունենար խառը ժամանակներում խուսանավել խժգոսություններից՝ ազգային անվտանգության մարդկանց ներշնչելով, թե ձեզ հետամտում են Հետաքննության գլխավոր գործակալության աշխատակիցները, իսկ սրանց եւ մյուսներին՝ Հասարակական կարգի պահպանման դեպարտամենտը: Նա ճակատ ճակատի էր բախում սպաներին, դաղտնի Հրահանգում ծովի ավազ խառնել վառողին եւ մատակարարել անվտանգելի գորանոցներին, մեկին այս էր ասում, մյուսին՝ այն, լրիվ հակառակը, խճճում էր ամենքին եւ ամեն ինչ այնպես, որ ոչ ոք չհասկանար իր իսկական մտադրությունը: Եվ, այսուհանդերձ, նրանք ապստամբում էին: «Ապստամբել է այսինչ գորանոցը, իմ գեներալը»: Եվ նա այդ գորանոցն էր խուժում կատաղության փրփուրը շրթներին, վայրենի բղավոցով. «Ճանապարհ տվեք, կոտորավորներ, իշխանությունը ինձ է պստկանում»: Առանց դադարի նա անցնում էր շփոթված սպաների կողքով, որոնք քիչ առաջ վարժական կրակոցներ էին արձակում նրա դիմանկարների վրա, եւ Հրամայում. «Զինաթափվել»: Այնքան ինքնավստահություն կար նրա տիրական ձայնում, որ սպաներն իրենք էին վար թափում գեներալը: «Հանել համազգեստը.- Հրամայում էր նա:- Համազգեստին արժանի են միայն իսկական տղամարդիկ»: Եվ սպաները Հանում էին համազգեստները. «Խոտովություն է բարձրացրել Սան-Խերոնիմա բազան, իմ գեներալը»: Եվ նա բազա մտավ գլխավոր մուտքից, ծերունավարի քարշ տալով խոշոր, հիվանդ ոտքերը, անցավ ապստամբած գվարդիականների գույգ շարքի միջով եւ գվարդիականները զինվորական սլափով սվեցին իրենց գերազույն Հրամանատարին, եւ Հայտնվելով ապստամբների շտաբում՝ մենակ, սուռնց զինքի, տիրական բղավից. «Մուտքներդ հատակին, վիժվածքներ: Պառկել, բճեր»: Եվ գլխավոր շտաբի տասնինը սպաներ Հնազանդ պառկե-

ցին Հատակին բերանքսիվայր, իսկ շատ շուտով նրանց արդեն տա-  
նում էին ծովափնյա դյուղերով ու ստիպում Հող ուտել, որպեսզի  
բոլորը տեսնեին, թե ինչ արժե Համազգեստից զրկված գինվորա-  
կանը: «Շան որդիներ,- բղավում էին Հուզված զորանոցների գին-  
վորները եւ կրկնում պրեզիդենտի պահանջը՝ արճճե կրակահերթ  
բաց թողնել խոտվուխյունը հրահրողների թիկունքներին, ինչը ի-  
րագործվեց, որից հետո դիերը ոտքերից կախեցին կիզիչ արեւի  
տակ, յոթ քամիների դեմ-դիմաց, որպեսզի բոլորն իմանան, թե ինչ  
է սպասում նրան, ով Համարձակվում է թքել աստծո երեսին. «Ա-  
հա, այսպես, ավազակներ»: Արյունալի այս մաքրումները, սա-  
կայն, Հանգստութուն չպարգեւեցին: Այն վարակը, որ թվում էր  
արմատախիլ արեց, կրկին թափ առավ, տարածվեց, դավադրու-  
թյան հրեշ վերստին պարզեց իր շոշափուկները, ցանց Հյուսեց իշ-  
խանության միջանցքների տանիքի տակ, ուժ ստանալով առավել  
վճռական սպաների արտոնյալ վիճակից - նա իր լիազորութուն-  
ների փշրանքներից էր կարող բաժին չհանել նրանց, էջր կարող  
վստահության չարժանացնել՝ Հաճախ նաեւ ակամա, քանի որ  
անհնար էր առանց նրանց աթոռին մնալը, բայց խնդիրն էլ հենց  
այն էր, որ գոյակցելը նույնպես անհնար էր, անհնար էր շնչել  
նրանց հետ նույն օդը, նրան խեղդում էր այդ օդը, բայց որովհե-  
տեւ դատապարտված էր Հավերժական կյանքին, ստիպված էր  
Համբերել. «Գրողը տանի, անարդարացի է այս ամենը»: Կյանքն  
անտանելի էր դարձել իր թանկագին բարեկամ գեներալ Ռոդրիգո  
դե Ազիլարի նկրտումների նկատմամբ ունեցած չփարատվող ու  
սարսափելի կասկածներից, նրան տառապանք էր պատճառում իր  
իսկ անվստահությունը, բայց. «Նա իմ առանձնասենյակ մտավ  
գուճատ, ինչպես մեռել եւ Հարցրեց, թե ինչ եղան այն երկու Հա-  
զար հրեխաները: Արդյոք ճիշտ են խոսում ողջ աշխարհում, թե  
մենք խեղդել ենք նրանց ծովում»: Չդողացող ձայնով նա պատաս-  
խանեց գեներալ Ռոդրիգո դե Ազիլարին, որ այդ լուրերը դավա-  
ճանական Հերյուրանքներ են, որ երեխաները, բարեկամս, ողջ-ա-  
ռողջ կենում են աստծո սպահով գրկում. «Ես ամեն գիշեր լսում  
եմ նրանց երգը»: Եվ նա անորոշ ուղղությամբ ու սահուն շարժեց  
ձեռքը: Իսկ Հաջորդ օրը նա ցրեց դեսպան էվոնսի կասկածը, ան-  
վրդով ասելով. «Ես գլխի չեմ ընկնում, թե ինչ երեխաների մասին

եք Հարցնում: Ձէ՞ որ ձեր երկրի ներկայացուցիչը Ազգերի Համագործակցութեան Համաքում Հրապարակամ Հայտարարեց, որ երեսաները ողջ-առողջ են ու դպրոց են գնում: Էլ ի՞նչ եք ուզում: Վերջ: Վերջացրինք այս շրջափոխը»: Բայց շրջափոխն էլի չվերջացավ, նա անպոր էր վերջ տալուն, և մի անգամ, կեսգիշերին նրան արթնացրին. «Իմ գեներալ, խռովութիւնն է սկսվել երկու խոշոր զորանոցներում, միաժամանակ ապստամբել են, ինչպես ձեզ Հայտնի է, ընդամենը երկու թաղամաս Հեռավորութեան վրա գտնվող Կոնդեի զորանոցները: Ապստամբութիւնը գլխավորում է գեներալ Բոնիվենտո Բարբոսը: Տեսա՞ք, թե ինչպես նա Հզորացավ: Նրա տրամադրութեան տակ են լավ գինված Հազար Հինգ Հարյուր մարտիկ: Ձենքն ու ռազմամթերքը ստացել են մաքսանենգային ճանապարհով, մեր Հակառակորդների կողմն անցած որոշ դեսպանատների օժանդակութեամբ: Այնպես որ, դրութիւնը լուրջ է, իմ գեներալ: Վտանգը մեծ է, մեկ էլ տեսար՝ գրողի ծոցը գլորվեցինք»:

Անցած ժամանակներում քաղաքական Հրաբխի նման պայթիւնը, նրա ներսում պայքարի կրակ կտրբռքեր, խելահեղութեան դիմելու ձգտում, բայց Հիմա... Ձէ՞ որ նա քաջ գիտեր իր տարիքի ողջ ծանրութիւնը: Կամքի գրեթե ողջ պաշարը, ախր նա ծախսել էր օրգանիզմի ներսում կատարվող աննկատ քայքայում մնալին զիմապրավելու վրա, ձմռան գիշերներին, ախր, անհնար էր քնել առանց շփելու, առանց նանիկ ասելու իր անխիղճ, շամփրող, ցավող իր երկխային, գեշ եղանակից փքվող փոշտանկին՝ «Քնիր, իմ պարզ երկինք», ախր անտանելի տառապանքը վերածվել էր աթոռակին անարդյունք նստելու պործողութեանը, երբ բորբոսով խցանված զտիչներից անցնող արյունը Հենց Հոգին էր լցվում: Իսկ ամենակարեւորն այն էր, որ նա գլխի չէր ընկնում, թե ու՛ ու՛ է, ում վրա կարելի է Հենվել անխուսափելի ճակատագրի անպատեհ ժամին, այս ճղճիմ պայատում, այս ողորմելի տանը, որն ինքը վաղուց ի վեր Հաճույքով կփոխանակեր Հեռավոր, Հեղկական, քնձոռո մի գլուղակի որեւէ խրճիթով, որպեսզի ոչ ոք չըջապատում չիմանար, որ երկար, անհիշելի երկար տարիների ընթացքում ինքն է եղել այս երկրի անխոխարինելի պրեզիդենտը: Եվ, այսուհանդերձ, երբ խելամիտ փոխգիջման Հասնելու ցանկութեամբ նրա մոտ եկավ գե-

ներալ Ռոդրիգո դե Ագիլարը եւ առաջարկեց իր միջնորդութիւնը պրեզիդենտի ու ապստամբների միջեւ, իր առջեւ տեսաւ ոչ թե ընդունելութիւններին քնող, խելքը թոցրած ծերունուն, այլ նախկին օրերի, խիղախ բիզոնի նման մարդուն եւ այդ մարդը առանց վայրկյան իսկ մտածելու Հայտարարեց. «Բան դուրս չի դա, ես Հեռացողը չեմ»: Իսկ երբ գեներալ Ռոդրիգո դե Ագիլարն ասաց, որ խնդիրը Հեռանալ-Հեռանալը չէ, այլ այն, որ «բոլորը Հակառակ են ձեզ, իմ գեներալ, նույնիսկ եկեղեցին», նա առարկեց. «Բնավ այդպես չէ, եկեղեցին նրա Հետ է, ում ձեռքին է իշխանութիւնը»: Իսկ երբ Ռոդրիգո դե Ագիլարը ասաց, որ միջնորդութիւնն անհրաժեշտ է, քանի որ գլխավոր Հրամանատարները խորհրդակցում են արդէն քառասունութ ժամ եւ ոչ մի Համաձայնութեան չեն գալիս, նա պատասխանեց. «Կարելոր չէ, թող դատարկ-դատարկ դուրս տան, դու դեռ կտեսնես, թե ինչ որոշման կհանգեն, եթե իմանան՝ ով է ավելին վճարելու» - «Բայց քաղաքացիական ընդդիմութեան առաջնորդները դեն են նետել դիմակներն ու ցույցեր են անում Հինց փստոյնի ում», - բացականչեց Ռոդրիգո դե Ագիլարը, իսկ նա պատասխանեց. «Ավելի լավ, Հրամայիր կախել դրանց մեկիկ-մեկիկ դի Արմաս Հրապարակի լրատներներից, թող ամենքը տեսնեն, թե ում ձեռքին է ուժը» - «Դա անհնար է, - առարկեց գեներալ Ռոդրիգո դե Ագիլարը, - ժողովուրդը նրանց կողմն է անցել» - «Սուտ է, - ասաց նա, - ժողովուրդն իմ կողմն է, այնպես որ՝ այստեղից դուրս կբերվի իմ դիակը միայն»: Եվ նա բռունցքով Հարվածեց սեղանին, ինչպես անում էր միշտ, վերջնական որոշում կայացնելիս, որից Հետո քնելու գնաց եւ քնեց մինչեւ կովկիթի ժամը: Նա ելավ կովկիթի ժամին եւ տեսավ, որ պետական խորհրդի նիստերի դահլիճը լցվել է ապակու փշրանքներով ու քարերով. Կոնդե զորանոցի ապստամբներն էին կատապուլտներով քար ներս նետել լուսամուտներից: Զարդոտված լուսամուտներից նրանք ներս էին գցել նաեւ այրվող օդապարիկներ. «Մենք Հագիվ հնք ոտքի վրա մնում, իմ գեներալ, չենք քնել ողջ գիշերը, ջրով լի դուլերով ու վերմակներով այս ու այն կողմ էինք վազվզում, որ Հանգցնենք կրակը, իսկ կրակը բռնկվում էր ամենաանսպասելի տեղերում, իմ գեներալ»: Զեկույցը նա լսեց կես ականջով եւ մեռելի քայլերով քստքստացրեց մոխրածածկ միջանցքներում, գորգերի, քենջերի,

մոխրացած գործիչներին վրա. «Ես ձեզ ասացի՝ ուշադրություն մի դարձրեք»- «Բայց նրանք չեն դադարեցնում,- ասացին նրան,- նրանք հայտնեցին, որ կրակե օդապարիկները սոսկ զգուշացում են, որ շուտով արկեր են բաց թողնելու, իմ գեներալը» - «Ուշադրություն մի դարձրեք, գրողը տանի», - կրկնեց նա եւ այգի դուրս եկավ, քայլեց ծառուղով, ոչ մեկին ուշք չդարձնելով, լուսաբացի լուռության մեջ լսելով նորածին վարդերի բացման շրջունը, զգալով, թե ինչպես է ծովի զեփյուռն իր մեջ աքլորային ցանկություն ծնում:

«Այնուամենայնիվ ի՞նչ անենք, գեներալ» - «Ուշադրություն մի դարձրեք, գրողը տանի, քանի անգամ կրկնեմ նույնը»:

Ինչպես միշտ այդ ժամերին, նա գնաց Ֆերմա՝ կոլիերի կաթն ընդունելու, եւ ինչպես միշտ, ամեն առափոտովա նման, շուտով Կոնդե գորանոցների մոտ կանգ առավ ջորիներով լծված, վեց տակառ կաթով բեռնված սայլը. նստեղատեղին բազմած ամենօրյա սայլապանը ապստամբներին հաղորդեց պրեզիդենտի խոսքերը, թե ինքը սովորականի պես գինվորներին է ուղարկում իր Ֆերմայի կաթը. «Կարգադրված է ձեզ հանձնել կաթը, պարոն գեներալ, թեեւ դուք կծիլ եք ձեզ կերակրող ձեռքը»: Սայլապանն այս խոսքերը բղավեց մի այնպիսի ուղղամտությամբ, որ գեներալ Բոնիվենտո Բարբոսը հրամայեց ընդունել կաթը, բայց պայմանով, որ առաջինը համոես անի սայլապանը, որպեսզի բոլորը համոզվեն, որ կաթը թունավորված չէ: Եվ ահա, բացվեցին երկաթյա դարպասները եւ հազար հինգ հարյուր ապստամբներ ներքին պատշգամբներից տեսան, թե ինչպես սայլը մտավ գետաքարերով սալարկված Կոնդե գորանոցի վարժաՆրապարակ եւ կանգ առավ հրապարակի կենտրոնում, տեսան, թե ինչպես սայլի վրա ելավ գեներալ Բարբոսի սպասյակը՝ ձեռքին կուժ եւ շերեփ, որ վերցնի համոեսի կաթը, տեսան, թե ինչպես նա բաց արեց առաջին տակառը եւ թե ինչպես նա վեր ճախրեց կուրացուցիչ բռնկման վաղանցիկ ալիքի հետ. եւ այլեւ ոչինչ չտեսան նրանք եւ չեն տեսնի դար ու դարեր, մոխրացած, ինչպես հրաբխի խառնարան, այդ մտայլ, դեղին շենքում, որի բեկորները վեց տակառ ուժանակի հրեշավոր պայթյունից հետո մի պահ միայն կախվեցին օդում,- նույնիսկ մի ծաղիկ չաճեց այդ տեղում պայթյունից հետո: «Ահա եւ

վերջ»,- շունչ քաշեց նա իր պալատում, ցնցվելով պայթյունի ակիբից, որը Կոնդեի զորանոցներից բացի ավերեց մոտերքի էլի չորս շինությունն ու ջարդուհիշուր արեց քաղաքի բոլոր տների պահարաններում շարված հարսանեկան ընծա սպասքները, ընդհուպ մինչև եւ արվարձանների. «Ահա եւ վերջ»,- շունչ քաշեց նա, երբ նավահանգստի բերդից աղբատար սայլերով դուրս բերեցին տասնութ սպանների դիերը. փամփուշտ խնայելու նպատակով նրանց գնդակահարել էին երկու շարք կանգնեցրած, մի գնդակով երկուսին. «Ահա եւ վերջ»,- շունչ քաշեց նա, երբ Ռոդրիգո դե Ագիլարը ձգվեց նրա դիմաց լարի պես եւ գեկուցեց. «Քաղաքական բոլոր հանցադործները ձերբակալված են, իմ գեներալ: Բանտերում այլևս տեղ չկա»,- «Ահա եւ վերջ»,- շնչեց նա լիաթոք, երբ ուրախ զոդանջեցին զանգերը, աղմկեցին տոնական հրավառությունները, հնչեցին իրեն փառաբանող հիմների հանդիսավոր մեղեդիները՝ ավտոտելով սպապահ հարյուր խաղաղ տարիների սկիզբը: «Ահա եւ վերջ, գրողը սանի,- ասաց նա,- վերջապես ավարտվեց շիլաշփոթը»: Նա այնքան ինքնավստահ դարձավ, որ չափից ավելի թեթևամիտ ու անսիրտ սկսեց վերարհարվել իր անձնական ապահովությունը. այնպես բթացավ նրա զգուշավորությունը, որ երբ մի առավոտ պալատ էր վերադառնում կովկիթից, միանգամից չնկատեց վարդի թփի տակից դուրս ցատկող, դեպի իրեն նետվող բորոտին: Նա սթափվեց այն պահին միայն, երբ բորոտն արդեն փակել էր ճանապարհը, երբ հոկտեմբերյան թխակապույտ, մանր անձրեւի տակ փայլեց ատրճանակի արջնած պողպատը, երբ դուրս գալով մատն արդեն փորձում էր սեղմել շնիկը: Նա ցցեց կուրծքը, լայն տարածեց ձեռքերը ու բղավեց. «Համարձակ, կոտորավոր, համարձակ»: Միեւնույն ժամանակ նա զարմացած էր, որ մահաժամը հասել էր բոլորովին էլ ոչ այնպես, ինչպես կանխատեսել էր գուշակ-պայծառատեսը, ինչպես երեւացել էր նախաստեղծ մաքուր ջրերի հայելում, եւ նա կատաղի բղավեց. «Դե, կրակիր, եթե տղամարդ ես»: Բայց բորոտը հապաղում էր, տատանվում. աչքերը խնավարեցին, շրթների անկյուններն անկամ կախ ընկան, եւ հաջորդ պահին նրան խլացրեց կուան-բռունցքը. նա փռվեց գետնին եւ ծնոտին ստացավ ոտքի սոսկալի մի հարված, իսկ նա, ում վրա մահափորձ էր ձեռնարկվել, իր գլխավերելում տեսավ ալոտ ու

մենավոր մի ստտղ եւ ասես անդրաշխարհից լսեց իր ճիշի վրա վա-  
զող պահակախմբի դուխունը. «Ի՞նչ է պատահել, իմ գեներալ»:  
Եւ Հինգ կրակոց ճայթեց, Հինգ կապույտ բռնկում լուսավորեցին  
այգին. բորտան էր փորի մեջ պարպել ողջ պահունակը՝ չցանկանա-  
լով ողջ-ողջ ընկնել պրեզիդենտական գվարդիայի դահլճների ձեռ-  
քը: Իսկ նա յուր անելով արյան լճակում կծկված բորտուի մարմնի  
վրայով, իր կսկորդի ճղոցով խեղդելով պալատի խուճապահար  
բնակիչների ճիչերը, հրամայեց կտրատեն, ապխտեն մեռածի մար-  
մինը, գլուխը սղեն, բուրբին ի տես տնկեն դե Արմաս հրապարա-  
կում, աջ ոտքը ցուցադրեն Սանտա-Մարիա-դել Ալտարի արևե-  
լյան ծայրամասում, իսկ ձախը՝ արեւմուտքում, անապատում, որ-  
տեղ սեյիտրա են արդյունահանում, մի ձեռքը ցույց տան սարա-  
հարթի բնակիչներին, մյուսը՝ անտառային շրջանների մարդկանց,  
ճարպով տապակած նրա լեշի կտորտանքը կախել արեւի տակ, յոթ  
քամիների դեմ-դիմաց, կեղտոտ այս բողանոցի բոլոր լայնություն-  
ներում, որպեսզի ոչ մեկը կասկած չունենա, որ սա է վերջը նրա,  
ով կհամարձակվի ձեռք բարձրացնել իր հոր վրա: Արձակելով  
սուլյն հրամանը, նա դեռ կատաղությունից կանաչած, մտավ վար-  
դաթիփերի մեջ, տեսնելու, թե ինչպես է պահակախումբը սրտում  
բորտաներին, ինչպես է նրանց խոցոտում ավիններով՝ որպես սովո-  
րական միջատներ. «Բաց արեք ձեր դեմքերը, ավազակներ»:  
Ար-  
դեն պալատում, սանդուղքով բարձրանալիս, նա քացի տալով  
արթնացնում էր կաթվածահարներին, ցանկանալով իմանալ՝  
հայտնի՞ է սրդոք, նրանց, թե ով է իրենց այս աշխարհ բերել, ով  
է հղիացրել իրենց մայրերին. «Գիտե՞ք այդ բանը, շան ուղիներ»:  
Նա քայլում էր միջանցքներով ու բղավում. «Ճանապարհ բացեք,  
գրողը տանի, Իշխանությունն է գալիս» - քայլում էր վախեցած  
պաշտոնյաների ու անդրդվելի, իրեն անմահ կոչող շողքորթիների  
ուղեկցությամբ, ետեւից, որպես լավայի հոսք, թողնելով իր շիկա-  
ցած փնչոցը. թափառուն կայծակի պես նա անցավ պետական  
խորհրդի նիստերի դահլիճով եւ չքվեց իր ննջասենյակում, փակ-  
վեց երեք կողպեքով, երեք սողնակով, երեք շլթայով և մատների  
ծայրերով վրայից հանեց ազտոտված շալվարը: Եւ այս պահից  
սկսած նա կրկին մի բոպե հանգիստ չունեք, անվերջ հոտոտում էր՝  
պալատականներից ո՞վ է գենք տվել բորտոին, անվերջ հարցնում

էր՝ ո՞վ է գաղտնի այդ թշնամին: Նա զգում էր, որ թշնամին մոտերքում է, բոլորովին մոտիկ մի տեղ եւ մտերմներից մեկն է անպայման, որը գիտե նույնիսկ մեղրամանների թաքստոցների տեղը, որի աչքերը հետեւում են իրեն բոլոր դռների բանալիների անցքերից, որի ականջները թաքնված են բոլոր պատերի մեջ, որին կարելի է հանդիպել պուլատում ուզածդ ժամանակ եւ ուզածդ անկյունում. «Ինչպես իմ սեփական դիմանկարները, գրողը տանի»: Թշնամին ամենագո էր, նրա ներկայութունը զգացվում էր հունվարյան պասատներում, նա թաքնվում էր շոգ գիշերվա հասմիկների բույրերում, նա անքնության մղձավանջ էր, նա սարսափազդու, անտեսանելի ուրվականի ոտքերով քստքստացնում էր խավարում, անցնում պալատի սահնածածուկ անկյունները, մինչեւ որ մի անգամ նյութականացավ իրիկնային դոմինո խաղի ժամանակ: Այդ նրա ձեռքը քիչ դանդաղելով ավարտեց խաղը՝ ղնելով գույք հինգի քարը, եւ ներքին ձայնը հուշեց խաղընկերոջը՝ Հենց այդ ձեռքն է գավաճանի ձեռքը. «Իս նա է, գրողը տանի, նա է»:

Ոտղընկերը դուրս պրծավ շփոթմունքից, աչքերը բարձրացրեց եւ սեղանի կենտրոնի վրա կախված լամպի վառ լույսի տակ հանդիպեց իր հնագույն բարեկամի, իր հավատարիմ պենիրալ Ռոդրիգո դե Ագիլարի գեղեցիկ, արտահայտիչ աչքերով հայացքին: «Աներեւակայելի է,- մոռածեց նա,- Ռոդրիգո դե Ագիլարը չէ՞ որ իմ աջ ձեռքն է, մենք կապված ենք բարեկամության սրբազան կապերով, նա ինձ նեցուկ է եղել ամեն հարցում»: Բայց ճշմարտութունից թաքնվելն այլևս անհնար էր, նա հանկարծ շատ բաներ տեսավ նոր լույսի տակ, տեսավ բոլոր այն նենգ խորամանկութունները, որոնց միջոցով իրենից թաքցնում էին ճշմարտութունը, որոնց ցանցի մեջ խճճում էին իրեն երկար տարիներ շարունակ: Երկար տարիներ շարունակ նա չգիտեր, որ իր թանկագին բարեկամը, լրատ հույան՝ Հարազատը, ծառայում է ճարպիկ, հաջողակ քաղաքագետներին: Բայց մի՞թե ինքը չէր, որ թեկուզեւ անձնական շահերից կոտորելով, ամենախուճ ծակերից դուրս բերեց այդ քաղաքագետներին, ի՞նքը չէր դրանց առաջ քաշողը, Ֆեդերացիայի համար կոխիներից հետո դրանց ոսկեզօծողը, աներեւակայելի արտոնություններ պարգեւողը: Նա թույլ էր տալիս, որ նրանք իշխանության ու հարստության մի այնպիսի բարձրության հասնեն, ինչի



մասին չէր էլ հրազել լիբերական շարժման անդիմադրելի քամուլյ ջնջված արիստոկրատիան. «Նրանք ավելին էին ուզում գրողը տանի նրանք աչք էին գցել աստծո օծյալ իմ տեղին վիժվածքներ եւ որոշել էին օգտագործել նրան ում ամենից շատ էի վստահում ով մենամտոն էր ինձ ու ինձ ստորագրելու էր բերում փաստաթղթերը»: Ոչ մեկն իրավունք չունեիր ստորագրելու թղթեր բերելու, բացի Ռոդրիգո դե Ագիլարից, քանզի Ռոդրիգո դե Ագիլարն էր ձեւակերպում նրա բոլոր հրամանները, սահմանվող օրենքները՝ նախ բանավոր, Հետո՝ բարձրագույնի շտկումներով նաեւ գրավոր, եւ այնուհետեւ Հանձնում ստորագրութեան, իսկ նա բթամատն էր դեմ անում թղթին (դա էլ հենց ստորագրութեանն էր), եւ Հաստատում ստորագրութեանը պետական կնիքով. կնիքով մասամբն այն օրերին պահվում էր չհրկիզվող պահարանում, որի գաղտնահամարը գիտեր միայն ինքը: «Ամեն ինչ կարգին-սարքին է, բարեկամս,- ասում էր նա Ռոդրիգո դե Ագիլարին, վերադարձնելով ստորագրված թղթերը, եւ կատակում.- Այժմ դուք դատարկ ձեռքով չեք գնա գուգարան»: Եվ, ահա, օգտվելով անսահման վստահութեանից, զինուորայ Ռոդրիգո դե Ագիլարը Հաջողեցրել էր սահմանել սեփական իշխանութեան կարգը, պետութեան ներսում բավականին ընդարձակ ու եկամտաբեր իր պետութեանն էր ստեղծել: «Բայց դա էլ քիչ էր նրա Համար եւ նա գաղտնաբար Կոնդե պորանոցների խռովութեանն էր նախապատրաստում իսկ այդ գործում նրան աջակից էր մի այլ բարեկամ սոււերամարտութեան ուսուցիչը դեսպան Նորտոնը որի հետ նրանք պոռնիկների մոտ էին գնում հենց այդ Նորտոնն էր մաքսանենդային ճանապարհով խռովարարներին զինամթերք Հասցրել Հոլանդական տառեխի տակառներով էին բերել օգտվելով դիվանագետին արտոնված մաքսատան ստուգմանը չենթարկվելու օրենքից իսկ դոմինո խաղալիս խնկարկում էր ինձ եւ Հավաստիացնում որ չպիտե ավելի օրինապահ մի այլ կառավարութեան ավելի բարեկամական ու արդարամիտ քան իմն է: Այդ նրանք էին ստրճանակը տվել կեղծ բորոտի ձեւքը եւ Հանձնել նրան Հիսուն Հազար պետ նախապես կտրատելով արժեթղթերը երկու Հավասար մասերի արժեթղթերի մի կեսը գտան բորոտի տունը խուզարկելիս եւ պարզվեց որ երկրորդ մասը մարդասպանին իմ մահից Հետո պիտի Հանձնէր թան-

կային բարեկամս գեներալ Ռոդրիգո դե Ագիլարը դու կարո՞ղ ես երեսակայել մայր մի՞թե Հեչո է նման բան իմանալը: Երբ մահափորձը ձախողվեց նրանք չհաշտվեցին իրողության Հետ եւ սկսեցին մտածել թե ինչպես առանց արյուն թափելու կործանեն ինձ գեներալ Ռոդրիգո դե Ագիլարը սկսում է վիաների ցուցմունքներ հավաքել թե ես չեմ քնում գիշերները եւ խոսում եմ սափորների խախտում նաեւ Հերոսների ու արքեպիսկոպոսների դիմանկարների Հետ թե ես ջերմաչափ եմ տալիս կովերին եւ ստիպում նրանց ջերմությունն իջեցնող հաբեր ծամել կարգադրել եմ իբր հանգստարան կառուցել Մեծ ծովակալի համար որն իբր գոյություն ունի միայն իմ Հիվանդ երեւակայության մեջ այնինչ ես սեփական աչքերովս եմ տեսել յուսամուտիս տակ խարխիս գցած երեք կարավիները: Նրանք սպառնացներ էին հավաքել թե ես վատնել եմ պետական միջոցները հազար ու մի տեսակ խելոք սարքեր գնելու վրա թե փորձել եմ հարկադրել աստղագետներին խախտել արեգակնային համակարգում օրինքները միայն թե գրավեմ գեպեկոթյան թագու Հուն որն իբր նույնպես գառանցանք է թե ծերունական խելացնորությամբ հրամայել եմ ցեմհնաով բեռնված նավը լցնել երկու հազար երկխանների եւ բաց ծովում հատակը սուզել դու երեւակայո՞ւմ ես թե ինչ արիւններ են դրանք մայր ինչ շան որդիներ»: Այնինչ անհրաժեշտ սպացուցցները հավաքելով, գեներալ Ռոդրիգո դե Ագիլարը ծածուկ պայմանավորվածության մեջ էր մտել պրեզիդենտական գլխադիպի շտաբի բոլոր սպաների Հետ եւ որոշվել էր պրեզիդենտին ուղարկել ականավոր ծերերի ապաստարան, ուր բնակվում էին նախկին բռնակալները, եւ վճռվել էր այդ գործը իրականացնել սույն տարվա մարտի մեկի գիշերը. պրեզիդենտին գահընկեց էին անելու Սուրբ Հրեշտակ Պահապանի՝ թիկնապահների պատրոնի պատվին կայանալիք ամենամյա ավանդական ընթրիքի ժամանակ. «Այսինքն, երեք օր Հետո, իմ գեներալ»: Նա դավադրությանն անտեղյակ ձեւանալով, կասկած չհարուցելով, թե որեւէ բան դիտի, նշանակված ժամին ընդունեց բոլոր հյուրերին՝ իր անձնական գլխադիպի բարձրատիճան սպաներին, նստեցրեց նրանց ինջուլքի սեղանի շուրջը եւ ապերիտիվ առաջարկեց. «Մի-մի գավաթ խմեք, մինչեւ կգա գեներալ Ռոդրիգո դե Ագիլարը եւ կառաջարկենք գլխավոր կենացը»: Նա

խաղաղ գրուցում էր Հյուրերի Հետ, կատակում, իսկ սպաները մեկը մյուսի հոտեւից, կարծես պատահաբար, ժամացույցներին էին նայում, մոտեցնում ականջներին, լարում, ուղղում. արդեն տասներկուսից Հինգ էր պակաս, բայց գեներալ Ռոդրիգո դե Ագիլարը չէր հայտնվում: Շոգ էր արդեն ու հեղձուկ, ինչպես իսպանացու, բայց բուրումնավետ էր տոթը՝ գլադիոլուսների եւ վարդակակաչների հոտ էր գալիս, թարմ վարդերի, թեեւ շնչելու օդը չէր հերիքում, եւ մեկը բաց արեց լուսամուտը. «Եվ մենք բոլորս շունչ քաշեցինք ու կրկին նայեցինք ժամացույցներին, իսկ բաց լուսամուտից ջրի մանր ցփոններ էին ներս լցվում եւ տոնական ուտեստների նուրբ բույրեր»: Բոլորը քրտնեցին, բացի նրանից, եւ բոլորը հանկարծ անհարմար զգացին, ամաչում էին նայել այդ կենդանու լայն չոված, թարթվող աչքերին. այդ կենդանին ներկաներից ասես անջատված էր վաղուց ի վեր անցած տարիներով, այդ կենդանին ծիկրակում էր իր ինչ-որ տարածութունից, ժամանակից դուրս իր աշխարհից. «Ձեր կենացը,- ասաց նա, ինչպես քնքուշ շուշան բարձրացնելով բաժակը,- ձեր կենացը»: Ողջ երեկոն նա չխկացնում էր այդ բաժակով, չխմելով եւ ոչ մի կում: Եվ ահա, ինչպես ճակատագրական անդունդից, լուսթյան միջից լավիցին ժամացույցի մեխանիզմի ընդերքային հնչյունները՝ տասներկուսն էր զարկում: Գեներալ Ռոդրիգո դե Ագիլարը դեռ չկար: Ինչ-որ մեկը փորձեց ոտքի ելնել ու հրաժեշտ տալ, բայց դամվից աթոռին, քար կտրեց ոչնչացնող հայացքից ու խնդրանքից. «Մի հեռացեք, խնդրում եմ»: Բոլորը հասկացան, որ չի կարելի շարժվել, շնչել, կենդանության նշան ցույց տալ, քանի դեռ չեն հնչել բոլոր տասներկու զարկերը: Եվ երբ մարեց վերջին զարկը, ետ քաշվեց դռան վարագույրը եւ բոլորը տեսան ականավոր գործիչ, դիվիդիայի գեներալ Ռոդրիգո դե Ագիլարին՝ ողջ հասակով, արծաթյա սկուտեղի վրա, ամեն կողմից զարդարված ծաղկակաղամբի սալաթով, համեմված դափնու տերեւներով եւ այլ համեմունքներով, տապակված փոփ շոքում, չբերթային համազգեստով, ոսկյա, նշաձեւ Հինգ Հատիկներով, թեւքին արիության համար ասեղնակար նշան, կրծքին տասնչորս ֆունտ մեդալ եւ մադաղանոսի ոստիկը բերանում: Սկուտեղը դրվեց խնջույքի սեղանին, եւ հաճոյակատար մատուցողները սկսեցին կտրատել տրված կերակրատեսակը,

ուչր չզարձնելով սարսափից քարացած Հյուրերի վրա, եւ երբ յուրտանչյուրի ափսեւեւ ընկույզով ու բուրումնալեւտ կանաչիներով համեմկած պաշտպանութեան մինիտարի մարմնից մի-մի խոչոր պատառ հայտնվեց, կարգադրվեց սկսել ընթրիքը. «Բարի ախորժակ, սենյորներ»:

Նա ճակատազրի այնքան սահունքներ էր անցել, այնքան երկրաշարժեր ու խավարումներ տեսել, անվնաս մնացել երկնային կրակի այնքան գնդերի հարվածներից, որ մեր օրերում այլեւս ոչ ոք չէր հավատում, թե երբեւեցե կկատարվի պայծառատես-գուշակի կանխատեսումը, եւ նա կմեռնի: Անհնար էր հավատալ, եւ այդ միտքը չէր տեղավորվում մարդու գիտակցութեան մեջ, եւ մինչ ձեռակիրսվում էր հայտնաբերված դիակը կարգի բերելու ու թափկու իսյուստրութեւնը, մեզանից նույնիսկ ամենաանհավատները իրենք իրենց էլ չխոստովանելով, սպասում էին, որ եթե դա իրոք նրա մարմինն է, ահա-ահա կկատարվեն հինավուրց այն ավանդու իշույնների կանխատեսումները, թե նրա մահվան օրը ճահ-ճատից մի հոսքերը գետերը կցցվեն, արյունոտ անձրեւ կտեղա, հափկրը հնդանկուն ձվեր կածեն, աշխարհում կտիրի լուսթյուն ու խափար, քանզի նրա մահվան օրը աշխարհի կործանման օրն է լինելու: Անհնար էր հավատալ նրա մահվանը նաեւ այն պատճառով, որ վարչակարգի օրոք դեռեւս լույս տեսնող փոքրաթիվ լրագրիկը ստաջիս պես նրա անմահութեւնն էին ազգարարում եւ ուսեցում պատմական ծառայութեւնները՝ արխիվային նյութերով համեմկելով իրենց հողվածները. նրա դիմանկարներն ամեն օր սպառարկում էին առաջին էջերում՝ ստեղծելով քարացած ժամանակի սպառարկություն. ամեն օր լրագրերում մենք տեսնում էինք նախ ցեղային, փառքի հինգ արեգակները ուսողիւրներին նույն համապիտար, ամեն օր մենք տեսնում էինք արժանապատուութեամբ լեզուն, գործնական ու փթթուն առողջութեամբ, թեեւ վաղուց կարգի էինք նրա տարիների հաշիվը, մարդու պատկերը: Լրագրիկն ամսերջ սպառարկում էին միեւնույն լուսանկարները, որոնցում նա բաց էր անում վաղուց ի վեր բացված հուշարձաններ, իրականում գոյութեւն չունեցող կոմունալ նշանակութեան ճեղարկութեւններ, նախազահում, իբր, երեկվա հանդիսավոր նիս-

տը, այնինչ այդ նիստը կայացել էր անցյալ դարում: Սակայն մենք գիտեինք, որ այս հարցում լրագրերը ստում էին, քանզի մարդկանց աչքին նա չէր երեւացել Լեոխիո Նասարենոյի ստակալի մահվան օրից ի վեր, երբ ամայի պալատում մնաց մեն-մենակ, իսկ պետական գործերն ընթանում էին իրենք իրենց, սովորույթի ուժով, որ ստեղծվել էր նրա անսահման իշխանության տարիներին: Մենք գիտեինք, որ ճգնափորի կյանք է վարում վերջնականապես բարձրիժողի շինության մեջ, որի լուսամուտից մենք խորին տիրությամբ նայեցինք մոտեցող երեկոյին, տեսանք, սկսվող մռայլ մթնշաղը - այս ամենին երկար-երկար տարիներ նայել էր եւ նա՝ բայց մի ընդհանրի գահին. մենք տեսանք փարոսի թարթվող լույսը, որը ցնորական կանաչ ալիքի նման, ժամանակ առ ժամանակ լուսավորում էր կիսավերակ սենյակները, նախարարությունների ցուցափեղկերի ջարդոտված ապակիներից այն կողմ տեսանք աղքատիկ բնակարանների աղոտ լամպերը. նախարարությունների սենյակները զավթել էին աղքատ մարդկանց հորդաները, անհաշիվ ցրկոններից էլի մեկից հետո, երբ նավահանպատային չրջանի բլրակներից ջնջվեց աղքատների խրճիթների հետքերը նույնիսկ, մենք տեսանք ներքեւում փռված, ծխապատ քաղաքը, անորսալի հորիզոնը, որ հայտնվում էր հարթավայրի մոխրավուն խառնարանների վրա բռնկվող կայծակների տակ. մի ժամանակ այդ հարթավայրում ճողփում էր հետապսում վաճառված ծովը, նրա բացակայությամբ այդ առաջին գիշերը մենք հանկարծ տեսանք անծայրածիր ողջ կայսրությունը, կայսրության տենդախտի լճերը, հեղձուկի գոլորչիների գարշահոտության մեջ ընկղմված, գետերի ճահճացած ճյուղաքերսաններում փռված գյուղերը, տեսանք սգահոթյան փշալարը, որ չրջափակել էր իրեն պատկանող գավառները, ուր արածում էին նոր, ընտիր ցեղից սերված կովերի անհամար նախիրներ. - այդ կովերը լույս աշխարհ էին գալիս ժուռանդական նշանով՝ պրեզիդենտի անձնական խորանով: Համեմատաբար վերջերս մենք դեռ հավատում էինք, որ նա իրոք ապրելու է մինչեւ գիսաստղի երրորդ հայտնություն (ոչ թի երկրորդ), եւ այս հավատը վստահություն էր ներշնչում, ապահովություն՝ վաղվա օրվա հանդեպ, թեև նրա տարիքի շուրջ մենք կատակում էինք ամեն առիթով, նրան էինք վերագրում հնագույն կրիաների սովորու-

խյունները, ծեր փղերի առանձնահատկությունները, պանդոկներում գվարճալի պատմություններ էինք պատմում, թե ինչպես մի անգամ, պետական խորհրդին հայտնեցին պրեզիդենտի մահը եւ յուրը նախարարները վախեցած իրար նայեցին, վախով հարցրեցին մեկմեկու՝ իսկ ո՞վ է այդ լուրը նրան զեկուցելու՝ Հա՛, Հա՛, Հա՛: Այդ ժամանակներում, սակայն, նրան դժվար թե հետաքրքրի այդ նորությունը, հագիվ թե կարողանար գլխի ընկնել՝ ճշմարտություն է ասվածը, թե՞ փողոցային տահկոս, որովհետեւ նրա ուղեղի սնդուկներում ոչինչ այլեւ չէր մնացել, բացի անցյալի մի քանի փալաս-փուլուտից: Անապատի ծառի պես մեծավոր, հայելու արտացոլանքի պես խուլ, նա մուսյլ առանձնասենյակներում քստքստացնում էր իր գաւառայւ, հարթաթաթ ուքերով, եւ սենյակներից մեկում մի օր նրա աչքին օսլայած կրծքակալով, սյուրթովը հագին մի մարդ երեւաց, որ իրեն տեսնելով սկսեց թափահարել սպիտակ թաշկինակը, իսկ ինքն ասաց. «Մնաք բարով»: Թյուրիմացությունը վերածվեց պարտադիր արարողություն. պայտի ծառայողները պարտավոր էին նրա յուրաքանչյուր հայտնվելուն պես ոտքի կանգնել եւ սպիտակ թաշկինակ թափահարել. «Մնաք բարով, իմ դիներալ, մնաք բարով»: Սակայն նա նրանց չէր լսում եւ, առհասարակ, ոչինչ չէր լսում Լետիսիո Նասարենոյի մահից ի վեր, սկսած այն օրից, երբ նրան թվաց, թե իր դայլայլող թռչնակների ձայնը խզվել է մշտական երգից, եւ նա կերակրում էր դրանց անձնական պաշարների մեղրով, հուսալով, թե մեղրը կօգնի. կոտուցների մեջ կանտորին էր կաթեցնում ենթադրելով, թե թռչնակներին անհրաժեշտ է կազդուրիչ այդ դեղամիջոցը, ու կաթեցնելով ինքն էր հրդում հին-հնագույն երգեր. «Օ, հունվարյան լուսին».- հրդում էր գլխի չընկնելով, որ բոլորովին էլ չէին խզվել թռչնակների ձայները, այդ իր լսողությունն էր ավելի ու ավելի թուլանում, իսկ մի գիշեր ականջներում հանկարծ ընդհատվեց մշտական բզզոցը, մի տեսակ փշուր-փշուր եղավ, չքվեց, վերածվեց բամբակ-օդի, որի միջով հագիվ էին թափանցում իշխանության մշուշում կորած երեւակայական նավերի հրաժեշտի ազդանշանները. նա լսել սկսեց հրեւակայական քամիների աղմուկը, թռչնահամերգը նրա ներսում էր, թռչնակները երգում էին նրա հոգում, եւ հոգու այդ երգիչները, ի վերջո, սփռեցին նրան իրական թռչուն-

ների լուսթյան խուլ անդունդում. փոքրաթիվ այն մարդիկ, որոնց թուլյատրվում էր այդ օրերին կառավարական տուն մտնել, տեսնում էին նրան Հյուսիսն ճոճ-բազկաթոռին նստած, կենդանի ծաղիկներով ծածկի տակ, որտեղ անց էր կացնում ամենաչոզ ժամերը՝ սկսած ցերեկվա ժամը երկուսից. նա արձակում էր բաճկոնակը, վրայից հանում թուրն ու երկգույն, ինչպես հայրենիքի դրոշմ, գոտին, սապոգներն էր հանում եւ մնում ալ գուլպաներով - այդ գուլպաներից նա ուներ տասներկու դյուժին, որ գործել էին Հոսմի պապի լավագույն գուլպայագործները եւ պապն էլ Հենց դրանք ընծա էր ուղարկել. նա նստում էր իր ճոճ-բազկաթոռին եւ կեսօրն-կեսարթուն տեսնում, թե ինչպես են պալատամերձ դպրոցի աղջիկները բարձրանում ետեւի, ոչ այնքան աչալուրջ հսկվող պարիսպը եւ նայում իրեն. իսկ ինքն անշարժ է, իր անբուն նինջի մեջ, գունատ, քունքերին բուժիչ բույսերի տերեւներ. կենդանի ծաղիկներով ծածկի ճղակներից լույսի դեղին բծերն ընկնում էին նրա վրա, դարձնում յագուարի գույնի, իսկ նրա բերանը բաց էր, ինչպես մանտերարայի բերանն է բացվում, երբ ծովային այդ սատանան երանութունն է վայելում ծովի հատակում: «Մեր քավթառ», - ձեռք էին առնում նրան աղջիկները, իսկ նա նայում էր նրանց շոգի թրթռացող շղարչի միջից, ժպտում ու ձեռքով ողջունում նրանց, բայց չէր լսում ձայները, ինչպես եւ չէր լսում ճոճիկների լուսավոր որոտը, չէր զգում ոչինչ, բացի լուսատիղմի հոտից, որ բերում էր ծովի ցփոնը, եւ շարժում ոտնամատերը, երբ կտցահարում էին հավերը: Իրական աշխարհի հետ նրա կապը պահպանվում էր ամենանվիրական հիշողութունների մաշված մի քանի պատառիկների միջոցով, սոսկ այդ հիշողութունների շնորհիվ էր նա ապրում, շարունակում ապրել, երբ հեռացավ պետական բոլոր գործերից եւ պարզապես ճախրում էր իշխանության երկնքում, սոսկ այդ հիշողութուններն էին օգնում նրան դիմագրավել ծերության մահացու քամիներին, երբ իրիկունները չըջում էր ամայի, դատարկ պալատում, թաքնվում խուլ առանձնասենյակներում, որտեղ ձեռքն ընկած գեկուցագրերից կտրում էր մաքուր լուսանցքները եւ իր նրբագեղ ձեռագրով, այդ նեղ շերտիկների վրա գրի առնում իրեն մահից փրկող նույն այդ հիշողութունները: Մի գիշեր նա գրեց. «Ինձ անվանում են Սաքարիաս», հետո կարդաց գրածը

Փարոսի թարթվող լույսի տակ, փերակարդաց, եւս մի անգամ կարգաց, չորսուրդ, Հինգերորդ, Հարյուրերորդ անգամ կարգաց եւ այսրան անգամ կրկնված իր անունը թվաց հեռու, օտարուտի, անծանոթի: «Վո՞ ինչի՞ն է պետք,- Հարցրեց ինքն իրեն ու պատաստեց թղթի շերտիկը:- Ես՝ ես չեմ»: Նա մի ուրիշ շերտիկ վերցրեց եւ վրան գրեց, որ ինքը Հարյուր տարեկան դարձավ գիտաստղի երկրորդ Հայանության տարին, թեեւ արդեն չէր Հիշում երբ եւ քանի անգամ էր տեսել գիտաստղը. մյուս հրկար շերտիկի վրա նա գրեց. «Փառք ու պատիվ պատվո դաշտում վիրավորվածին, փառք ու պատիվ զավթիչների ձեռքով ընկած քաջարի գինվորներին», - այս գրատուումը վերաբերում էր այն ժամանակաշրջանին, որի մասին կտրիկի էր գրել ազատորեն, միայն թե գրվելիքը Համապատասխաներ նրա մտածումներին: Հետո նա սովորաթղթի մի կտորի վրա գրեց. «Առգելվում է զուգառանում զբաղվել պիղծ գոծեռով» - գնաց եւ գնդասեղով պետքարանի դռանը ամրացրեց սովորաթուղթը,- վերջերս բացարձակապես պատահականորեն նա պետրարանում բռնեցրել էր բարձրաստիճան մի սպայի ձեռնաչարժուխյամը գրադվելիս,- ետ դարձավ եւ շարունակեց թղթի նեղ շերտիկների վրա գրի առնել այն ամենը, ինչ դեռեւս Հիշում էր: «Լետիտա Նասարենոն,- գրեց նա,- իմ միակ եւ օրինական կինն է»: Լետիտա Նասարենոն էր, որ նրան կարգալ-գրել սովորեցրեց, երբ գեներալի արդեն անհուշալի ծեր էր, եւ Հիմա նա ջանք էր թափում Հիշողության մեջ արթնացնել կնոջ կերպարը, ճգնում էր պատկերացնել նրան Հանդեսներում, ազգային դրոշի պես երկգույն մետաքսե հովանոցով, սեւագորշ աղվեսենու օձիքով,- սրանով էր գտնապանվում երկրի առաջին տիկինը մնացյալներից,- բայց տեսնում էր միայն մերկ վիճակում, մժղուկներից պաշտպանող չլարչի տակ պառկած, կեսօրվա շոգից հետո, սպիտակ լույսի մեջ. նա Հիշեց էյեկտրական հովհարի բզզացող պաղությունից զոփացող նրա փափուկ, ճերմակ մարմնի խաղաղ թխիկությունը, զգաց ստինքների առաձգականությունը, անսանձ ձեռքերը, թիտատակերի կծու քրտնահոտը, որից կաթն էր կտրվում, ժանգոտում էր ոսկին եւ թառամում էին ծաղիկները, բայց եւ ի՞նչ հրաշալի էին այդ ձեռքերը սիրո մեջ: Լետիտա Նասարենոյին Հաջողվեց անհնարինը. սիրո Հանդիպումներին նա ստիպեց գեներալին



Հանել Հագուատը: «Հապա Հանիր սապոգներդ,- ասում էր նա,- թե չէ կկեղտոտես Հոլանդական սավաններս», - և նա Հանում էր: «Հապա Հանիր լծասարքդ, թե չէ կուրծքս կպատառոտես քո ճարմանդներով», - և նա Հանում էր: «Հապա Հանիր թուրդ, կալանդդ, գուլպաներդ, Հանիր ամեն ինչդ, կյա՛նքս, որպեսզի ես զգամ քեզ», - և նա Հանում էր վրայից ամեն ինչը, մի բան, որ չէր արել երբեք և չարեց Հետագայում, Լեոխիա Նասարենոյից Հետո և ոչ մի կնոջ Հետ պառկելիս: «Իմ միակ և իսկական սեր», - Հառաչեց նա ու իր Հառաչանքները գրի առավ դեղնած թղթի նեղ շերտիկների վրա, որ կտրատել էր Նոյի տարվա գեկուցագրերից: Նա գալարում էր այդ շերտիկները սիգարների պես և թաքցնում պալատի այս ու այն ճեղքում, ամենաձածով տեղերում, որտեղից, ցանկության դեպքում միայն ինքը կարող էր Հանել, երբ ուզենար Հիշել, թե ում է վերաբերում Հուշը, երբ ինքն այլևս ոչինչ չէր Հիշելու. այդ գրությունները ոչ ոք չՀայտնաբերեց, դրանք մնացին իրենց թաքստոցներում, իսկ ահա Լեոխիա Նասարենոյի պատկերը դուրս լողաց նրա Հիշողության առվակով և միայն մեն-միակ Հուշ մնաց նրա գլխում. մոր՝ Բենդիսին Ալվարադոյի Հուշն էր, նրա վերջին օրերի Հուշը. նա մեռավ իր մենատանը, ճոճ-բազկաթոռին նստած, հոնաբակի կանաչի մեջ, եզրպատացորենի Հատիկները ավստի մեջ շրջեցնելով, Հավերին մոտ կանչելով, որպեսզի որդին գլխի չընկներ, որ մեռնում է ինքը: Նա Հիշեց իրեն մրգաջուր բերող մորը, երբ ինքը փռվում էր տամարինդների սովորի տակ կապված ճոճի մեջ. նա էր բերում, որպեսզի որդուն ցույց չաար, որ Հազիվ է շնչում ցավից. Հիշում էր առանց որեւէ մեկի օգնության, առանց որեւէ մեկի մասնակցության իրենով Հղիացած մորը, որը այդպես մենակ ու միայնության մեջ էլ ծննդաբերել էր իրեն. Հիշեց, թե ինչպես էր նա անտրտունջ Հյուծվում, մինչև որ տառապանքը Հասավ անտանելիության սահմանին և միայն այդ ժամանակ նա կարողացավ Հաղթահարել ինքն իրեն, իր բնությունը և աղաչեց որդուն. «Հապա նայիր թիկունքիս, տես ինչ է կատարվում այնտեղ, տես, թե ինչո՞ւ է այդպես այրվում, դիմանայ չի լինու՞մ»: Նա Հանեց շապիկը և որդուն դարձավ թիկունքով, և սարսափից կարկամած որդին մոր թիկունքին տեսավ լայն, գարշահոտ, թաքստակալած խոցեր, իսկ թարախի մեջ որդեր էին խլրտում:

Դրանք վատ ժամանակներ էին, իմ գեներալ, այդ օրերին չկար պիտական որեւէ գաղտնիք, որ չընկներ Հասարակության բերանը, արձակված ոչ մի հրաման չէր կատարվում անշեղորհին: Ամեն ինչ կարգավորվեց այն օրից հետո, երբ տոնական սեղանին, որպես ընտիր կիրակրատեսակ, տապակված գեներալ Ռոզերիգո դե Ագիլարը մատուցվեց: Սակայն դա չէր հոգսը, դա չէր անհանգստացնողը: Պետական հոգսերը ոչ մի նշանակություն չունեին այն դառը ամիսներին, երբ Բենդիսիոն Ալվարադոն մոխրանում էր հիվանդության դանդաղ կրակի վրա՝ որդու ննջարանին կից մի սենյակում, որտեղ նրան պառկեցրին ասիական հիվանդություններին համեմատաբար գիտակ բժիշկների եզրակացությունից հետո. նրանք պարզեցին, որ հիվանդությունը ոչ ժանտախտ է, ոչ քոս, ոչ բորոտություն եւ ոչ էլ արեւելյան մի ուրիշ ցավ, այլ արդյունք է Հնդկական ինչ-որ կախարդության, ուրեմն, ապաքինել կարող է միայն նա, ով կախարդել է: Նա հասկացավ, որ փրկություն չկա եւ ոտքից գլուխ նվիրվեց մորը, փակվեց նրա հետ նույն սենյակում, խնամում էր նրան մայրական անձնագոհությամբ. նա համաձայն էր ինքն էլ նեխել, միայն թե ոչ ոք չտեսներ, թե ինչպես են մորը ողջ-ողջ ուտում որդերը. նա հրամայեց պալատ բերել մոր հավիրը, սիրամարգերը, մոր ներկած բոլոր թուչունները եւ թույլատրեց դրանց շրջել, թռչել ամենուր, միայն թե մայրը չկարոտեր գեղջկական իր սովորություններին, իր տանը, իր բակին. նա ինքն էր վառում սենյակում բուրումնավետ բիսա ծառի ճյուղերը, որպեսզի ոչ ոք չզգար մոր մարմնից արձակվող քայքայման գարշահոտը. տարբեր քսուքներով նա ինքն էր օծում մոր մարմինը, որ քսուքների գույներին համեմատ կարմիր էր լինում, դեղին, կապույտ. նա փորձեց մորը բուժել թուրքական բալասանով, թեեւ առարկում էր առողջապահության նախարարը, որն ուղղակի սոսկում էր կախարդություններից. «Սատանան նրա հետ, մայր,- ասում էր նա,- վատ չէր լինի, որ երկուսով էլ մեռնեինք»: Բայց Բենդիսիոն Ալվարադոն գիտակցում էր, որ մեռնողն ինքն է միայն, եւ շտապեց որդուն տեղյակ պահել իր եւ, ուրեմն, որդու անցյալի գաղտնիքներին. նա իր հետ գերեզման չէր ուզում տանել այդ գաղտնիքները, ուստի պատմեց որդուն, թե ինչպես է ինքը անհաշիվ անցորդների մեջ ցանկացիլ պարզել, թե ով է երեխայի հայրը, հղիանալու պատ-

մությունը արեց - կանգնած է եղել, նույնիսկ զլխարկը պխին, որովհետեւ իրեն բզկտում էին կապույտ, մետաղական երանգով ճանճերը, որ բուն էին դրել եղեգնօղու տիկերի մոտ, պանդուկի հունասենյակում: Նա պատմեց, որ ծննդաբերել է ժամկետից շուտ, օգտատույան մի առավոտ, կուսանոցի դարպասի-կամարների տակ, եւ խորդենիների աղոտ լուսավորվածության մեջ նկատել է, որ նորածնի աջ ձկիկը խոշոր է, թզի չափ. «Պու լալիս էիր, արտասուք թափում, իսկ շնչառությունդ այնպիսին էր, կարծես կրծքիդ ներսում պարկապզուկ էր հեկեկում...»: Շուկայի օրերին նա որդու հետ հրապարակ էր գալիս, արձակում մանկան բարուրի շորերը, որ նվիրել էին կուսանոցի միանձնուհիները, եւ մերկ հրեխային ցույց տալիս մարդկանց՝ հուսալով, թե կգտնվի մեկը, ով հուսալի ու էփան մի դեղ կհուշի ճողվածքի, ռախտի եւ այլանդակ կազմվածքի դեմ: Նրան ասացին, որ ամենալավ միջոցը մեղրն է, ասացին՝ ճակատագրին հակառակվել պետք չէ, ասացին՝ երբ մեծանա, ամեն ինչ էլ ձեռքից կգա, միայն փողային գործիքներ չի կարող փչել, եւ ոչ ոք մի կարգին ուշադրություն էլ չդարձրեց մանկանը, մինչեւ զավեշտախաղի մի գուշակուհի պխի չընկավ. «Նրա ձեռքի ափում, ախր, կյանքի գիծ չկա, իսկ դա նշանակում է, որ թույլավոր է դառնալու»: «Տեսա՞ր, նա չսխալվեց, զավակ», - ասաց Բենդիսին Ալվարադոն, իսկ նա աղաչում էր, որ մայրը քնի, այլեւ չքչփորի անցյալը, ինքն իրեն համոզելով, որ հայրենիքի գրավոր պատմությունից այս բոլոր շեղումները մեռնողի գառացանքներ են եւ ուրիշ ոչինչ: Նա աղաչում էր մորը քնել եւ փաթաթում նրան ոտքից գլուխ վուշե կտավի սավանով - նա հրամայել էր որքան հնարավոր էր շատ կարել այդ նուրբ ու փափուկ սավաններից, որոնց հյուսվածքը չէր գրգռում մարմնի խոցերը: Նա օրոր էր ասում, մինչեւ մայրը կողքի ընկած, ձեռքը սրտին սեղմած քուն էր մտնում. «Այ, այսպես, քնիր, մայր: Եվ չարժե հիշել անցած դառնությունները: Ինչ էլ եղած լինի. ես չե՞ որ ես եմ»: Նա ջանում էր այնպես անել, որ պալատի պատերից այն կողմ ոչ ոք չիմանա, թե ինչպես է ողջ-ողջ փտում հայրենիքի մեծ մայրը. կառավարական պաշտոնական օրգանները հիվանդության վերաբերյալ կեղծ հաղորդագրություններ էին հրապարակում, որ հրապարակավ կարդում էին մուսետիկները, սակայն իսկական հիվանդության բոլմն

անհնար էր խլացնել: Մոլենետիկներն իրենք էին հերթական հաղորդագրությունը կարգալուց հետո հաստատում, որ մեռնողի սենյակից փչող քայքայման գարշահոտն այնպես անտանելի է դարձել, որ փախչում են նույնիսկ բորոտները: Նրանք հաստատում էին այն լուրերը, թե մեռնողին լողացնում են հենց նոր մորթած ոչխարների թարմ արյունով, թե այն սավանները, որ հավաքում են նրա տակից, չեն լվացվում, մնում են շարավի շերտով պատված՝ որքան էլ փորձեն եռացնել: Նրանք ասում էին, որ պրեզիդենտը չի երեւում այլեւս ոչ Ֆերմայում, ոչ Հարճերի մոտ, որոնց, ի դեպ, նա տեսակցում էր նույնիսկ ամենածանր օրերին, պատմում էին, որ ինքը՝ արքեպիսկոպոսն է պալատ այցելել՝ մահամերձին անձամբ խոստովանեցնելու առաջարկությունը, սակայն պրեզիդենտը վռնդել է նրան. «Մենք մահամերձ չունենք, սուրբ հայր: Ամեն խոսքին չեն հավատա»: Նա ուտում էր մոր հետ նույն ափսեից, նույն գլխով, ուչք չդարձնելով սենյակը բռնած ժանտախտային բարաքի հրեշավոր հոտը. նա մորը լողացնում էր ամենաազնվացեղ շան ճարպից եփված օճառով եւ նրա սիրտը ճաքում էր խղճահարությունից, երբ լսում էր մոր հրահանգները, թե իր մահից հետո ինչպես պետք է խնամել կենդանիներին: Չայնի վերջին լարերը կտրատվեցին, երբ ասաց. «Սիրամարգերից չհամարձակվեք փետուրներ հանել գլխարկների համար...» - «Լավ, մայր», - պատասխանեց որդին, շարունակելով օճել մոր մարմինը կպրե քսուքով: «Թռչուններին մի ստիպեք երգել տոն օրերին...» - «Լավ, մայր», - խոստացավ նա եւ մորը փաթաթեց մաքուր սավանով: «Փոթորկից առաջ թխականներին դուրս բերեք բներից, թե չէ բասիլիկոսներ կենեն ձկներից...» - «Լավ, մայր, - ասաց նա եւ ձեռքը սրտին սեղմեց: - Քնիր, քնիր»: Նա համբուրեց մոր ճակատը, պառկեց մահճակալի մոտ, հատակին, բերանքսիվայր, ակամջ դնելով մոր քնին, նրա անվերջանալի զառանցանքին, որ մոտալուռ մահվան շնչից ավելի ու ավելի անիմաստ էր դառնում: Այդ գիշերների ընթացքում կուտակված կատաղությունը նրան օգնեց խեղդելու վշտալի երկուշաբթի օրվա ծնած կատաղությունը. նա արթնացել էր նախալուսաբացի սոսկալի լուսթյունից, արթնացել էր, որովհետեւ մայրը, նրա հարազատ Բենդիսիոն Ալվարադոն դադարել էր շնչելուց: Նա ոտքի ելավ ու բաց արեց սավանը, որի մեջ փաթաթ-

ված էր մոր գարշահոտ մարմինը, եւ լսելով աքաղաղների առաջին կանչերը, վաղ լուսաբացի գորշ լուսավորութեան մեջ տեսաւ, որ սավանի վրա դաջվել է մոր մարմնի պատկերը, մոր զարմանահարաշ պատճենը, որովհետեւ սավանին պատկերվել էր առողջ եւ ոչ ծեր կնոջ մարմինը, եւ միեւնույն ժամանակ դա իր մայրն էր՝ թեք ընկած, ձեռքը կրծքին սեղմած Բենդիսիոն Ալվարադոն. համանման մի դաջվածք էլ սավանի մյուս երեսին էր՝ թանձր ու հարթ, սսես յուզաներկով նկարված լիներ, եւ ոչ թե գարշահոտութուն էր արձակվում հրաշք պատկերով այդ սավանից, այլ թարմ, նուրբ ծաղիկների բույր, որ մաքրել էր սենյակի գեշ, հիվանդանոցային հեղձուկ օդը. հետո որքան էլ սողայի ջրով եռացրին սավանը, որքան էլ արտրիցին ամեն տեսակի օճառներով, միեւնույն է, պատկերը մնաց անփոփոխ երկու երեսներին էլ - պատկերը դարձել էր հյուսվածքի մասը, վերածվել հավերժական կտավին հանձնված հավերժական նկարի: Այդ պահերին, սակայն, խեղճ որդին չէր գիտակցում հրաշքի ողջ խորութիւնը, իմաստը, նա համակված էր գայրույթով ու կատաղութեամբ մահվան դեմ, եւ թողեց մոր սենյակը դուռը շրխկացնելով - հարվածը թնդանոթի կրակոցի պես հնչեց եւ տարածվեց պայտսոտ մ: Եվ նույն պահին էլ տաճարի զանգերի հուղարկավորման վնգոցը լավեց, երկրի մնացած բոլոր եկեղեցիների սգո վանգահարութիւնը - զանգերը զողանջեցին հարյուր օր շարունակ, առանց դադարի: Բայց առաջին զարկերը լսելուց արդեն մարդիկ սարսափով հասկացան, որ նա կրկին իր անբաժանելի իշխանութեան հետ է, որ մահվան դիմաց կարծես թուլացած նրա անըմբռնելի սիրտը կրկին դաժանանում է արթնացող բանականութեան ու մարդկային արժանապատուութեան դեմ, այս անգամ այն պատճառով, որ մայրը, անմոռանալի Բենդիսիոն Ալվարադոն էր վախճանվել. փետրվարի քսաներեքն էր, երկուշաբթի վաղ առավոտյան:

Բենդիսիոն Ալվարադոյի մահով երկիրը թեւակոխեց խառը, անհանգիստ նոր մի դար: Մեզանից ոչ մեկն այնքան տարեց չէր, որ հիշեր այդ մահը, բայց հուղարկավորման պատմութիւնը հասել է մինչեւ մեր օրերը: Մինք գիտեինք, որ պրեզիդենտն այլեւս երբեք չդարձաւ այնպիսին, ինչպիսին էր մինչեւ մոր մահը, մոռացութեան տակեց նախկին ապրելակերպը: Ոչ միայն սգի հարյուր օ-

րի ընթացքում, այլև հետագայում էլ ոչ ոք չհամարձակվեց խանգարել որբի նրա քուռը, ոչ ոք չհամարձակվեց անհանգստացնել նրան, եւ ինքն էլ ոչ մեկի աչքին չէր երեւում վշտի այդ մենատանում. թախիծի մեջ ընկղմված այդ պայատու, որտեղ ընդմիջաքարացել էր հուղարկավորման զանգահարութեան արձագանքը, որտեղ ժամացույցները միայն մի ժամ էին ցույց տալիս՝ Բենդիսին Ալվարադոյի մահվան ժամը, որտեղ բոլոր խոսում էին ծանր հառաչելով, պահակախումբը քայլում էր ոտաբոբիկ, ինչպես վարչակարգի սուաջին տարիներին, եւ միայն հավերին էր տրված անսահման ազատութուն այդ տանը, որտեղ միապետի կամոք արգելված էր կյանքի որեւէ շարժում, իսկ միապետը վերածվել էր մարդասոյաց-անտեսանելիի, որի սիրտը վշտից ու անզորութեանից արյունաքամ էր լինում, երբ թեպիով ու սառցակտորներով (որպեսզի մահը կյանքից սովելի չքայքայեր) մոր դագաղը բազմել էր հուղարկավորման հանդիսավոր թափորի ուսերին. հանգուցյալին տանում էին հարազատ սարահարթի ու երկրի հեռավոր ու անհայտ անկյունը, որպեսզի ամեն ոք պատիվ ունենար հարգելու նրա հիշատակը: Ամենուր սգո դրոշներ էին ծփծփում. սարահարթի կիսակայարաններում դագաղը թախծալի դիմավորում էին նույն այն ամբոխները, որոնք ժամանակին պրեզիդենտական գնացքն էին դիմավորել. դագաղը հասցրեցին կուսանոց, որի կամարների տակ թռչնավաճառ անհայտ կինը, բոլոր ժամանակների սկզբում, ծնեց օրսպակաւ իր որդուն, որը թագաւոր դարձավ - այդ սուրբ դարպասները փրջին հարյուր տարվա մեջ առաջին անգամ բացվեցին: Հեծյալ զինվորները շուրջկալներ կազմեցին, հնդկացիներին, անկամ անասունների պես, քշեցին դեպի տաճարի դռները, ներս խցկեցին խզակոթի հարվածներով, իսկ ներսում, որտեղ մարդկանց կաշկանդում էր սպակենկարների սառցե արեւը, ալ հագած ինը եպիսկոպոսներ հանգուցյալի հոգու համար պատարագ էին կարդում, երգչախումբը «Սրբերի հետ հանդատացիր» էր երգում, իսկ տաճարի պատերից դուրս անձրեւը ջրում էր ճիշտ նույն խորդներին, որ անում էր արքայացու. սղալի ծնվելու ժամանակ. կուսանոցի միանձնուհիները զինի էին վաճառում եւ կուտյու, խոզի մասներ, տերսոյորմյաներ, սուրբ ջրի սնոթներ. առեւտուրն ընթանում էր բոլոր ետնաբակերի քարե կամարների տակ,

գյուղական պանդոկներում երաժշտությունն էր հնչում, մուտքերի մոտ պարում էին, սկսվում էր հավիրժական կիրակին, սկսվում էր տարիներով հետաձգված տոնակատարությունը - այդ տոնը շարժվում էր ճիշտ նույն ծածուկ արահետներով ու հավերժական մշուշով պատված ձորերով, սրանցով անցել էր Բենդիսիոն Ալվարադոն ֆեդերացիայի համար պայքարից արքած որդու ետեւից: Այդ նա էր պահպանում որդուն ճակատամարտերի ժամանակ, այդ նա խույլ չափեց ջորիներին սրտել սրդուն, երբ գետնին էր ընկել տերսիանի՝ ջերմ զառանցանքի մեջ, նա վարժեցրեց նրան ճանաչել սարահարթի բնակիչներին դարանակալող վտանգները՝ անհասկանալի ու օտար ծովի ափերին. նա վախենում էր փոխարքաների հուշարձաններից, բոլոր հուշարձաններից առհասարակ, վախենում էր խեցգետիններից, որովհետեւ կարծում էր, թե դրանք նորածինների արցունք են խմում. նա ոտքից գլուխ դողում էր վախից, սարսուռւմ իշխանության տան տեսքից, պրեզիդենտական պալատի վիթխարիության առաջ. անձրեւի շղարչի միջից առաջին անգամ տեսնելով որդուն վճռական գրոհի գիշերը, չէր ենթադրում, որ իրեն վիճակված է մեռնել այդ տանը, ուր հիմա որդին էր, որտեղ նա տառապում էր կորուստի ցավից՝ բերանքսիվայր հատակին պռուկած եւ անզոր կատաղության մեջ ինքն իրեն հարցնելով. «Որտե՞ղ ես կորել մայր գրողը տանի ուր ես չքվել ճահճուտի ո՞ր թվուտներում ես մոլորվել ո՞վ է քո դեմքից հիմա քշում ճանճերին»: Նա ծանր տնքում էր, իսպառ ուժասպառվում, իսկ Բենդիսիոն Ալվարադոն այդ նույն ժամանակ լողում էր չինարի տերեւներով ամպհոփանու տակ, լողում էր իր դագաղով, թափորի ուսերին բազմած, անցնում վարչահոտ գոլորչիներ արձակող ճահճի միջով, լողում էր, որպեսզի հետո դրվեր մեկ գյուղական դպրոցում, մեկ այն անապատային բարաքում, որտեղ սեյխտրա են արդյունահանում, մեկ հնդկական գյուղակում. նրա աճյուռնով դագաղը տանում էին գյուղերի լավագույն տները եւ կողքին դնում հին ժամանակների նրա դիմանկարները: Զահել տարիների մի նկարում նա գեղեցիկ էր, զուգված, որովհետեւ այդ օրը քող էր գցել գլխին եւ ժանյակավոր գոլա հագել, թեեւ կամքից անկախ, իրեն թույլ էր տվել շպարվել ու ներկել շրթները,- միակ անգամը կյան-

\* Տիրսիան - տենդախոտ, որի նուպաները կրկնվում են երեք օրը մեկ:

քում,- եւ ձեռքն առել վարդակակաչ, իսկ իրեն ասում էին. «Մադիկն այդպէս մի բռնեք, սենյորա, այլ՝ այսպէս: Թույլ տվեք, որ անփութորեն փնջի մեջ ընկնի» - եւ այդ դիրքով նրան նկարեց վենետիկցի լուսանկարիչը, որ նկարահանում էր եվրոպական միապետներին, եւ այդ վենետիկցին նկարեց նաեւ պետութեան առաջին տիկնոջ այս դիմանկարը, որ հիմա ցուցադրում էին դադադի Հետ, որպէս անհերքելի ապացույց այն բանի, որ դադադում պառկածը Հենց ինքն էր՝ Բենդիսիոն Ալվարադոն. յուրաքանչյուր ոք կարող էր տեսնել լուսանկարի եւ Հանդուցյալի դիմաւորների բացարձակ նմանութիւնը: Քանզի նախատեսված էր ամեն բան, խնամքով մշակում էին մարմինը, ըստ անհրաժեշտութեան նորոգում կոսմետիկայի եւ պարաֆինի շերտերը, անձրեւային եղանակներին Հանդուցյալի աչքի խոռոչներից հեռացնում էին բորբոսը, բանակի դերձակներն այնպէս էին հոգում շրջազգեստի խնդիրը, որ թվում էր, հրեկ էին հագցրել, Հենց նրանք էլ Հետեւում էին նարնջենու ծաղիկներով պսակի թարմութեանը եւ իր կյանքում այդպէս էլ չվայելած անարատ կույսի հարսնաքողի ճերմակութեանը. «Կուրքապաշտութեան այս բողանոցում թող որեւէ մեկը համարձակվի ասել, թե դու նման չես քո դիմանկարին, մայր: Թող որեւէ մեկը համարձակվի կասկածել»: Եվ ոչ ոք չհամարձակվեց կասկածել, ինչպէս եւ ոչ մեկը չհամարձակվեց մոռանալ, թե ում է պատկանում իշխանութիւնը. պատկանում էր, պատկանելու էր դար ու դարեր՝ թե այստեղ, թե այնտեղ, թե ամենուր, ընդհուպ մինչեւ ճահճացած անտառների խղճուկ գլուղակները: Այս խուլ, մոռացութեան գիրկն ընկած վայրերում էլ Հենց մի անգամ, կեսգիշերին, հայտնվեց նոյի տարվա անվավոր շոգենալը, թիբրով չրմփացրեց ջրերը, առկայծեց տախտակամածի կրակներով, իսկ մարդիկ ամից դիմավորում էին գատկվա թմբուկներով, կարծելով, թե ետ էին եկել Հին, փառավոր ժամանակները: «Կեցցե իսկական տղամարդը,- Հնչում էին ձայներ:- Օրհնյալ է նա, ով վերադառնում է Հանուն ճշմարտութեան»: Եվ մարդիկ լող տալով դեպի շոգենալն էին շտապում, տանելով իրենց Հետ հավուճիվ ու հյութեղ պտուղներ: Փայտե, զարդաքանդակված բազրիքները լոք տալով նրանք տախտակամած ելան, որպէսզի իշխանութեան ոտքերի առաջ դնեին ընծաները, բայց նրանց հրեցին դեպի դադադը: Եվ



կրտսեր ցեղիված քարայրյան դազաղի մոտ, նայելով քարաղին ու ստույակտորներին, որոնցով ծածկված էր դազաղը, իսկ դազաղը, բազմակի խոշորացած, արտացոլվում էր հրաշալիք հայելիներում, որ հասարակական դիտման համար հարմարեցված էին պրեզիդենտական խցիկի մեջտեղում եւ պտտվում էին Հնադարյան հովհարի թեւերի օգնութեամբ: Շատ ամիսներ լողաց այդ հին դրոսանավը հասարակածի լայնութիւններում, անցավ Հոսանքից մաշվող, վազանցիկ կղզիների մոտով, մինչեւ մոլորվեց անհաշիվ վտակների ջրիմուռային մղձավանջում. այստեղ ժամանակ չկար, այստեղ գարդենիայի ծաղիկները բանական էին, իսկ իգուանները՝ թեւավոր, եւ, ահա, այստեղ, աշխարհի ծայրին, շոգենավը ծանծաղուտ խրվեց, նրա անխիփ փայտե թիակները քերեցին ոսկերեր ավաղը. անխիները ջարդվեցին, շոգենավը կիսով չափ ընկղմվեց, սառցակտորները հալվեցին, քարաղը լուծվեց, հանգուցյալի մարմինը փքվեց դազաղում եւ սկսեց լողալ թեփի շփոթում. «Եվ Հենց այդ ժամանակ կատարվեց հրաշքը, իմ գեներալ: Հենց այդ ժամանակ մենք տեսանք, որ նա բացեց աչքերը, եւ դրանք պսպղում էին ինչպես ակոնիտի ծաղիկները հունվարին, ինչպես լուսնաքար, իմ գեներալ: Նույնիսկ ամենամահափայտները տեսան, թե ինչպես նրա շնչառութիւնից քրտնեց դազաղի ապակյա կափարիչը, եւ թե ինչպես նա ժպտաց: Դուք չեք կարող պատկերացնել, թե ի՞նչ կատարվեց այնտեղ, իմ գեներալ, ի՞նչ կատարվեց: Մենք մեր սեփական աչքերով տեսանք, թե ինչպես հղիացան ի բնե անպտուղ ջորիները, սեյխտրայի վրա ծաղիկներ բուսանցին, տեսանք խուլ ու համրերի, որոնք կրկին խուլ ու համր դարձան իրենց իսկ ձայներից ցնցված: «Հրա՛ջք, հրա՛ջք, հրա՛ջք»,- ճշում էին քիչ առաջվա խուլ ու համրերը, մարդիկ ջարդուփշուր արեցին դազաղի ապակյա կափարիչը եւ քիչ մնաց պատահուտեին հանգուցյալի մարմինը, քանզի յուրաքանչյուրը ձգտում էր ստանալ որեւէ մասունք, այնպես որ՝ հարկ եղավ գրենադավորների գումարտակ ուղարկել, եւ սրանք մեծ դժվարութեամբ կարողացան ետ մղել խելակորույս մարդկանց ամբոխը: Մարդիկ խուճք-խուճք շոգենավին էին հասնում Կարիբյան բոլոր կղզիներից, սերմի պես ցրիվ եկած, ծովով, գալիս էին հա գալիս՝ հմայված այն լուրով, թե ձեր մայրիկի՝ Բենդիսիոն Ալվարադոյի հոգին աստված օժտել է բնութեան օրենքնե-

րին հակադրվելու ունակությամբ: Այդ մարդկանց վաճառում էին ձեր մայրիկի պատանքի թելերը, վաճառում էին պատանքից կարված խնկանոթներ, դապաղի ջուրը, թագուհու սուրբ դեմքով նրա թղթե սրբապատկերները, իսկ մարդիկ գալիս էին հա գալիս, իրարանցումը հասավ հրեշավոր չափերի. կարծես ոչ թե մարդիկ, այլ անասնձ ցուլերի նախրի կուտակում էր, որ ամբակներով ոչնչացնում էր ինչ պատահեր ճանապարհին եւ որոտում երկրաշարժի նման: Դուք այդ որոտը հիմա էլ կարող եք լսել, իմ գեներալ, այստեղից, եթե մի լավ ականջ դնեք»: Եվ նա ձեռքի ափը շերեփ սարքած դրեց ականջին, որի մեջ այդ օրերին պակասել էր բզզոցը, սեւեռվեց եւ. «Օ՛ մայր իմ Բենդիսիոն Ալվարադո», - լսեց անվերջանալի որոտման գլխոցը, իսկ հետո տեսավ մինչեւ Հորիզոնն ընկած տարածությունը բռնած հսկայական ամբոխի քլթքլթացող ճահիճը, տեսավ վառվող մոմերի լավան, որ քաղաք էր սողում ինչպես վրա հասնող նոր օր, բոցավառվելով ավելի պայծառ, քան իսկական օրվա լուսավոր ցերեկը. այդ իր մայրը, իր հոգուկտոր մայր Բենդիսիոն Ալվարադոն էր վերադառնում քաղաք, որից միշտ սարսափում էր, որտեղ նրան անհանգստացնում էին սարահարթի նախկին բնակչուհու հին վախերը: Նա մտավ այդ քաղաքը ճիշտ այնպես, ինչպես մտել էր առաջին անգամ՝ ամբոխի ուսին, բայց այն ժամանակ դա կատարվում էր պատերազմի խելացնոր անդունդներում, ամեն ինչ այն ժամանակ մարտերի հում մսի հոտ էր արձակում, իսկ հիմա Բենդիսիոն Ալվարադոյին քաղաք էին բերում խաղաղ ամբոխները, եւ հիմա նա վախենալու հիմք չուներ, որովհետեւ նրա որդին հրամայել էր դպրոցական դասագրքերից պատուել փոխարքաներին վերաբերող էջերը, հրամայել էր քարուքանդ անել նրանց հուշարձանները. «Եվ առհասարակ բոլոր հուշարձանները որ անհանգստացնում էին քո քունը մայր»: Նա վախենալու հիմք չուներ, նա բաղմն էր խաղաղ ամբոխների ուսերին, առանց դապաղի, ազատ, բաց երկնքի տակ, բայց չնայած տանում էին առանց դապաղի, չէր երեւում այնքան շատ էին նվերները, որ ստացել էր երկարատեւ ու հեռավոր ճանապարհների՝ վշտի, ապշահար թագավորության անտառներում, հարթավայրերում եւ լեռներում: Նա բեռնված էր ոսկյա հենակներով. ապաքինված կաթվածահարների նվերներն էին. ոսկյա աստղերով,- նավաբե-

կումրից վերկվածներն էին նվիրել. մանուկների ոսկյա արձանիկներով,- չբերությունից տառապած, Հուսահատված կանայք էին նվիրել, որոնք ստիպված էին եղել հաաչտաաչ ծննդաբերել մոտակա թփուտների տակ: Ինչպես պատերազմի տարիներին, նա ամբոխների կենտրոնում էր, ամենակործան, աստվածաշնչյան ժողովուրդների տեղափոխման հեղեղի գագաթին, ծովացած մարդկանց, որոնք չգիտեին, թե որտեղ տեղադրեն իրենց խոհանոցի և դած-չևդածը, որտեղ տեղավորեն ընտանի կենդանիներին, որտեղ սնցկացնեն կյանքի մնացյալ տարիները՝ առանց հոգու փրկության հույսի, միտթարվելով միայն Բենդիսիոն Ալվարադոյի անծանոթ աղոթքներով, որոնցով նա, ռազմական գործողությունների մամանակ, պատահում էր, շեղում էր սրդուն ուղղված գնդակը, երբ որդին նետվում էր մարտի հրապտույտը, խցկվում իրադարձությունների կրակի մեջ՝ գլխին կարմիր վիրակապ ու կոկորդով մեկ բղավելով. «Կեցցե լիբերալների կուսակցությունը: Կեցցե Ֆեդերալիստների հաղթանակը, գրողը տանի: Կորչեն քաքլան գողոները», թեև այդ կրակի մեջ նրան քաշում էին ոչ այնքան Ֆեդերալիստների գաղափարները, որքան սարահարթի ծնունդ մարդու նախաստեղծ հետաքրքրասիրությունը՝ ծովը ճանաչելու ցանկությունը:

Բենդիսիոն Ալվարադոյի մարմինը բերող, քաղաք լցվող աղքատների ամբոխը անասնձ էր ու խելահեղ բոլոր այն ամբոխներից, որոնք երբեք քարուքանդ էին արել երկիրը, խուճապից էլ սարսափելի ամենահրեշտավոր բանն էր այն ամենից, ինչ տեսել էին մեր աչքերը, ձեր անվերջանալի իշխանություն տարիներին, իմ գեներալ: Աշխարհը չէր տեսել նման իրարանցում. «Հապա նայեք, իմ պենիրայ, տեսեք, թե ինչ հրաշք է»: Եվ նա համոզվից վերջապես, որ, իրոք, հրաշք է կատարվում. դուրս եկավ իր սգի մռայլությունից՝ գունատ, խիստ, սեւ թեւակապով, մորը՝ Բենդիսիոն Ալվարադոյին սրբացնելու նպատակով իշխանության բոլոր զսպանակները գործի դնելու վճռականությամբ առկեցուն. անհերքելի էին սրբերի առաքինության էություն մասը կազմող մոր առաքինությունների փաստարկներն ու ապացույցները: Այս նպատակով նա Հոռոմ ուղարկեց իր ամենակիրթ նախարարներին, իր մոտ հրավիրեց պապի նվիրակին՝ թխվածքով չ: կողադ խմելու: Նա նվիրա-

կին ընդունեց շատ հասարակ, կենդանի ձաղիկներով ծածկի տակ, ճոճին նստած, առանց վերնաշապկի, շոգից գլխարկը թափահարելով, իսկ նվիրակը նստեց դիմացը՝ առաջարկված ճոճվող բազկաթոռին,- «Միայն ձեզ եմ գիջում այդ բազկաթոռը, սուրբ հայր»,- ձեռքն առավ տաք շոկոլադով բաժակը եւ սկսեց խմել համաչափ կուճեհրով: Նվիրակը նոր արդուկած փարաջա էր հագել, նրանից նարդոսի թարմություն էր բուրում եւ ինքն էլ թարմ տեսք ուներ, չէր հանձնվել արևադարձային մեյամաղձուկթյանը, ուշք չէր դարձնում հեղձուկին ու փոշուն եւ պրեզիդենտի հանգուցյալ մոր թռչնակների ծերտին, որ կենդանի ծաղիկներով ծածկից վար էին թափվում արեւի շողիկների հետ: Նա խմում էր շոկոլադը եւ աղջկա ամոթխածությամբ թխվածք ծամում, ջանալով երկարաձգել փերջին կուճի դառնությունը ճաշակելու եւ գրույցը սկսելու պահը: Նա նստել էր այն նույն բազկաթոռին, որի վրա շատ տարիներ առաջ, փառավորադույն ժամանակներում, մարվայի ծաղկման հրաշք օրերին, նստել էր մի ուրիշ նվիրակ՝ ծեր եւ միամիտ, եւ փորձում էր քրիստոնեական հավատին ետ բերել գրուցակցին, բացատրելով նրան Փոմա Աբվինացու դոգմաները. «Իսկ հիմա ես եմ ուզում քեզ դարձի բերել, սուրբ հայր: Ահա թե ինչ օյիններ է հրամցնում կյանքը: Հիմա ես էլ եմ դարձել հավատացյալ... Հիմա ես էլ եմ դարձել հավատացյալ»,- կրկնեց նա, աչքը չթարթելով, թեեւ առաջվա պես ոչ աստծուն էր հավատում, ոչ սատանային եւ, առհասարակ, ոչնչի չէր հավատում այս աշխարհում, սակայն խորապես համոզված էր, որ մայրը իր անսահման նվիրվածության, անձնագոհության եւ կյանքում ցուցաբերած օրինակելի առաքինության համար իրավունք է ձեռք բերել սրբերի կարգը դասվելու: Առաջ քաշելով մոր սրբության փաստարկները, նա, սակայն, չվկայակոչեց ամբոխի գոհհիկ հորինվածքները, թե իբր, բեւեռային աստղը շարժվում էր թափուրի ուղղությամբ, իր երաժշտական գործիքներն իրենք իրենց սկսեցին հնչել փակ սենյակում, երբ մոտից տանում էին հանգուցյալի մարմինը: Նրա գլխավոր փաստարկը սավանն էր, որի վրա մեռել էր մայրը եւ որը նա բաց արեց ինչպես առաքյալ, որպեսզի նվիրակը օգոստոսյան օրվա լույսի տակ տեսներ այն, ինչ տեսավ. Բենդիսիոն Այվարադոյի մարմնի գրոշմն էր դա, նրա զարմանահրաշ պատկերը, երիտասարդ, առողջ կնոջ

պրտակերր, եւ ոչ թի խոցածածկ այն պառավի, որը մեռավ վուշե կտավից կարված այս նուրբ սավանի վրա: Պառկել էր կողքի ընկած, ձեռքը սրտին սեղմած, իսկ որդին շոյում էր նրա պատկերը մատներով, զգալով իրական քրտնքի խոնավությունը, ներշնչելով կտավից փչող նուրբ ծաղիկների բույրը, լսելով հրաշք արթնացում ապրող թռչունների ճուրղղունն ու ժխորը. «Ահա, տեսնո՞ւմ եք, սուրբ Հայր: Հրաշք է: Նույնիսկ թռչնակներն են ճանաչում նրան...»: Եվ նա նվիրակին ցույց տվեց սավանի հակառակ երեսը, որտեղ նույն պատկերն էր, սակայն նվիրակն ուշադիր մարդ էր, աչալուրջ ու սեւեռուն, նա ընդունակ էր մեծ վարպետների վրձինն պատկանող կտավներում հրաբխի մոխրի մասնիկներ նկատել, նկարների ճաքերով նա կարողանում էր հասկանալ նկարիչների բնավորությունները եւ նույնիսկ հավատի նկատմամբ տատանումները չէին վրիպում նրա աչքից, քանզի նա ընդունակ էր որսալ դրանք գույների ինտենսիվությամբ, նա հասու էր տիեզերքի գեղեցկությանն ու ներդաշնակությանը, նա վայելք էր ապրում բնության տաճարում Երկրի կյորությունը դիտելիս. այդ տաճարում երկինքն աշխարհի մենավոր ժամատան գմբեթն էր, այստեղ ժամանակը չէր անցնում, այլ լողում էր, ահա թե ինչու, վերջապես աչքը սավանից կտրելով, նա շատ մեղմ, միաժամանակ հաստատակամ ասաց, որ վուշե կտավի վրա զրոշմված կնոջ մարմնի պատկերը ոչ մի դեպքում չի կարելի համարել նախախնամության արտահայտություն. «Ոչ մի դեպքում, ձերդ գերազանցություն: Սա նկարչի ձեռքի գործ է, մի նկարչի, որը հավասարապես ճարպիկ է թե՛ իր արհեստում եւ թե՛ խաբելու արվեստում: Սույն նկարիչը չարաշահել է ձերդ գերազանցության պարզամտությունը, քանի որ օգտագործածը իսկական յուղաներկեր չին, այլ կեղծ, որոնցով միայն պատերն են լրդղում, ձերդ գերազանցություն: Դրանք խառնված են սովորական սկիպիդարով, ավելացված է նաեւ բնական կառչուկ, գիպս... ահա դրա չորացած կճեպը: Իսկ կտավի մշտական խոնավությունը, որի մասին ասել են ձեզ, թե ձեր մոր քրտինքն է, արդյունք է այն բանի, որ կտավը ներծծված է օլիֆով, ահա այս տեղերում, որտեղ մուգ ներկեր են քաված: Այնպես որ՝ ես խորապես ցավում եմ, ձերդ գերազանցություն»:

Անկեղծ վշտացած նվիրակն այլեւս ոչինչ չկարողացավ ասել քա-

րի պես ամուր այդ ծերունուն, որը նայում էր ճոճի միջից անթարթ աչքերով, ոչ մի անգամ չընդհատելով, ընկղմված մի տեսակ սպիական թմբիրի, լուսթյան մեջ: Նա նույնիսկ չըթնեբը չչարժեց առարկելու. էջ՞ որ ինքն է եղել հրաչքի վկան, սավանի խորհրդավոր վերափոխման վկան. «Ես էջ որ անձամբ քեզ փաթաթեցի այդ սավանի մեջ մայր իմ սեփական ձեռքերով եւ ես տեսա հրաչքը երբ վախեցա քո մահվան լուսթյունից կրբ արթնացա վաղ լուսաբացին երբ ինձ թվաց թե աշխարհը ծովի հատակն է սուզվել ես վկան էի հրաչքի գրողը տանի»: Բայց այս ամենը նա չասաց նվիրակին, երկու անգամ թարթեց աչքը, կոպերն իրար չկպցնելով, ինչպես անում են իգուանները, թույլ ժպտաց, խոր ներշնչեց եւ կամացուկ արտասանեց. «Շատ լավ սուրբ հայր թող ձեր ասածը լինի: Բայց ես գգուչացնում եմ ձեզ որ ողջ կյանքում դուք քարչ եք տալու ձեր բառերի ծանրութունը: Կրկնում եմ տառ առ տառ որպեսզի երբեք ու ոչ մի հանգամանքում չմոռանաք ասածս ողջ կյանքում դուք քարչ եք տալու ձեր բառերի ծանրութունը: Ես ձեզ համար այլեւս պատասխանատու չեմ սուրբ հայր»:

Աշխարհը չար կանխադրացումներից քարացել էր այն ողջ շարաթը, որի ընթացքում նա չիջավ իր ճոճից, նույնիսկ ուտելու համար. պառկել էր, հովհարով թռչնակներին էր քշում. սրանք վարժվել էին նստել նրա ուսերին, քշում էր ծածկոցի տերեւների արանքից վրան թափվող արեւի շողիկները, որոնց նույնպես թռչնակների տեղ էր դնում: Այդ շարաթվա ընթացքում նա ոչ մեկին չընդունեց եւ ոչ մի հրահանգ չարձակեց, սակայն մոլեռանդ ամբոխները հասարակական կարգի պահպանության բացարձակ անգործության պայմաններում հարձակվեցին Առաքելական նվիրակության պալատի վրա, թալանեցին պատմական մասունքների թանգարանը, բռնեցին նվիրակին, որը սիեստայի այդ ժամերին նստում էր ներքնաբակի ավազանում, դուրս բերեցին փողոց բլուրովին մերկ վիճակում եւ բռնաբարեցին. «Պատկերացնո՞ւմ եք, իմ գեներալ»: Այդ լուրին ի պատասխան, նա նույնիսկ չչարժվեց իր ճոճում, նույնիսկ հոնքը չխաղացրեց. ճիշտ նույն կերպ ընդունեց նաեւ այն տեղեկութունը, թե նվիրակին ման եւ տալիս էջին նստած, սուեւորական թաղամասում, կեղտաջրեր են թափում գլխին պատշգամբներից եւ դռում վրան. «Հեյ, դու միսիս վատի-

կան, ե՞րբ ես ծնելու, Հաստափոր»։ Եվ միայն այն բանից Հետո, երբ Հայտնի դարձավ, որ կիսամեռ նվիրակին քարշ են տվել շուկայի աղբանոց եւ թողել այնտեղ, աղտեղովթյունների կույտի վրա, նա դուրս եկավ ճոճից եւ ինչպես ճանճերից, ձեռքի թափահարումով թռչնակներից ազատվելով, ուղղվեց նիստերի դահլիճ։ Նա Հայտնվեց գահիճում ձեռքերի մի այնպիսի շարժումով, ասես դեմքից սպո սարգոստայնն էր պոկում, թեեւ էջը Հանել սպո սեւ թեւակապը։ Անքնովթյունից ուռած աչքերով նա նայեց բոլորին եւ Հրամայեց նվիրակի Համար լաստ պատրաստել, սննդամթերքի երեք օրվա պաշարով նստեցնել այդ լաստը եւ զցել բաց ծով, Եվրոպայից եկող նավերի ճանապարհի վրա, որպեսզի ամբողջ աշխարհն իմանա, թե ինչպես ենք Հաշվեհարդար տեսնում այն օտարերկրացիների Հետ, ովքեր ձեռք են բարձրացնում մեր Հայրենիքի մեծության վրա. «Թող պապը մեկընդմիջտ ականջին օլ անի, որ ինքը պապ է իր Հոռոմում, իր ոսկե գահի վրա, իսկ այստեղ ես՝ ես եմ, պրոդր տանի սյոք քաքլան փեշավորներին»։ Նախագգուչացու մը սպրեցիկ էր, եւ այդ տարվա վերջին արդեն վերսկսվեց Բենդիսիոն Ալվարադոյին սրբացնելու, սրբերի կարգը դասելու Հարցի քննարկումը։ Նրա մարմինը ցուցադրելու ազատ Հնարավորություն ստեղծվեց, դազաղը դրեցին մայր տաճարի գլխավոր նավում, երգչախմբերը ալելույա էին երգում, Վատիկանի Հետ վաղօրոք Հայտարարված պատերազմական վիճակը դադարեցվեց, դե Արմաս Հրապարակում մարդկանց ամբոխները փառաբանում էին աստծո անունը եւ կեցցեններ ճշում խաղաղության օգտին, առանց Հապաղման տեսակցության իրավունք ստացավ սրբազան արարողության կոնգրեգացիայի դատախազ եւ Հավատի պոստուլատոր մոնսիյոր Դեմետրիո Ալդուսը, նշանավոր էրիտրեացին, որը ժամանել էր Բենդիսիոն Ալվարադոյի կյանքը մանրամասնորեն ուսումնասիրելու առաքելությամբ, որպեսզի կասկածի նշույլ չմնար նրա սրբության վերաբերյալ։ «Իուք այստեղ կմնաք այնքան, որքան կկամենաք», - սուսց պրեզիդենտը էրիտրեացուն, նրա ձեռքն իր ձեռքում պահելով եւ իսկույն վատահելով թխամաշկ այդ Հաբեշացուն, քանի որ սա աշխարհում ամենից շատ կյանքն էր սիրում, ուտում էր իզուանի ձվեր, պաշտում աքլորակուիվը, կրակոտ մուլատուհիներին, պարել էր սիրում, մի խոսքով՝ բոլոր այն բաները,

ինչ մենք ենք պաշտում, իմ դեմերալ: Ահա թե ինչու գրողի տարած հավատի օրհնքի այդ մարդու առջև բացվեցին բոլոր փակ դռները, կարգադրվեց ոչ մի արգելք չհարուցել՝ թող համոզվի, որ վշտի այս անափ թագավորություն մեջ մարդկային աչքի համար չկա ծածուկ, Բենդիսիոն Ալվարադոյի սրբությունը կասկածի տակ պցող որևէ փաստ, այդ սրբությունը կանխորոշված էր վերեւից. «Ողջ երկիրը ձեր արամադրության տակ է, սուրբ Հայր, ահա»: Ջինվորները կարգի բերեցին Առաքելական նվիրակության պալատը, որի առջև լուսարացն էին դիմավորում ապաքինվող բորոտների անվերջանալի շարքերը. նրանք գալիս հա գալիս էին, որպեսզի ցույց տային իրենց ջահելացած, մաքուր մաշկը. Սուրբ Վիտայի պարից բուժվածներն անհավատներին ցույց էին տալիս, թե ինչ ճարպկությամբ են ասեղը թելում. նրանք, ովքեր Հարստացել էին պստախաղում, ցույց էին տալիս շահած գումարը, բացատրելով, որ շահել են շնորհիվ Բենդիսիոն Ալվարադոյի, որը, Հայտնվելով իրենց հրազում, հուշել էր այս կամ այն համարը. նվիրակության պալատ էին գալիս բոլոր նրանք, ովքեր անհայտ կորածներին էին դռել, ովքեր խեղդված հարստացածների մարմիններն էին դռել, գալիս էին Հարստացած նախկին աղքատները, եւ բոլոր այս մարդկանց անվերջանալի շարքերն անցնում էին հեղձուկ մի առանձնասենյակով, որ զարդարված էր արկիբուզներով, որոնցով մի ժամանակ ոչնչացնում էին մարդակերներին, եւ սեր Ուոլտեր Ռեյլիի բրածո զանգերի զրահներով. այդ առանձնասենյակում անխոնջ էրխորեային յսում էր բոլորին, Հարցեր չէր տալիս եւ բանավեճ չէր բացում. նա նստում էր քրտնքից բոլորովին թրջված, մարդկային անհամար մարմինների անդուր հոտերին անտարբեր, իրար ետեւից ծխում էժանազին սիգարներ, թեեւ առանձնասենյակում առանց այդ էլ շնչելու օդ չկար, եւ մանրամասն գրի առնում Բենդիսիոն Ալվարադոյի սրբությունը վավերացնող ցուցմունքները, ստիպում ստորագրել ցուցմունքների տակ՝ լրիվ անունով կամ խաչ քաշելով եւ կամ մատնադրոշմով. «Ինչպես դուք, իմ գեներալ»: Յուրաքանչյուրը ստորագրում էր կարողությանը համեմատ եւ հետամուտ, տեղն իսկույն գրափում էր նախորդից ոչնչով չտարբերվող մեկ ուրիշը եւ սկսում. «Ես հիվանդ էի թոքախտով, սուրբ Հայր»: «Ես հիվանդ էի թոքախտով», - գրում էր էրխորեացին,



իսկ այցելուն շարունակում էր. «Իսկ Հիմա լսեք, թե ինչպես եմ երգում»։ Ներս մտամ մեկը եւ Հայտարարեց. «Ես սեռական թուլություն ունեի, սուրբ Հայր: Իսկ Հիմա տեսեք, թե ինչ կոպալ ունեմ: ԱՀա այսպես տնկած էլ ման եմ գալիս օրերով»:- «Ես սեռական թուլություն ունեի»,- գրի առամ էրիտրեացին Հավերժական թանաքով, որպեսզի սույն զբառումները չՃնջվին մինչեւ մարդկության պատմության վերջը: «Փորումս կենդանի էր մեծանում, սուրբ Հայր»:- «Փորումս կենդանի էր մեծանում», - գրի էր առնում նա, կազդուրվելով վայրենի թանճրություն ունեցող սրճով, Հերթական սիգարը վառելով վերջացող նախորդի կրակից. «Այդ հոգեւորականը իսկական տղամարդ է, իմ գեներալ»:- «Այո, սենյոր, իսկական տղամարդ է: Ինչ են նմանները»:

Ունկնդիրն աշխատում էր առանց շունչ քաշելու, գործը չընդհատելով նույնիսկ ճաշին, մինչեւ հրեկո ոչ մի բոպե իզուր չէր վատնում, բայց եւ երեկոյան չէր պառկում Հանգստանալու, այլ լողանալուց Հետո Հայտնվում էր նավահանգստի պանդոկներում իր կարկատած-վերակարկատած քաթանե փարաջայով, սովից զկոտալով երկար նստում տախտակյա սեղանի մոտ, նավահանգստի բեռնակիրների Հետ, ուտում նույն վոփկը, ինչ նրանք, տապակած ձուկը բաժան-բաժան ուտում էր ձեռքերով, ծամում նույնիսկ փշերն իր դիվային ատամներով, որոնք մթության մեջ լույս էին արձակում, իսկ վոփկն ուտում էր առանց գդալի, խմում ավսեից, ինչպես հնդկացիները: Միայն թե տեսնեիք նրան, իմ գեներալ, մարդկային տականքների շրջապատում, առագաստանավերով մարիմոնոյի եւ գվինեոյի պտուղներ, Կուրասաոյի, Գուանտանամոյի, Սանտյագո-դե-լու-Կաբալյերոսի Հայելապատ Հյուրանոցների Համար ջահել, կանաչ պոռնիկներ մատակարարող նավաստիների մեջ. ծովից զուրկ, ամենահրաշալի ու ամենատխուր այդ կղզիների մասին մենք երազում ենք երեկոյից մինչեւ լուսաբացի առաջին շողերը. «Հիշեք, թե ինչպես մենք կերպարանափոխվեցինք, երբ մակուկով պոկվեցինք ավից, հիշեք Մաթիլդա Արենալեսի տանը լինելու բախտը գուշակած թութակին, հիշեք ծովային խեղճախններին, որ դուրս էին գալիս վոփկով լի ավսեներից. հիշեք շնաձկների քամիները, Հեռավոր թմբուկների որոտը, հիշեք ամբողջ այն կյանքը, սուրբ Հայր, պոռնկային այդ կյանքը, ինչպես

դուք ինքներդ արտահայտվեցիք, որովհետև դուք, սուրբ Հայր, արտահայտվեցիք մեզ նման, կարծես ծնված լինեք Շնային գզվառոցների թաղամասում»: Եվ, իրոք, սուրբ Հայրը Փռուբոլ էր խաղում ծոփափում, սովորեց ակորդեոն նվագել արվարձանի վարպետներից հմուտ, երգում էր ինքնուս երգիչներից ոչ պակաս, սերտեց նավաստիների ընտիր Հայհոյանքները, սերտածը պարծանքով կիրառեց լատիներեն լեզվով, խմում էր նավաստիների հետ շուկայի փչացած կանանց խրճիթներում, կռվեց մեկի հետ, որը աստծուն էր Հայհոյել. «Նրանք խփում են իրար բուռնցքներով: Ի՞նչ եք հրամայում անել, իմ գեներալ»: Կարգադրվեց չբաժանել կռվողներին, շրջան կազմել՝ թող կռվեն: Եվ ի՞նչ: «Սուրբ Հայրը Հաղթեց, իմ գեներալ»: - «Սուրբ Հայրը: Այդպես էլ գլուխի: Նա իսկական սղոմարդ է»: Բայց նա այնքան էլ Հասարակ մարդ չէր, որքան թվում էր բոլորին. այդ բուռն գիշերներին նա այնքան բան իմացավ, որքան բոլոր օրերի ընթացքում: Այդ գիշերներին նա իմացավ ավելին, քան քաղաքից դուրս գտնվող մուսլիմներն, որտեղ նա մտավ մի երեկո Հորդ անձրևի ժամանակ, կարծելով, թե իրեն Հաջողվեց խաբել պրեզիդենտական անվտանգության ծառայության անբուն աչքը: Նա գննեց ողջ մենատունը, մինչև վերջին ճեղքն ու ճղակը եւ ոտքից գլուխ թրջվեց ոչ այնքան բաց երկնքի տակ, որքան մենատան ներսում, որտեղ կաթում, չուռում էր առաստաղից եւ վախ ունեցավ, երբ զգաց, որ փոքրոգություն ճահիճը քաշում է իրեն թունավոր ծաղիկներով պատված շքեղ ննջասենյակները, որ Բենդիսիոն Ալվարադոն, Հուրախություն սպասուհիների, գիջել էր իրենց. «Որովհետև նա բարեսիրտ էր, սուրբ Հայր, որովհետև նա Համեստ էր: Սպասուհիներին նա բարտեստ սավաններ էր տալիս, իսկ ինքը քնում չոր խաիրի վրա, զորանոցային խղճուկ մահճակալին, նա թուլյատրում էր սպասուհիներին Հագնել իր տոնական շորերը, պետություն առաջին տիկնոջ շորերը, նրանք օգտագործում էին տիկնոջ բուրումնավետ աղբը, երբ լողանում էին լողարանում, մերկ վիճակում լկստվում սպասյակների հետ, չուգունե առյուծաթաթիրին նստած այդ տարողունակ տաշտակների դեղին փրփուրներում, ապրում էին ոնց թագուհի, իսկ նա աշխատում էր, թուչնակները ներկում, փայտի վառարանի վրա եփում բանջարեղենի իր ապուրը, հարեաններին

օգնելու համար դեղաբույսեր անճեցնում: Նրան արթնացնում էին գիշերվա որ ժամին ասես. «Ստամոքսի կծկումներ ունեմ, սենյորա»- եւ նա այդ մարդուն կրեսի սերմեր էր տալիս, հրահանգում ծամել. «Սանիկիս աչքը շագեղ է»- եւ նա էպատոտի թուրմ էր տալիս. «Ես մեռնում եմ, սենյորա»- արթնացնում էին նրան անվերջ, սակայն ոչ ոք չմեռավ, որովհետեւ բոլոր դրացիների առողջությունը նրա ձեռքում էր: Նա սուրբ էր դեռ կենդանության օրոք, սուրբ հայր, նա պղծությունից իրեն արգելափակել էր իր անարատությամբ, ապրում էր սեփական աշխարհում՝ օտարոտի չքեղությամբ շրջապատված, այստեղ, մեղքաշատ այս մեծատանը, որտեղ այն օրից, ինչ նրան ուժով պրեզիդենտական պալատ տարան, անխղճորեն չուռում է տանիքից, եւ անձրեւը թմբկահարում է դաշնամուրի ստեղները, չքեղ հյուրասենյակի արեբաստրե ճերմակությամբ սեղանը, որի մոտ Բենդիսիոն Ալվարադոն երբեք չնստեց, ասելով, թե ուտել այդ սեղանից, նույնն է՝ թե պղծել զոհասեղանը: Պատկերացնո՞ւմ եք, թե իր սրբության որպիսի նախազգացում ունեւր նա, սուրբ հայր»: Սակայն Բենդիսիոն Ալվարադոյի հարեւանների կրակոտ նման վիպյությունները չխանգարեցին սեւ սատանային դրդել սենկնդրին նկատելու, որ մեծատան տիրուհուն հատուկ էր ոչ այնքան համեստությունը, որքան վախը օտարոտի կահկարասուց, ոչ այնքան ինքնահրաժարումը, որքան հոգու աղքատությունը, որ նրան պարզապես անհասկանալի էին բոլոր այդ նկատունները՝ քարակարկառ կաղնուց, բնիկների դեւերի բեկորները, գինվորական համազգեստով հրեշտակները, որ թեւածում էին նախկին պարասրահների ամայության մեջ: Բայց եւ ոչ մի անկյունում նա չգտավ եռադեմ այն եզակիին, աստծուն, որը Հաբեշտանի այրող հեռուներից իրեն այստեղ էր ուղարկել ճշմարտությունը փնտրելու. «Նա, ախր, ճշմարտությունը փնտրում է այնտեղ, որտեղ երբեք չի եղել, իմ գեներալ, ահա թե ինչու նա չգտավ ոչինչ, այսպիսի բաներ...»: Մոնսենյոր Դեմետրիո Ալդոուսը, սակայն, չսահմանակվեց քաղաքից հավաքած տեղեկություններով, ջորի հեծած մազլցեց սարահարթի սառցե քիվը, ճգնելով դռնել Բենդիսիոն Ալվարադոյի սրբության ապացույցներն այնտեղ, որտեղ նրա կերպարը չէր աղավաղվել իշխանության լուսապսակով: Ունկնդիրը հայտնվեց մշուշից՝ ավազակի պոնչոյով

փաթաթված, յոթմդոնանոց սապոգներով՝ ինչպես սատանայի ուրվական, եւ սկզբում սարսափ առաջացրեց, Հետո զարմանք, ի վերջո Հետաքրքրասիրություն՝ բացքերան ավարաների շրջանում, որոնք երբեք չէին տեսել նման սեւամորթ մարդ-արարածի: Խորամանկ էրիտրեացին առաջարկեց ձեռք տալ իրեն, շոշափել, որպեսզի Համոզվեն, որ իրենից չի փչում ծծումբի Հոտ, զվարճացրեց նրանց՝ մթության մեջ ցույց տալով լույս արձակող ատամները, Հարբեց բոլորի Հետ, բոլորի Հետ պանիր կերավ, բոլորի Հետ տոտումի օղի խմեց: Նա ձգտում էր մարդկանց վատահուլթյունը գրավել գյուղական ձանձրալի պանդոկներում, ուր Հին-Հին օրերում ճանաչում էին թռչնափաճառ այն կնոջը, որը Հագիվ էր շարժվում անանուն գորշ թռչնակների ճտերով, ոսկեգույն տուկաններով, իբրեւ սիրամարգի պոչերով գուհաչարակիներով լեցուն բազմաթիվ վանդակների բեռան տակ. այդ գուհաչարակիները, այդ գորշ, պիրոլ դարձած թռչնակները նախատեսված էին սարահարթի բոկ գյուղացիներին խաբելու համար՝ ձանձրալի, ինչպես Հուղարկավորություն, կիրակնօրյա շուկայում. «Նա նստում էր այ, այնտեղ, սուրբ Հայր, օջախի մոտ, տաքանում էր ու սպասում ողորմության, սպասում էր, որ որեւէ մեկը պառկի իր Հետ եղեգնօղու տիկերի վրա, պանդոկի ետնասենյակում: Նա կարող էր պառկել ցանկացած տղամարդու Հետ, Հուսալով, որ կհյուրասիրվի ճաշով, սուրբ Հայր: Ծաշ՝ ահա թե ինչ էր միայն նրան պետք, որովհետեւ նա չէր կարողանում կերակրել ինքն իրեն, որովհետեւ չկար, չէր ճարվում մի վայրենի, որ աչք տնկեր անորակ ներկով ներկված նրա թռչնակների վրա,- առաջին իսկ անձրեւիկից ներկը լվացվում էր, թափվում, իսկ սիրամարգի պոչերը թափվում էին: Միամտությունն էր ստիպում նրան զբաղվել այդ գործով, սուրբ Հայր, նա թռչնախել էր, սարահարթի խել, կոչեք՝ ինչպես կուզեք, իսկ ինչ վերաբերում է նրա անվանը, սպա ոչ ոք էլ չի հիշի, թե ինչպես էր նա կոչվում այդ տարիներին, Համենայն դեպս, ոչ Բենդիսինոն Ալվարադո, այդ անունը մերը չէ, նման անուններ տարածված են մերձծովյան շրջաններում, սուրբ Հայր»:

Ահա թե ինչ: Նույնիսկ այս տեղեկությունը դուրս կորզեց այդ սեւ սատանա-դատախազը, այս եւ շատ ուրիշ այլ տեղեկությունների Հետ եւ Հոտոտում, անվերջ Հոտոտում էր, բացահայտում նո-

րանոր գաղտնիքներ, խոստանավելով պրեզիդենտական անվտանգության ծառայության գաղտնի գործակալներից, որոնք ամենուր կեղծիքի սարդոստայն էին հյուսում եւ էրիտրեացու ճանապարհին հազար ու մի արգելք ստեղծում. «Ի՞նչ եք կարծում, իմ գեներալ, արդյոք ժամանակը չէ՞ հետապնդել նրան, հասցնել անդունդի եզրին: Ժամանակը չէ՞, որ սայթաքի նրա ջորին»: Սակայն հրամայվեց շարունակել հետապնդումը առանց անվտանգությանը դիպչելու, խստիվ հրահանգվեց ապահովել նրա սպաստությունը, ստեղծել բոլոր պայմանները, որպեսզի էրիտրեացին կատարի իր առաքելությունը. «Ես պնդում եմ, ես պահանջում եմ, այդպիսին է իմ բարձրագույն կամքը, կատարե՛ք»: Նման հրաման արձակելով, նա հասկանում էր, որ մեծ համարձակություն է դիմում, վտանգի է ենթարկում մոր՝ Բենդիսիոն Ալվարադոյի առասպելը, թույլ է տալիս, որ էրիտրեացու ջանքերով արգելքի տակ հղած հեռու-հեռավոր ժամանակներից ջրի երես դուրս գա մոր իրական պատկերը, այն կնոջ պատկերը, որն այդ հին օրերում ջահել էր, ցանկություններով առկեցուն, շրջում էր ոտաբոբիկ, ցնցոտիներով, ստիպված էր կերակրվել իր պնթիկի հաշվին, այնքան զեղեցիկ էր, որքան եւ միամիտ, այնքան միամիտ ու պարզասիրտ, որ ամենատարբեր թուխաններին ցեղական աքաղաղների պոչեր էր կպցնում ու այդ թուխաններին, որպես գուակամայա ներկայացնում, հիվանդ, փետրաթափ հավերին զարդարում հնդկահավի պոչերով եւ ջանում համոզել գնորդներին, թե դրանք դրախտահավեր են: Ոչ ոք, իհարկե, չէր հավատում նրան, նման հիմարներ չկային, որ ընկնեին կիրակնօրյա շուկայի մշուշներում ճղճղացող միայնակ թռչնավաճառու հոտորամանկությունների ծուղակը՝ թե ով վճարի մեկ պեսո մի թռչնակի համար, մնացած բոլորը կտանա ճրի: Սարահարթում բացարձակապես բոլորն էին հիշում հիմարավուն, աղքատ այդ կնոջը, բայց այդպես էլ չհաջողվեց սլարպիլ, թե ով էր նա, ոչ մի կերպ չհաջողվեց, որովհետեւ այն վանքի հնադարանում, ուր կնքել էին նրան, ծննդին վերաբերող ոչ մի գրություն չկար, չհայտնաբերվեց նաեւ. ծննդյան վկայականը, փոխարենը միանգամից գտնվեցին սրբու ծննդյան երեք վկայականները. պարզվեց, որ պրեզիդենտը երեք տարբեր անուններ ուներ, երեք անգամ էր սաղմնավորվել՝ երեք տարբեր հանգամանքներում, ե-

րեք անգամ էր ծնվել, երեք անգամն էլ օրապակաս տարբեր ժամ-  
կեսներում: Այդպես էր եղել, շնորհիվ մեր Հայրենիքի պատմա-  
բանների, շնորհիվ մեր պատմությունը Հորինողների, որոնք  
ճշմարտության թելերը Հյուսել էին կեղծիքի թելերի հետ, որպես-  
զի ոչ ոք չիմանար նրա ծագման գաղտնիքը. էրիտրեացին, սա-  
կայն, գրեթե հասավ գաղտնիքին, գրեթե փորեց խաբեության բո-  
լոր շերտերը, մի թիզ էր մնացել, իմ գեներալ, մի թիզ, երբ ճայթեց  
կրակոցը, որի արձագանքը սահեց Կորդիլերների գորշ լեռնա-  
շղթայով ու ձորերով, եւ անհատակ անդունդը գահավիժող ջորու  
սոսկալի ոռնոցը արձակվեց. նա ընկնում էր հավերժական ձյունով  
ծածկված գագաթներից դեպի կլիմայական բոլոր գոտիները,  
թռչում էր սառցադաշտերի մոտով, որտեղ նավարկելի մեծ գետե-  
րի ջրերն էին ծնվում, թեք քիվերի մոտով, որտեղ հնդկացի հեծած  
բուսաբանական արչավախմբի դոկտորներն իրենց խորհրդավոր  
հերբարիումներն էին հավաքում, սարահարթում աճող վայրի  
մագնոլիայի կողքով, որտեղ արածում էին երկարաբուրդ, առատ  
սնունդ, տաք հագուստ սվող, օրինակելի վարքով ոչխարները,  
սրճի պլանտացիաների ու կալվածքների մոտով, որոնց պատշ-  
գամբները դատարկ էին ու զարդարված թղթե դրասանգներով,  
հիվանդ մարդկանց մոտով, որոնք ապրում էին լեռնային բուռն  
գետակների հավերժական որոտմունքի ու տոթ դաշտավայրի  
սահմանագծում, որտեղից իրիկնային քամին տանում էր խոշոր,  
ամուր տերեւներով, կարմիր ծաղիկներով ու պտուղներով կակաո-  
յի պլանտացիայում դավաճանաբար թիկունքից զարկված, մեռած  
մի ծերունու լեշի գարշահոտությունը, անշարժ արեգակի մոտով,  
այրոզ փոշու, ձմերուկների, սեխերի, Ատլանտիկո դեպարտամեն-  
տի նիհար, տխուր կովերի արոտավայրերի կողքով, որտեղ բարե-  
գործական դպրոց կար՝ միակը երկու հարյուր մղոն շառավղով  
տարածության մեջ, բայց վերջիվերջո, խեղճ ջորին ընկավ,  
չրմփաց, պայթեց, ինչպես Հյուսիս գվանաբառ, անդունդի հատա-  
կին, գլինեոյի թփուտների մեջ, վախեցնելով կաքավներին եւ  
ծանր տնքալով վերջում. «Խփեցին նրան, իմ գեներալ, կրակեցին  
վրան վագրի համար նախատեսված հրացանով, Անիմա-Սոլա ձո-  
րակում»:- «Հաչվի չառնելով իմ սոված արտոնագիրը, հա՞, շան  
որդիներ, հաչվի չառնելով իմ խստիվ հեռագրե՞րը: Գրողը տանի,

Հիմա ինքներդ եք ստիպված լինելու պարզել, թե ով՝ ով է», - սպառնաց նա լեղի թափելով, բայց նրան զայրացնողը ոչ այնքան գործակալներից մեկնումեկի անհնազանդությունն էր, որքան համոզվածությունը, որ իրենից ինչ-որ բան են թաքցնում, շատ կարեւոր մի բան, եթե համարձակվի են արհամարհել իր կայծակ հեռագրերը: Նա ականջն էր սրում լսելու դեպքը, զեկուցողների շնչատուփյունը նույնիսկ, քանի որ գիտեի՝ միայն ճշմարտությունն իմացողն է համարձակվում ստել: Նա փորձում էր կռահել բարձրաստիճան սպաների գաղտնի մտահոգությունները, ճշնում գուշակել, թե ով է նրանց մեջ դավաճանը. «Դո՞ւ որին դուրս հանեցի անհայտությունից: Դո՞ւ որ թավալ էիր գալիս փոշիների մեջ իսկ Հիմա իմ շնորհիվ քնում ես ոսկյա մահճակալին: Ձեզանից ո՞ր մեկն է անպատիվ մոր զավակներ: Ո՞ր մեկն է»: Նա հասկանում էր, որ ինչ-որ մեկը թքել էր իր ստորագրած, իշխանություն մատանի-կնիքի դրոշմով հաստատած հեռագրի վրա - ահա թե ինչու փրկիչ միջոցառումների գլուխն ինքն անցավ եւ անօրինակ հրաման արձակեց. «Հրամայում եմ քառասունութ ժամվա ընթացքում գտնել Դեմետրիո Ալբրուսին ողջ-առողջ եւ բերել ինձ մոտ. եթե գտնվի մեռած, ինձ մոտ պետք է հասնի ողջ-առողջ, իսկ եթե առհասարակ չգտնվի, միեւնույն է, պարտավոր եք բերել նրան»: Հրամանն այնքան միանշանակ էր ու սարսափելի, որ հայտարարված ժամկետն էլ դեռ չբոլորած, վազ տվեցին հայտնելու. «Իմ գեներալ, նրան գտան անդունդի հատակին, թփուտներում: Նրա բոլոր վերքերն ապաքինվել են շնորհիվ այնտեղ աճող ոսկեգույն ծաղիկների: Նա մեզանից ողջ է, իմ գեներալ, նա առողջ է եւ անվնաս, շնորհիվ ձեր մոր կախարդական ուժերի. նա ծաղիկներին բուժիչ հատկություններ էր հաղորդել, մեկ անգամ եւս ցուցաբերելով իր գլխարտությունը եւ սրբությունը այն մարդու նկատմամբ, որը փորձում էր ապականել իր հիշատակը»: Այդ մարդուն լեռներից իջեցրին հնդկական արահետներով, ձողին կապված ճոճով, գրենադավորների պատվո պահակախմբի ուղեկցությամբ, իսկ առջեւից ընթանում էր հեծյալ ալգվասիլը եւ ուրախ, ասես տոնական ժամերգությունը, զանգակ էր հնչեցնում, ի լուր աշխարհին հայտնելու, որ գերագույն իշխանության հրամանը կատարված է, Դեմետրիո Ալբրուսը վերադառնում է ողջ-առողջ: Նրան տարան

պրեզիդենտական պալատ եւ առողջապահութեան նախարարի անձնական պատասխանատուութեամբ տեղավորեցին պատվավոր Հյուրերի ննջասենյակում, որտեղ նա ավարտեց իր առաքելութունը, կազմելով յոթ Հաստափոր Հատորներ եւ երեք Հարյուր Հիսուն էջանոց Հատորների յուրաքանչյուր էջին գրելով հետեւյալը. «Ես, Դեմետրիո Ալդոուսս աստժո ողորմութեամբ Սրբազան արարողութեան կոնգրեգացիայի ունկնդիրս, Հավատի դատախազս ու պոստուկատորս, սույն տարվա ապրիլի տասնչորսին, Հանուն երկրի վրա արդարութեան ծաղկման եւ ի փառս մեր տիրոջ, ստորագրում եմ եւ կնիքս եմ դրոշմում, Հաստատում եմ, որ այստեղ գրված է ճշմարտութիւնը, ամբողջ ճշմարտութիւնը, միայն ճշմարտութիւնը եւ ուրիշ ոչինչ ճշմարտութիւնից բացի»: «Ահա, ձեր գերազանցութիւն»: Եվ իրոք, Աստվածաշնչի պես վիթխարի, ծավալուն այդ յոթ Հատորներում, որոնցից յուրաքանչյուրը զմուռն կնիք ունի, ամփոփված էր ճշմարտութիւնը, այնքան պարզ ու դաժան, որ նախապաշարուածներից բացարձակապես զուրկ, բոլորովին անշահախնդիր մարդը միայն կարող էր իրեն թույլ տալ նման շարադրանք. կենդանի այդ ճշմարտութիւնը քարի պես ամուր ծերունին լսեց առանց աչքը թարթելու, Հյուսկին բազկաթոռին նստած եւ շոգից գլխարկը թափահարելով, խաբեութեան ամեն մի սպանիչ մերկացումից հետո Հագիվ լսելի Հոգոց էր Հանում, «ը-հը» էր արտասանում ամեն անգամ, երբ ճշմարտութեան լույսն առանձնապես ուժեղ էր բռնկվում:

«Ըհը»,- ասաց նա, գլխարկով վռնդեց ապրիլյան ճանճերին, որ Հավաքվել էին ճաշի մնացորդների վրա, եւ կուզ տվեց նորանոր ճշմարտութիւններ՝ մեկ դառը, մեկ՝ չիկացած, ինչպես խավարը ցրող խանձողատ: «Այս ամենը Փարս է, ձեր գերազանցութիւն, կատակերգական թատերախաղ»,- լսեց նա եւ ասաց. «Ըհը», որովհետեւ չէ՞ որ այդպես էր, եւ ինքն էր բեմագրել թատերախաղը, իրենից անկախ, երբ Հրամայեց Հասարակութեանն ի տես դնել մոր մարմինը, սառույցների հետ տեղավորել նրան դազաղում, որ պեսգի վերջ տրվեր այն ասեկոսներին, թե, իբր, փոել է Բեռդիսիոն Ալվարադոն, իսկ դրանից հետո կրկես ստացվեց, ներկայացում - հետո, երբ լսեց, որ մայրը մահից հետո Հրաչքներ է գործում եւ Հրամայեց չքեղ թափոր ուղարկել մարմնի հետ ճամփորդելու սը-



բասկզմութիւննից զուրկ երկրով մեկ: Նրա ուզածը մեկն էր՝ որ բուրն իմանային, թե իր մայրը երկար տարիների նվաստութիւննից հետո սուրբ է մնացել, որ երկնային շնորհ սրբութիւնը փոխհատուցումն է ջահելութեան անպտուղ տարիների, երբ նա զբաղված էր թռչնակներին ներկելու անհեթեթ գործով, փոխհատուցումն է ամբողջ կյանքի ընթացքում այդ թռչնակներին աննպատակ ներկելու. «Մտքովս էջր էլ անցնի, որ սգո թափուրը կօտաազործեն մարդկանց խաբելու համար»: Իսկ խաբեութիւնը ուղեկցում էր թափորին հինց սկզբից - սկսկեցին հազար ու մի անպարարութիւններ, կեղծ հիվանդները, ասենք իբր ջրգողութեամբ տառապողները, ամբոխի աչքերի առջեւ ազատագրվում էին իրենց ջրերից, փողով, անշուշտ. մի մարդ երկու հարյուր պետոյով, իբր, հարութիւն առավ, դուրս եկավ գերեզմանից սարսափազդու ցնցոտիներով, բերանը հողով լցված, եւ սողաց թափորին ընդատաջ. ութսուն պետ վճարեցին այն գնչուհուն, որը կեղծ ծննդյան ցավեր ներկայացրեց, լույս աշխարհ բերեց երկգլխանի մի այլանդակ, ինչը ամբոխի աչքին պատիժ էր՝ երկնքից ուղարկված, որովհետեւ գնչուհին, իբր, բացբերանութիւն էր արել, սակ, թիւ բոլոր հրաշքները կառավարութեան խարդախութիւններն են: Զգտնվեց հրաշքի գոնե մեկ վկա, որը վարձված չլինեք, իսկ գլխավորը՝ այս ամենը հանգուցյալի որդուն շողոքորթելու արդյունքն էր, ինչպես ենթադրում էր իր հետաքննութեան սկզբում մոռանայր Դեմիտրիո Ալդուար. «Ոչ, ձերդ գերազանցութիւն, դա ձեր գործակիցների կեղտոտ խարդավանքն է»:

Դա ամենախայտառակ, ամենասրբապիղծ խարդախութիւնն էր բոլոր այն խայտառակութիւններից, որ երբեւիցե բարգավաճել էին նրա իշխանութեան թեւերի տակ. «Քանզի նրանք, ովքեր հրաշքներ էին հորինում եւ այդ հրաշքների վկաներ վարձում, ձեր վարչակարգի ամենամոլի կողմնակիցներն էին, ձերդ գերազանցութիւն»:- «Ըհը...»: - «Այդ նրանք էին կարում եւ հետո վաճառում պստառ-պատառ, ինչպես մասունք, ձեր մայրիկի՝ Բենդիսին Ալվարադոյի շրջագգեստը...»: - «Ըհը...»: - «Այդ նրանք հարտացան՝ վաճառելով ձեր մոր մազերի խոտոպները...»: «Ըհը...» - «Վաճառելով նրա դագաղի ջրով լի սրվակները...» - «Ըհը...»: - «Վաճառելով սավաններ՝ վրան կոպիտ ներկերով քաշ-

ված ձեր մոր պառկած պատկերը.- այդ սավաննները նրանք իրացնում էին Հարյուրներով, տակից՝ Հնդկացիների շուկայական կրպակներում...»: - «ԸՆԸ...»: - «Այն մարդիկ, ովքեր անվերջանալի հեղեղով անցնում էին Հանգուցյալի դագաղի մոտով, երբ դագաղը դրված էր տաճարի գլխավոր նավում, հրեշավոր խաբեության մեջ էին ընկնում, որովհետեւ վախճանյալի մարմինը չէր նետում ոչ թե այն պատճառով, որ սրբի մարմին էր, ինչպես ներշնչվում էր ժողովրդին, եւ ոչ էլ պարաֆինի ու կոսմետիկայի շնորհիվ, որ կիրառում էին որդու Հասկանալի սնամասուլթյունը Հագեցնելու համար, այլ որոհետեւ դա սովորական խրովիլյակ էր, սարքված ճիշտ նույն եղանակով, ինչպես պատրաստում են կենդանիների խրովիլյակները բնագիտական թանգարաններում...»: «ԸՆԸ...», - ասաց նա եւ շուտով Հնարավորութուն ստացավ ամեն ինչ տեսնելու իր աչքով. «Ես բացեցի սպակյա սարկոֆագը եւ նրա վրայի սգո ժապավենները ցրիվ եկան իմ շնչառությունից իսկ երբ նարնջենու ծաղիկներից Հյուսված պսակը Հանեցի վախճանյալի գանգից նկատեցի որ կոշտ ասես ձիու մազերը գրեթե լրիվ դուրս են քաշվել արմատով որպես մասունք վաճառելու նպատակով եւ ես ձեռքերիս մեջ առա քեզ մայր ձեռքերիս մեջ առա քո չորացած ոսկորները Հարսնաքողի ցնցոտիների հետ եւ դու ավելի ծանր չէիր բան արեւի տակ չորացած դրումը իսկ քեզանից հին սնդուկի հոտ էր գալիս եւ ես լսեցի թե ինչպես էր քո մեջ տենդագին ինչ-որ բան թրթռում կարելի էր կարծել թե դա քո հոգու շրջունն էր բայց դա ցեցն էր մանրում քեզ ներսից ցեցը շրջում էր գրնգացնում իր մկրատը եւ ինձ չվիճակվեց քեզ երկար պահել ձեռքերումս որովհետեւ դու բոլորովին ցրիվ եկար կտոր-կտոր եղար չէ՞ որ քո ներսը դատարկ էր ոչինչ չէր մնացել իմ երջանիկ մոր մարմնից որը քնում էր ձեռքը սրտին դրած քեզանից մնացել էր փոշոտ ու փտող թաղանթ որ ձեռքերիս մեջ վերածվեց փոշու ամպի իսկ դնովի ապակյա աչքերը լլի ցատկերով ոստոսոեցին Հատակի սուլերի վրա տաճարը ընկղմված էր արեւամուտի արնագույն լույսերի մեջ դու վերածվեցիր ոչնչի մայր քայքայված նյութի մի կույտի եւ ալգավասիինները թիփրով Հավաքեցին քեզ որ էլի դագաղը լցնեն»: Այս ընթացքում քարից էլ պինդ, Հանելուկային բռնակալը չդողաց էլ, նրա անթարթ, իգուանի աչքերը ոչ մի գգացմունք չարտահայտե-

ցին ոչ այն ժամանակ, ոչ էլ հետո, երբ մեն-մենուկ մնաց աշխարհում այն միակ մարդու հետ, որը համարձակվեց նրան կանգնեցնել ճշմարտության հայելու դիմաց: Նրանք նստել էին առանց գինանշանի, ոչ մի բանով աչքի չընկնող սովորական մի կառք եւ վարագույրների շղարչի միջով նայում էին աղքատների հորդաներին, որ շոգից դադար էին առել կամարավոր դարպասների սովերների տակ, որտեղ ժամանակին վաճառվում էին դաժան սպանությունների ու դժբախտ սիրո, թունավոր սերմ ունեցող ծաղիկների ու մարդուն կամագուրկ դարձնող խորհրդավոր սլոուլների մասին պատմող գրքեր եւ որտեղ հիմա, մշտական իրարանցում էր, մասունքների մշտական առեւտուր, Բենդիսիոն Ալվարադոյի շորերի պատառիկների ու մարմնի մասերի առեւտուր: Մոնսեյյոր Դեմետրիո Ալդոուսը անսխալ գուշակեց գրուցակցի մտքերը եւ հայացքը առեւտրից կտրելով ասաց, որ իր հետաքննությունը նաեւ դրական արդյունք ունի: «Ես համոզվեցի, որ այս խեղճ մարդիկ սիրում են ձեր գերազանցությանը, ինչպես իրենց սեփական կյանքը»: Իրոք, չէ՞ որ Դեմետրիո Ալդոուսը դավաճանությունը բացահայտել էր պրեզիդենտական պալատում, նա տեսել էր ազահությունը, ստոր շահախնդրությունը, նենգ ծնրապրոֆիտներ հենց արտոնյալների եւ ունեւորների շրջանում, իսկ աղքատների մեջ, աղքատների հոտում, նա տեսավ ընչազուրկ մարդկանց սերը միայն, այլ մարդիկ ոչինչ չէին ակնկալում տիրակալից, որովհետեւ ոչ մեկից ոչինչ չէին ակնկալում եւ իրենցից վեր կանպնածին պաշտում էին հողի չափ շոշափելի ջերմեռանդ աստվածավախությունը. «Տեր աստվածն ինքը կարող է ձեզ նախանձել, ձեր գերազանցություն»: Բայց նորին գերազանցությունը հոնքն էլ չչարժեց լսելով սույն խոստովանությունը, թեեւ մի այլ ժամանակ նրա սիրտը քաղցրորեն կթրթռար, նա նույնիսկ հոգոց չքաշեց, բայց մտքում խոսեց թաքուն հուզմունքով. «Իսկ դուք ուզում էիք որ ինձ չսիրեն սուրբ հայր հատկապես հիմա երբ պիտի մեկնեք ու հաճույք ստանաք իմ խայտառակությունը եւ իմ վշտով ձեր կեղծ աշխարհի ոսկյա գմբեթների տակ իսկ ես կամսամ մենակ առանց հոգաատար մոր որն օգնում էր ինձ կրել այս բեռը մեն-մենակ այս երկրում որ իմ կամքով չեմ ընտրել այլ ստացել ծնված օրից ճիշտ այնպիսին ինչպիսին դուք տեսնում եք ինչպիսին եղել է դարեր շարունակ իր

այս առանձնահատուկ ինքնամոռացման զգացումով այս քաքահոտով պատմութիւննից զրկված այս մարդկանցով որոնք իրենց կյանքի ընթացքում չեն հավատում ոչնչի այս երկրում որ տրվել է ինձ առանց իմ կամքը հարցնելու սուրբ հայր այս երկրում որտեղ վարագուրված կուռքի ստվերի մեջ քառասուն սուտիճան է եւ իննսունութ աստիճան խոնավութիւն որտեղ խեղդվում ես փոշուց որտեղ քեզ տանջում է նենգ փոշտանկը թեթեւ սուկում հար ու նման սրճահոկի սուկոցին որտեղ ընդունելութիւնների ժամանակ չկա մեկը որի հետ դոմինո խաղաս որին ճշմարտութիւնը վատահեա մտեք դրութիւնս մեջ սուրբ հայր»։ Նա հագիվ նկատելի հոգոց քաշեց, հագիվ նկատելի թարթեց իգուանի իր կոպերը եւ խնդրեց մոնսենյոր Դեմետրիո Ալդոուսին, որպեսզի այս դաժան խոսակցութիւնը մնա իրենց մեջ. «Դուք ինձ ոչինչ չեք ասել, սուրբ հայր: Ես չգիտեմ ճշմարտութիւնը, եղա՞վ»։ Եվ մոնսենյոր Դեմետրիո Ալդոուսը խոստացավ. «Անշուշտ, ձերդ գերազանցութիւն, դուք չգիտեք ճշմարտութիւնը: Ամեն ինչ կմնա մեր մեջ, տղամարդու ազնիվ խոսք եմ տալիս»։ Բենդիսիոն Ալվարադոյի սրբացման գործը կարճվեց սրբութիւնը վկայող ապացույցների անբավարարութեան պատճառով, Հռոմի վերդիկտը այդ կապակցութեամբ կառավարութեան պաշտոնական թույլտվութեամբ հրապարակեց ամբիոններից եւ միաժամանակ կարգադրվեց վճռականորեն կանխարգելել բողոքի ամեն տեսակի փորձերը եւ հասարակական կարգի խախտումները, սակայն կարգի պահպանման ուժերը մատը մատներին չխփեցին, երբ ուխտագնացների հորդաները դե Արմաս հրապարակում մայր տաճարի դարպասների գերաններից խարույկներ վառեցին եւ քարերով ջարդեցին Աուքելական նվիրակութեան պալատի հրեշտակներով ու գլադիատորներով ապակենկարները. «Նրանք կործանում են ամեն ինչ, իմ գեներալ»։ Բայց նա տեղից չջարժվեց իր ճոճում: «Նրանք պաշարել են կույսերի մենաստանը, ուզում են, որ կույսերը մեռնեն սովից: Նրանք թալանում են եկեղեցիները, միսիոներների տները, ոչնչացնում են այն ամենը, ինչ կապ ունի հոգեւորականութեան հետ, իմ գեներալ»։ Բայց նա մնաց անտարբեր իր ճոճում, կենդանի ծաղիկներով ծածկի զով ստվերի տակ, ոչինչ չձեռնարկեց, մինչեւ բոլոր քարճրաստիճան սպաները չհայտարարեցին, որ իրենք անընդու-

նակ են ճնշել Հուզումը եւ կարգուկանոն Հաստատել սուանց արյուն թափելու, ինչպես Հրահանգված էր: Միայն այդ ժամանակ նա դուրս եկավ ճոճից եւ մտավ իր առանձնասենյակը, որտեղ չէր եղել խորհելու երկար ամիսների ընթացքում եւ ստանձնեց ժողովրդական կամքի միանձնյա արտահայտման ողջ պատասխանատվությունը, ինչն արտահայտվեց դեկրետով, որ նա արարեց ներշնչանքով եւ հուշակեց իր պատասխանատվությամբ՝ չզգուշացնելով զինված ուժերին եւ չխորհրդակցելով իր նախարարների հետ: Այդ դեկրետի առաջին հոդվածը ազատ ու անկախ ժողովրդի կամքով հուշակում էր Բենդիսիոն Արվարադոյի քաղաքացիական սրբությունը, եւ շնորհում նրան Ազգի Տիրուհի, Տառապյալների Ամոքիչ եւ Թուշունների Դատարարակչուհի կոչումներ, իսկ Բենդիսիո Արվարադոյի ծննդյան օրը նույն այդ հոդվածով Հայտարարվում էր ազգային տոն: Երկրորդ հոդվածը դեկրետի հուշակման օրից, պատերազմական վիճակ էր Հայտարարում սույն ազգի եւ Վատիկան կոչվող պետության միջեւ, սրանից բխող բոլոր հետեւություններով, որոնք պայմանավորված են իրավունքի պահպանման օրենքներով եւ միջազգային Համաձայնագրերով: Երրորդ հոդվածի ուժով երկրից անհապաղ պետք է վճարվեին սենյոր արքեպիսկոպոսը, բոլոր եպիսկոպոսները, առաքելական պրեֆեկտները, ծխական քահանաները եւ կույսերը, առհասարակ, Հոգեւոր կոչում ունեցող, կամ եկեղեցական գործերի հետ կապ ունեցող բնիկ եւ եկվոր բոլոր անձինք: Նրանք բոլորը զրկվում էին երկրի տարածքում եւ ծովային հիսուն մղոնի չափով ջրային սահմաններում լինելու իրավունքից: Եվ, վերջապես, չորրորդ հոդվածը Հայտարարում էր եկեղեցական ողջ ունեցվածքի բռնագրավում: Բռնագրավվեցին տաճարները, մենաստանները, դպրոցները, հերկվող հողերը՝ գյուղատնտեսական բոլոր գործիքներով եւ անասունները, վանքապատկան շաքարի գործարանները, ֆաբրիկաները եւ արհեստանոցները, ինչպես նաեւ այն ամենը, ինչը թեեւ ազնվականների սեփականություն էր համարվում, բայց իրականում պատկանում էր եկեղեցուն: Այս բոլորը միասին վերցրած եւ Բենդիսիոն Արվարադոյի բոլոր թռչնակները, դեկրետով հուշակման օրից Հայտարարվեց պրեզիդենտի մոր Լոմահու կալվածքի անքակտելի մասը. դեկրետը ընթերցվեց բարձրաձայն եւ կնքված էր

բարձրագույն իշխանության մատանիով. «Ենթարկվեք ու կատարեք»: Չհրապուրվելով ճայթռուկների ճայթյունով, զանգակների դողանջներով եւ Բենդիսին Ալվարադոյի քաղաքացիական սրբացումը փառաբանող ցնծագին մեղեդիներով, նա անձամբ հետեւեց դեկրետի կենսագործման ընթացքին, ոչ մեկին չլստահելով, հաշվի չառնելով եւ ոչ մեկի կասկածիլի հեղինակությունը, որովհետեւ չէր կամենում հերթական խաբեության զոհ դառնալ: Նա կրկին իր ձեռքն առավ կառավարման սանձերը, ատլասն ձեռնոցներով ամուր բռնեց կոշտ սանձերից, ինչպես մի ժամանակ, փառալոր այն տարիներին, երբ մարդիկ նրան կանգնեցնում էին սանդուղքին եւ խնդրում վերականգնել ձիարշավները քաղաքի փողոցներում եւ նա վերականգնում էր, երբ խնդրում էին վերականգնել պարկերով վազքը եւ նա վերականգնում էր, երբ նա ամենաաղքատիկ խրճիթն էր մտնում մարդկանց բացատրելու, թե ինչպես պետք է հավին թուխս նստեցնել, կամ ցույ կուտել: Նա կրկին խորամուխ եղավ ամեն հարցում եւ այդ պատճառով չսահմանափակվեց եկեղեցական ունեցվածքի գույքագրության մանրամասն ակտով, այլ անձամբ ղեկավարեց բռնագրավումը, թույլ չտալով, որ նախատեսվածի ու կենսագործման միջև որեւէ ճեղք մնա, պետական թղթերի ճշմարտությունը ստուգելով իրական կյանքի փոփոխական ճշմարտությամբ: Նա հսկում էր եկեղեցական խոշոր համայնքների արտաքսումը. սրանց նկատմամբ կասկած կար, թե նրանք երկտակ հատակ ունեցող ճամպրուկներով եւ խորամանկ կրծկալներով մտմտում են իրենց հետ ծածուկ տանել վերջին փոխաբայի անհաշիվ գանձերը - հենց այն նույն գանձերը, որ կարծում էին, թե թաղված են աղբատաց գերեզմանատանը եւ երկար տարիների դաժան որոնումներից հետո չէին գտել Փեդերացիայի համար կույի ղեկավարները: Ահա այդ պատճառով նա հրամայեց. ոչ մի հոգեւորական իրավունք չունի մեկ փոխնորդ սպիտակեղենից բացի որեւէ բան տանելու, նախատեսվում էր նրանց նավ թողնել բացարձակապես մերկ, ինչպես ծնվել էին իրենց մայրերից: Այդպես էլ եղավ. բոլորովին մերկ նավ մտան գյուղական կոպիտ քահանաները, որոնք ոչինչ չէին հասկանում, որոնք համաձայն էին ուղկյանքը մերկ շրջել, միայն թե չդիպչեին իրենց եւ չստիպեին մեկնել միսիոներական օկրուգների ջերմախտից հյուսված պրեֆեկտ-

ները, վսեմաշուք ճաղատ եպիսկոպոսները, եւ այս ողջ եղբայրութեան հետ նաեւ կանայք. զթության երկյուղած քույրերը, բնությունը որպէս վայրի ձի սանձելու եւ անապատում բանջարեղին անեցնելու վարժված, խեղճացած միսիոներուհիները, իրենց կլավիկուրդներին բաժանված պլացիկ միանձնուհիները, նրբաձեռք, անմատչելի-սեղեցիանուհիները- բոլորն էլ մերկ, մորե մերկ, եւ նրանց մաշկով հնարավոր էր գուշակել դասակարգային ծագումը, սոցիալական դրությունը եւ զբաղմունքը. մաքսատան երկար սրահում կակտոյի հակերի եւ գետային բազրե կոչվող ապխտած ձկան պարկերի միջեւ ձգված սրանց շարանները վախեցած ոչխարների անօգնական շրջապտույտ էին հիշեցնում. հովհարների թեւերը հովաքնում էին նրանց մարմինները, իսկ նրանք ձեռքերով ծածկում էին ստիւքները եւ ջանում թաքնվել մեկը մյուսի ետեւում, անցնելով քարե արձանի պէս անշարժացած ծերունու մոտով, որը նայում էր ուղիղ իր դիմացը, իգուանի անթարթ աչքերով հայացքը սեւեռած մերկ կանանց անկանոն հեղեղին. նա բայարձակապէս անկիրք էր նրանց նայում, բայց նայեց մինչեւ վերջ, մինչեւ վերջին կինը լքեց երկրի սահմանները. «Հեռացան բոլորը, իմ գեներալ»: Իսկ նա զգաց, որ հիշողութեան մեջ մնացել է մեկը. երբ կանայք անցնում էին կողքով, նա ակնթարթորեն, մի հայացքով, սարսափահար կույսերի հերթում առանձնացրեց մեկին, թեւ սա ոչնչով չէր առանձնանում. ամբակազմ էր եւ լիքը, առողջ, մտտ ազդրերով, մեծ կրծքով, ձեռքերն անճոռնի էին, մազերը այգու մկրատով խուզված, ատամները ցանցառ էին ու պինդ, ինչպէս կացին, քիթը՝ կճատ, թաթերը՝ հարթ,- սովորական միանձնուհի էր, բոլորի նման, բայց նա իսկույն զգաց, որ մերկ կանանց այս ամբողջ թափառախմբից միայն այդ մեկին է ցանկալի. միայն այդ մեկը մոտից անցնելով, նույնիսկ վրան չնայելով՝ ետեւից թողեց անտառային գագանի մուգ-տագնապ ծնող հոտ. նրա շունչը կտրվեց, նա քիչ նկատելի շեց աչքերը, որպէսզի տեսնի այդ կնոջը էլի մի անգամ եւ այդ պահին նա՛վ բարձրացողների ցուցակը ստուգող սպան բղավեց. «Նասարենո Լետիսիա»,- եւ այդ կինը արձագանքեց տղամարդկային ձայնով. «Այստեղ եմ»: Ահա այսպէս Լետիսիայի անունը «Այստեղ եմ»-ի հետ մինչեւ մահ-գերեզման մտավ նրա հոգու մեջ, ահա այսպէս մտավ իր կյանքի մեջ այս

կինը, որի մասին նա հիշում էր մինչև այն պահը, քանի դեռ նրա ճանճրալի մտքերը չէին մոլորվել հիշողության քառսում. եւ արդեն հիշողությունը կորցնելիս նա հարողթյուն տվեց կնոջ կերպարին՝ թղթի նեղ շերտերի վրա գրելով. «Իմ հոգու Լետիսիա Նասարենո տես թե ինչ պատահեց ինձ առանց քեզ»: Նա թաքցրեց այս թուղթը այն թաքստոցում, որտեղ մեղրն էր պահում եւ վերընթերցում էր գրածը, երբ համոզված էր լինում, որ ոչ ոք չկա, վերընթերցում ու կրկին թաքցնում էր, ոլորելով, խողովակ սարքած, եւ կրկին ապրում էր այն ակնթարթը, որը ապրել էր լուսավոր անձրեւի անմոռանալի մի օր, երբ իմացավ՝ Լետիսիա Նասարենոյին երկիր են վերադարձրել, թեեւ ինքը ոչ մեկին նման հրահանգ չէր տվել: Պարզապես, դեպի հորիզոնը հեռացող գորշ բեռնանավի ետեւից նայելով, նա շնչացել էր. «Լետիսիա Նասարենո» եւ հետո կրկնել բարձրաձայն՝ «Լետիսիա Նասարենո...», - որպեսզի չմոռանար այդ անունը, բայց այսքանն էլ բավական էր, որպեսզի պրեզիդենտական անվտանգության ծառայությունը առեւանգեր Լետիսիային Ջամայկայի կուսանոցից եւ հայրենիք ետ բերեր: Բերանը խցոցով փակած եւ զսպաշապիկ հագցրած նրան խցկեցին փայտե բեռնարկը. սոճու փայտից արկղ էր՝ անկողնները զմուռսով կնքված եւ սեւ կուպրե մակազրությամբ. «Ապակի է: Գլուխը: Չըրջի»: Այս բեռնարկը պաշտոնական փաստաթուղթ ուներ, որ արտոնում էր առանց մաքսի երկիր ընդունել երկու հազար ութ հարյուր բյուրեղապակյա բաժակներ՝ պրեզիդենտական մառաններում պահվող շամպայների համար. բեռնարկը տեղավորել էին ածխանավի նավամբարում: Հենց այդտեղից էլ ուժեղ քնաբերով քնած Լետիսիային պալատ բերեցին եւ բոլորովին մերկ պառկեցրին պատվավոր հյուրերի ննջասենյակում, սյունազլխերով մահճակալին - այսպիսին էր նա հիշում Լետիսիային հետագայում մերկ պառկած ցերեկվա ժամը երեքի սպիտակավուն լույսի մեջ, մժղուկներից պաշտպանող շղարչի տակ: Նա քնած էր այնպես, ինչպես տարբեր ժամանակներում քնել էին այստեղ հարյուրավոր այլ կանայք, որոնց մատուցում էին առանց հրահանգի եւ որոնց նա տիրանում էր առանց արթնացնելու, քնի մեջ, լյումինալային լեթարգիայի մեջ ընկղմված, բայց եւ պարտություն ամոթ էր ապրում եւ տանջվում դրա համար: Սակայն Լետիսիա Նասարենոյին



նա ձևաք չտվեց. նայում էր նրան մի տեսակ մանկակառն ապշանքով, եւ զարմանում, որ այդպես փոխվել էր նրա մարմինը. նա բոլորովին նման չէր մաքսատանը տեսած կնոջը: Նրա մազերը գանդբայրին, սափրեցին որոշ տեղերը, կարմիր լաքով պատեցին ձևաքերի եւ ոտքերի եղունգները, ներկեցին շրթունքները, այտերին կարմրություն տվեցին, կոպերը սեւացրին, ողջ մաշկը օձեցին բուրումնավետ քուրճներով, նրանից փչող կոսմետիկայի անախորժ հոտերը խեղդում էին թաքնված, գայթակղիչ զազանային հոտը. «Ամին ինչ փչացրել են անասունները այ քեզ բան...»: Այնպես էին նրան ձեւավորել, որ կոսմետիկայի շերտի տակ նույնիսկ մերկությունը չէր երեւում...

Նա նայում, անվերջ նայում էր անզգա քնի մեջ սուղված կնոջը, եւ տեսնում, թե ինչպես է նա աստիճանաբար դուրս լուրս քնի այդ ջրանդունդից, ինչպես է արթնանում, ինչպես է տեսնում իրեն. «Նա իմ խելագարության Լետիսիա Նասարեհուն է մայր»: Իսկ կինը քարացավ սարսափից, շղարչե թեթեւ մշուշի միջից տեսնելով իրեն նայող, քարի պես ամուր ծերունուն, համրացավ իրեն սնահասկանայի անհուն լուրթյունից. նա հրեւակայի չէր կարող, որ չնայած աներեւակայի տարիքին ու անսահման իշխանությանը, այդ ծերունին ավելի էր վախեցել, քան ինքը: Պրեզիդենտին համակած մենության, ընկճվածության ու անզորության զգացումներն ավելի սուր էին, քան այն օրը, երբ առաջին անգամ փորձեց կին վայելել: Հիմա նա ավելի էր շփոթվել, քան այն օրը, երբ կեղիչերին գետում տեսավ գինվորների լողացող բոզին: Նա մի կարգին չտեսավ էլ նրան, միայն լսում էր, թե ինչպես է դամբիկի պես փնջում ու մնչում գլուխը ջրից հանելիս, եւ այդ փնջուց-մնջոցներով պատկերացրեց նրա մարմնի հզորությունն ու ընդգրկելիլությունը: Աթուլթյան մեջ նա լսում էր նրա միայնակ, մութ ծիծաղը եւ զգում, թե ինչպես է ցնծում ջուրը վայելող նրա մարմինը. եւ կանգնել էր սարսափից կաթվածահար, որովհետեւ դեռ անարատ էր, թեեւ երրորդ պատերազմն էր մղում եւ հրետանու լիտեհանտի կոչում ուներ: Սակայն, ի վերջո, ընդմիջտ անարատ մնալու սարսափը հաղթեց այլ վախերին եւ նա գետը նետվեց սուսնոց համվելու, ինչով կար՝ գոտիներով, գուլպաներով, ու սապարկով, մաշկտեղով ու հրացանով: Այնպես աղմուկ բարձրացրեց, այնպես

Թպրոտաց ջրերում՝ խճճվելով Հանդերձի եւ իր Թաքուն վախերի մեջ, որ կինը, սկզբում կարծեց, թե դա Հեծյալ է անցնում գետը, բայց իսկույն էլ տեսավ՝ եղածը մի անփորձ տղամարդ է եւ զԹասիրուԹյամբ օգնության ձեռք մեկնեց խեղճին, ընկճվածության խավարի միջով տարավ նրան, քանզի նա սեւ ջրերից գատ ուրիշ ոչինչ չէր տեսնում: Նա մայրական ձայնով ասաց նրան խավարում. «Բռնիր ամուր ուսերիցս, թե չէ Հոսանքի բերանը կընկնես: Եվ մի պզգիր, ծնկի եկ ու շնչիր Հանգիստ, թե չէ ջուր կուկ կտաս»: Եվ նա արեց այն ամենը, ինչ Հրահանգեց կինը: Երեխայի նման լսելով ու ինքն իրեն մտածելով. «Մայր իմ Բենդիսիոն Ալվարադո ինչպես են կանայք կարողանում ակնթարթորեն որոշել իրենց անելիքը ինչպես են կարողանում գրողը տանի տղամարդ լինել»: Այսպես մտածում էր, իսկ կինը նրա վրայից Հանում շարտում էր այն ամենը, ինչ անհրաժեշտ է Հետեւակին պատերազմի ժամանակ, բայց վնասակար՝ Հոսանքի, ջրի դեմ պայքարելիս. ջուրը մինչեւ վիզն էր Հասնում, նա մեռնում էր սարսափից, եւ կմեռներ, եթե չլիներ կնոջ կուպրի օճառի Հոտով մարմինը: Իսկ կինը արձակելով նրա բոլոր գոտիներն ու կոճակները Հանկարծ կծկվեց սուսկումից, երբ ձեռքով դիպավ ինչպես փքված դոդոշ, ջրում լողացող վիթխարի ինչ-որ բանի: Կինը վախեցած թողեց նրան, Հեռացավ մի փոքր ու մոթմոթաց. «Գնա մայրիկիդ մոտ, թող նա քեզ փոխի մեկ ուրիշի Հետ, թե չէ եղած-չեղածովդ բանի պետք չես»: Եվ, ահա, Հիմա նույն սարսափը, միայն ավելի ուժեղ, գամեց նրան Լետիսիա Նասարհնոյի մերկ մարմնի դիմաց եւ նա զգաց, որ չի Համարձակվի նետվել նրա խորհրդավոր ջրերի գերկը, քանի դեռ ինքը չէ զԹասիրաբար օգնության ձեռք մեկնելու: Այդ ողորմածության սպասման մեջ նա սավանով ծածկեց կնոջը, նրա Համար լարեց պատեֆոնը, քանի դեռ չէր դրել ձայնապնակը՝ Դելգադինայի դժբախտ սիրո մասին. սրան վիճակվել էր մեղսալի սեր իր իսկ Հոր կողմից. նա կարգադրեց Լետիսիայի ննջասենյակի սափորներում շորե ծաղիկներ դնել, որովՀետեւ կենդանի ծաղիկները թոշնում էին, Հենց կինը ձեռք էր տալիս, նա պատրաստ էր կատարել կնոջ ուզածը քմահաճույքը, բայց միեւնույն ժամանակ նա պիտի մնար փակ սենյակում մերկ, մինչեւ Հասկանար, որ այլ ելք չուների, բացի Հրաշալի ապահովածությամբ ծեր մարդու սիրուհին դառնալուց:

Սարսափից սթափվելով Լեոխիան այս բանը հասկոյցով բավուկանին արագ եւ այնքան լավ, որ հանկարծ, չդիմելով հարգալից դարձվածքներին, սկսեց հրամայել. «Գեներալ, բաց արեք պատուհանը, շոգում եմ»: Իսկ երբ կատարվեց հրամանը, նա խակույն տասց. «Փակեք: Լուսնի շողերն ուղիղ աչքերիս մեջ են ընկնում»: Պրեզիդենտը հլու-հնազանդ եւ այս հրամանը կատարեց, եւ մնացյալները, կատարեց այնպես, ասես դրանք սիրո քմահաճույքներ էին: Նա ավելի ու ավելի լսող էր դառնում եւ միեւնույն ժամանակ ավելի ինքնավստահ, մինչեւ, վերջապես, համարձակվեց եւ լուսավոր անձրեւի մի օր մտավ նրա շղարչի տակ իր ողջ հաղուսարկապուտով, պառկեց կողքին ու անշարժացավ, որ չարթնացնի նրան: Շատ գիշերներ նա անցկացրեց այդպես, նրա կողքին, բայց մենության մեջ, ներշնչելով Լեոխիայի մարմնի հանելուկային բույրերը, վայրի գազանի նրա հոտերը, լսելով շնչառությունը, սրն աստիճանաբար ավելի ու ավելի տաք էր դառնում: Մի անգամ Լեոխիան արթնացավ վախեցած ու ճչաց. «Դուրս եկեք, գեներալ»: Նա անխոս դուրս եկավ շղարչի տակից, բայց հենց Լեոխիան քնեց, կրկին պառկեց կողքին: Այդպես նա տիրացավ Լեոխիային՝ տոանց դիպչելու նրան բանտարկության առաջին տարվա ընթացքում, մինչեւ կինը վարժվեց՝ արթնանալ նրա կողքին, թեեւ դեռ չէր հասկանում, թե ուր եւ ինչին են ուղղված այդ անհասկանալի ծերունու հոգու չօգտագործված հոսանքները. հրաժարվել էր իշխանության վայելքներից, աշխարհի հաճույքներից հանուն ինչի՞, որ միայն զննե՞ր իր մարմինը: Բայց լուսավոր անձրեւի մի օր էլ եղավ, երբ անհասկանալի ծերունին վճռեց տիրանալ քնած Լեոխիային եւ ինչպես ժամանակին գետն ընկավ, որտեղ լողում էր զինվորների բոզը, ճիշտ այդպես էլ նրա վրա ընկավ, ինչպես կար՝ սրակապով, սրով, համազգեստի շարվարի գրպանում բանայինների փնջով, հեծելալի սապոզներով՝ ձախի վրա ոսկյա խթան: Նա դուրսի գնաց եւ Լեոխիան արթնացավ մղձավանջի մեջ, փորձեց ցած գլորել լծասարքը վրան այդ պառավ ձիուն, բայց ծերունին այնքան վճռական էր, որ կինը որոշեց ժամանակ շահել խաբեությամբ. «Հանեք լծասարքը,՝ ասաց նա,՝ թե չէ կուրծքս կպատառոտեք ձեր ճարմանդներով»: Իսկ երբ ծերունին հանեց սրակապը, Լեոխիան պահանջեց. «Հանեք խթանը, գեներալ, թե չէ դրա աստղիկը

ճանկոտում է կոճերս: Եվ գրպանից հանեք բանալիները, ցավեցնում են ազրբս»: Նա կատարեց Լեոխիսիայի բոլոր պահանջները, թեև էլի երեք ամիս պահանջվեց մինչև նա համաձայնեց հանել սրի գոտիները:՝ «Դրանք ինձ խեղդում են, գեներալ»- եւ էլի մի ամբողջ ամիս պահանջվեց, որպեսզի համաձայնեի բաճկոնակը հանել. «Այդ կոճակները հոգիս են ճանկոտտում, գեներալ»: Դա մի դժվար, ձգձգվող պայքար էր, որի ավարտը կինը ջանում էր հնարավորին չափ հեռացնել, չգրգռելով նրան, պայքար էր, որի ընթացքում նա գիջում էր՝ ցանկանալով հաճոյանալ կնոջը, այնպես որ ոչ Լեոխիսիան եւ ոչ էլ ծերունին գլխի էլ չընկան, թե ինչպես եղավ այն, ինչը պատահեց Լեոխիսիայի առեւանգման երրորդ տարվա սկզբին: Պարզապես մի գիշեր ծերունու տաք, փափուկ, ճակատագրի գծերից զուրկ ափերը քավեցին կույսի կանացի էության թաքուն ինչ-ինչ լարերի, եւ նա արթնացավ իր կրքից ապշած, նույնիսկ չփորձեց ազատվել իրեն սեղմող վայրենի դազանից, միայն աղերսալի բացականչեց. «Հանիր սապոգներդ, թե չէ կմուրտառես իմ հոլանդական սավանները»: Եվ շարունակեց, երբ ծերունին մի կերպ հանեց սապոգները. «Հանիր շալվարդ, հանիր կալանդդ, հանիր ամեն ինչդ, կյանքս, թե չէ ես չեմ զուլում քեզ»: Եվ նա հանկարծ, տեսավ, որ կանգնած է այն տեսքով, ինչպես միայն մայրն է տեսել իրեն կուսանոցի դարպասների մոտ, լալտերներով լուսավորված խորդենու տխուր լուսարձակման տակ, երբ ինքը ծնվեց, եւ նա իրեն ազատազրկած զգաց հին, հին վախից, հետո իրեն մարտական բիզոն զգաց եւ մի հարվածով կործանելով ամեն ինչ, բերանքսիվայր ընկավ լուսթյան անդունդը, որտեղ լավում էր միայն Լեոխիսիա Նասարենոյի ատամների կրճտոցը. այդպես ճթճթում են միայն նավակայմերը. «Նասարենո Լեոխիսիա...» - «Այստեղ եմ» - «Եվ նա երկու ձեռքով կառչեց իմ մազերից որպեսզի մենակ չմեռնի անհատակ այդ ջրանդունդում որտեղ մեռնում էի եւ ես...»: Բայց այսուհանդերձ նա այդ ջրանդունդում նրան մենակ թողեց, մոռացավ նրան խավարում եւ ինքն էլ մենակ էր, փնտրում էր ինքն իրեն իր իսկ արցունքների աղի ջրերում, խճճվելով ցլային իր թուքի թելերի մեջ, ցնցված իր իսկ ցնցումից. «Մայր իմ Բենդիսին Ալվարադո ինչպես կարծիք էր այդքան երկար սպրիչ ու չճաշակել այդ քաղցր տառապանքը»: Նա լաց ե-

դավ՝ ցնցված իր ներսի տառապալից քաղցր տվայտանքներից, ու-  
ժասպառավիրով չարտահայտած քնքշանքից, որ համակել էր նրան  
մինչևև ալիքները, եւ չհասկացավ, թե ինչ Ղղաճգում է բռնել ողջ  
մարմինը, չհասկացավ, թե ինչու է իրեն մորթված գազան զգում,  
չհասկացավ, թե ինչ արարած է մուրտառում այս անկողնու հո-  
լանդական սավանները, այս շղարշի տակ, չհասկացավ, թե ինչ  
պատահեց լուսավոր անձրեւի այս օրվա հետ, բյուրեղապակյա  
այս օդի հետ, ուր հանկարծ գարշահոտ ընկավ,- դուք չհասկա-  
ցաք, իմ գեներալ, որ պարզապես ձեր տակն արեցիք...

Երեկոյան մենք պալատից դուրս հանեցինք կովերի նեխած լե-  
շերը, հնարավորին չափ կարգի բերեցինք աներեւակայելի խառ-  
նափնթորութունը, սակայն մեզ ոչ մի կերպ չհաջողվեց պատշաճ  
տեսքի գցել հայտնաբերված դիակը, որպեսզի գտնե փոքր-ինչ հա-  
մապատասխաներ մեր տիրակալի առասպելական կերպարին.  
մենք մաքրեցինք նրա մարմինը ձկան քերիչներով, վրայից հեռաց-  
րինք փառակալած մամուլը՝ Հար ու նման այն մամուլին, որ ա-  
ռաջանում է ծովը սուզված նավերի վրա, մենք տրորեցինք նրան  
կուպրե քսուքով եւ լողացրինք աղե լուծույթով, որ ջնջենք դիա-  
բոները, խծուծի օսլա քսեցինք եւ պարաֆին, որոնց շնորհիվ լցվե-  
ցին հանգուցյալի դեմքին անգղերի փորած փոսիկները, կենդանու-  
թյան գույն հաղորդեցինք նրան՝ այտերը կարմրեցնելով, շրթները  
ներկելով, դատարկ ակնախոռոչներում ապակյա աչքեր դրեցինք,  
բայց չկարողացանք դեմքին տիրական արտահայտութուն տալ,  
ինչն անհրաժեշտ էր մարմինը հասարակությանը ներկայացնելուց  
սուաջ: Իսկ այս ընթացքում պետական խորհրդի նիստերի դահլի-  
ճում կոչեր էին հնչում հանուն համընդհանուր միասնության եւ  
ընդդեմ դարավոր բռնակալության ժողանգության, կոչեր՝ սիրա-  
հոժար բաժանել հանգուցյալի ճանկերից դուրս պրծածը, այն ամե-  
նը, ինչը դեռ երեկ հրեշավոր ծերի անբաժանելի ավարն էր: Թեեւ  
իրողութունը ցանկանում էին առայժմ թաքուն պահել, սակայն  
նրա մահվան լուրը տարածվում էր մոզական արագությամբ եւ  
կրկիր վերադարձան բոլորը՝ լիբերալներն ու պահպանողականնե-  
րը, որոնք երկարատեւ վտարանդիության խարույկի շուրջը նստո-  
ւած այնպես էին հաշտվել միմյանց հետ, որ մոռացել էին փոխա-

դարձ հավակնությունները. գեներալները, որոնք մոռացել էին, թե ինչ բան է իշխանություն կոչված բանը. քաղաքացիական վերջին երեք նախարարները, առաջնորդ արքեպիսկոպոսը,- բոլոր նրանք, ում ծեր բռնակալը չէր կամենում տեսնել ընկուզեմու փայտից երկար սեղանի շուրջը նստած: Հիմա նրանք փորձում էին համաձայնության գալ թե՛ ինչպես ժողովրդին հայտնեն պրեզիդենտի մահը, որ կանխարգելեն հուզումները, կանխեն ամբոխների տարերային ցույցերը: Ի վերջո, վճռվեց երկու հազորդագրություն հրատարակել. համար մեկ հազորդագրությունը հայտարարում էր, որ պրեզիդենտը թեթեակի հիվանդ է և այդ պատճառով հետաձգում է իր մասնակցությունը պաշտոնական, հասարակական արարողություններին, ինչպես նաև նշանակված տեսակցություններն է հետաձգում. համար երկրորդ հազորդագրության մեջ ասված էր, որ նորին գերագանցությունը տարիքային բնական թուլության պատճառով չի կարող դուրս գալ իր անձնական սենյակից: Այս հազորդագրություններից հետո, առանց որեւէ լրացուցիչ հայտարարության, օգոստոսյան մի շուգ երեքշաբթի, երբ լուսաբացի վառ բոցը երկինքն էր գրավում, տաճարի գանգերի զողանջն ազդարարեց տիրակալի մահը, թեև ոչ ոք չէր կարող երաշխավորել անվերապահորեն, որ, իրոք, մեռել է, և կամ՝ հենց ինքն է մեռել: Ինչեւէ, եղածը եղել էր, բայց մենք բոլորովին գինաթափվեցինք այդ մահով, մեր ոտուձեռը կապեց գարշահոտ այդ դիակը, քանի որ չգիտեինք ու չէինք պատկերացնում, թե ով է փոխարինելու նրան, առանց որի աշխարհը փուչ էր թվում. ծերունական Եսասիրությանը տարված՝ նա չէ՞ որ ժառանգորդ չէր նշանակել, լսել չէր ուզում նման խոսակցություններ, անգիշում համառությունը հրաժարվում էր քննարկել՝ ով է իրենից հետո լինելու հարցը, ջնջում էր այդ թեմայով բոլոր զրույցները, հատկապես այն օրից, երբ կառավարությունը տեղափոխվեց ապակուց ու բետոնից կառուցված նոր շենք, և նա մնաց իր իշխանության ամայի կացարանում բոլորովին մենակ: Ինչպես քնի մեջ՝ նա թափառում էր այնտեղ, չրջում կովերի կմախքների դաշտում, չէր համարձակվում որեւէ մեկին հրաման տալ, բացի կույրերից, բորոտներից ու կաթվածահարներից, որոնք վարդաթփերի տակ մեռնում էին ոչ թե հիվանդությունից, այլ ծերությունից: Բայց ամեն անգամ, երբ

նրան կրկին ինդրում էին մտածել ժառանգորդի մասին, Հայրենիքի ապագա բախտի մասին, նա իսկույն ձեռք էր բերում խուսափելու ամբուլթյուն, անորոշության որոշակիություն եւ նաեւ Հեռատեսություն էր ցուցաբերում,- «Մահվան նման մութ գործ է Հոգս քաշելը, թե ինչ է պատահելու աշխարհին ինձանից Հետո: Չեզ իհնչ է պետք: Ինչո՞ւ եք անհանգստացել: Հենց ես մեռնեմ, կհավաքվեն քաղաքագետներն ու իրար մեջ բաժան-բաժան կանեն գրողի տարած այս երկիրը, ինչպես բաժանեցին գրինգոներին վոնդելուց Հետո: Այ, կտեսնեք, ալան-թալանին վազ կտան տերտերները, Հարուստները, գրինգոները եւ քարշ կտան ամեն ինչ, իսկ աղքատներին էլի ոչինչ չի հասնի եւ նրանք ավելի կաղքատանան: Դրանց բախտն է այդպիսին. եթե կղզանքը որեւէ արժեք ունենար, աղքատներն առանց քամակի կձնվեին: Այդպես էլ կլինի, այ, կտեսնեք»: Իսկ Հետո նա մեջ բերեց իր փառավոր ժամանակներում ապրող մեկի խոսքը, ծաղրեց ինքն իրեն, խնդալով ասաց, որ իր մահից Հետո իմաստ չունի շտապել ու չարչարվել դիակը Երուսաղեմ Հասցնելու, տիրոջ կողքին թաղելու Համար, քանզի ինքը մեռած է մնալու ընդամենը երեք օր,- «Եվ, առհասարակ, դատարկ բաներ են այս ամենը: Ինչը ձեզ անհավանական է թվում կհաստատի ժամանակը: Ես Հավերժ եմ»: Եվ, իրոք, այդ օրերին ոչ ոք չէր կասկածում այն ամենի իսկությունը, ինչը նրա պատմությունն էր Համարվում, ինչը կապված էր նրա անվան Հետ, ինչը ներկայացնում էր նրան: Հնարավոր չէր որեւէ բան ապացուցել, ինչպես եւ Հերքելն էր անհնար: Մենք չէ՞ որ նույնիսկ նրա մարմինը չէինք կարողանում ճանաչել: Մենք չգիտեինք մեր երկրի մի այլ պատմություն, բացի այն միակից, որ իրենն էր, մենք չունեինք այլ Հայրենիք, բացի նրանից, որ արարել էր ինքը՝ իր տեսքով ու նմանողությամբ, փոխելով երկրի տարածական չափումները ու ստիպելով ժամանակին ընթանալ իր բացարձակ իշխանություն կամոք: Այդ պատմության պատկերները, այդ Հայրենիքի կերպարը ծնվել էին մշուշոտ Հեռուներում, նրա Հիշողության ակունքներում, մինչ նա աննպատակ շրջում էր պալատում, որտեղ մշտապես բույն էր գրել ստորությունը եւ ոչ մի անպամ չէր ծիկրակել երջանկությունը. մինչ Հավերին էր կերակրում ճոճի մոտ եգիպտացորենի Հատիկներ շաղ տալով եւ սպասուհու Հոգին Հանում անհեթեթ

հրամաններով. սառուլցով օշարակ էր պահանջում, թեև օշարակով բաժակը հենց նոր էր ստացել եւ ձեռք էլ չէր տվել, պահանջում էր աթոռը տանել այնտեղ, թեև քիչ առաջ էր հրամայել այնտեղից այստեղ բերել, մանր-մունր այս պահանջները խղճուկ այն ցախն ու ցուխն էին, որ նա գցում էր իր իշխանասիրության ազահ, արդեն սեւացող խանձողատներով խարուկը. նա իշխում էր անբանությամբ, քիթը վեր քաշելով սեյբոյի սաղարթի տակ, նինջի մեջ հսկելով հեռավոր իր մանկության մշուշոտ տեսիլները, բայց երբ որեւէ տեսիլք պարզվում էր, դառնում տեսանելի մի մանրամասը վիթխարի, անընդգրկելի մանկական այն կոնստրուկտորի, ինչպիսին էր մեր հայրենիքը նրանից առաջ, արթնանում էր, ետ նայելով անվերադարձ անցյալի կողմը, ետ նայելով անծայրածիր, ցնորական երկրին, արեւադարձային մացառուտների ու անանցանելի ճահճների, նախաստեղծ ու անհաստակ անդունդների թագավորությանը, որտեղ սղամարդիկ այնքան էին խիզախ, որ կայմանների որսի էին գնում դաստարկ ձեռքերով, մի ցից էին ստակ օգտագործում եւ այդ ցիցն այնպես էին կայմանի երախը խրում, որ չփակվիր այլեւ,- «Այ, այսպես», - բացատրում էր նա ցուցամատը լեւրանը խցկելով եւ քիմքը սեղմելով: Նա պատմեց, թե ինչպես մի անգամ, ավագ ուրբաթ օրը քամու աղմուկ լսեց եւ քամու տարօրինակ, կեղանքի հոտը առավ եւ տեսավ՝ քամի չէր, այլ մորեխամպ, որ ծածկել էր ցերեկվա երկինքը, ուտում էր ճանապարհին հանդիպած ամեն բան, ետեւից թողնելով տկլոր, մինչեւ վերջին ցողունը սափրված աշխարհ ու պատառոտված երկնքի ցանցառլույս. երկիրն արարման նախօրեի տեսքն ուներ մորեխամպից հետո. նա լավ էր հիշում այդ աղետը, հիշում էր գլխատված, փայտե ծածկի տակ տոտիկներից կախված աքաղաղների երկար շարանը, հիշում էր, թե ինչպես էր գետնի վրայով արյուն հոսում կաթիլ առ կաթիլ, իսկ պատահարը մեծ ու հինավուրց մի գյուղում էր, որտեղ հենց նոր մի կին էր մեռել. նա մասնակցեց հուղարկավորմանը. ոտաբորբիկ, մոր ձեռքը բռնած քայլում էր պատգարակի ետեւից, որով տանում էին ցնցոտիներ հագած դիակը, իսկ մորեխամպը քամու նման դեռ սուրում էր եւ մեռած մարմնի վրա թափում բյուրավոր կեղանքներ,- «Ահա թե ինչպիսին էր մեր երկիրն այն ժամանակներում: Մարդիկ հարազատներին թաղում էին նույնիսկ ա-



ուանց դազաղի, որովհետեւ զուրկ էին ամեն ինչից»։ Նրան վիճակվել էր տեսնել, թե ինչպես մեկը փորձեց կախվել այն պարանոփ, որն արդեն օգտագործել էր մի այլ ինքնասպան։ Պարանը ճոճվում էր գյուղահրապարակի մի ծառից եւ երբ այդ մարդը կախվեց, պարանը կտրվեց, որովհետեւ փտել էր, եւ դժբախտը ջղաձգումների մեջ ընկավ եկեղեցի գնացող, սարսափից համրացած կանանց աչքերի առաջ։ Բայց նա չմեռավ։ Մահակների հարվածներով նրան ստիպեցին ոտքի ելնել, չհետաքրքրվեցին էլ, թե ով է եւ ինչու էր ուզել ինքնասպան լինել։ Օտար էր ու վերջ, իսկ օտար էին համարվում բոլոր նրանք, ովքեր անծանոթ էին տեղական եկեղեցու ծխակոսներին։ Եվ ահա, նրան ոտքի հանեցին մահակներով ու ոտքերին չինական կոճեր հազցնելով՝ նետեցին այրող արեւի տակ ու քամու բերանը՝ բախտակից ընկերների հետ, - «Ահա թե ինչպիսին էր կյանքը գողոնների ժամանակ, երբ աստվածն ավելի հզոր էր, քան կառավարութունը»։ Իշխանության գլուխ բարձրանալով՝ նա հրամայեց սղոցել բոլոր գյուղահրապարակների բոլոր ծառերը, որպեսզի կիրակի օրերին մարդկանց չվախեցնեն կախվածները, արգելեց չինական կոճերով հրապարակային պատիժները, արգելեց առանց դազաղի հուղարկավորումները, արգելեց այն ամենը, ինչը հիշեցնում էր իր թագավորությանը նախորդող ժամանակները։ Նա երկաթուղազիծ անցկացրեց լեռներում, որպեսզի մոռնա՞նուկ ջորիների պատճառով չկրկնվեն աղետները, ինչպես այն անգամ, երբ դաշնամուրներով բեռնված, սրճի պլանտացիաների շրջանը մեկնող մի ամբողջ քարավան գահավիժեց, - երեսուն ջորի պետք է երեսուն դաշնամուր հասցնեին պլանտատորների կալվածքները, որպեսզի հնարավոր լիներ այնտեղ դիմակահանդեսսպարահանդեսներ կազմակերպել։ Այդ աղետի շուրջը շատ խոսեցին եւ գրեցին նույնիսկ արտասահմանում, թե եւ ճշտորեն միայն ինքը պիտեի, թե ինչպիս պատահեց, քանի որ լուսամուտից պատահակոսներն զուրա էր նայել այն պահին, երբ քարավանը եզրափակող ջորին գայթեց սառցի քիվի վրա եւ իր հտեւից տարավ մնացած բոլորին։ Միայն ինքը տեսավ, միայն ինքը լսեց ընկնող ջորիների սարսափազդու բառաչները եւ դաշնամուրների որոտանման ակորյւները, որ ուղեկցեցին անդունդի հատակը, առեղծվածային, անհասկանալի այդ երկրի տարտարոսն ընկնող քարավա-

նին, իսկ երկիրն այդ ընդարձակ ու անհասկանալի էր այն աստի-  
 ճան, որ անհնար էր նույնիսկ որոշել՝ գիշեր է թե ցերեկ, այնտեղ,  
 ստորոտում, ուր սպիտակ մշուշները քուլա-քուլա կանգնած էին  
 կիրճերի գլխին, որոնց զարկվելով փշուր-փշուր եղան Ավստրիա-  
 յից ներմուծված երեսուն դաշնամուրները: Նրա աչքերի առաջ  
 Հայտնվեց այդ աղետի տեսիլքը, Հայտնվեցին ուրիշ շատ այլ տե-  
 սիլներ, որոնց վերաբերյալ նա վստահորեն չէր կարող ասել՝ ի՞ր  
 սեփական հուշերն են, ի՞ր կյանքի պատկերները, թե՞ լսել էր ջեր-  
 մախտի զառանցանքների մեջ: Բայց գուցե այս ամենը տեսել էր  
 ինչ-որ ժամանակ ուղեւորություններին նվիրված գրքերո՞ւմ, որ  
 ժամերով թերթում էր ու նայում ներդիր նկարներին, վայելելով  
 դրանք քաղաքական ու Հասարակական փոթորիկների օրերին:  
 «Այսինքն հիմա ի՞նչ նշանակութուն ունի՝ ճշմարտութուն է, թե  
 Հորինվածք: Ի՞նչ տարբերութուն: Ամեն ինչ, ամեն անհիթեթու-  
 թյուն ժամանակի ընթացքում ճշմարտութուն է դառնում», - ա-  
 սաց նա գլխի ընկնելով, որ իր իսկական մանկությունը բոլորովին  
 էլ հեռվում չէ, բոլորովին էլ հիշողության երերուն ճահճում չէ. հի-  
 շողությունները, մանավանդ, աթարի ծխի հետ անորսալի կապե-  
 րով կապված, մեկ Հայտնվում էին, մեկ չքվում անհետ: Նա իր  
 մանկությունն ապրել էր այստեղ, իր օրինական միակ կնոջ՝ Լետի-  
 սիա Նասարենոյի կողքին, որն ամեն օր երկուսից մինչև չորսը  
 նստեցնում էր իրեն ծաղկած պատաստկներով ծածկի տակ դրված  
 դպրոցական նստարանին եւ գրել կարգալ սովորեցնում: Լետի-  
 սիայի արածը խիզախություն էր, նա այդ պարապմունքներում  
 ներդնում էր կուսանոցի միանձնուհու իր ողջ Համառությունը,  
 իսկ պրեզիդենտը պատասխանում էր ծերունական ապշեցուցիչ  
 Համբերատարությամբ, ժողովելով հրեշավոր իր կամքը, ուսմանը  
 տրվելով մինչև վերջ: Մոռանալով աշխարհում ամեն ինչ, նա  
 վանկարկում էր երգեցիկ. «Պա-տու-Հա-նի տակ՝ է սո-ճին ցո-ղը  
 վը-րան»... Ինքնամոռացման մեջ նա չէր լսում իր ձայնը եւ իրեն ոչ  
 ոք չէր լսում Հանգուցյալ մոր թռչնակների անվերջանալի ճովող-  
 յունի տակ, իսկ նա վանկարկում էր, Հա վանկարկում. «Հնդկա-  
 ցին քը-սու-քը տուփն է դը-նում... Հայ-րի-կը ծիա-խոտ է լըց-նում  
 ծիա-մոր-ճը... Սե-սիլ-յան վա-ճա-ռում է պա-նիր, սա-լաթ, ճա-  
 կըն-դեղ, կաթնա-սեր, սար-դի-նա, շա-քար... Սեսիլյան վաճառում

է ամեն բան»,- ծիծաղեց նա, ճռիկների ազմուկի տակ կրկնելով կուսանուցի միանձնուհի-դաստիարակչուհու համաչափ ձայնով ընթերցված տեքստը եւ, վերջիվերջո, չրջապատը լցվում էր այդ ձայնով, աշխարհն էր լցվում այդ ձայնով եւ վշտի անծայրածիր այդ երկրում չէր մնում այլեւ ճշմարտություն, բացառությամբ գրավոր ճշմարտությունների, իրական էին միայն երկնքի լուսինը, սյուարն ու բանանը, դոն վիկտորի եզը, Օթիլիայի գեղեցիկ չրջա-զգեստը... Ընթերցանության համատեղ դասերը կրկնվում էին ու-զածո պահին, ուզածո չրջապատում, վանկարկվող բառերը մարդ-կանց հետապնդում էին ամենուր, ինչպես նրա դիմանկարները: Հոլանդիայի Ֆինանսների նախարարը պաշտոնական այցի ժամա-նակ կորցրեց մտքի թելը, որովհետեւ մուսյլ ծերը ատլասե ձեռնոց հագած՝ ձեռքի տիրական շարժումով ընդհատեց նրան եւ առա-ջարկեց արտասանել իր հետ. «Ես սի-րում եմ մայրի-կին... Իս-մա-յի-լը կրդ-գի է փընս-րում... Տի-կի-նը լո-լիկ է ու-տում...»: Ըստ ո-րում, նա ամանակաչափի նման մատով խոսքը բաժան-բաժան էր անում մետրական դադարների, մատն այս ու այն կողմ շարժում, ջանադրաբար ու հստակ կրկնում հրեքչաբթի օրը հանձնարար-ված ընթերցանության դասը. Հոլանդիայի ներկայացրած պար-տամուրհակին ի պատասխան նա ասաց,- «Այդ մասին կիտսենք մի այլ անգամ, պարոն նախարար»: Նա ապշեցրեց կույրերին, կաթվածահարներին ու բորոտներին, որոնք մի վաղ առավոտ արթնանալով վարդաթփերի տակ, տեսան եւ լսեցին իրենց խաչով օրհնող եւ ինչպես պատարագին երգող մուսյլ ծերունուն. «Տիրա-կալ եմ ես, օրենք հարգող եմ ես... Անապատում օգնություն է կանչում մարգարեն... Փարոսը մի շատ բարձր աշտարակ է, որի լույսը գիշերով նավերին ուղղություն է ցույց տալիս»: Նա յուրա-քանչյուր նախադասություն երգեց երեք անգամ, արբելով ուշ ե-կած հրջանկությամբ, որ պարգեւել էր Լեոտիսիա Նասարենոն: Լե-ոտիսիա Նասարենոն ինքը ժամանակն էր,- «Իմ կյանքի Լեոտիսիա Նասարենոն»: Ծովային խեցգետինների հոտով ներծծված թանձր, հեղձուկ, միաժամանակ կրակ օդով սիեստայի ժամերին ուրիշ այլ ցանկություն չէր ծնվում, բացի քրտինքից թրջված խսիրի վրա, գերեվարված չղջիկի թեւերի նման էլեկտրական հովհարի թեւերի դովի տակ մերկ Լեոտիսիայի կողքին տկտրված պառկելու ցանկու-

թյունից,- «Եվ չկար այլ լույս, բացի քո ազդրերի լուսարձակումից, Լեոտիսիա, չկար ոչինչ, բացի քո տոտեմական կուռք ստինքներից, քո հարթ թաթերից, բուժիչ փեղեկայի ճյուղի բույրից, հեռավոր այն Անտիգուա կղզու հունվարյան շոգից, որտեղ մի օր, մենու-  
թյան մի վաղ առավոտ դու լույս աշխարհ եկար ու շնչեցիր ճեխած ճահիճների հեղձուկ հոտը»: Նրանք փակվում էին պատվավոր հյուրերի ննջասենյակում եւ ոչ ոք չէր համարձակվում խանդարել, ոչ ոք սիրտ չէր անում մոտենալ ննջասենյակի դռանը ավելի քան հինգ մետրի վրա,- «Որովհետեւ ես շատ խիստ եմ զբաղված, ես գրել ու կարդալ եմ սովորում»: Չհամարձակվեցին անհանգստացնել նույնիսկ այնպիսի նորությամբ, ինչպիսին գյուղական բնակչությանը բառացիորեն կոտորող դեղին տենդախտի բռնի էր. նա սովորում էր, նրա սրտի զարկերը առաջ էին ընկնում ամանակաչափի զարկերից, արագանում էին Լեոտիսիայից արձակվող սուր, գազանային հոտերից. նա սովորում էր ու վանկարկում. «Լիլիպուտ-տը պար է գալիս մի ութի վըրա: Ձոռին գընում է ջըրադաց: Օ-թիլ-յան լըվա-նում է թաշ-կի-նա-կը: Թաշ-կինակը գրվում է «կ»-ով, ինչպես կինը»: Իսկ Լեոտիսիան այս ընթացքում սավանններն էր լվանում, հավաքելով սիրտ վայելքներից աղտոտվածները, նստեցնում էր նրան տաք տաշտակում, փրփրեցնում գլխին բուրումնավետ օճառը եւ սրորում ճիլոպով, պարուրում բուժիչ տերեւների գոլորչիներ արձակող ջրով եւ նրա հետ վանկարկում. «Խ» տառը գրվում է այնպիսի բառերում, ինչպիսիք են՝ խաղող, խորհուրդ եւ խոզ բառերը»: Հետո նրա ոտքերի ժանգոտած հոդախաղերին կակաոյի հատիկների յուղ էր քսում, օծում էր նաեւ մշտական կալանդ կրելուց զրգռված մաշկը, ինչպես մանկանը, տալկի փոշի ցանում նրա թորչումած քամակին, միաժամանակ մայրաբար մեղմ ապտակներ հասցնում. «Ահա՛ քեզ հոլանդական նախարարի գլխին օյին խաղալու համար: Ահա՛ քեզ»: Հիտագայում նա փորձեց համոզել քավելու մեղքերը, հրկիր վերադառնալու թույլտվություն տալ խեղճ միաբաններին, չէ՞ որ ոչ ոք այլեւ չէր զբաղվում ապաստարաններով, հիվանդանոցներով եւ աստվածահաճո այլ ձեռնարկություններով: Այս հարցում, սակայն, նա դեմ առավ մոայլ ծիրունու սնկոտրում հիշաչարությանը,- «Ոչ մի դեպքում»: Չկար մի այնպիսի ուժ, որ կարողանար հարկադրել

նրան լույս աշխարհի տուջ փոխել իր արձակած նախկին որոշումը, սակայն Լեոտիսիան շարունակեց աղերսել սիրո վայելքների ասթմատիկ շնչարգելության ժամանակ. «Մի բան եմ խնդրում միայն, կյանքս, միայն մի բան: Թույլ տուր վերադառնան խեղճ միսիոներները, նրանք չէ՞ որ ապրում էին մեկուսի եւ երբեք չէին խառնվում քո գործերին»: Բայց նա, սովորականի պես փնչացնելով շտապողականությունից ու կրքից, պատասխանեց. «Ոչ մի դեպքում, սիրելիս, ես ավելի շուտ կմեռնեմ, քան թույլ կտամ վերադառնալ փեշակիր այդ հրոսակախմբին, դրանք ջորիների փոխարին թամբում էին կարմրամորթներին եւ իրենց անպետք ու լուռքները փոխանակում ոսկյա նարիզերաների՝ ու արակադաների՝՝ Հեռ. ոչ, ոչ մի դեպքում»: Այս մերժմանն ի պատասխան, Լեոտիսիան չչտասպեց զիջել նրա տղամարդկային նկրտումներին, թույլ չտվեց տիրել իր մարմինը եւ շարունակեց աղերսել, որ նա հոգեւորականությանը վերադարձնի կառավարության կողմից բռնագրավված եկեղեցական դպրոցները, նրանց ունեցվածքի վրայից վերացնի արգելակալանքը, եկեղեցուն հոտ տա շաքարի գործարաններն ու զորանոցի վերածված տաճարները: Եվ այդժամ նա կարուկ չջճվեց դեպի սլառը. «Ես կհրաժարվեմ քո անհատակ սիրո քաղցրամուշ տառասպանքներից, բայց երբեք չեմ զիջի աստծո այդ ավաղակներին, այդ ուրուրներին, որոնք դարեր շարունակ կտցել են հայրենիքի լյարդը: Ոչ մի դեպքում: Նրանք չեն վերադառնա»:

Եվ, այսուհանդերձ, նրանք վերադարձան, իմ գեներալ:

Նրանք երկիր վերադարձան ամենանեղ ու ամենաաննկատ ճեղքերով, կատարելով ձեր իսկ գաղտնի հրահանգը՝ անաղմուկ ու ծածուկ ափ իջնել աչքից հեռու ծովախորշերում: Վերադարձան բոլորը, ում համար խնդրել էր Լեոտիսիան, եւ բոլորն էլ փոխհատուցում ստացան կրած վնասների համար, մի բան էլ ավելի, իսկ Հեռո եկեղեցիներին հոտ տվեցին բռնագրավված ունեցվածքը՝ ողջ սեփականությունը, չեղյալ հայտարարեցին քաղաքացիական ամուսնության եւ ամուսնալուծության օրենքները, եկեղեցուց դպրոցն անջատելու որոշումը, չեղյալ համարեցին բոլոր այն օ-

\* Նարիդերա - քիթի օղ:

\*\* Արակադա - երկարապոչ սկանջօղ:

րենքները, որ սահմանվել էին Բենդիսիոն Ալվարադոյի, աստված հոգին լուսավորի, սրբությունը մերժելու վրեժնդրությամբ: «Է՛լ ինչ է քեզ պետք»: Լեոխիա Նասարենոյին, սակայն, շատ բան էր պետք, եւ՝ մի անգամ նա ասաց. «Ականջդ դիր փորիս եւ դու կսես այնտեղ մեծացող երեխայի ձայնը»: Ինքն էլ էր վախեցել այդ ձայնից, որ գալիս էր իր ներսից, իր արգանդից, որտեղ պտղամերձ բարեբեր ջրերի գրկում, պտղավայրի երանելի դրախտում, թրթռում էր նոր մարմինը: «Քո՞նն է», - ասաց Լեոխիան, եւ նա կնոջ փորին դրեց լավ լսող, ավելի քիչ աղմկոտ ականջը ու լսեց երեխայի սրտի զարկը: «Մեր մահացու մեղքի զավակն է, - ասաց Լեոխիան, - մեր մեղսալի սիրո երեխան, մեր որդին, որին էմանուել անունը կտանք, որովհետեւ այդ անունն աստվածային է, եւ նրա մարմինը կշողա ազնվականության նշանով, եւ նա կժառանգի մոր ինքնագոհման ոգին ու հոր հզորությունը, եւ հոր նման նա, ճակատագրի կամոք, կդառնա առաջնորդը ամենայն էակի, բայց երկնից կանիծվի նաեւ ու կվարկարեկվի իր իսկ երկրում՝ որպես ապօրինի ծնունդ, եթե նրա հայրը զոհասեղանի մոտ օծել չտա այն, ինչը այսքան տարիներ այլասերություն էր, մեղսալի կենակցություն, սրբապղծություն»: Եվ այդժամ նա ոտքի ելավ, մահճակալի տակ շարտեց շղարչի ժանյակավոր փրփուլը. նրա շնչառությունը դարձավ շոգենավի կաթսայի քլթքլթոց, եւ նրա հոգու հատակից կատաղի ճիչ ժայթքեց. «Երբեք: Ավելի շուտ կմեռնեմ, քան կամուսնանամ»: Վիթխարի ոտքերը քստքստացնելով, նա հեռացավ, շրջեց դահլիճներում, իրեն օտար դարձած այս պալատում, որի նախկին փառավոր տեսքը վերականգնվել էր Բենդիսիոն Ալվարադոյի մահով հայտարարված պաշտոնական երկարատեւ սգից հետո: Քրիվերից պոկել էին սգու վարսագլուխների սեւ ժապավենները. լույսը ողողել էր սենյակները, լուսամուտներից ներս էր խուժում ծովի շնչառությունը, պատշգամբներում ծաղիկներ էին ծաղկում, ռազմական քայլերգեր էին հնչում, եւ այս ամենը իրագործումն էր իր չտրված հրամանի. ինքը չէր հրաման արձակել, բայց հրամանը տրված էր նրա ոճով, հրամանում նրա հանգիստ վճռականությունը կար ու կտրուկությունը: Ահա թե ինչու նա հավանություն տվեց հրամանին, - «Համաձայն եմ»: Իսկ մյուս հրամանի ուժով, որ նույնպես ինքը չէր արձակել եւ էլի հավանության ար-

ժանտացավ, իրենց դռները բացեցին փակված տաճարները, սուրբ Հայրերի տնօրինութեանը վերադարձվեցին մենաստանները, գերեզմանատները, վերականգնվեցին հեղեղեցական տոները եւ մեծ պատր. լայն բաց արած պատշգամբի դռներից լսվում էր ծնկի եկած մարդկանց հրգը, սրանք դեռ վերջերս անխժուճ էին պրեզիդենտին, իսկ հիմա ցնծում էին Տիրոջ սրբապատկերը երկիր վերադարձնելու առիթով: Այդ սրբապատկերը բերեցին նավով, Լեոխիսիայի կարգադրութեամբ, որ բոլոր այլ կարգադրութեանների նման ծնվել էր ննջասենյակում. Լեոխիսիան անձամբ էր արձակում կարգադրութեանը, իսկ նա հետո ստիպված էր լինում հրապարակավ Հավանութեան արժանացնել եւ օտար աչքերի առաջ հեղինակութեանը բարձր պահելու նպատակով ձեւացնում էր, թե դրանք իր սեփական հրահանգներն են հղել: Լեոխիսիան զաղտնի շարժիչ ուժն էր Հավատացյալների անվերջանալի այն թափորների, որոնց մեծ զարմանքով նայում էր պրեզիդենտը իր լուսամուտից. սովելի բազմամարդ էին, սովելի զանգվածային, քան Բենդիսիոն Ալվարադոյի մայունը երկրպագող մոլեռանդների թափորները: Բենդիսիոն Ալվարադոյի հիշատակն ամենուր արմատախիլ էր արվում, Հավատացյալների նույն այդ ամբոխները քամու բերանը տվեցին Հանգուցյալի մաշված հարսնաքողն ու ոսկորների փոշին, նրա անունով գերեզմանի սալիկը հակառակ երեսով դամբարանի պատի մեջ խցկեցին, որպեսզի հիշեցնող ոչինչ չմնար երբեմնի թռչնավաճառուհուց, որն իր ողջ կյանքի ընթացքում գործ թռչնակներին պիրոլ դարձնելու նպատակով ձեռքից բաց չէր թողի վրձինը,- «Եվ այս ամենը քո հրամանով քո կամքով որովհետեւ դու չէիր կարող թույլ տալ որ մի այլ կնոջ հիշատակը սովելը գցեր իմ նկատմամբ քո սիրո վրա իմ ղեկավարութեան Լեոխիսիա նասարենո շան աղջիկ»: Լեոխիսիան նրան վերափոխեց այն տարիքում, երբ մարդը չի փոխվում այլեւս, միայն մահն է այդ տարիքում ձեւափոխում մարդուն. անկողնային խարգավանքներով նա կոտորեց նրա դիմադրութեանը նաեւ ամուսնութեան կապակցութեամբ, հաղթեց նրա երեսխայկան Համառութեանը՝ «Ավելի շուտ կմեռնեմ, քան կամուսնանամ», եւ ստիպեց նոր կալանդ հագնել,- «Թե չէ հինը վրադ վերուփար է անում. ինչպես խավարում մոլորված ոչխարի զանգակ», ստիպեց հագնել լաքած ճաքավոր կոշիկներ, որոնցով նա

գեղեցկութեան թագուհիների հետ առաջին վաղսերն էր պարուժ, ճախ կոչիկին ստիպեց ամրացնել,- որպես գերագույն իշխանութեան խորհրդանիշ,- Մեծ ծովակալի նվիրած ոսկյա խթանը, որ նա կրեց մինչև կյանքի վերջը, ստիպեց հագնել ոսկեկար ու տրեզագարդ, արձանիկի պես ծանր ուսապանակներով բաճկոնակ, որ նա չէր հագել անհիշելի այն ժամանակներից, երբ դեռ լույս աշխարհ էր ելնում, երբ պրեզիդենտական կառքի լուսամուտից դեռ Հնարավոր էր հպանցիկ նկատել նրա մտախոհ կիսադեմը, թախճոտ հայացքը, մետաքսյա ձեռնոցով ձեռքի վշտահար շարժումը. ստիպեց օձվել տղամարդու օժանելիքով, կապել մարտական սուրը, կրծքին ամրացնել բոլոր մեդալներն ու Տիրոջ դագաղի միաբանութեան ասպետական ժապավենը, որով պարգեւատրել էր նրան Հոռոմի պապը, բռնագրավված ունեցվածքը եկեղեցուն վերադարձնելու համար,- «Դու ինձ պճնեցրիր զսպիչտախաղի խրտվիլակի պես»: Այդ տեսքով Լետիսիան նրան վաղ առավոտյան նիստերի մուայլ դահլիճ տարավ, որտեղ մոմերից ու պատուհանի գոգին թառամող նարնջենու ճյուղերից մեռելատան հոտ էր արձակվում, տարավ մենակ, առանց խոչնդոր ու վկաների, տարավ միանձնուհու իր քողով պարանակալած, փորը թաքցրած երկու փնչի տակ՝ տակինը քաթանե, կոպիտ եւ ամուր, ինչպես գիպս անվաղող, վերինը՝ շրշացող, մուսլինե,- յոթ ամսական էր նրա արգանդի մեղապի պտուղը, եւ նա ջանում էր քողարկել իր խայտառակությունը: Նրանք կանգնել էին քրտնած, քար կտրած՝ զգալով մուայլ ու հանդիսավոր դահլիճի շուրջը վիտացող մարդկային ծովի ալիքների մոտիկութունը: Բոլոր մատուցյները պաշտպանված էին, բոլոր ելք ու մուտքերը՝ փակված, պատուհանները ծածկված էին պետական գերբ ունեցող կտավներով. դահլիճը մեռած, անկենդան տեսք պետք է ունենար, որովհետեւ պասկաղորությունը մեծագույն գաղտնիք էր լինելու եւ աշխարհում ոչ մի արարած պիտի չիմանար ոչինչ: Լետիսիան շնչահեղձ էր լինում շոգից, տառապում իր արգանդի ծանծաղուտային խավարում լող տվող վաղահաս արու պտղի անհամբեր հրմրոցից,- «Դու ինքդ էիր ուզում, չէ՞, որ տղա ծնվի»: Եվ, ահա, այդ տղան հրգում էր նրա ընդերքում մի այնպիսի թաքուն ձայնով, ինչպիսին ուներ արքեպիսկոպոսը՝ հանդիսավոր հանդերձը հագին, տիրոջ անունը փառաբանելիս,- այդ ձայնը



արձակվում էր չզլխտես որտեղից եւ այնպես խուլ էր, որ միջանցքներում ննջող ժամապահները ոչ մի կերպ չէին կարող լսել: Եվ իր արգանդում լող տվող սուլայի վախը, մոլորված ջրասուզակի վախը նույնքան սեւ էր, որքան արքեպիսկոպոսինը, որը սարսափից քիչ էր մնացել հոգին ավանդեր, հրք հրեշավոր ծերին հարց տվեց. «Համաձայն ես կին առնել Լեոտիսիա Մերսեդես Մարիա Նասարենոյին»: Դեռ ոչ մեկը դրանից առաջ եւ հետագայում էլ չէր համարձակվել նրան նման հարց տալ՝ Համաձայն ես սրան կամ նրան կին առնել: «Համաձայն եմ»: Եվ հագիվ լսելի գրնգացին նրա կրճքի նշանները, որովհետեւ սիրտը թպրտաց: Բայց «Համաձայն եմ» խոսքը հնչեց անհողդողդեւ եւ նույն պահին էլ Լեոտիսիա Նասարենոյի արգանդի սոսկալի երեխան լիովին կողմնորոշվեց մերձապուշյա ջրերի հոսանքում եւ ուղղություն բռնեց դեպի լույսը: Լեոտիսիան երեք ծալ ծալվեց եւ հեծկտալով մրմնջաց. «Ողորմած աստված, գթա քո հնազանդ ստրկուհուն, որը մարմնական հաճույքների համար խախտեց քո սուրբ պատվիրանները: Ընդունում եմ պատիժը քո, տեր»: Եվ այդժամ նա պատառտոտեց իր ժանյակավոր ձեռնոցները, պատատտովող ժանյակների աղմուկով խլացրեց կոնքադդրային ոսկորների ճտճտոցը, պպզեց եւ երկու փեշերի խառնաչփոթից դուրս հանեց օրապակաս իր վիժվածքին: Նորածինն այնքան անպաշտպան էր եւ այնպիսի չափսերով, ինչպիսին լինում է օրապակաս հորթուկը: Լեոտիսիան բարձրացրեց նորածինն, վննեց նրան հանպատրաստից զոհասեղանի մոմերի աղոտ լույսի տակ եւ տեսավ, որ տղա է,- «ինչպես եւ ցանկանում էիք, իմ գեներալ, տղա է»: Նիհար, մանր տղա էր, որին վիճակված էր էմանուել աստվածային անունը կրել եւ ոչնչով աչքի չընկնել, որը դիվիդայի վննիրայի կոչում ստացավ ու կոչման բալոր արտոնությունները ճիշտ այն պահին, երբ հայրը նրան զոհասեղանին դրեց, պորտալարը կտրեց իր սրով եւ ճանաչեց նրան իր միակ ու օրինական որդի,- «Սուրբ հայր, մկրտեք նրան»:

Աննախաղեպ այս իրադարձությունը նախերգանքը դարձավ մի նոր ժամանակաշրջանի, իրենով նշանավորեց սարսափելի տարիների գալուստը: Այդ տարիները հիշողության մեջ են մնացել արգելապահ ջոկատներով, որոնք մինչեւ լուսաբաց փակում էին փողոցները, հետո բանակը մարդկանց ստիպում էր ամուր գոցել

լուսամուտներն ու պատշգամբները, խզակոթի հարվածներով  
ցրում շուկայական ամբօխը, որպեսզի ոչ ոք չկարողանար տեսնել,  
թե ինչպես է հայտնվում ու խսկույն էլ անհետանում փայլուն,  
գրահապատ դռան ոսկյա բռնակներով լիմուզինը. իսկ նրանք, ով-  
քեր, արգելքին հակառակ, տանիքներին թաքնված՝ համարձակ-  
վում էին ծիկրակել, տեսել էին, որ դա կառավարական լիմուզինն  
է, պրեզիդենտի անձնական լիմուզինը, եւ տեսել էին այդ լիմուզի-  
նում ոչ թե զինվորական համազգեստով զառամյալ ծերուհուն, այլ  
կարճահասակ, փետրե ծաղիկներով զարդարված գլխարկը հագին,  
կուսանոցի նախկին միանձնուհուն, որի պարանոցին սեւ աղվեսե-  
նու մի ամբողջ կապ կար,- հետո՞ ինչ, որ շոգ է: Մենք տեսել ենք,  
թե ինչպես է նա դուրս եկել լիմուզինից, շուկայի դարպասի մոտ,-  
ամեն չորեքշաբթի սուսփոսյան,- զինվորների պատվո պահակի  
ուղեկցութեամբ մտել շուկա՝ դիվիզիայի փոքրիկ գեներալի ձեռքը  
բռնած. այդ օրերին երեք սարեկան կլինեք, այնքան փխրուն էր ու  
նուրբ, որ աղջկա էր նման, հազին՝ ոսկեկար, զինվորական շքեր-  
թային համազգեստ. համազգեստը ճիշտ հագուվն էր, ասես հենց  
դրանով էր ծնվել. համազգեստ սկսել էր կրել ավելի վաղ, քան  
կհասցնեին դուրս գալ ստամները, այն օրերից, երբ Լետիսիան  
նրան սայլակով պաշտոնական արարողությունների տարավ, որ-  
տեղ նա իր հորն էր ներկայացնում, այն օրերից, երբ մոր գրկում  
նստած՝ զորատես էր անցկացնում. այդ համազգեստն էր հագին  
այն օրը, երբ մայրը բարձրացրեց նրան գլխից վեր ազմկոտ խաղա-  
դաշտում, որտեղ, ձեռքի գնդակի մրցումից հետո, ամբօխը ծափա-  
հարույններով պատվում էր դիվիզիայի մանուկ գեներալին.  
այդ համազգեստը հագին էր նա մոր ծիծն ուտում բաց ինքնաշար-  
ժում, ազգային տոնի առթիվ կայացած շքերթի ժամանակ. Լետի-  
սիան ուշք չէր դարձնում ուռչած պտուկին հորթուկի նման կպած  
մանուկ-գեներալին նայող բարձրաստիճան հաճոյակատարների  
երկիմաստ ժպտոններին ու ակնարկներին: Դիվանագիտական ըն-  
դունելություններին նա սկսեց ներկայանալ այն օրից, երբ վարժ-  
վեց իր պետքերը հույս ստանց ուրիշի օգնությամբ. ընդունելու-  
թյուններին նա ներկայանում էր ոչ միայն համազգեստով, այլեւ  
մարտական շքանշաններով, որ ըստ իր ճաշակի ընտրում էր հոր  
շքանշանների զարդատուփից. լուրջ տղա էր, փոքր-ինչ տարօրի-

նակ. արդեն վեց տարեկանում կարողանում էր իրեն պահել հասարակութան մեջ, հավասարը հավասարի հետ զրույց էր վարում, շամպայնի փոխարեն մրգաջուր խմում. նա շատ հմայիչ էր ու նրբանկատ մարդկանց հետ զրուցելիս, թեև հասկանալի չէր, թե ումից էր ժառանգել այդ հատկանիշները. ճիշտ է, հաճախ էր պատահում, որ ընդունելության արարողությունը հանկարծ մոայլվում էր, ասես ամպ էր մտնում հանդիսավոր դահլիճ. ամենաբարձր իշխանության տեր խեղճ թագաժառանգը հանկարծ սկսում էր հորանջել, ննջում էր, քնում... Եվ մեռնում էր ժամանակը, երկխոսություններն ընդհատվում էին կես բառի վրա, քարանում էին ձեռքի շարժումները, շշուկ էր լսվում. «Սո՛ւս, փոքրիկ գեներալը քնեց», - և համհարզը ձեռքերի վրա, տանում էր նրան կոկիկ մարդասպանների ու խստաբարո տիկնանց ամբոխի միջով, եւ սրանք հեգնական ժպիտները թռչնափետրե հովհարների ետեւում թաքցրած՝ համարձակվում էին հագիվ լսելի շշնջալ. «Ինչպիսի՛ խայտառակություն: Եթե միայն նորին գերազանցությունն իմանար»: Գեներալն ինքն էր սնում այն համոզմունքը, թե ինքը ոչինչ չգիտե, նույնիսկ ինքն իրեն էր համոզել, թե չի հուզվում մանր կենցաղային կրքերից, թե իր կոչմանն ու մեծությունը սազական չէ գրազվել անհաշիվ երեխաներից թեկուզեւ առանձնացված, օրինական որդու իրավունքը վայելող միակի արարքներով, ինչպես սազական չէր չափ ու սահման չճանաչող Լ. Խոխիա Նասարենոյի ցանկություններին ուշք դարձնելը: Ահա, նա քաղաքային շուկա է մտնում, - չորեքշաբթի օրերին, վաղ առավոտյան, - իր խաղալիք գեներալի ձեռքը բռնած, շրջապատված զորանոցային խոհարարուհիներով եւ համհարզի զգեստ հագած անուղղելի մարդասպաններով: Այդ մարդիկ ուրվականներ էին թվում վաղ առավոտվա տարօրինակ լուսավորության մեջ, երեւակայություն խաղ, որ ծնվում է այն ակնթարթին միայն, որ լինում է Կարիբյան ծովի խողաղ մակերեւույթին՝ արեւածագից քիչ առաջ. նրանք ծովախորշի հոտած ջրերն էին մտնում, թրջվում էին մինչեւ գոտկատեղիքը, որպեսզի ելնեին կարկասած առադաստներով փոքրիկ նավերը, որոնցով նախկին ստրկավաճառների այս նավահանգիստը Մարտինիկյան ծաղիկներ էին բերում եւ գենջեֆիլ՝ Պարամարիբոյից. ճանապարհին նրանք թալանում էին ինչ պատահեր, ավարը

զավթում էին գրոհներով, ձկնորսներից խլում ողջ որսը, վերցնում նույնիսկ թափելու ձուկը, ինչով կերակրվում էին վաճառքի հանած խոզերը,- նրանք խոզերին սատկեցնում էին խպակոթների հարվածներով եւ վերցնում աղբարկղը նետելու ձուկը նույնիսկ, նոյի տարվա, բայց մինչեւ օրս էլ գործող կշեռքի մոտից. ստրկավաճառության օրերին այս կշեռքով էին կշռում ստրուկներին,- հեռու-հեռավոր, նախապատմական ժամանակներում այս կշեռքին էր կանգնել աներեւակայելի գեղեցկությամբ սենեգալցի մի ստրկուհի, որը վաճառվել էր աճուրդով եւ վճարված ոսկու քաշը գերազանցել էր ստրկուհու սեփական ծանրությունը:

«Նրանք ամայացրել են ամեն ինչ, իմ գեներալ: Մորեխամպից վատթար են, ցիկլոնից վատթար»: Սակայն նա մնում էր անվրդով անխուսափելիորեն հասունացող պայթյունի դեմ-հանդիման, նույնիսկ հերթական այն չորեքշաբթի օրը չանհանգստացավ, երբ Լետիսիան մի այնպիսի խաղ խաղաց, որպիսին ինքն էլ իրեն թույլ չէր տա: Լետիսիան առեւտրական շարքերն էր խցկվել, այնտեղ, ուր թռչնակներ ու բանջարեղեն էին վաճառում, շրջապատված փողոցային շների ոհմակով, եւ սրանք կատաղի հաչում էին սեւ աղվեսնիկների վրա, որոնց ապակյա աչքերը գազաղեցնում էին շներին, բայց Լետիսիան հաչոցների վրա ուշադրություն չդարձնելով՝ անտարբեր տեսքով շարունակում էր արշավը առեւտրական սրահի վիթխարի կամարների տակ, գեղարվեստական ձուկվածքով հրկաթյա սյունների միջեւ, մետաղյա ճյուղերի եւ դեղին ապակուց խոշոր տերեւների ներքո, վարդագույն ապակուց ու հսկայական խնձորնիրի տակ, երկնագույն ապակուց առատության եղջյուրների տակ, հեփաթային բարիքներով լեցուն, բուսական այս թագավորությունում: Նա ընտրում էր ամենախորթելի մրգերը, ամենաուրբ, թարմ բանջարեղենը, բայց հենց մոտեցնում էր ձեռքը, դրանք իսկույն կորցնում էին իրենց գրավչությունը, իրենց թարմությունը, քանզի այդպիսին էր նրա ձեռքերի անըմբռնելի հատկությունը՝ փչացնել այն ամենը, ինչին դիպչում են: Սակայն նա չէր յույսանում իրողությունը եւ հայհոյանքով հարձակվում էր վաճառողուհիների վրա, մեղադրում, որ նրանք թաքցնում են լավը, թարմը, իսկ իրեն հրամցնում ամեն տեսակի աղբ,- «Սրանք խղճուկ մանկոններ են, որոնցով միայն խոզ կարելի է կերակրել:

Խնամքերը: Ինձ այս սուլյաման՝ են դեմ անում, կարծես ես չեմ լսում, թե ինչպես է նա զնգում երաժշտի դատարկ գլխի պես»: Իսկ շուկայի մյուս ծայրում նա բղավում էր. «Բա սա տավարի մի՞ն է: Պոռնիկներ: Սա ճիճվոտած քաբ է: Հիմարն էլ կհասկանա, որ սրանք ցլի մատներ չեն, այլ ժանտախտից սատկած էլի, շան սղ-ջիկներ»: Այսպես նա բղավում էր մինչև խոպոտվելը, մինչև գամբյուղներով խոհարարուհիները եւ անասուններին կերակրելու բաղյաներով սպասյակները չէին ժողովում այն ամենը, ինչ աչքներին էր ընկնում: Լեոխիայի ավազակային բղավոցներն ավելի սուր էին, քան սև ազվեսենու պոչերը հափ անելու ցանկությամբ խենթացած շների հաչոցները,- ազվեսենիները պահպանել էին էզդվարդ արքայազնի կզզու,- որտեղից Լեոխիան կենդանի սև ազվեսներ էր ստանում,- ձնածածկ ազվեսի որջերի հոտերը. նրա հայհոյանքն ավելի բազմահարկ էր ու փողոցային, քան խոսող թութակների չարանենգ հիշոցները,- կարմրակուրծք այս գուսկամայաներին տերերը ծածուկ վարժեցնում էին ստել այն, ինչ մեծ բավականությամբ իրենք կասեին Լեոխիային. «Գոյ Լեոխիա: Բոյ կույ»: Կոկորդները ճղելով թութակները ասում էին այս բառերը՝ նստոտած սյունների երկաթյա ճյուղերին, շուկայի գմբեթի տակի սպակյա փոշոտ տերեւներին, որտեղ նրանք անհասանելի էին ծովահենային այն մրրիկին, բուկանյերյան այն սամրապալույին՝, որ կրկնվում էր ամեն չորեքշաբթի վաղ առավոտյան, այս կերպ նշանավորելով մանկությունը մատնահատիկ կեղծվեցնելով, որի ձայնը ավելի քնքուշ ու նուրբ էր դառնում, իսկ շարժումներն առավել նրբագեղ, հենց փորձում էր տղամարդ երեսայ՝ գրնգոցով հտեից քարշ տալով խաղաքարտե թագավորի թուրը: Նա բացարձակապես անտարբեր էր շուկայական իրարանցման մեջ, ուր իրագործվում էր ողջ այս թալանը, հանգիստ էր պահում իրեն, գոռոզ, արժանապատվորեն, ինչպես մայրն էր ներշնչել, որպեսզի նկատվեր ազնվականական ծագումը, իսկ ինքը նույն այդ ժամանակ ամեն ինչ ոտնատակ էր տալիս շուկայական ցեխի մեջ, կատաղած քածի պես ու ամենավերջին բառերով հայհոյում անվրդով, սեւուղվեստ, խայտաբղետ չարմաներով պառավների մոտ,- պառավները

\* Սուլյամա - արեւադարձային պոռուզ:

\*\* Սամրապալո - գրոտեսկային, հինավուրց պար:

Հանգիստ լսում էին նրա Հայհոյանքը, անտարբեր դիտում անամոթ թալանը, թափահարում էին Հովհարները եւ նույնիսկ չէին թարթում աչքերը՝ կուռքի պես անշարժ նստած իրենց անսահման ինքնամոռացման մեջ. նրանք կարծես չէին շնչում, ծամում էին ծխախոտի տերեւներ ու գնդած կոկա՝ խաղաղեցնող թույն, որն օգնում էր նրանց տանել այդ խայտառակությունը, բաքոսային այդ թալանը, որ ավարտվում էր իր ոհմակով չըջապատված, իր վայ գեներալիկի ձեռքը բռնած, մագերը ցից-ցից շների միջով դեպի շուկայի ելքը շարժվող Լեոխիա Նասարենոյի բղավոցով. «Հաշիվը ներկայացրեք կառավարութեանը: Կառավարութեանը կվճարի»: Պատասխանը Հաղիվ լսելի Հառաչում էին. «Տե՛ր ստտված, եթե միայն գեներալն իմանար: Գոնե մեկնումեկը Համարձակվեր Հայտնել նրան»: Խեղճ պատասխանը Համոզված էին, որ նա մինչեւ մահ ու գերեզման չիմացավ այն ամենը, ինչ, ի խայտառակություն իրեն, գիտեր ողջ աշխարհը. նրա միակ եւ օրինական կինը՝ Լեոխիա Նասարենոն, Հնդկաստանի կրպակներից գողանում էր սպալյա այրանյակ կարսպներ, խեցիների փշրանքներով զարդարված շրջանակներ ունեցող Հայելիներ, մարջանի մոխրամաններ, սերիացիների իսանութներից փախցնում էր սպտ ժապավենի Համար նախատեսված մետաքսե դիպակներ, առեւտրական փողոցի թափառաչը ռակերիչների արկղիկներից, բռերով, ոսկյա ձկնիկներով մանյակներ ու սեղմ բուռնցքի տեսքով Հայելիներ էր թուցնում. ոսկերիչները կարողանում էին միայն այսքանը ասել. «Դու ավելի թունդ աղվես ես, քան վզիդ փաթաթված սեւամորթները»: Նա փոցխում էր նախանձ աչքերին ընկած ամեն բան, Հագուրդ տալով կուսանոցի նախկին միանձնուհուց մնացած միակ բանին՝ անճաշակութեանը եւ տեղի-անտեղի մուրալու կրքին: Բայց նախկինում եթե ստիպված էր լինում Հասմիկի բույրով փոխարքայական թաղամասի մուտքերի մոտ մուրալ այս կամ այն իրը, սպա Հիմա դուրն եկած փալաս-փուլուսով բանակային սայլեր էր լցնում եւ կարգադրում Հաշիվը կառավարութեանը ներկայացնել, որ նույնն էր, եթե ասեր. «Վճարը կստանաք տեր ստտուց», որովհետեւ, վաղուց ի վեր, ոչ ոք չգիտեր՝ գոյութիւն ունի՞, արդո՞ք, կառավարութիւն ասվածը, թե վերածվել է ուրվականի: Մինք դե Արմաս

\* Կոկա - բույս, որից կոկաին են ստանում:

Հրապարակի դիմաց ցցված բլրին տեսանք բերդի պարիսպներ, տեսանք Իշխանության տունը՝ պատմական պատշգամբով, որտեղից ժամանակին պատմական ճառեր էին արտասանվում, եւ յուսամուտներով, որ վարագուրված էին ժանյակաւոր զարդենիամերով, գոգերին՝ սափորներ: Գիշերով տունը նմանվում էր երկնքով լողացող շոգենավի եւ նկատվում էր ոչ միայն քաղաքի ուղածղ կետից, այլեւ ծովից, յոթ մղոն Հեռավորությունից, իսկ այդպես նկատելի դարձավ այն օրից, երբ ներկեցին սպիտակ գույնով ու յուսավորեցին կլոր, գնդերի պես լապտերներով, որ դրվեցին Հայտնի բանաստեղծ Ռուբեն Դարիոյի ժամանման կապակցութեամբ: Բայց այս բոլորը միասին վերցրած՝ մեզ դեռ չէր համոզում, թե պրեզիդենտը բնակվում էր սպիտակ այդ պատերի ներսում, Իշխանության այդ տանը, իր պալատում: Ընդհակառակը, մենք Հիմեր ունեինք մտածելու, որ այս ամենը ցուցադրական է, որ գլխավորականութունը այդ պատերի ներսում սովորական կյանքի պատրանք է միայն ստեղծում ձգտելով Հերքել այն լուրերը, թե օր ձերության հասած պրեզիդենտը ցնորքների գիրկն է ընկել, Հրաժարվել բոլոր բարիքներից ու պատիվներից, ուխտ է արել մինչեւ կյանքի վերջը ինքնանվաստացման մեջ ապրել, Հոգին խաղաղեցնել քուրճակով, մարմնականը ոչնչացնել ամեն տեսակի երկաթյա հորմալոններով. ստում էին նույնիսկ, որ նա սնվում է սեւ հացով միայն, ջրհորի ջրով, իսկ անկողին է ընտրել մենաստանի ճգնափորական խցի մերկ հատակը եւ այդպես պիտի ապրի այնքան ժամանակ, քանի դեռ չի քափել ծանր մեղքը՝ բռնի տիրացել էր Լեռնիսիային, Հզիացրել նրան, այդ քաժին, որը աստծո զորութեամբ միայն չի արժանացել առայժմ բարձրագույն բոլոր շքանշաններին: Բայց լուրերը մնում էին լուրեր, ամեն ինչ ընթանում էր առաջիկա պես նրա վշտայի. անծայրածիր թագաւորությունում, որովհետեւ իշխանության բանալիները Լեռնիսիա նասարենոյի ձեռքում էին, եւ կյր սա Հրամայում էր հաշիվը կառավարութեանը ներկայացնել: սուս ամեն անգամ էլ Հայտարարում էր՝ այդպիսին է պրեզիդենտի կամբը: «Հաշիվը ներկայացրեք կառավարութեանը» - սկզբում թվում էր, թե հնամենի այս արտահայտութիւնը որեւէ պարզեւ է խոստանում, բայց օրըստօրե ավելի քիչ հույս էր մնում: «Հաշիվը ներկայացրեք կառավարութեանը»: Տարիներ անց առավել համար-

ձակ պարտատերերի մի խումբ Համարձակից չվճարված մուր-  
Հակնիրով լեցուն ճամպրուկները ձեռքներին Հայտնվել պալատի  
պորտիկատանը: Ամենազարմանալին այն էր, որ ոչ ոք մեղ չասաց  
«այս» ու ոչ ոք չասաց «ոչ»: Հերթապահը մեղ ուղեկցեց մի Հա-  
միստ ընդունարան, որտեղ մեր Հարցով զբաղվեց չափազանց քա-  
ղարավարի, չափազանց երիտասարդ մի սպա, որը ժպտալով եւ  
նրբակիրթ շարժումներով, սիրալիրութեամբ առաջարկեց մեզ մի-  
մի բաժակ սուրճ,- «Պրեզիդենտական բերքից է, սենյորներ»: Հե-  
տո նա մեզ ցույց տվեց Հրաշալիորեն լուսավորված, մետաղական  
ցանցի ունեցող լուսամուտներով եւ առաստաղից կախ էլեկտրա-  
կան Հովհարներով առանձնատենյակները. այնպես մաքուր էին ու  
յուսավոր, որ մեզանից յուրաքանչյուրը սալչած ինքն իրեն Հարց  
տվեց. «Հասոս ո՞ր է խիսանության նեխման Հոտը: Հասոս ո՞ւր է  
օձանիլիքներով քույրկված նրա պարչահոտությունը: Ժլատու-  
թյունն ու դաժանությունը մի՞թե կարող են բնորոշ լինել մետաք-  
սե վերնաշապիկներով այս պաշտանյաններին, իրենց գործն առանց  
չտապիլու ու ազմուկի կատարող այս մարդկանց»: Երիտասարդ  
սպան մի պատճառով. նա մեղ ցույց տվեց փոքրիկ ներքնաբա-  
կը, որտեղ Լեոխիա նասարենուն խուզել էր բոլոր վարդաթփերը,  
որպեսզի վաղորդյան օդը եւ վաղորդյան ցողը մաքրվեն աստուծոց  
մոռացված անկեղանոցները մեռնելու քշված բորոտների, կույրերի  
ու կաթվածահարների գեշ Հոտերից. նա ցույց տվեց մեզ Հավանո-  
ցի նման բարաքը, որտեղ մի ժամանակ ապրում էին պրեզիդենտի  
Հարճերը, ցույց տվեց ժանգոտած կարի մեքենաները, զորանոցա-  
յին մահճակալները, որոնց վրա Հարեմի բնակչուհիները քնում էին  
զույգ-զույգ, նույնիսկ երեքով. նա ասաց, որ ամոթալի վանդակնե-  
րով այս բարաքը պիտի քանդվի, իսկ տեղում ժամատուն է կա-  
ռուցվելու. նա ցույց տվեց պրեզիդենտական պալատի սուրբ սրբո-  
ցը, այն տեղը, որտեղ ետկեսօրյա արեւով ոսկեգօծված, կենդանի  
ծաղիկներով ծածկի տակ, կանաչ ձողիկներով ցանցավանդակի  
ներսում սեղան էր դրված, որի շուրջը պրեզիդենտը Լեոխիա նա-  
սարենոյի եւ որդու Հետ ճաշել էր քիչ առաջ. միայն նրանք իրա-  
վունք ունեին ճաշել այդ սեղանի շուրջը. նա ցույց տվեց մեզ ա-  
ռասպելական սեյրան, որի ստվերի տակ կապել էին ազգային դրո-  
շի պես երկգույն ճոճը, որի մեջ նստած էր պրեզիդենտն անցկաց-



նում սիեստայի ամենաշոգ ժամերը. նա ցույց տվեց մեզ կաթնաֆերման, պանրաբործարանը, մեղվանոցը, իսկ երբ ետ էինք դառնում նույն ճանապարհով, որով պրեզիդենտը ամեն առավոտ ֆերմա էր գնում՝ կիթը հսկելու, երիտասարդ սպան հանկարծ կանգ առավ շանթահարվածի նման եւ իր հայտնագործության հրճմանքը մեզ հետ բաժանելով, մատնացույց արեց ցեխի մեջ դրոշմված կոշիկի հետքը.- «Տեսեք, նրա տոնահետքն է»:- Եվ մենք քարայրանք փիթխարի ներսանի դրոշմը տեսնելով: Այդ տոնահետքից փհուլթյուն ու հզորություն էր ճառագում, ուժի հանդարտություն, այդ տոնահետքը մենության սովոր յագուարի, տիրակալի իր հոտով խուտուտեց մեր քթածակերը, նայելով այդ տոնահետքին, մենք նրա նվիրական գաղտնիքին ավելի էինք մոտեցել, քան մեր խմբից այն միակը. որին թույլատրել էին պրեզիդենտի մոտ մտնել: Թույլատրությունը հաջողվել էր, որովհետեւ բարձրաստիճան սպաները սկսել էին ընդզգել Լետիսիա կոչված դուրագրծուկի դեմ, որն ավելի մեծ իշխանություն էր զավթել, քան գլխավոր գորահրամանատարին էր, ավելին, քան կառավարությունն ուներ, քան պրեզիդենտը: Փառասիրությունից կուրացած, իրեն թագուհի կարծող Լետիսիա Նասարենան այնքան էր հզվացել, որ գերսպայր շտաբն այլեւ չէր կարող հանդուրժել եւ իր պատասխանատվությամբ համարձակվեց թույլ տալ մեղանից մեկին նրա՝ մեր տիրոջ մոտ գնալ: «Միայն մեկը,- ասացին մեզ,- եւ թող ձեր ընտրյալը փորձ անի, թեկուզեւ ակնարկի այն ամենի մասին, ինչ կատարվում է նրա թիկունքում»:- «Ահա, այսպես պատահեց, որ ես տեսա նրան: Նա մենակ էր իր ձյունաթույր առանձնասենյակում, պատերից կախված էին անգլիական արչավի նժույզներ պատկերող փորագրություններ: Նա նստել էր փափուկ բազկաթուին, փոքր-ինչ հտ ընկած, նրա դիմաց պտտվում էին հովհարի թևերը: Հագին սպիտակ, ճարթված բամբակյա համազգեստ էր՝ պղնձյա կոճակներով, առանց շարքերանշանների. մետաքսյա ձեռնոց հագած ձեռքը դրված էր գրասեղանին, որի վրա ոչինչ չկար, բացի սուկյա շրջանակով, միեւնույն չափսի երեք ակնոցներից: Նրա ետեւում գրագարակն էր՝ փոշոտ հատորներով, որ նման էին մարդկային մաշկից կազմված հաշվապահական մայր մատյանների, աջ ձեռքի կողմը բաց լուսամուտն էր՝ մետաղական ցանցով,- լուսամուտից ե-

րեւտւմ էր ողջ քաղաքը: Եւ ամբողջ երկնակամարը՝ բոլորովին ա-  
նամպ, Եւ ոչ մի թռչուն չկար, Եւ մինչեւ ծովի մյուս կողմը մի քայլ  
էր թվում: Ես ինձ շատ թեթեւ զգացի, որովհետեւ պալատական-  
ների համեմատութեամբ նա շատ սովորական մարդ երեւաց. նա մի  
տեսակ տնավարի տեսք ուներ, բոլորովին նման չէր իր դիմանկար-  
ներին, Եւ ես սկսեցի խղճալ նրան, որովհետեւ նրա ամեն ինչը ծեր  
էր, ծանրացած, ասես մաշվել էր անողորմ հիվանդութիւնից, թու-  
լացել այն աստիճան, որ ուժ չուներ ասելու՝ «նստեք»,- Եւ նա ինձ  
նստել առաջարկեց միտաքայա ձեռնոցի մեջ մտած ձեռքի վշտալի  
չարժումով: Նա ինձ լսում էր մի կողմ նայելով, խուլ, ծանր սուլո-  
ցի պես շնչելով, Եւ այդ շնչից առանձնասենյակը լցվեց ամիակի  
հոտով, Հետո կենտրոնացավ՝ մուրհակները տնտղելու: Ես բա-  
ցատրեցի նրան, թե ինչ է գրված, դիմեցի դպրոցական ակնառու  
ու պարզ միջոցներին, որովհետեւ վերացական մտածողութիւնը  
անհասանելի էր նրան: Ես սկսեցի նրանից, որ Լեոխիա Նասարե-  
նոն պարտրով այնպիսի քանակութեամբ դիպակ է գնել, որի երկա-  
րութիւնը այստեղից Սամատ-Մարիա-դե-Ալտար կհասնի ու ես  
կգա, այսինքն՝ հարյուր իննսուն ծովային մղոն է կազմում վերո-  
հիշյալ կտորի երկարութիւնը, Եւ նա ասաց. «Ըհը»,- այնպես ա-  
սաց, կարծես ինքն իրեն էր խոսում: Իսկ բացատրութիւնն ավար-  
տեցի ասելով, որ պարտքի ընդհանուր գումարը, նորին գերագան-  
ցութեան պատվին հաշվի առած գեղջով, Իհարկե, հավասար է տա-  
սը տարվա վիճակախաղի գլխավոր վեց շահույնների գումարին: Եվ  
նա կրկին ասաց. «Ըհը»,- Եւ միայն հիմա մեր հայացքները հան-  
դիպեցին: Ակնոցը չէր դրել, Եւ ես նկատեցի, որ նրա աչքերը երկ-  
չոտ են ու կարեկցող, իսկ երբ խոսեց, ձայնը շատ տարօրինակ  
թվաց, կարծես կրծքի տակ ֆիզհարմոնիա էր հեծկտում: «Ձեր  
փաստարկները համոզիչ են Եւ արդարացի,- ասաց նա ինձ:- Հա-  
շիվը ներկայացրեք կառավարութեանը»: Այո, ճիշտ այդպիսին էր  
նա այն օրերին, երբ Լեոխիա Նասարենոն վերափոխում էր ա-  
մուսնուն իր ցանկութեան համաձայն, երբ ամուսնու միջից դուրս  
էր կորզում Բենդիսիոն Ալվարադոյի, քարե դարի այդ վայրենու  
քարանձավային դաստիարակութիւնը: Լեոխիան նրա միջից հա-  
նեց ոտքի վրա, մի ձեռքին ափսե, մյուսում գոլայր, կանգնած կամ  
քայլելով ճաշելու սովորութիւնը,- հիմա երեքով նրանք ճաշում

էին ամառանոցային սեղանի շուրջը, ծաղկած պատաստուկների վրանի տակ. նա նստում էր որդու դիմաց, Լեախիան նստում էր կողքին եւ երկուսին էլ վարժեցնում նրբակիրթ շարժուձեւի, ինչպես նաեւ ուտելիքը կու տալու կանոններին, որպէսզի կերածը օգուտ տա եւ ոչ թե վնաս: Լեախիան սովորեցրեց նրանց սեղանի մոտ նստել ուղիղ, սովորեցրեց պատառաքաղը բռնել ձախ ձեռքով, դանակը՝ աջ, սովորեցրեց հանգամանորեն ծամել յուրաքանչյուր պատառը՝ տասնհինգ անգամ մի այտով, տասնհինգ անգամ՝ մյուսով, առանց բացելու բերանը, գլուխը բարձր պահած. խրատելիս նա ուշադրութիւն չէր դարձնում ամուսնու այն դիտողութեանը, թե այս ամենն իրեն հիշեցնում է պորանոցային խիստ վարժանքները: Հետո նա վարժեցրեց կարդալ կառավարական պաշտոնաթղթերը, այն լրագիրը, որի մեջ նշված էր, թե պրեզիդենտն է լրագրի խնամակալն ու պատվավոր խմբագիրը. Լեախիան այս լրագիրն էր տալիս նրա ձեռքը հենց նա ճոճն էր մտնում ընտանեկան ետնաբակի վիթխարի սեյրայի ստվերի տակ, ճաշից հետո ննջելու մտադրութեամբ. «Պետութեան գլխավորը պետք է իրազեկ լինի աշխարհի իրադարձութիւններին»: Ամուսնու քթին էր դնում ոսկյա շրջանակով ակնոցը եւ ճանապարհ գցում դեպի պրեզիդենտական տեղեկատուի ջրիկ էջերը. մինչ Լեախիան գրազվում էր որդու մարզումներով, նորին գերազանցութիւնը աչքի էր անցկացնում լրագրում տպագրված իր լուսանկարները՝ այնքան վաղեմի, որ պրանցից շատերը նույնիսկ իրեն չէին պատկերում, այլ նմանակին, որն օրերից մի օր մնում իր փոխարեն, այնքան վաղուց էր դա, որ նա նմանակի անունն էլ չէր հիշում. նա նայում էր այն լուսանկարին, որ պատկերում էր իրեն նախարարների խորհրդի նիստի ժամանակ, նախագահողի աթոռին նստած, իբր անցած հրեքշարքի, թեեւ գիտատղի հայտնվելուց հետո նա չէր մասնակցել եւ ոչ մի նիստի. նա ծանոթանում էր իր իմաստուն այն դարձվածքներին ու պատմական արտահայտութիւններին, որ իրեն էին վերստիւրում բարձրակիրթ նախարարները եւ քիթն էր վեր քաշում. թխալոտ օգտատուի տոթից շքամբ՝ նա աստիճանաբար ընկզմվում էր սիեստայի հեղձուկ ճահիճը, քթի տակ մութմութալով. «Այս ինչ քաքոտ լրագիր է, գրողը տանի, եւ ինչպես են մարդիկ դիմանում»: Ինչ-որ բան, սակայն, մնում էր պատուց այդ ընթերցանութիւնից,

ինչ-որ չափով ընթերցանությունը օժանդակում էր նոր գաղափարների ծնունդին եւ կարճատեւ, ոչ խոր քնից արթնանալիս նա Լետիսիա Նասարենոյի միջոցով նախարարներին հաղորդում էր իր ամենատարբեր հրամանները. նախարարները պատասխանում էին նույն Լետիսիայի միջոցով, ջանալով մտքներում կարգալ նրա մտքերը, որ շարադրում էր իրենց առաջ այդ տիկինը. «Որովհետեւ դու իմ պատգամախոսն էիր, դու կարողանում էիր արտահայտել իմ մտքերը, կարողանում էիր ձեւակերպել իմ ամենավսեմ գաղափարները, դու իմ ձայնն էիր, իմ բանականությունը եւ իմ ուժը, դու ամեն կողմից վրաս եկող լավայանման աշխարհի անդադար վնգոցի ու շառաչի միջից անհրաժեշտը անսխալ որսացող իմ ամենալսող ականջն էիր»: Այսպես էր նա ասում, բայց իրականում տեղեկությունների ամենահուսալի աղբյուրները, որոնցով նա ղեկավարվում էր իր գործողություններում, դարձել էին անստորագիր հղումները, որ խազմգում կլին պալատի ընդհանուր օգտագործման պետքարանների պատերին. այդ ուղերձներում նա տեսնում էր այն ճշմարտությունը, որը ոչ ոք,- «նույնիսկ դու, Լետիսիա»- չէր համարձակվում բացահայտել նրա առաջ. նա կարգում էր այդ ուղերձները վաղ լուսաբացին, առավոտվա կովկիթից հետո, մինչեւ օրապահները կհասցնեին դրանք ջնջել. նա հրամայեց ամեն օր ճերմակեցնել պետքարանների պատերը, որպեսզի ոչ մեկը չդիմանար հոգին դատարկելու գայթակղությանը, ճերմակ պատի հետ բաժաներ իր ներսը զգած չարությունը. անստորագիր այդ ուղերձներից նա տեղեկացավ բարձրաստիճան սպաների վշտերին, ճանաչեց քծու այն սողացողներին, ովքեր առաջ էին քաշվել իր իշխանության սաղարթի տակ, բայց հոգու խորքում ատում էին իրեն. նա դրության լիիրավ տեր զգաց այն ժամանակ միայն, երբ հաջողվեց թափանցել մարդկային հոգու ծածուկ խորքերը, իսկ թափանցեց, երբ, ինչպես մերկացնող հայելու մեջ, պետքարանի պատերին տեսավ այս կամ այն սրիկայի գրածը: Զգացմունքների առատությունից նա կրկին սկսեց երգել,- տարիներ ի վեր նա չէր երգում,- եւ շղարչի ծխի միջից նայելով ծանծաղուտն ընկած էգ կետի լեշին՝ քնած կնոջ՝ Լետիսիա Նասարենոյի մարմնին, նա երգեց. «Դե, ել, Լետիսիա, իմ սրտում արդեն առավոտ է: Կյանքը շարունակվում է: Ծովն իր ավերի մեջ է»:

Կյանքը շարունակվում էր, շարունակվում էր Լեոտիսիա Նասարենոյի պարմանալի պատմությունը, միակ այն կնոջ, որը նրանից ստացավ ամեն ինչ, բացի փուչ մի բանից՝ նրա հետ միեւնույն անկողնում արթնանալու իրավունքից: Որովհետև ամեն անգամ սիրուց հագեցալով, նա իր սենյակն էր քաշվում, ամուրթի իր ննջասենյակի դռան մոտ կախում վառվող լամպը, որ պետք է ծառայեր Հնարավոր փախուստի դեպքում, փակվում էր երեք կողպեքով, կրեք սողնակով և երեք շղթայով, պատկում էր բերանքսիվայր, հատակին և քնում մենության մեջ, հազնված, ինչպես եղել էր ամեն գիշեր՝ մինչև Լեոտիսիա Նասարենոն, ինչպես լինելու էր Լեոտիսիա Նասարենոյից հետո, մինչև մննավոր ջրահեղձի երազով գիշերը: Բայց ամեն առավոտ, կովկիթից հետո, նա վերադառնում էր Լեոտիսիայի ննջասենյակ, որտեղ գիշերային պազանի հոտ կար, վերադառնում էր, որպեսզի կրկին կատարի Լեոտիսիայի բոլոր ցանկությունները, հագեցնի նրա ազահությունը. նվիրում էր անհաշիվ հարստություններ, անհամեմատ ավելին, քան ուներ հանգուցյա մայրը՝ Բենդիստոն Ալվարադոն, տալիս էր նրան ավելի շատ, քան կարող էր երազել որևէ մեկն այս աշխարհում: Սակայն հարկ էր լինում սիրաշահել ոչ միայն Լեոտիսիա Նասարենոյին, այլև նրա անհամար աղքականներին, որոնք խումբ-խումբ հայտնվում էին Անթիլյան անհայտ կղզիներից. բոլորն էլ տկլար, սովից զկուտացողներ էին, չունեին ոչինչ, բացի Նասարենո սոհմի պատկանելությունից. սրանց աղամարդիկ կոպիտ էին, խուզոտած, կանայք՝ աչքածակության տենդով բռնված: Լեոտիսիայի ազգականներն իրենց ձեռքն առան աղի, լամելու ջրի առեւտուրը, լկտիաբար խցկվեցին այն մարզերը, որ վաղուց ի վեր կապալով տրված էին զինվորականներին, բաժանված զորատեսակների հրամանատարների միջև՝ նրանց որոշ նկրտումները չափավորելու նպատակով: Եվ ահա, հիմա, բոլոր այդ նասարենոները, փախցնելով սրանց բերանի հացը, տիրացան այլոց արտոնություններին, և այս ամենը, իբր, պրեզիդենտի կամքով, թեև այդ կամքն արտահայտել էր Լեոտիսիան, իսկ ինքը միայն համաձայնել էր: Նույն այդ օրերին, Լեոտիսիայի սնդմամբ, նա վերացրեց մահապատժի բարբարոսական եղանակը՝ չորս ձիերի օգնությամբ մարդուն մաս-մաս անելու եղանակով բարբարոսական մահապատժը և փորձեց ստակալի այդ

պատժաձեւը փոխարինել էլեկտրական աթոռով, որ նվիր էր ստացել երկրում օտարազգի դեսանտի գոյութեան տարիներին. դեսանտի հրամանատարն էր նվիրել, որպէսզի մենք էլ հազորդակից դառնայինք սպանութեան քաղաքակիրթ եղանակին: Եվ ահա, նա մտավ նավահանգստի բերդի տանջարանները, սոսկումի այդ փորձասնյակները, որտեղ ամենահյուժժված քաղաքական բանտարկյալները որպէս փորձաճաղար ընտրվեցին,- նրանց վրա պիտի մշակվեր դահին բազմած մահվան կառավարումը. այդ գահը միացված վիճակում կլանում էր քաղաքի էլեկտրական ողջ էներգիան. մենք գիտեինք մահապարտների հետ փորձի անցկացման ճիշտ ժամը, դժվար չէր իմանալը. հանկարծ մարում էր լույսը, եւ մենք, սարսափից ճզմված, անշարժանում էինք խավարում, պահպանելով լուռութեան բոստին նավահանգստի բողանոցներում, խմում մի-մի բաժակ մահապատժի ենթարկվածի հոգու համար. բայց մահապատժի ենթարկում էին մի քանի անգամ,- մենք գիտեինք, որ մահապարտներից շատերը չէին մեռնում միանգամից, կիսամեռ կախում էին գոտիներից, ծուխ էին արձակում, ինչպէս միւր կրակի վրա, խոխոսցնում էին հրեշտակոր ցափից, մինչեւ որ դահիճներէց մեկը, էլեկտրականութեամբ սպանելու երկու-երեք սպարդյուն փորձից հետո, խղճահարվում էր եւ կրակոցով վերջացնում դժբախտին,- «Ահա թե ինչպէս եղավ Լետիսիա: Հանուն քեզ դատարկվեցին բանտի խցերը հանուն քեզ եւ ներեցի իմ թշնամիներին ու թույլ տվեցի նրանց հայրենիք վերադառնալ»:

Ձատկվա նախօրյակին նա հրամանագիր հռչակեց, որի համաձայն ոչ ոք չէր պատժվիլու այլախոհութեան համար, որն ազդարարում էր խղճի բացարձակ ազատութեան, քանզի իր աշնան հոռւն օրերին նա անկեղծորեն համոզված էր, որ նույնիսկ ամենաերդպիլ թշնամիները մի փշուր երջանկութեան իրավունք ունեն. նման երջանկութեան նա վայելում էր հունվարյան հրաջք գիշերները, Լետիսիա Նասարենոյի հետ, աշխարհում այն միակ կնոջ հետ, որն արժանացել էր պատշգամբում նրան տակի շորերով տեսնելու պատվին, Լետիսիայի հետ նա հիանում էր հանելուկային, արծաթավուն ուռենիներով, որ ծննդյան տոների առթիվ Բաբելոնի տիրակալներն էին ուղարկել եւ տնկված էին Անձրեւների այգում, հիանում էր բյուրեղապակյա անձրեւահեղեղի մեջ արեւի

ճառագայթների բեկբեկումով, թանձր տերեւների մեջ մոլորված Բեւեռային աստղով. Լեոփսիայի Հետ նա տնտղում էր ողջ աշխարհն իր ներսում ամփոփած, մեզաՀերցերի թվերով Համեմված ու աշխարհի մայրաքաղաքների անուններով ասդիորնդունիչի սանդղակը եւ տարածության խեղումների, իրենց ուղեծրերով շարժվող մոլորակների սուր ծաղրական սուլոցների միջից լսում Հերթական գլուխը մի ռադիովեպի, որ ամեն օր Հաղորդվում էր Սանսյազո-դե-Կուբայից,- ամեն գլխի վերջը մարդու սիրտը տագնապ էր դցում. «Գոնե մինչեւ վաղն սպրեմ: Տևանիմ՝ ինչպե՞ս վերջացավ այս պատմությունը»: Քնելուց առաջ գրավվում էր որդու դաստիարակությամբ. ծանոթացնում էր ղենքի տեսակներին, սովորեցնում որը որ դեպքում է օգտագործվում,- չէ՛» որ սա միակ գիտությունն էր, որ նա տիրապետում էր Հանգամանորեն: Ինչ վերաբերում է քաղաքական իմաստության դասերին, ապա նա ամեն անգամ որդուն ասում էր միևնույն բանը. «Երբեք Հրաման մի արձակիր, եթե Համոզված չես, որ կկատարվի»: Նա ստիպում էր որդուն կրկնել ու կրկնել այս ձեւակերպումը, որպեսզի նա մեկընդմիշտ սերտեր, որ իշխանության գլուխ կանգնած մարդը միայն մի սխալ պիտի թույլ չտա՝ չարձակի այնպիսի Հրաման, որը չի կատարվելու. անշուշտ, այս ձեւակերպումը ոչ այնքան փորձով իմաստնացած Հոր, պետական Հասուն գործչի ձևակերպում էր, որքան ձեռքը կրակը խոթած, զառամ ձերտունու խրատ, բայց տղան անպայման կհիշեր այդ խրատը մինչև մահ ու գերեզման, եթե այդքան երկար ապրեր, որովհետեւ առաջին անգամ լսել էր վեց տարեկանում, այն օրը, երբ Հոր ղեկավարությամբ կրակեց ծանր թնդանոթից եւ Հայրական պատգամը Հիշողության մեջ կապվեց սարսափելի որոտի Հետ. իսկ մենք ծանր Հրանոթային այդ կրակոցը Համարել էինք տարերային աՀեղ աղետի սկիզբ, որովհետեւ կրակոցից Հետո սոսկապի փոթորիկ սկսվեց՝ առանց անձրևի, լայց շանթ ու որոտով. այնպես էր իմպւում չորսբոլորը, ստես Հրարուխ էր արթնացել, իսկ Կոմպորոս Ռիվագավիայի կողմից փչեց Հրեշավոր, բեւեռային քամի, որը շուտ ավեց ծովը, իրար խառնեց ջրի բոլոր շերտերը, պոկեց գետնից ու սրբես մի փետուր տարավ թափտոտական կրկեսը, որ սեղ էր գրավել նախահանգստի Հին, ստրկավաճառների նախկին Հրապարակում. եւ մենք Հետո

ցանցերով փղեր էինք որսում, սուղված ծաղրածուններ, ընձուղաներ, որ լողում էին ճոճածողերին հենած, ճոճածողերից նրանք կառչել էին փոթորկի առաջին պոռթկման ժամանակ եւ դրանց հետ էլ ծնվը նետվել. նույն այդ կասաղի փոթորիկը քիչ մնաց ծովի հատակը տաներ բանանակիր այն նավը, որի մեջ էր երիտասարդ բանաստեղծ Ֆելիքս Ռուբեն Գարսիա Սարմյենտոն, որը հետագայում հռչակվեց Ռուբեն Դարիո անունով,- փոթորկից մեկ ժամ անց նավը մտավ մեր նավահանգիստ: Կեսօրվա ժամը չորսն էր, փոթորկից թարմացած օդում աշխուժացել էին մժողովները, ծովը խաղաղվել էր, եւ նորին գերազանցութունը ննջասենյակի լուսամուտից դուրս նայելով՝ տեսավ սաստիկ քամուց ճմրթված մի ճերմակ շոգենավ, որը, աջի վրա թեք ընկած, դանդաղ սահում էր ծովախորշի ոսկեգույն հարթության վրայով. նավապետի կամրջակին կանգնել էր նավապետն ու անձամբ դեկավարում էր նավի մերձեցումը նավամատույցին, իսկ կողքին, մուգ մահուղից բաճկոնակ եւ հրկքդանցք ժլխտ հազած, մի ուղեւոր կար. գեներալն այդ մարդու մասին ոչինչ չլսեց մինչեւ հաջորդ կիրակի, իսկ կիրակի օրը Լետիսիա Նասարենոն ամուսնուն զիմեց անհրեւակայիլի խնդրանքով. «Ուզում եմ այսօր Ազգային թատրոն զնանք՝ պոեզիայի երեկո է»։ Եվ նա համաձայնեց: Այդ նույն երեկո մենք, ոտքի վրա կանգնած, պրեզիդենտին սպասեցինք երեք ժամ, դահլիճի հեղձուկում քրտինքի մեջ լող տալով, տատապելով տոնական հագուստների մեջ, որ մեզ հարկադրեցին հագնել վերջին պահին: Բայց ահա, վերջապես, նվագեցին ազգային Հիմնը, իսկ մենք ծափահարելով շրջվեցինք դեպի կառավարական օթյակ, որտեղ Հայտնից կուսանոցի հաստիկ նախկին միանձնուհին՝ գլխին գանգուր փետուրներով գլխարկ, իսկ դիպակե շրջագրեստի վրա՝ սեւ աղվեսենիներ զցած, չպատասխանելով ողջուններին, նա նստեց գեներալական համազգեստով որդու կողքին, իսկ սղան ծայեց շուշանին շատ նման մետաքսյա ձեռնոցները եւ, ի պատասխան ծափահարությունների, թափահարեց դրանք,- նրա մոր կարծիքով հին ժամանակներում ճիշտ այդպերպ էին ամբոխին ողջունում արքայազները. ուրիշ ոչ ոք չկար կառավարական օթյակում, բայց մենք համոզված էինք, որ նա այնտեղ էր, մենք զգում էինք նրա աննկատելի ներկայութունը, մենք զգում էինք պոեզիայի խռովա-



բար կրքերից մեր հոգիների խաղաղությունը պահպանող մարդու ներկայությունը. էջ՞ որ նա էր նախանշել մեր սիրո ուժը, մեր զգացմունքների խորությունը եւ, նույնիսկ, մեր մահվան ժամկետները: Այո, նա այնտեղ էր, օթյակի չլուսավորված անկյունում, բոլորից աննկատ, բանաստեղծից աննկատ. բանաստեղծը նրա աչքին որոտանման ձայնով հզոր մինոտավրոս թվաց.- բանաստեղծի ձայնի կերկերոցը տարածվում էր ինչպես բայ ծովում, այդ կերկերոցը նորին գերազանցությանը ստիպեց սկսած համբաւնալ թի այդ օթյակից, թի դահլիճից եւ թի երկրային այդ պահից, համբաւնալ վեր, վեր, դեպի այնտեղ, որտեղ ոսկյա եղջյուրներ էին փչում, որտեղ դրանց արծաթյա հնչյունների լուսավոր շողերի մեջ նշմարվում էին Մարսի ու Վեներայի հաղթականամարները, փառքի հաղթականամարները,- «Ոչ ձեր փառքի, իմ գեներալ»: Նա տեսավ այնտեղ հերոս դուցազուններին, մկանուտ դրոշակակիրներին, տեսավ պամփու, սեւ շներ, հզոր, երկաթյա սմբակներով մարտական ձիեր, կոպիտ փետրափնջերով սաղավարանները գլխներին ասպետների նիզակներ ու տապարատեգեր, տեսավ, թի ինչպես այդ սասկտները խլեցին տարօրինակ, օտար դրոշը,- «Գրավեցին ոչ ի փառս ձեր հզորության, իմ գեներալ»: Նա տեսավ, հանուն հայրենիքի հավերժ փառքի ու անմահության, կարմիր սամույա արեւներին ու սառցի ձմեռվա ձյուններին, քամիներին, գիշերներին, ստոնամանիքին, ատելությանը, մահվանը մարտահրավիր նետած կատաղի պատանիներ, նրանց հայրենիքն ավելի վիհաշուք էր ու փառավոր, քան այն երեւակայականը, որ հայտնվում էր տենդախտի ցնորքներում, քաղաքացիական կռիւների թոհուբոհում, երբ ինքը ոտաբոբիկ մի գինվոր էր. նա իրեն ոչնչություն զգաց ու խղճով՝ լսելով ծավահարությունների աներեւակայելի պայթյունը եւ իր խավար անկյունում միանալով նրանց, մտածեց. «Մայր իմ, Էկեղիսիոն Ալվարսոյո, այ, սա է իսկական հայրթանակը: Սրա համեմատությամբ իմ պատվին կազմակերպված բոլոր ցույցերը աղբ են»: Նա իրեն բռնաբարված էր զգում, ընկճված էր հեղձուկից ու սանկոնամ կոչվող երկարատե եւ վնասակար մժղուկներից, նրան վշտացնում էին ոսկեգօծ ծեփազարդերով ու թորչոմած թավիչով պատած օթյակի սյուները.- «Գրողը տանի ինչպե՞ս է պատահել որ այս հնդկացին կարողացել է նման հրաշալիք գրել ճիշտ

այն ձեռքով որով քամակն է սրբում»։ Մինչև հոգու խորքը ցնցված իրեն ցայսօր անհասանելի պոեզիայից, նա գերված փղի նման չէր հանդարտվում եւ մեկ ետ ու առաջ էր քայլում՝ ջանալով վիթխարի իր ոտքերով հանդիսավոր ու վսեմ տողերի մեջ մտնել, մեկ էլ ննջում՝ հնչեղ ու կրքոտ բազմաձայն այն օրհներգից հմայված, որ Լետիսիա Նասարենոն արտասանեց նրա համար պալատի ներքնաբակում, վիթխարի սեյբայի ճյուղերից հյուսված հաղթականամարի ստվերի ներքո. նա փորձեց հիշողությամբ կարդալ ողջ պոեմը կաթնաֆերմայի թարմ ու տաք թրիքների օլիմպոսի վրա, երբ հանկարծ գետինը ցնցվեց ուժանակի պայթյունից. ժամանակից շուտ էր պայթել կառասրահում կանգնած պրեզիդենտական լիմուզինի ետնամասում դրված ուժանակը, - «Հրեշավոր պայթյուն էր, իմ գեներալ: Մի այնպիսի հղորությամբ, որ շատ ամիսներ անց մենք քաղաքի սուրբեր թաղամասերում դեռ գտնում էինք զրահի ծումոված կտորներ»: Այդ լիմուզինով պիտի Լետիսիա Նասարենոն որդու հետ շուկա գնար՝ թալանի, ինչպես վարվում էր ամեն չորեքշաբթի: «Այնպես որ մահավորձը նրա վրա էր նախապատրաստվել, իմ գեներալ»: Եվ հիմա միայն նա խփեց իր ճակատին. «Գրողը տանի, ո՞նց հոմ աչքաթող արել»: Իսկապես՝ ո՞ր էր չքվել նրա առասպելական զգոնությունը: Արդեն մի քանի ամիս շարունակ արտաքնոցի պատերին գրված ուղերձները հղված էին ոչ թե իրեն եւ ոչ էլ քաղաքացիական նախարարներից որեւէ մեկին, այլ լկտի այդ նասարենոններին, որոնք իրենց ատամները խրել էին գեներալների, աշխարհիկ իշխանությունների շռայլ ողորմածություններով ապրող եկեղեցական հայրերի շահերի մեջ: Ծիշտ է, նման գրությունները, ինչպես ժամանակին վիրավորական բառերով մոր սրբության դեմ գրածները, նա համարում էր ժամանակի ընթացքում ամենաստվորական հայհոյանքի, թուխակային բառերի, ծաղրանքի վերածված անմաս մի բան, որ ծնվում էին արտաքնոցի տաքության մեջ, անձնական վիրավորանքներից. երբեմն այդ վիրավորանքները փողոց էին դուրս գալիս, հաճախ՝ իր օժանդակությամբ. նա ձգտում էր խայտառակ այս կամ այն պատմության դժգոհությունը լիցքաթափել տալ ճշոցներով, բայց մոլիզանել այնպես, որ երկու կվինտալ՝ ուժանակ դնես... Եվ որտե՞ղ:

\* Կվինտալ - 46 կգ:

Հենց Իշխանության տա՞նը: Ինչպե՞ս է դա պատահել, ինչպե՞ս է թույլ տվել պոեզիայի շեփորների Հնչյուններով Հմայել իրեն այնպես, որ դավաճանել սկսի նրբագույն Հոտառությունը՝ վազը-մարդակերի Հոտառությունը: Այդ ինչպե՞ս նա ժամանակին չկարողացավ ճանաչել վաղեմի ծանոթի՝ վտանգի սուր Հոտը: Այս ի՞նչ բան է: Նա շտապ իր մոտ Հրավիրեց Հրամանատարական կազմին՝ տասնչորս դողողացող բարձրաստիճան սպաներին. ուրիշի կամքի, այն էլ միջնորդավորված կամքի կատարման այսբան տարիների ծառայության մեջ նրանք երկու քայլ Հեռավորություն վրա կրկին տեսան անհասանելի ծերին, որի իրական մարմնական գոյությունը ամենապարզն էր նրա բոլոր Հանելուկներից.- «Նա ընդունեց մեզ նիստերի դահլիճում, իր գահին՝ պրեզիդենտական բազկաթոռին նստած, շարքային զինվորի Համազգևատով. նրանից, ինչպես ժանտաքիսից, մեզի Հոտ էր փչում, նա չսփառանց նուրբ ոսկյա շրջանակով ակնոց էր դրել,- նույնիսկ իր ամենավերջին դիմանկարներում նա առանց այդ ակնոցի էր պատկերված, նա անհուսալիորեն ծեր էր ու մեզանից անսահման Հեռու. նա Հանեց մետաքսյա ձեռնոցները, եւ մենք տեսանք, որ նրա ձեռքերը Հին զինվորականի ձեռքեր չէին, կանացի էին ու ավելի թարմ, ասես գթասիրտ մարդու ձեռքեր լինեին. մնացած ամեն ինչը մագաղաթի էր ու մուսյլ. որքան ուշադիր էինք նրան նայում, այնքան պարզորոշ էինք տեսնում, որ նրա ծանրացած մարմնում կյանքի վերջին շունչն է մնացել, բայց դա անսանձ տիրակալի, բացարձակ, անմասնատելի իշխանության շունչն էր,- ինքը, նույնիսկ, դժվարանում էր գապել իր ներսի Հրեշին, ինչպես դժվարանում են սանձել վայրի ձիուն. նա ոչ մի բառ չսասց, գլուխն էլ չչարժեց, երբ մենք Հերթականությամբ պատիվ առանք մեր գերագույն Հրամանատարի առջեւ, իսկ երբ նստոտեցինք նրա դիմաց, կիսաշրջան կազմած բազկաթոռներին, նա Հանեց ակնոցը եւ սկսեց նայել մեզ իր թափանցող աչքերի քննող Հայացքով. նա տեսնում էր մեր ետին մտքերի բոլոր որջերը, տեսնում էր, թե ինչպես են մեր հոտին մտքերը կոմանդրեխանների՝ նման ետ-ետ սողում դեպի իրենց մութ ապաստարանները, բայց եւ մերկացնում էր դրանց, մեկը մյուսի հետեւից, անխնա, ամեն մեկիս վրա վատնելով ճիշտ այնքան ժամա-

\* Կոմանդրեխա - աբխ:

նակ, որքան պետք էր նրան պարզելու՝ թե ով որքան է փոխվել մոռացուկության մշուշով պատած այն երեկոյից, երբ վերին ներշնչանքով, մատի-թեթեակի շարժումով նա մեզ ամենաբարձր կոչումները շնորհեց»:

Որքան երկար էր նա Հայացքով ծակում նրանց, այնքան ավելի էր համոզվում, որ մահափորձի կազմակերպիչները տասնչորս այս գաղտնի թշնամիների մեջ են, բայց բոլորի դիմաց իրեն այնպես մենակ ու անպաշտպան էր զգում, որ իգուանի նման աչքը կկոցելով, գլուխը բարձրացրեց ու միասնության կոչ արեց,- «Այժմ, ինչպես երբեք, մեզ անհրաժեշտ է միասնությունն եւ Համախմբվածությունն, քանզի խոսքը գնում է Հայրենիքի բարօրությունն եւ դինված ուժերի պատվի շուրջը»: Նա խորհուրդ տվեց ցուցաբերել խոհանությունն եւ ձեռնարկել եռանդուն միջոցներ՝ իրենց վրա դրված պատվախոր առաքելությունը իրագործելու համար. անհրաժեշտ էր դանել մահափորձի կազմակերպիչներին ու Հանձնել ռազմական ատյանի ձեռքը. «Այսքանը, սենյորներ»,- ավարտեց նա, Հաստատ Համոզմունքով, որ մահափորձի կազմակերպիչը նրանց մեջ է, թերեւս, բոլորն էլ կազմակերպիչներ են: Նա սրտում խայթոց զգաց, Հոգեկան սպանիչ վերք ստացավ, երբ Հանկարծ զիտակեց, որ Լեոխիսա Նասարենոյի կյանքն այսուհետեւ ոչ թե աստծո ձեռքին է, այլ ամբողջովին կախված է իր մաստուկությունից. կկարողանա՞, արդյոք, փրկել նրան, գլխավերելում կախված սպառնալիքից, այն անխուսափելից, որ վաղ թե ուշ կատարվելու է, գրողը տանի: Նա Հարկադրեց Լեոխիսային հրաժարվել Հասարակական միջոցառումներին մասնակցելուց, ստիպեց նրա առավել ազահ ազգականներին փաստաբանները Հավաքել, հեռանալ բարձրագույն հրամկազմի շահախնդրությունների ոլորտներից. ամենահասակացողներին նա հյուպատոսներ դարձրեց, ամենալեզուները շուկայի կեղտաջրերով ջրանցքի երեսը ելան տարուկայի՝ թփուտների մեջ, երկար տարիներ ընդմիջումից հետո նա Հանկարծ Հայտնվեց նախարարների խորհրդի նիստերին եւ գրավեց թափուր մնացած իր բազկաթուղձ՝ Համակված այն վճռականությունը, որ հոգեւորականությունը թուլ էլ տա թափանցել պետական գործերի մեջ,- «Որպեսզի փրկեմ քեզ քո

\* Տարուկյա - վայրի թփուտ:

Թշնամիներից, Լեոխիսի»։ Այնուհետև նա կրկին շոշափեց բարձրաստիճան հրամկազմի տրամադրությունը եւ համոզվեց, որ վերջին հանդիպումից հետո յոթ հրամանատարներ իր նկատմամբ լույս վերաբերմունք ունեն, իսկ ինչ վերաբերում էր պաշտպանության նախարարին, սույա նա իր վաղեմի բարեկամն էր. այսպիսով, անվատահեղի էին վեց զորահրամանատար, վեց հանելուկ էր մնում, եւ այդ հանելուկները անսահմանորեն երկարաձգում էին նրա գիշերները. մզձափանջային այն նախազգացումը, թե Լեոխիսիս Նասարենոն արդեն մահվան կնիք է կրում, նրան հանգիստ չէր տալիս, նրան թվում էր, թե Լեոխիսիային սպանում են իր աչքերի առաջ, սպանում են՝ անսուղով նախազգուշական իր բոլոր միջոցառումները. նա փորձել էր տալիս բոլոր կերակուրները, հատկապես այն օրից, երբ հացի մեջ ձկան փուշ հայտնաբերվեց, ամեն օր ստուգվում էր Լեոխիսիայի սենյակների օդի բաղադրությունը, որովհետև նա վախենում էր, որ մահացու թույնը կարող էին լցնել Փլյտի\* սրվակը, նա սարսափեց, երբ ճաշի ժամին Լեոխիսիայի դեմքին դունատություն նկատեց, երբ սիրո վայելքի մեջ մարեց Լեոխիսիայի ձայնը, նրան հետամտում էր այն միտքը, թե Լեոխիսիայի խմելիք ջուրը կարող են վարակել դեղին տենդի մանրէներով, թե Լեոխիսիայի աչքի կաթիլների մեջ կարող են արջասպ խառնել, թշնամական մահացու վտանգներով խարդավանքների հնարավորությունը այդ օրերին ամեն պահ մտայնում էր նրա գոյությունը. նա կեսգիշերին վեր էր թռչում քնից, սարսափած դաժան տեսիլներից, որ նրան իրականություն էին թվում. իբր, Լեոխիսիս Նասարենոն, ահա, այս վայրկյանին, արյունաքամ է լինում հնդկացի կախարդների աչքով տալուց։ Նա գրեթե ցնորվել էր հարյուրավոր կեղծ ու իրական, Լեոխիսիային սպառնացող վտանգներից, եւ արվելեց նրան դուրս գալ պալատից, առանց ամենակատաղի զվարդիականների ուղեկցության. սրանց արտոնված էր կրակել առաջին իսկ կասկած հարուցողի վրա՝ առանց զգուշացման։ Իսկ Լեոխիսիսն սպալատից դուրս էր պալիս ամեն չորեքշաբթի եւ նա լուսամուտի մոտ կանգնած՝ նայում էր, թե ինչպես է կինը որդու հետ գրահապատ նոր ինքնաշարժը նստում, ջանում էր ներսում խեղդել չար կանխազգացումները, ձեռքերով, փորձանքից հեռու մնալու,

\* Ֆլիտ - միջատասպան գեղամիջոց։

Հմայանքի շարժումներ էր հորինում եւ ազդեցում քթի տակ. «Մայր իմ Բենդիսիոն Ալվարադո պահպանիր նրանց: Շեղիր նրա կրծքին ուղղված գնդակը հեռացրու թույնով բաժակը գաղտնիս հայտնի դարձրու»: Նա մի պահ էլ դադար չունեիր, քանի դեռ դե Արմաս հրապարակից չէր լսվում Լեոխիային ուղեկցող պատվո պահակախմբի ազդանշանը, քանի դեռ Լեոխիան եւ որդին չէին հայտնվում փարոսի առավոտյան փայլերով յուսավորված ետնաբակի արահետին: Լեոխիան վերադառնում էր երջանիկ, հուզված, գոհ ձայնով բղավում պահակախմբի զինվորների վրա, որոնք մեքենայից դուրս էին բերում դրասանգներ՝ ծննդյան գիշերվա համար, որի մոտալուտ գալուստը փառաբանում էին փողոցներում կախված ցուցանակներն ու հրավառության ստողերը,- ինքն էր հրամայել վաղորոք տոնականորեն զարդարել քաղաքը, որպեսզի այդպիսի գոնե դիմակ հագցնեիր իր անհանգստությունը հրեային. նա դիմավորում էր Լեոխիային սանդուղքի վրա, հրճվելով կնոջ սղջությամբ, ներշնչելով նրա սոււ աղվեսներին նավթայինած հոտը, նրա քրտնքի թթվահոտը, նրա խղճուկ մազերի հոտը. նա օգնում էր կնոջը ննջատենյակ տանել հերթական ավարը, չկարողանալով խեղդել ներսում տարօրինակ այն համոզվածությունը, թե երջանկություն վերջին փշուրներն է հավաքում, թե իր այդ երջանկությունը դատապարտված է կործանման,- ավելի լավ չէ՞, ուրեմն, առհասարակ չիմանալ, թե ինչ բան է երջանկությունը: Հուսահատությունը համակում էր նրան առավել ուժեղ, երբ հանգամանորեն կշռադատում էր դժբախտությունը կանխելու քայլերը, նրա բոլոր հմայանքները կատարվելիքն ավելի անխուսափելի էին դարձնում, աստժո ամեն օրը մոտեցնում էր իր կյանքի սոսկալի այն չորեքշաբթին, երբ մշտական վախից ու Լեոխիայի ճակատագրի համար հուզումներից թուլացած, ի վերջո, դաժան հանգստություն մտածեց. «Ինչ լինելու է, թող լինի, գրողը դրանց տանի: Եվ որքան շուտ, այնքան լավ»: Նա դեռ չէր հասցրել գիտակցել մտքում ասածի իմաստը, երբ կատարվեց կատարվելիքը. առանձնասենյակ խուճեցին երկու համհարզ եւ գեկուցեցին, որ Լեոխիա Նասարենոյին եւ որդուն պատառոտել ու խժռել են շուկայի վայրենացած շները: «Նրանք խժռեցին նրանց ողջ-ողջ, իմ գեներալ: Բայց դրանք մեզ ծանոթ փողոցային շներից չեն, այլ մեզ

անձանոթ զամփոռներ՝ կատաղի, դեղին աչքերով եւ հարթ, շնածկան մորթով: Ինչ-որ մեկը դրանց քսի է տվել Լեոտիսիա Նասարենոյի սեւ աղվեսենիներէ վրա: Վաթսուն շուն էին, իմ գեներալ, վաթսուն բացարձակապէս իրար նման շներ: Ոչ մեկը չհասցրեց ուչքի գալ՝ այնքան արագ դուրս պրծան բանջարեղենի վաճառատեղանի ետեւից ու հարձակվեցին Լեոտիսայի ու տղայի վրա: Կրակել չէր լինի, որովհետեւ վախենում էինք նրանց եւ ոչ թե շներին սպանել, իմ գեներալ»:

Դա մի դիվային, արյունալի բաքոսատոն էր, հրեշավոր մահվան հողմապտույտ, շնային մարմինների կծիկ, որից շատ կարճ ակնթարթով, աղերսայից դուրս էին պարզվում մեկ Լեոտիսայի, մեկ տղայի ձեռքերը, բայց շատ արագորեն երկու զոհն էլ վերածվեցին ազահորեն խժովող մսապատառների, եւ այս ամենը կատարվեց շուկայական ամբոխի աչքի առաջ, հարյուրավոր մարդկանց աչքի առաջ. ոմանց դեմքը այլայլվել էր սարսափից, ոմանք չէին թաքցնում չարախնդությունը, իսկ ինչ-որ մեկը լաց եղավ խղճահարությունից, բայց, ահա, վերջացավ ամեն ինչ եւ բոլորը տեսան, որ գետնին ընկած է Լեոտիսիա Նասարենոյի փետրե մանուշակներով զարդարված գլխարկը. սարսափից քարացած, արյունոտված, կուռքերի նման կանաչի վաճառող կանայք անձայն շնջացին. «Աստված իմ. այս ամենը չէր կատարվի, եթե գեներալը չկամենար»: Ահա, այսպէս պատահեց դեպքը՝ ի խայտառակություն պրեզիդենտական գվարդիայի, որին հաջողվեց փրկել միայն ճերմակության չափ մերկացած ոսկորները. հավաքել էին արյունոտված բանջարեղենի միջից, «Միայն այս սպիտակ ոսկորներն են մնացել, իմ գեներալ»: Ճիշտ է, ոսկորներից բացի դռնվեցին ու հավաքվեցին նաեւ տղայի մեղալները, նրա խաղաքարտի թագավորի թուրը, Լեոտիսիա Նասարենոյի սեւ կոշիկները, որ չգիտես ինչու ջրի երես ելան ծովախորշում, շուկայից մի ամբողջ մղոն հեռավորութեան վրա, դռնվեցին գունավոր ապակուց ուլունքներ եւ օդեզրահի կտորից պատրաստված մի քսակ. «Այս իրերն, ահա, ձեզ ենք հանձնում, իմ գեներալ, ինչպէս նաեւ այս երեք բանալին, սեւացած ոսկու. նշանի այս մասանին եւ հիսուն սենտավո՝ Հինգ մետաղադրամ՝ տասական սենտավո: Ահա, հաշվեք, խնդրում ենք: Ուրիշ ոչինչ չի մնացել նրանցից»: Նրա համար բացարձակապէս

նշանակութիւնն էր ունենա, թե ինչ է մնացել հարազատներից, ե-  
թե կարողանար կանխատեսել, որ ընդամենը մի քանի տարի անց  
խապառ մոռանալու էր չարաբաստիկ չորեքշաբթի օրվա պատահա-  
րը, բայց հիմա նա հեկեկում էր կատաղութիւնից ու չքնեց ողջ գի-  
շերը, տառապելով որսված, շղթայված մարդակեր շների ունոցից.  
ոչ մի կերպ նա էր կարողանում վճռել՝ ինչպես վարվեն այդ շնե-  
րի հետ, որովհետեւ շիթեցրել էր այն միտքը, թե շների մահապա-  
տիժը Լետիսիայի եւ որդու կրկնակի սպանութիւնն էր լինելու. չէ՞  
որ նրանք շների փորում էին. նա հրամայեց քարուքանդ անել  
բանջարեղենի շուկայի երկաթյա տաղավարը եւ տեղում մագնո-  
լիայի այգի տնկել, լորեր անեցնել. իսկ այգու կենտրոնում վեր խո-  
յացնել մարմարյա խաչ. այս խաչը փարոսից բարձր պիտի լիներ եւ  
շողարձակվեր ավելի պայծառ, որպեսզի ապագա սերունդների հի-  
շողութեան մեջ հավերժանար պատմական այն կինը, որին գենե-  
րալն ավելի վաղ մոռացավ, քան կհասցնեին քանդել Հուշարձանը,  
որ պայթեցրին մի գիշեր եւ ոչ մեկին չվրդովեցրեց պայթիւնը, իսկ  
մագնոլիաները խոզերին կեր դարձան, այգի՞ն վերածվեց կեղտա-  
ջրերի գարշահոտ լճակի, բայց գեներայը երբեք չտեսավ այդ լճա-  
կը ոչ միայն այն պատճառով, որ անձնական վարորդին հրահան-  
գել էր շրջանցել բանջարեղենի նախկին շուկան, եթե շրջանցումը,  
նույնիսկ, շուրջերկրյա ճամփորդութեան երկարութիւնն ունենար,  
այլ որովհետեւ՝ քաղաքում էր հայտնվում այն օրերից սկսած, երբ  
իր բոլոր նախա-բարութիւնները տեղափոխեց արեւոտ ապակուց  
պատրաստված շենքը եւ մի քանի սպասուհիների հետ պալատում  
մնաց մեն-մենակ. պալատը դադարեց պալատի նման լինելուց, քա-  
նի որ նա հրամայեց ջնջել Լետիսիա Նասարենոյի թագավորական  
նկրտումների բոլոր հետքերը. նա մեն-մենակ չըլում էր ամայի մի-  
ջանցքներով ու դատարկ սենյակներով, աննպատակ, անգործ, ժա-  
մանակ առ ժամանակ միայն չնչին ցուցումներ տալով հրամկաղ-  
մին կամ մասնակցում նախարարների խորհրդի նիստերին, երբ ո-  
րեւէ կնճռոտ հարց էր լուծվում եւ վերջնական վճռի համար պրե-  
զիդենտի կամքն էր անհրաժեշտ լինում. նա հարկադրված էր նաեւ  
ընդունել չարաննձ դեսպան Ուիլսոնին, որը տեղափոխելով սեյ-  
բայի ստվերի տակ, մտում էր երկար, հյուրասիրում Բայտիմորյան  
քաղցրավենիքով, մերկ կանանց լուսանկարներով ամսագրեր



ցույց տալիս, հեռանալուց առաջ ջանալով համոզել նրան արտաքին պարտքերի վիթխարի տոկոսների մարման դիմաց վճարել երկրի սահմանային ջրերը. նա դեսպանին թույլ էր տալիս խոսել մինչևե վերջ, մեկ լսելով, մեկ չլսելով՝ նայած շահին,- երբ դեսպանի բառահրաբուխը դառնում էր ծայրաստիճան ձանձրացնող, գրուցակիցն այդ ողջ հեղեղն ականջի կողքով էր բաց թողնում եւ լսում կանաչ ծառին նստած չալիկ թռչնակի մասին երգը, որ երգում էր պալատից ոչ հեռու գտնվող օրիորդաց դպրոցի երգչախումբը. իջնող մթնշաղի հետ նա ետնաբակով ճանապարհ էր գցում դեսպանին, աշխատելով բացատրել, որ թանկագին հյուրը կարող է պահանջել բացարձակապես ամեն ինչ, բացառութեամբ ծովի,- «Ինչպե՞ս կարող եմ մնալ առանց լուսամուտիս տակ ծփացող ծովի: Ի՞նչ եմ անելու մենակ սուանց ծովի, հսկայական այս տանը: Ի՞նչ կպատահի ինձ, եթե վաղը ես չտեսնեմ արեւամուտի մի պահի բոցավառվող ճահճի նմանվող ծովը: Ինչպե՞ս եմ ապրելու գեկտեմբերյան այն քամիների բացակայութեամբ, որոնք առանց փարոսի կանաչ փայլերի էլ խուժում են ջարդված լուսամուտներից ներս. ես չէ՞ որ լքել եմ իմ սարահարթի մշուշները եւ տենդախոցի շնչահեղձ լինելով՝ խրվել քաղաքացիական կոլիմների քուրան ոչ թե հայրենասիրական զգացմունքներից տոգորված, ինչպես գրված է կենսագրական բոլոր բառարաններում, եւ ոչ էլ արկածախնդրական նկատառումներով, ինչպես պնդում են ումանք, էլ չեմ խոսում Ֆեդերալիստական գաղափարներից, եւ թող սուրբ հողը թիթեւ լինի դրանց վրա, այլ բացարձակապես ծովը տեսնելու համար: Մնացած ամեն ինչը տանձի պոչ են, իմ թանկագին Ուլիսոն, այնպես որ հարկ կլինի մի այլ բան մտածել»: Եվ նա, թիթեւակի թփթփացնելով դեսպանի ուսին, հրաժեշտ էր տալիս: Ճանապարհ գցելով դեսպանին, նա մտնում էր իր ապաստարանը, վառում լույսերը նախկին գերատեսչութունների դատարկ սենյակներում, եւ մի երեկո հանկարծ միջանցքում մոլորված կով տեսավ. նա վռնդեց կովին մինչեւ սանդուղք եւ ծածկված ուղեգորգի մեջ ամբակներով խճճված կենդանին թավալվող ցած ընկավ աստիճաններով ու փշրեց գանգը՝ ի ուրախութիւն քաղցած բորոտների, որոնք իսկույն վրա պրծան լեշը մաշկելու,- բոլոր բորոտները, կաթվածահարները եւ կուլրերը վերադարձել էին Լեւոի-

սիա Նասարենոյի մահից Հետո եւ կրկին բնակվում էին այգում, Հուլայացած վարդի թփերի մեջ, կրկին մի պտղունց բուժիչ աղ էին խնդրում, յատուկ գլխերներին երգեր էին ասում, եւ նա նրանց Հետ երգում էր Հեռավոր ու փառավոր ժամանակների երգը. «Սուսաննա, մոտս արի, Սուսաննա»։ Կեսօրվա ժամը Հինգին կովանոցի լուսամտակից նա նայում էր դպրոցից սոււն դարձող, կասյուլսա գոգնոցներով, գուլպաներով, երկար ծամերով աղջիկներին եւ, տուփանքից մարելով, նրանց իր կողմն էր գրավում՝ լուսամուտի երկաթյա ճաղերի արանքից խաղացնելով ձեռնոցի լաթն մասները. «Աղջիկ, այ աղջիկ, մոտ արի, թույլ տուր քեզ կամթեմ»։ «Օ, մայր իմ անուշիկ, մենք փախչում էինք նրանից, ինչպես թռչախտավորի աչքերով ուրվականից»։ Իսկ նա տեսնելով նրանց փախուստը, փրվում էր, մտածում. «Մայր իմ Բենդիսիոն Ալվարադո ինչ ջահել են այս ժամանակների աղջիկները»։ նրան ուրիշ ոչինչ չէր մնում անելու, քան իր վրա ծիծաղելը, իրեն անպետք համարելը, բայց երբ անձնական բուժակը, առողջապահության նախարարը, որին միշտ ճաշի էր հրավիրում, վճույն չստանալով, աչքերի զննությամբ, զարկերակի ստուգմամբ եւ ծերունական կարծրախտի դեմ դեղ առաջարկեց, որպեսզի իսցանի նրա Հիշողության արտահոսքի անոթները, նա իր բուժակին շատ անհարմար տեղեր ուղարկեց,- «Բա ես դեղ խմո՞ղ եմ: Ես մի մարդ եմ, որը բացի տենդախտից, այն էլ քաղաքացիական կռիվների ժամանակ, երբեք չի Հիվանդացել»:

Հիմա նա մենակ էր ճաշում ողջ աշխարհից կտրված, թիկունք արած ողջ լույս աշխարհին,- բազմագլխակ գեսպան Տեյրիլինդր նրան հուշեց, որ այդկերպ ճաշում են Մարոկոյի թագավորները. նա ճաշում էր, ջանալով նստել ուղիղ, բարձր պահած գլխով, պատասխապղը ձախ ձեռքով էր բռնում, դանակը՝ աջով. հանգամանորեն ծամում էր ուտելիքը՝ հավատարիմ մոռացված դաստիարակչուհու խիստ կանոններին, այնուհետեւ շրջում էր ողջ պալատը՝ գտնելու այն թաքստոցները, որտեղ պահում էր մեղրով պուլիկները, բայց գտնելով այս կամ այն թաքստոցը, մի երկու ժամ Հետո մոռանում էր տեղը, նոր սրտնումներ ձեռնարկում եւ ընթացքում, սիգարետի մնացուկի նման ճեղքերը խրված, խողովակաձեւ ոլորված թղթի շերտիկներ էր փռում, որ ժամանակին գրասենյա-

կային մատյանների լուսանցքն էին կազմում,- վաղուց, շատ վաղուց, մի այլ ժամանակաշրջանում նա կտրում էր այդ լուսանցքները, որպեսզի դրանց վրա գրեր այն ամենը, ինչը չէր կարող հիշել տարիներ անց: «Վաղը երեքշաբթի է»,- գրված էր շերտիկներից մեկի վրա, իսկ մյուսի վրա նա կարդաց. «Քո ճերմակ թաշկինակին կարմիր թելով սկզբնատառեր են ասեղնադործված, բայց դրանք քո անվան տառերը չեն, իմ տիրակալ»,- նա ոչինչ չհասկացավ եւ զարմացած կարդաց մյուս շերտիկը. «Իմ հոգու Լետիսիա Նաստրենո, տես, թե ինչ եմ դարձել առանց քեզ»,- «Լետիսիա Նաստրենո»,- այս անունը հանդիպում էր գրեթե բոլոր շերտիկներում, եւ նա ոչ մի կերպ զլխի չէր ընկնում, թե ով է եղել իր ետեւից գրավոր այբբան հառաչանք թողած այդ դժբախտը,- «Գրողը տանի, իսկ ինչո՞ւ է իմ ձեռագրով գրված»: Այո, իր ձեռագիրն էր, ձախլիկի անկրկնելի իր ձեռագիրը, որով նա ժամանակին նախշում էր պետքարանի պատերը, գրում ինքն իրեն ոգեւորելու համար. «Կեցցե գեներալը»: Նա արդեն չէր բարկանում իր վրա, որ փսլնքոտի մեկն է դարձել, իջել է հետեւակային, ծովային, օդային դորամասերի ուղածղ զինվորականի մակարդակից, որ փսլինք է թափում կուսանոցի ինչ-որ միանձնուհու համար, որից միայն անունն է մնացել՝ այն էլ մատիտով գրուած թղթի նեղ շերտիկների վրա. նա պարզապես չէր հիշում, թե ինչ էր եղել չարաբաստիկ չորեքշաբթիից առաջ եւ հետո, սկսած այն օրից, երբ հրաժարվեց ձեռք տալ Լետիսիայի եւ որդու իրերը, որ գրասեղանին էին դրել համհարզները. մի այլ կողմ նայելով՝ նա հրամայել էր. «Տարեք այդ կոչիկները, այդ մեղալները, տարեք բոլորը, ինչ հիշեցնում է հանգուցյալներին»: Եվ բոլոր իրերը տարան Լետիսիայի ննջասենյակ, որտեղ անցել էին նրա սիրո խենթ սիեստաները,- «Մեխեք այնտեղի բոլոր դռներն ու պատուհանները, գրողը տանի, եւ չհամարձակվեք ներս մտնել, եթե նույնիսկ ես հրամայեմ»: Այս հրամանն արձակելով, նա երկար ամիսներ կծկվել էր սարսափի դողերոցքի մեջ, լսելով Լետիսիային ու որդուն խժոած շղթայակապ շների ոռնոցները, բայց սիրտ չէր անում դրանց սպանդանոց քշելու հրահանգ տալ, որովհետեւ մտածում էր, որ շներին տրված ցանկացածդ պատիժը ցավ է պատճառելու թունկագին հանգուցյալներին. նա ճոճն էր խրվում, փորձելով մոռանալ, ջանալով մա-

րել իր կատաղությունը, որովհետեւ գիտեր, թե ովքեր են արյունակիցների դահիճները. իր տանը տեսնելով մարդասպաններին, նա նվաստացում էր ապրում, բայց այդ օրերին ոչինչ էլ էր կարող անել եւ Հարկադրված էր համբերել, քանզի իշխանությունը էլ էր բավարարում դրանց վիզը ոլորելու համար. նա հրաժարվեց հուղարկավորման արարողությունից, արգելեց ցավակցական այցելությունները, սուգ չհայտարարեց,- սպասում էր ժամին, օրորվում չարության ճոճում, վիթխարի սեյքայի սուվերի տակ. հենց այստեղ, սեյքայի սուվերի տակ վերջին հավատարիմ բարեկամը, արտահայտելով բարձրաստիճան ողջ հրամկագմի կարծիքը, ասաց, թե հրամկագմը, իբր, հպարտանում է այն արժանապատվությամբ եւ զսպվածությամբ, որով ժողովուրդը կրում է այս սոսկալի ողբերգությունը. ամենուր խաղաղություն է ու կարգուկանոն: Նա հագիվ նկատելի քմծիծաղ տվեց. «Հիմարություններ ես դուրս տալիս, բարեկամ, ցափն էլ հենց դա է, որ խաղաղություն է, ցափն էլ հենց դա է, որ կարգուկանոն է: Մարդկանց բոլորովին էլ չի հուզել այդ դժբախտությունը»: Նա վերընթեցեց լրագիրը ծայրից ծայր, ձախից աջ, աջից ձախ, ջանալով ավելին կորզել, քան ասված էր կառավարական թղթակցական կենտրոնի պաշտոնական հաղորդագրության մեջ, կարգապահեց ռադիոընդունիչը կողքին դնել, որպեսզի բաց չթողնի կարևոր լուրերը եւ վերջապես հասավ նպատակին. վերակրուսից սկսած մինչեւ Ռիոբամբինի բոլոր ռադիոկայանները հաղորդում էին, որ աղզային անվտանգության ծառայությունը բռնել է մահափորձի կազմակերպիչների հետքը: «Հապա ի՞նչ էիք կարծում, մորմի գավակներ»,- մոթմոթաց նա, իսկ ռադիոն շարունակեց, որ մահափորձի կազմակերպիչները բռնվել են արվարձանային հասարակաց տներից մեկում, որի վրա ականանետային կրակ է բացվել. «Ահա այդպես,- հոգոց քաշեց նա,- խեղճ մարդիկ»: Սակայն նա մնաց ճոճում, բոլորովին անտարբեր, ոչ մի շարժումով չմատնելով մտքինը, ինքն իր մեջ ալոթելով. «Մայր իմ Բենդիսիոն Արվարադո պահպանիր կյանքս վրեժխնդրության համար ուղեկցիր ինձ մայր ոգեչնչիր ինձ մայր»: Նա համոզված էր, որ մայրը լսեց աղերսը եւ ընդունեց, ահա թե ինչու լիովին տիրապետեց իրեն եւ հաղթահարեց վիշտը,- այս փոփոխությունը նկատեցին նաեւ հասարակական կարգի ու

ազգային անվտանգության համար պատասխանատու գերագույն շտաբի սպաները, որոնք ներկայացել էին զեկուցելու. «Իմ գեներալ, մահափորձի կազմակերպիչներից երեքը սպանվեցին կարգուկանոնի պահպանման ուժերի հետ փոխկրակոցի ժամանակ, երկուսը ձերբակալված են և գտնվում են Սան-Խեռոնիմոյի խցերում»: Մրգաջրով բաժակը ձեռքին, ճոճում նստած, նա ասաց. «Ընչը»,- և նշանառու հրաձիգի ամուր ձեռքով բոլորի համար հյուսթյցից,- «Նա իմաստության մարմնացում էր, երբեք չէր եղել այդպիսին, և նրանկատ էր, ինչպես երբեք, այնքան նրբանկատ ու ուշադիր, որ գուշակեց մեր ցանկությունը և թույլ տվեց մեզ ծխել: Չլաված բան էր՝ թույլ տալ մեզ ծխել ծառայողական պարտականությունները կատարելիս»: «Այս ծառի տակ բոլորս հավասար ենք»,- ասաց նա և հանգիստ լսեց զեկուցցի մանրամասները՝ թե ինչպես է մտածված եղել ու իրագործվել շուկայի մահափորձը, ինչպես են Շոտլանդիայից առանձին խմբերով բերել որսաչների՝ ցեղական ութսուներկու քոթոթներ, որոնցից քսաներկուսը սատկել են այս կամ այն պատճառով, իսկ մնացած վաթսուներին մեծ վարպետութամբ վարժեցրել է շոտլանդացի շնապահը, որը հանցավոր նպատակներով շներին անողոք ատելություն էր պատվաստել ոչ միայն Լեոփսիա Նատարենոյի սեւ աղվեսներին, այլև հենց տիրուհու, ինչպես նաև նրա որդու նկատմամբ,- «Շներին վարժեցնում էին՝ օգտագործելով հարդարանքի, ահա, այս իրերը, իմ գեներալ: Հոտ քաշելու էին տալիս պալատական լվացքատնից գողացված, ահա, այս սպիտակեղենը, Լեոփսիա Նատարենոյի, ահա, այս իրանակալը, ահա, այս թաշկինակը, գուլպաները, տղայի ահա այս համազգեստը, իմ գեներալ: Ճանաչո՞ւմ եք այս իրերը»: Նա չնայեց էլ ցույց տրվող իրերի կողմը և միայն ասաց. «Ընչը»,- և ուշադիր լսում էր զեկուցցի շարունակությունը. «Այդ վաթսուն շներին վարժեցրին չհաջել, երբ պետք չէ, որ հաջեն, վարժեցրին մարդկային մտին, իմ գեներալ. նրանց պահում էին փակի տակ, աստծո լույս աշխարհից բոլորովին մեկուսացրած. նրանց վարժեցնում էին մի քանի տարի շարունակ, մայրաքաղաքից յոթ մղոն հեռավորություն վրա, չինական բարձրթողի մի ագարակում. այս ագարակում կային Լեոփսիայի և ձեր որդու խրտվիլակներ՝ բնական չափսերով և նրանց հագուստ-կապուս-

տով, բացի դրանից, չներին վարժեցրել էին ճանաչել ձեր որդուն  
և Լեւոսիսիային դեմքով, մշտապես ցույց տալով նրանց լրագրային,  
ահա, այս լուսանկարները»: Եվ սպաները նրան ցույց տվեցին բո-  
լոր էջերը լուսանկարներիով ստանձված այբոմը, որպեսզի պրեպի-  
դենտը գնահատեր արդուկած, կուտած այդ խոզերի կատարած  
վիթխարի աշխատանքը,- «Ամեն մեկն իր գործն է անում, իմ գե-  
ներալ»: Բայց նա նրանց կողմը չնայելով իր «ըՀը»-ն նետեց, եւ  
այդժամ նրանք ամենակարեւոր տեղեկությունը հայտնեցին. դա-  
վադիրներն, անշուշտ, ինքնուրույն չէին գործել. նրանք գործա-  
կալներն էին թաքուն մի կազմակերպության, որի կենտրոնը գտն-  
վում է արտասահմանում,- «Ահա նրանց նշանը, ձերզ գերազան-  
ցություն»: Եվ ցույց տվեցին սագի փետուրի եւ դաշույնի խաչա-  
ձեւումով դավադիրների նշանը, եւ նա ասաց. «ԸՀը»: Իսկ նրանք  
շարունակեցին զեկույցը, որից պարզվեց, որ բոլոր դավադիրները  
վաղուց թաքնվում էին արդարադատության աչքից՝ վախենալով  
նախկինում գործած քրեական հանցագործությունների պատաս-  
խանատվությունից: Եվ նրանք ցույց տվեցին մի այբոմ, որտեղ  
ամփոփված էին ոստիկանական գործերից հանված դավադիրների  
լուսանկարները. «Այս երեքը սպանված են, իսկ այս երկուսը՝ ձեռ-  
բակալված ու բանտված Սան-խերոնիմոյի խցերում, իմ գեներալ:  
Ինչպե՞ս վարվել նրանց հետ՝ ձեր կամքն է: Մաուրիսիո եւ Գուժա-  
րո Պոնսե դե Լեոն եղբայրներն են, մեկը՝ քսանութ, մյուսը՝ քսանե-  
րեք տարեկան: Առաջինը դասալքել է գինված ուժերի շարքերը,  
մշտական բնակավայր չունի եւ անորոշ զբաղմունքի տեր է, մյու-  
սը արհեստագործական ուսումնարանում խեցեգործություն է դա-  
սավանդում. սրան տեսնելով՝ շնորք ուրախությունից պոչերը շար-  
ժեցին եւ իրենց ողջ պահվածքով հավատարմություն ցուցադրե-  
ցին, ինչը անհերքելի ապացույցն է նրա մեղսակցության, իմ գե-  
ներալ»: Սակայն նա այս անգամ էլ ասաց իր «ԸՀը»-ն, իսկ օրվա  
պաշտոնական տեղեկագրերը ամփոփելիս գովեստով արտահայտ-  
վեց այն երեք բարձրաստիճան սպանների հասցեին, որոնք զբաղվել  
էին հետաքննությունմբ, եւ պարգեւատրեց նրանց «Հայրենիքին  
հավատարիմ ծառայության համար» պատվավոր մեդալով. նա  
անձամբ հանձնեց մեղալիները եւ հինց տեղում, պարգեւատրման  
հանդիսավոր արարողության ժամանակ, սահմանեց ուսումնական

տային տոյան, որը Մաուրիսիո և Գուևարո Պոնտե դե Լեոն եղբայրներին դատապարտեց գնդակահարութեան,- «Դատավճիռը պետք է ի կատար ածվի վճռի հռչակման պահից հետո քառասունութ ժամվա ընթացքում, եթե, իհարկե, ձերդ գերազանցությունը ներում չընտրէի»:

Այդ քառասունութ ժամվա ընթացքում նա պառկեց իր ճոճում, բացարձակ միայնութեան մեջ, աշխարհի տարբեր ծայրերից լավող ներման խնդրանքների առաջ խուլ ձեւանալով. նա ռադիոյով լսում էր Ազգերի Համագործակցութեան շատախոսութիւնը, իր հասցեին նետված հարեւան երկրների հայհոյանքը, լսում էր, թե ինչպես էին իրեն դովաբանում ու պաշտպանում հարեւան մյուս երկրները. այնուհետև նա ընդունեց իր նախարարներին եւ նույն ուշադրութեամբ ունկնդրեց թե նրանց, ովքեր երկչոտորեն խոսում էին գթասիրութիւնից, թե նրանց, ովքեր բարձրաձայն պնդում էին վճռական միջոցների անհրաժեշտութիւնը. նա հրաժարվեց ընդունել մոլորյալ երկու ոչխարների ճակատապրերի անհանդատութեամբ լեցուն, հովվական ուղերձը ներկայացնելու շտապած պտպի նվիրակին. նա լռեցայն լսեց այն հաղորդագրութիւնը, ըստ որի ամբողջ երկիրը հուզված էր ու բորբոքված իր լուսթեամբ, լռեցայն ականջ դրեց հեռավոր կրակոցներին, լռեցայն ընկալեց պայթեւնի որոտը, որ կատարվեց ծովախորշում, ծով դուրս գալու պատրաստ ռազմական նավի վրա, առանց նկատելի որևէ պատճառի,- «Տասնմեկ սպանված, իմ գեներալ, ութսուներկու վիրավոր. նավը շարքից դուրս եկավ», - «Լավ», - ասաց նա, ննջասենյակի լուսամուտից նայելով ծովախորշի մատուցների բոցկտացող գիշերային խորույկին: Սկսվել էր մահվան դատապարտվածների վերջին գիշերը. եղբայրները դատավճռի ի կատար ածմանը սպասում էին Սան-Խերոնիմոյի ռազմական բազայում: Նա այս ժամերին պատկերացնում էր նրանց դեմքը ըստ տեսած լուսանկարների. իսկույն աչք էր զարնում հղբայրութիւնը. նույն հոնքերն էին,- պատկերացրեց, թե ինչպես են դրանք դողում սարսափից. միայնակ էին, դատապարտված, վզերից կախված համարներով,- պատկերացրեց նրանց խցերում՝ մշտապես վառվող լամպերի պայծառ լույսի տակ. նա հանկարծ զգաց, որ նրանց մտքերը իրեն են ուղղված, զգաց, որ նրանք ներման հույս են փայփայում.

նրա ոչ մի շարժումով, սակայն, Հնարավոր էր ենթադրել, թե ինչպես է վարվելու. նա սովորուեց իր աշխատանքային սովորական օրը, ինչպես միշտ, հրաժեշտ տվեց հերթապահ սպային, որը մնացել էր կանգնած նրա ննջասենյակի դռան մոտ, սրպեսզի ցանկացած պահին պատրաստ լիներ աշխարհին հայտնելու պրեզիդենտի վճիռը, եթե վճիռը նույնիսկ արձակվեր մինչեւ առաջին աքլորականչը: «Բարի գիշեր, կապիտան», - անփութորեն ասաց նա, երեսին էլ չնայելով, կեռից կախեց լամպը, փակվեց երեք կողպեքով, երեք սողնակով եւ երեք շղթայով, պառկեց հատակին եւ երեսնիվայր ընկղմվեց զգայուն քնի մեջ, որի թեթեւ թաղանթի միջով լավում էին բակից եկող շների հաչոցը, շտապօգնություն մեքենաների ազդանշանները, ճայթուռկների պայթյունները եւ կասկածելի մի տոնակատարություն հրաժշտությունը, որ գալիս էր դատավճռի դատանությունից ցնցված քաղաքի թանձր խավարի խորքից. նա արթնացավ կեսգիշերին, տաճարի զանգերի զողանջից, ժամը երկուսին հրկրորդ անգամ արթնացավ, իսկ ժամը երեքին արթնացավ մանրամաղ անձրևից, որ ճանկուում էր լուսամուտների ասպակիներն ու մետաղական ցանցը, եւ դժվարությամբ վեր ելավ հատակից. այդպես ծանր ու բարդ շարժումներով ելնում է ցուլը՝ սկզբում քամակն է բարձրացնում, հետո հենվում առջևի ոտքերին ու բարձրացնում է արդեն լորձ ծորացող բերանով բուլթ գլուխը. ահա, այսպես, ցլի պես նա ոտքի ելավ եւ հրամայեց հերթապահ սպային ամենից առաջ լուսամուտների տակից վռնդել շներին՝ ուր ուզում են, միայն թե չյավի դրանց ոռնոցը, բայց չասուկեցնեն, կառավարություն հաշվին պահեն այնքան, մինչեւ ծերությունից իրենք ոտքերը երկինք տնկեն: Երկրորդ հերթին նա հրամայեց ազատ արձակել չարաբաստիկ այն չորեքշաբթի օրը Լետիսիային եւ որդուն ուղեկցող պահակախմբի զինվորներին. եւ, վերջապես, երրորդ հերթին, նա հրամայեց անհապաղ մահատպատի ենթարկել Մաուրիսիո եւ Գուսերո Պոնտե դե Լեոն եղբայրներին, բայց սպանել ոչ թե գնդակահարությունը, ինչպես վճռել էր ոստիկանապետային ստյանը, այլ կիրառել մահատպատի հիանալի եզանակը՝ քառասուկ չորս ձիերի օգնությամբ: Եվ Պոնտե դե Լեոն եղբայրներին պատառոտեցին ձիերով եւ նրանց մարմնի մասերը ցից հանեցին մեր վշտալի ու անծայրածիր թագավորության ամենա-



տարբեր շրջաններում՝ համընդհանուր սարսափ տարածելու նպատակով: «Խեղճ տղաներ»,- փնթփնթաց նա, քստքստացնելով ծանր, վիրավոր փղի իր վիթխարի ոտքերը եւ կրքոտ աղոթեց մաքում. «Մայր իմ Բենդիսին Ալվարադո օգնիր ինձ ուղեցույց եղիր մայր: Երկիր ուղարկիր այն մարդուն որը կօգնի ինձ վրեժխնդիր լինել անմեղ արյան համար»: Նա օր ու գիշեր երազում էր հետախուզելու գերբնական ընդունակությամբ օժտված մարդ գտնելու շուրջ, տենչում, որ նրան իր մոտ նախախնամությունը ուղարկի, նա պատկերացնում էր նրան հիշաչարության իր գառանցանքներում եւ թաքուն հուզմունքով, հանդիպած մարդկանց աչքերի խորքը նայելիս ջանում ճանաչել նրան. շրջապատի ձայներին ահանջ գնելիս փորձում էր որսալ նրա ձայնի առանձնահատուկ ինչ-ինչ երանդը: Նա սպասում էր սրտի թելադրանքին, քրքրում հիշողության բոլոր անկյունները եւ արդեն գրեթե կորցրել էր նրան գտնելու հույսը, երբ շացուցիչ հմայքով այդ մարդը ցցվեց իր դեմ. «Նա ամենարևոտի մարդն էր բոլոր մարդկանցից որոնց տեսել էին իմ աչքերը մայր»: Նա հագնված էր այնպես, ինչպես նախկինում գողտներն էին հագնվում: Հենրի Պոուելի ժամանակների Փրակ էր հոպին՝ մերակում գարդենիա խրած. Պեկովերի ժամանակի շալվար եւ արծաթյա երկներանդ դիպակից ժիլետ. այդ մարդը սովոր էր փայլել Եվրոպայի ամենաբարձրաշխարհիկ սրահներում, որտեղ նա հայտնվում էր վիթխարի, հորթի մեծությամբ, մուսյլ, մարդկային աչքերով իր դրեքիման շան հետ,- «Խոսե Իգնասիո Սանս դել Բար,- ներկայացավ նա,- ձեր խոնարհ ծառան եմ, ձերդ գերազանցություն»:

Նա վերջին ազատ շառավիղն էր քաղաքացիական կռիւների փոթորկից ջնջված, ֆեդերալիստական կառուղիյունների բանակներից ջարդված մեր բարձրաշխարհիկ այն դասի, որը վսեմաշուքության իր բոլոր հավակնություններով, հսկայական, տխրաթախիծ կալվածքներով ու Փրանսիական արտասանությամբ վերացել էր հայրենիքի երեսից. հրաշալի, տոհմիկ կապրալ էր, չուներ ոչինչ, բացի իր երեսուկյոթ տարիներից, յոթ լեզուների իմացությունից եւ թոխչրի պահին հավք գարկելու որսորդական չորս մրցանակից, որ արժանացել էր Դովիլի մրցումներում, բարձրահասակ չէր, սլացիկ կազմվածք ուներ, երկաթագույն մաշկ, բացառությամբ ճեր-

մակ ներկած մի փնջից՝ սեւ, մետախի, ուղիղ բացվածքի սանրվածքով մագեր, ձիգ, կամային շրթներ, գերթափանցող աչքերի վճռական հայացք, նա սիրում էր կեցվածք ընդունել գունավոր լուսանկարչական սարքերի դիմաց, մեղմանուշ, զարնանային բնանկարի ֆոնով, որ պատկերված էին լինում տաղավարների գոբելեններում. այնպես էր իրեն պահում, ասես, կրիկետ էր խաղում բալագույն իր ձեռնափայտով. կապրային տեսնելով, նորին գերազանցությունը թեթեւացած շունչ քաշեց. «Ահա նա: Նա է: Հենց սա է ինձ պետք: Եվ խոսե Իգնասիո Սաննս դե լա Բարր մեր գեներալի մոտ ծառայության անցավ՝ մի պայման միայն կապելով. «Ձերդ գերազանցությունը ինձ պետք է հատկացնի ռեթ հարյուր հիսուն միլիոն պետո, որոնց ծախսման համար ես հաշվետու չեմ լինելու ոչ մեկի առաջ, բացի ձերդ գերազանցությունից, ինչպես նաև ենթարկվելու եմ միայն ձեզ, ձերդ գերազանցությանը: Իմ կողմից պարտավորվում եմ երկու տարվա ընթացքում ձեզ հանձնել Լետիսիա Նասարենույի եւ ձեր որբու խոկական դահիճների գլուխները: Պայմանը ընդունվեց,- «Համաձայն եմ»: Քանզի գեներալը հավատաց խոսե Իգնասիո Սաննս դե լա Բարի հավաստարմությանը, գործելու նրա ընդունակությանը, համոզվեց բազմաթիվ փորձությունների ենթարկելուց, հոգու լաբիրինթոսը թափանցելուց հետո. այս փորձություններին ենթարկում էր՝ պարզելու նրա կամքի ուժը, տարածման չափը, իմանալու՝ կա որեւէ թույլ ճեղք նրա բնավորության մեջ. վերջին փորձությունը դոմինո խաղի մի քանի դաժան փուլերն էին, որ խենթ համարձակությամբ շահեց խոսե Իգնասիո Սաննս դե լա Բարր, առանց շահելու թույլտվություն ունենալու,- «Որովհետեւ նա տեսածս մարդկանցից ամենախիզախն էր մայր նա չափազանց համբերատար էր գիտեր ամեն ինչ գիտեր սրճի եփման յոթանասուներկու եղանակ կակղամորթներին տարբերակում էր ըստ սեռի նոտա էր կարդում եւ կույրերի այբուբենին էր ծանոթ նա կարող էր երկար լռելով նայել աչքերիս եւ ես չէի իմանում որտեղ թաքնվեմ այդ անվրդով հայացքից ես չփոթվում էի նրա ձևքերի նրբագեղ շարժումներից երբ անփույթ հենվում էր բալագույն իր ձեռնափայտի կոթին շողացնելով ճկույթի մաքուր այմաստը ու ես չգիտեի ուր կորչեմ նրա վիթխարի շան սարսափից որ աչալուրջ ու ահեղ պտուկում էր տիրոջ ոտքերի տակ ու

Թրթռացնում իր մորթը մարմնի կենդանի ու թավշե այդ պատյա-  
նը ես չգիտեի ուր կորչեմ լոսյոնի բուրոճնավետ հոտ արձակող  
այդ մարդուց որի մարմինը ոչ շոյանքից վախ ունի որ ոչ մահից որը  
սպչեցուցիչ էր եւ միաժամանակ սառնարյուն հաճախ չեն այս եր-  
կուսը միատեղ լինում եւ ահա այս մարդը համարձակվեց ասել ինձ  
որ ես բոլորովին նման չեմ գինվորականի որ գինվորական եմ դար-  
ձել վեհ նկատառու մեկրով,- «Դուք նման չեք բոլոր այդ գինվորա-  
կաններին, գեներալ: Նրանք բավականին պարզունակ եւ նույնպի-  
սի պարզունակ հավակնություններ ունեցող մարդիկ են: Կոչումը  
նրանց համար բարձր է իշխանությունից, նրանք գերադասում են  
հրամայել եւ ոչ թե իշխել, նրանք ծառայում են ոչ թե ինչ-ինչ բա-  
նի, այլ ինչ-որ մեկին, ահա թե ինչու է հեշտ նրանց կառավարելը,  
առանձնապես, եթե նրանց մեկ-մեկու դեմ ես լարում», - այսպես  
ասաց նա իսկ ինձ մնում էր միայն ժպտալ ինքս իմ մեջ մտածելով  
որ դժվար թե կարողանամ թաքցնել մտքերս չձմեցնող այս մար-  
դուց որին ես ավելի մեծ արտոնություն էի շնորհել քան որեւէ մե-  
կին իշխանությանս բոլոր տարիներին եթե չհաշվենք թանկագին  
բարեկամին Ռոդրիգո դե Ագիլարին եւ թող աստված փրկի նրա  
հոգին»: Եվ գեներալը խոսե Իգնասիո Սանես դե լա Բարին դարձ-  
րեց իր իսկ կայսրության մեջ թաքուն մի կայսրության լիիրավ  
տեր: Դա ճնշումների ու ոչնչացման աննկատելի ծառայությունն  
էր՝ ոչ պաշտոնական անվանում ունի, որ էլ պաշտոնավայր, ամե-  
նուր էր եւ ոչ մի տեղ, գրեթե անիրական էր, քանզի ոչ ոք պատաս-  
խանատու չէր նրա գործողությունների համար, սակայն հրեշա-  
վոր այդ քիմուր գոյություն ունի, իրականություն էր, աննկատ  
մնալով, նա ահաբեկումներով իրեն ենթարկեց պետության ճնշիչ  
այլ ծառայությունները ավելի վաղ, քան բարձրատիճան սպանե-  
րը կզգային նրա չարամիտ ազդեցությունը եւ աննկատելի ամենա-  
գոյությունը,- գեներալն ինքն էլ չէր կանխատեսել, թե ինչի էր վե-  
րածվելու սարսափելի այդ ձեռնարկումը,- «Ես չէի կարծում թե  
կրնկնեմ արքայազնի հանդերձով այս մարդակերի անկուշտ շոյա-  
փուկներով գիրկը հունց այն պահից երբ տրվելով նրա սատանայա-  
կան հմայքին ընդունեցի պայմանը»: Եվ ահա, մի անգամ այդ  
մարդը պրեզիդենտական պալատ բերեց մի կոշտ ու կոպիտ պարկ,  
որը, թվում էր, լեցված էր կոկոսի ընկույզներով ու կարգադրեց

դնել մի անկյունում, որպեսզի ոչ մեկին չխանութարի,- «Խցկեք թե-  
 կուղեւ այդ պահարանը, որտեղ պահվում են ոչ պիտանի փաս-  
 տաթղթերը»: Պարիզ պահարանը խցկեցին եւ մտազան դրա գո-  
 յությունը, իսկ երեք օր անց շնչելն անհնար դարձավ սոսկալի  
 դիտառից, որ ներծծվեց պատերի մեջ ու գարշահոտ նաուլածքի  
 ձեւով պատեց հայելիների երեսը. մենք փնտրում էինք սոսկալի  
 այդ փարշահոտի աղբյուրը խոհանոցում, ստուգեցինք կոմանոցնե-  
 րը, ստանձնատաննյակներում ձուխ բաց թողեցինք, որ դուրս մղենք  
 հոտը, բայց փարշահոտը նիստերի գահլիճ սողոսկեց: ԺանտաՀոտ  
 գալորչիները, որ նեխող վարդի քաղցրափուն հոտն էին հիշեցնում,  
 թափանցեցին ամենածածուկ ճեղքերից ներս, ուր երբեք ոչ մի հոտ  
 չէր սողոսկել, ուր ժանտահոտի տարիներին չէր թափանցում նույ-  
 նիսկ վարակով թունախորված քամու շունչը. փարշահոտն արձակ-  
 վում էր այնտեղից, որտեղ չէին էլ մտածում աչք ածել,- հին փաս-  
 տաթղթերով պահարանից, այն կոշտ ու կոպիտ պարկից, որը  
 թվում էր լեցված էր կոկոսի ընկույզներով, որը պահարան էին  
 խցկել Խոսե Իգնասիո Սահնա դե լա Բարի կարգադրությամբ.  
 պարզվեց, որ պարկում նրա առաջին պայմանավճարն էր՝ փեներա-  
 լի հետ կնքած համաձայնությամբ նախատեսված վեց գլուխներ  
 էին, ըստ որում, յուրաքանչյուր գլխի համար կար համապատաս-  
 խան վկայական նախկին գլխատիրոջ մահվան վերաբերյալ: Պար-  
 կում կույր ծերունի, տոհմիկ պատրիկ, քարե դարի ներկայացուցիչ  
 Նեպոմուսենա Հատրազայի գլուխն էր. իննսունչորս տարեկան, մեծ  
 պատերազմի վերջին մասնակից եւ ոսպիկայների կուտակցության  
 այդ հիմնադիրը մեռել էր, ինչպես տեղեկացնում էր վկայականը,  
 մայրսի տասնչորսին, սրտանոթների ծերունական կարծրախտից,  
 դուկատը Նեպոմուսենո Հատրազա դե լա Ֆուենտայի, նախորդի որ-  
 դու գլուխն էր. հիսունյոթ տարեկան, համեապաթ, մեռել էր, եթե  
 հախառանք կից վկայականին, նույն օրը, ինչ եւ հայրը սրտի պայ-  
 թյունից. էլիսերա Կաստորայի գլուխը. քսանմեկ տարեկան, ուսա-  
 նող-ընտախ, մեռել էր, ինչպես տեղեկացնում էր մահվան վկայա-  
 կանը, ծանր մարմնական վնասվածքներից, որ հասցրել էին ծակող  
 առարկայով, հարբածների տուրուզմրուցում. Լյոլիսե Սամայագոյի  
 գլուխը. երեսուներկու տարեկան, հոտնուսն ընդհատակային, մե-  
 ռել էր քրեապես հետապնդվող արորտից, Թոնի Պինտոնի, նույն

ինքը՝ Լուսինտո անտեսանելիի գլուխը. երեսունութ տարեկան, գունավոր փուչիկների ձեռնարկատեր, մեռել էր նույն օրը, ինչ նախորդները, ալիոհոլային թունավորումից. Նատալյասիո Ռուխի գլուխը. «Հոկտեմբերի տասնյոթը» ընդհատակյա շարժման առաջնորդն էր, երեսուն տարեկան, մեռել էր, ինչպիսի հալածախոսքում էր մահվան վկայականը, դժբախտ սիրույ. վերոհիշյալ Նատալյասիո Ռուխը ատրճանակով կրակել էր իր բերանի մեջ,- «Եվ այսպես, մից գլուխ, ձերդ գերազանցություն: Ստորադրեք, ահա, այս ստացականը»: Եվ նա գարշահոտից ու սարսափից սրտխառնուք ունենալով՝ ստորագրեց ստացականը, ինքն իր մեջ մտածելով. «Մայր իմ Բենդիսին Ալվարադո այս մարդը պարզապես գազան է: Եվ ո՞վ կարող էր նման բան երեւակայել տեսնելով նրա նրբակիրթ շարժումները ու մերակը խցկած ծաղիկը»: Իսկ բարձրաձայն ասաց. «Ի՞նձ ալիեւ մասսիո՝ չուզարկեք, Նաչո՞, ինձ լիովին բավարարում են ձեր բանավոր տեղեկությունները»: Սակայն Լուսինտո Լուսինտո Սահես դե լա Բարրե եռանդուն առարկից. «Մեր փոխադարձ համաձայնագիրը տղամարդկային գործ է. ձերդ գերազանցություն: Բայց եթե դուք պլոնիկ չունեք՝ ճշմարտություն աչքերին նայելու, ապա ետ վերցրեք ձեր ոսկին եւ հիկեք բաժանվե՞նք: Սա ի՞նչ բան է: Անձամբ ես, եթե պահանջվի, սեփական մորս էլ կգնդակահարեմ»:- «Դե, լավ, Նաչո,- Հաշտիողարար ստաց գեներալը,- չափազանցներու կարիք չկա, շարունակեք կատարել ձեր պարտականությունը»: Այնպես որ նույն կոչոտ ու կուպիտ պարկերով գլուխները շարունակում էին ստացվել եւ թվում էր, թե պարկերը լիվ-լիցուն են կոկոսի ընկուղներով: Գիներայի ներսում ամեն ինչ տակնուվրա էր լինում, եւ նա հրամայեց. «Հեռու տարեք դրանք»,- իսկ Հետո, լսելով, թե ինչ է գրված գլուխներին կից մահվան վկայականներում, ստորագրում էր Հերթական ստացականները. ընդհանուր Հաշիով նա ստորագրեց ինը Հարյուր տասնութ գլուխների ստացման համար եւ հենց այն գիշեր, իր պլասքանակը այս թվին էր հասել, նա տեսավ իրեն երազում միտամրակ արարածի, մի անորոշ ու սոսկայի կենդանու տեսքով եւ այս կենդանին իր ետեւից թողնում էր մեծնամասի Հետքերի երկար շարան. իր

\* Մասսիո - սպիտած միս:

\*\* Նաչո - Իգուասիո անվան քնրչական ձեռք:

Հետքերն էին՝ թարմ ցեմենտով պատված Հարթության վրա. նա սկսեց արթնանալ լեղիի Համը բերանում, նախալուսաբացի տագնապներից փրկվում էր Ֆերմայում՝ վերահաշվելով կտրված գլուխները իր տխուր Հիշողությունների թրիքի փոսերի մոտ, այն աստիճան սուզվելով ծերունական խոհերի խորքը, որ ականջում աղմկող ճոխկին շփոթում էր փտող խոտերի մեջ ճոճուցող միջատների Հետ,- «Մայր իմ Բենդիսիոն Ալվարադո,- մտածում էր նա,- ինչպե՞ս պատահեց որ այսքան թշնամիներ ունեցա: Իսկ բուն թշնամիներին դեռ չենք Հասել»: Ինչ վերաբերում էր թշնամիների քանակին, ապա խոսե Իգնասիո Սաննո դե լա Բարը բացատրեց այսպես. «Վաթսուն տարեկանից Հետո վեց Հարյուր թշնամի ենք վաստակում, վեց Հարյուր տարեկանից Հետո՝ վեց Հազար եւ այսպես՝ մինչեւ վեց միլիոն»- «Բայց, գրողը տանի, դա ողջ երկիրն է,- բացականչեց նա,- այդպիսի մենք կրեք չենք ավարտի գործը»: Բայց խոսե Իգնասիո Սաննո դե լա Բարը անվրդով նկատեց. «Քնեք Հանդիստ, գեներալ: Մենք կավարտենք, հրե նրանք վերջանան»: Այ, թե ինչ բարբարոսն էր:

Այդ մարդը ոչ մի Հարցում կասկած չուներ, ոչ մի քայլով չէր նահանջում նախնական իր մտահոգություններից, որոնց մեջ նա երկրնտրանքի Համար ճեղք չէր թողնում. նա ինքը Հենց ամբողջականությունն էր, ինչպես եւ իր դրեկրմանը, որի մշտական ներկայությունը տիրոջն ինքնավաստահություն էր ներշնչում եւ աներեբություն. շունը միակ վկան էր խոսե Իգնասիո Սաննո դե լա Բարի եւ գեներալի Հանդիպումների ու գրույցների, թեեւ սկզբում գեներալը փորձեց Հակառակել. երբ խոսե Իգնասիո Սաննո դե լա Բարն առաջին անգամ նրա առանձնասենյակը մտավ ոչ թե մենակ, այլ վիթխարի շան Հետ, որի նյարդերն ու մկանները մորթուտակ երփներանգվում էին սնդիկի պես, Հրեշավոր այդ դրեբերմանի Հետ, որը աշխարհում լսում էր միայն մեկ մարդու՝ ամենաանվախ, բայց ոչ երբեք բարեհոգի տիրոջը, գեներալն ասաց. «Շանը դուռն հոսեում թողեք»: Սակայն խոսե Իգնասիո Սաննո դե լա Բարը մտադիր չէր ենթարկվել. «Դա անհնար է, գեներալ: Աշխարհում չկա մի անկյուն, որտեղ ես չկարողանամ մտնել առանց լորդ Կյուխելի»: Այնպես որ շունը նրա Հետ միշտ էլ առանձնասենյակ էր մտնում ու մրափում տիրոջ ոտքերի տակ, մինչեւ տերն ու գենե-

բայլը կտրված գլուխների առօրյա հաշիվներն էին անուժ, բայց բավական էր գեներալը փոքր-ինչ բարձրացնել ձայնը, շունն խսկույն նախազգուշացնող տեսքով ոտքի էր ելնում և ազահորեն լպստում ողջ մարմինը։ «Մարդկային, զարմանալիորեն կանուցի նրա աչքերը խանգարում էին ինձ մտածել, ես ցնցվում էի նրա մարդկային շնչառութիւնից. նրա մուգթից գոլորշի կալի, նա րլթրլթաց գին-վորական կաթնայի նման, ատամները կրճատուցրեց, երբ ես բռունցքս սեղանին զարկեցի կատաղությունից՝ Հերթական պարկում իմ ամենահին համհարզներից մեկի գլուխը ճանաչելով»։ Այդ համհարզը նաև նրա հին, փորձված խաղրնկերն էր դոմինո խաղում, կարելի է ասել՝ ընկերը, բարեկամը, այնպես որ նա չէր կարող դուրս չգալ իր ասիներից. «Հերթ է, գրողը տանի: Վերջացնենք այս շիլաչփոթը»։ Խոսել Իգնասիո Սաննո գե լա Բարը, սակայն, սովորականի պես նրա զայրույթը մեղմեց ոչ այնքան փատարկներով, որքան վայրի շներ վարժեցնողի քաղցր-մեղցր ճոռմաբանությամբ: Գիշերները գեներալին տանջում էր այն միտքը, թե ինքը ենթարկվում է այդ տականքին, այդ Սաննո գե լա Բարին, միակ մահկանացուին, ով համարձակվում էր տիրոջ նման վարվել իր հետ. միայնության մեջ գեներալը ապստամբում էր նրա թաքուն կայսրության դեմ, վճռում թոթափել վրայից հետզհետե սովորական դարձող նրա իշխանության կառուցվածքի մասը կազմող ճորտի իր հնազանդութիւնը, «Հենց վաղը վերջ կտանք այս շիլաչփոթին,՝ փնթփնթում էր նա,՝ հերթ է, գրողը տանի: Բենդիսիոն Ալվարադոն ինձ ծնել է հրամայելու և ոչ թե հրամաններ կատարելու համար»։ Գիշերվա բոլոր որոշումները, սակայն, փոշխանում էին այն պահին, երբ շան ուղեկցությամբ հայտնվում էր Խոսել Իգնասիո Սաննո դե լա Բարը. գեներալը կրկին դառնում էր նրա զոհը՝ կուրացած այդ մարդու նրբագեղ, բնափր շարժուձեւից, մերակր խցկած կենդանի գարգենիայից, հնչեղ ձայնից, լոսյոնի բուլբուլից, օալայած թեւքածալերի դմբուկտե ճարմանդների փայլից, ազդեցիկ ձեռնափայտից, զուսպ գեղեցկութիւնից,՝ դա ամենամահաբերու ու ամենամահաբերու մարդն էր,՝ «Բայց նրանցից, ում հասցրել էին տեսնել իմ աչքերը»։ Բայց նա ստում էր. «Մի չափազանցեք, Նաչո, կատարեք ձեր պարտականութիւնը»։ Եվ շարունակում էր կտրված գլուխներով պարկեր ընդունել, ստորագ-

րում էր առանց աչք ածելու Հերթական ստացականները, ընկղմվելով սեփական իշխանություն ստրուկն ավագների մեջ՝ ոտքի տակ Հենարան չզգալով, ինչպես անդունդն ընկնողը. ամեն ատապուտ, ամեն քաղափոխի, ծովը ցուցադրող ամեն լուսամուտի մոտ նա Հարցնում էր ինքն իրեն. «Այս ի՞նչ է պատահել աշխարհին»:

Արդեն տասնմեկն է, բայց այս մեռյալ տանը ոչ մի շունչ չկա: «Ո՞վ կա այստեղ», - բղավում էր նա, բայց պատասխան չէր լսվում. նա մենակ էր, բոլորովին մենակ եւ թվում էր ինքը ոչ թե իր պալատում է, այլ օտար մի մենաստանում, - «Ո՞ր կորան ոտաբոբիկ սպասյակների շարանները որոնք ծանր հակեր էին իջեցնում սովանակների վրայից ու միջանցքներով քարշ տալիս բանջարեղենով հավերձ ու մրգերով լի գամբյուղներ ո՞ր չվեցին Հոտած ջրերի լճակները որ իմ շատախոս կնանիք էին սարքում ծաղկասափորները դատարկելով որպեսզի գիշերով թառամածների փոխարեն՝ թարմ ծաղիկներ դնեն ո՞ր կորան այն կնանիք որոնք օգափոխում եւ քերում էին թռչնավանդակները եւ պատշգամբներում չոր սվիկով գորգ ձեծում «Սուսաննա մոտս արի Սուսաննա կարոտ մնացի քո սիրուն» երգի տակ ուր կորան իմ նիհարիկ օրապակասները որոնք Հոգում էին պետքերը ամեն դռան տակ եւ պուպուկների շիթերով երկասպատավոր ուղտեր նկարում նիստերի դահլիճի պատերին ո՞ր կորան իմ փուլթկոտ պաշտոնյաները, որոնք գրասեղանների դարակներից վաճղում էին ածան հավերին ո՞ր կորան բոգերը որոնք զինվորների հետ սեր էին անում ընդհանուր պետքարանում ո՞ր կորան բակապալհ իմ անհամար շները որոնք հաչում էին դիվանագետների վրա ո՞վ սանդուղքից ցած գլորեց էլի կաթվածահարներին վարդաթիերի տակից ո՞վ վաճղեց իմ բորտներին ո՞վ հեռացրեց անբաժան իմ շողքորթներին»: Բարձրաստիճան սպայակույտից իրեն հալատարիմ մնացած վերջին մարդկանց նա հազիվ էր զանազանում, ասես նայում էր խուլ պարսպի, իր անվտանգություն համար պատասխանատու նոր մերձավորների թիկունքների հտեկից, նրան գրեթե չնորհ արեցին, Հնարավորություն տալով ելույթ ունենալ նախարարների խորհրդի նիստում, որի կազմը ինքը չէր հաստատել, - հուղարկավորման սյուրթուկներով եւ օսլայած օձիքներով գիտությունների վեց դոկտորներ էին, որոնք շտապում էին կանխել նրա մտքերը եւ պետա-



կան գործերը լուծել առանց նրա հետ խորհրդակցելու: «Գրողը տանի, վերջիվերջո ես եմ կառավարութիւնը»,- փորձեց փոթորկել նա, բայց Խոսե Իգնասիո Սանես դե լա Բարը անվրդով բացատրեց. «Այդպես չէ, գեներալ: Դուք կառավարութիւնն չեք, այլ իշխանութիւն»: Նա տառապում էր թախծից, անհուսալիտրեն ձանձրանում երեկոնները դոմինո խաղալիս, եթե նույնիսկ խաղընկերը վարպետ խաղացող լիներ, որովհետեւ նրան չէր հաջողվում գոնե մեկ անգամ տանուլ տալ՝ ինչ խորամանկ հնարք էլ որ բռնեցներ. նա ստիպված էր լինում մի ժամից ոչ պակաս ու չ սխտել ճաշելը, որովհետեւ կիրակուր ստուգողները նրան մոտ չէին խողովում սեղանին, քանի դեռ չէին փորձում յուրաքանչյուր պատասոր, նրա թաքստոցներից անհետացան մեղրի պուլիկները եւ նա բողբոջեց Սանես դե լա Բարին. «Գրողի ծոցը թող կորչի այդպիսի իշխանութիւնը: Այսպիսի՞ իշխանութիւնն էի երազում»: Սանես դե լա Բարը ի պատասխան ասում էր, որ այլ իշխանութիւնն չի լինում.- «Միակ հնարավորը սա է, որ կա, գեներալ»: Անցած փառավոր ժամանակների կիրակնօրյա շուկայի նման աղմկոտ պալատի դրախտային կյանքը վերածվել էր լեթարգիական քնի, եւ այս նոր կյանքում նա գրադմունք չուներ, բացի կեսօրվա ժամը չորսին սպասելուց. այդ ժամին միացնում էր ռադիոն եւ լսում հերթական գլուխը դժբախտ այն սիրավեպի, որ հաղորդում էր տեղական ոստիկանայանը. յուրաքանչյուր նոր գլուխը նա լսում էր ճոճի մեջ խրված, ձեռքում պահած մրգաջրով լի բաժակ. նրա աչքերը խոնամանում էին արցունքներից, եւ լսելով հերթական այդ գլուխը՝ նրան տանջում էր հարցը, հո չի՞ մեռնի ռադիովեպի հերոսուհին, բոլորովին երիտասարդ այդ աղջիկը: Խոսե Իգնասիո Սանես դե լա Բարը նրա համար տեղեկութիւն հավաքեց եւ հայտնեց. «Այո, գեներալ, նա կմեռնի» - «Դե, թող չմեռնի, գրողը տանի,- հրամայեց նա,- թող սարի մինչեւ վեպի ավարտը եւ ամուսնանա. երեսաներ ծնի, պառավի, ինչպես բոլոր մարդիկ»: Եվ Սանես դե լա Բարը կարգադրեց փոխել ռադիովեպը, որպեսզի գեներալը սիրովի իր իշխանութիւն պատրանքով: Դրանից հետո ոչ մի ռադիոհերոս առանց թուլտվութիւն չէր մեռնի: Նրա կամքով ամուսնանում էին մեկ-մեկու չսիրող զույգերը, հարուլթիւն էին առնում նախորդ գլուխներում մեռածները, բացասական հերոսները պատժվում էին վաղօրոք,

բոլոր դրականները երջանիկ էին, որովհետեւ երջանկությունը արտոնվում էր Հրամանով. այս ամենը գործունեության պատրաստ էր ստեղծում, նրա վաղուց ի վեր պարապ կյանքը դարձնում լիարյուն, երբ երեկոյան ժամը ութին, լամպը ձեռքին, իր տիրութենքն էր շրջում. պարզվում էր՝ ինչ-որ մեկն արդեն կեր էր սովել կովերին եւ մարել լույսը պրեզիդենտական գլխարկայի սենյակներում, ինչ-որ մեկն արդեն սպասուհուն ուղարկել էր քնելու եւ քնած էր. խոհանոցները փայլում էին մաքրությունից, հատակները լվացված էին, միսը կտրատելու սեղանները՝ քերված եւ ախտահանված, ինչ-որ մեկը կանխել էր նրա բոլոր պահանջները. այնուհետեւ պարզում էր, որ մեկը իջեցրել էր արդեն լուսամուտների մղակները եւ բանալիով փակել բոլոր առանձնասենյակների դռները. թեեւ բոլոր դռների բոլոր բանալիները պահվում էին իր մոտ, միայն իր մոտ, հանդերձարանից մինչեւ նրա ննջասենյակ տանող միջանցքի բոլոր յամպերը մեկը մյուսի հետևից մարում էին՝ անջատիչներին դեռ ձեռք չտված. նա խավարում քայլում էր՝ քստքստացնելով գերված միապետի իր ծանր ոտքերը, չարտացոլվելով մութ հայելիների մեջ, հետևից քաշելով սեւ պատյանի մեջ հաղցրած ոսկյա խթանը, որպեսզի ոչ ոք չտեսնի նրա աստղային հետազիծը, լուսամուտների մոտից անցնելիս. նա տեսնում էր Կարիբյան, հունվարի նույն ծովը. նա տեսնում էր քսաներեք անգամ եւ բոլոր քսաներեք անգամն էլ ծովը նրան երեւում էր այնպես, ինչպես լինում է միշտ հունվար ամսին՝ ոսկեգույն ջրաոսպով պատած ճահիճի նման: Այսպես էր ամեն երեկո, բոլոր ամիսներին եւ օգոստոսյան այն երեկո նույնպես. խավարում ոտքերը քստքստացնելով, իր ննջասենյակը գնալիս, նա աչք գցեց Բենդիսիոն Ալվարադոյի սենյակը, որտեղ դեռեւս թուրինջի թիով ծաղկաման էր դրված, վաղուց սատկած թռչուններով վանդակներ կային եւ իր տեղում էր տառապանքի մահիճը, որի մեջ ողջ-ողջ փտել էր մայրը, որի մեջ մայրը փչեց վերջին շունչը: «Բարի գիշեր, մայր», ինչպես միշտ, քթի տակ ասաց նա, թեեւ շատ տարիներ ի վեր նրան այլեւս ոչ ոք չէր պատասխանում. «Բարի գիշեր, զավակս, քնիր, աստված քեզ հետ»: Մոր սենյակից նա քստքստացրեց դեպի իր ննջասենյակը, ճանապարհը լուսավորելով լամպով, հնարավոր փախուստի համար նախատեսված լամպով եւ հանկարծ սարսափի դողոցքը

կանգնեցրեց նրան. շամփրող կրակներով լամպի յույսը արտացոլվել էր յուր գլուխի բիբերում. տղամարդկային օծանելիքի հոտ էր գալիս եւ գեներալը զգաց այն մարդու սիրական ուժը, ումից փչում էր օծանելիքի բույրը, զգաց նրա քամահրանքը իր սարսափի նկատմամբ: «Ո՞վ է», - Հարցրեց, թեև շատ լավ գիտեր, թե ով է. տոնական կոստյումով Խոսե Իգնասիո Սանտո դե լա Բարն էր հայտնվել այս հարկաբաժնում, որպեսզի հիշեցնեի պատմական գիշերվա մուտքը, - «Օգոստոսի տասներկուան է, գեներալ: Նշանավոր տարեթիվ: Հարյուր տարի է անցել ձեր՝ իշխանութան գլուխ անցնելու օրից: Այնպես որ, գեներալ, աշխարհի բոլոր ծայրերից հյուրեր են ժամանել: Իհարկե, պիտի ժամանեին: Չէ՞ որ նման տոնակատարութան կարելի է ներկա լինել ամենասիրկար կյանքի ընթացքում միայն մեկ անգամ: Ողջ երկիրն է տոնում, խակ դո՞ւք»: Բայց ի պատասխան Խոսե Իգնասիոյի համառ պնդումների ու պահանջների՝ գիշերն անցկացնել ծափահարությունների որոտի եւ ժողովրդի սիրո բոցավառ շողերի տակ, նա քնի համար նախատեսված իր խցում սովորականից վաղ փակվեց երեք կողպեքով, երեք սողնակով եւ երեք շղթայով, բերանքսիվայր պառկեց մերկ, ցեմենտյա հատակին, չհանվելով, կոպիտ քաթանե, առանց տարբերանշանների համազգեստով, երկարաճիշտ կոշիկներով, ձախին՝ ոսկյա խթան, դեմքը ասիերի՝ ինչպես բարձի մեջ խրեց եւ անշարժացավ, - իր այս մշտական դիրքով նա հայտնաբերվեց հետագայում անզուրկից կոցյահարված եւ միջատներով ու ծովահատակի ջրիմուռներով ծածկված, - անշարժացավ ու անքնության աչքը փառակալող մշուշի մեզի միջից լսեց տոնական հրավառության հեռավոր տրաքոցները, զանգերի ցնծագին դողանջը, լսեց տղմոտ հեղեղի պես հոսող մարդկային զանգվածների երկինք հղված փառաբանությունը, որ, ավայ, իրեն չէր հասցեագրված. նա լսեց այս ամենը եւ ավելի շատ զարմացած, քան վշտացած, ասաց ինքն իրեն. «Մայր իմ, իմ ճակատագրի Բենդիսիոն Ալվարադո: Հարյուր տարի, ահա, արդեն Հարյուր տարի է անցել այն օրից: Գրողը տանի, ի՞նչ արագ է թռչում ժամանակը»:

Եվ այսպես, նա այնտեղ էր, հենց ինքն էր եւ ոչ թի իր նմանակը, պատկած էր ընդունելությունների դահլիճում, խնջուլքի սեղանին, պճնված ու վեհաշուք, ինչպես մեռած Հոռոմի պապ, ոտից պոլուս պատված ծաղիկներով, որոնց մեջ ինքն էլ իրեն էլք ճանաչի,- էէր ճանաչի նրան, ով մի անգամ արդեն մեռել էր եւ նեխել նույն այս սեղանի վրա,- պատկել էր մահվան գրկում առավել ահել տեսքով, մետաքսյա ձեռնոցներով, որ փքված էին միջը լցրած բամբակից, պայծառ, սիրամարդի գույների ունեցող, ծերունական նրա կուրծքը անսահման լայնացնող տոնական համազգեստը հագին, զրահավորված անհաշիվ շքանշաններով ու մեդալներով, որ արժանացել էր հնարագետ ու անամոթ իր ծառայների հատուկ հորինած շոկոլադային պատերազմներում, կոշիկին ամրացրած ոսկյա խթանով եւ ուսադիրների՝ Տիեզերքի գեներալի վշտաբեկ տասր արեգակներով (այս կոչումը շորհեցին վերջին պահին, շտապելով վեր դասել նրան մահից), այնպես անսքող կողմնակի աչքի առաջ, որ գուցե առաջին անգամ կասկած էէր հարուցում նրա իրական լինելը, թեեւ, ըստ էության, համընդհանուր ուշադրության ներկայացված այդ դիակը ավելի շատ էր տարբերվում իրենից, քան մեղանից յուրաքանչյուրը. մինչ դիակը դադարի մեջ, ասես, մոմերի մարմանդ կրակի վրա կարմրում էր, մենք պետական խորհրդի նիստերի հարեւան դահլիճում ողջ գիշեր քննարկում էինք յուրաքանչյուր բառը՝ բոթը գուժող պաշտոնական հաղորդագրության, մինչեւ վերջ ինքներս էլ չհավատալով իրողությանը,- «Ինձ արթնացրեց ռազմական բեռնատարի երկար ազդանշանը. կյոռ ու կանաչ սաղավարտներով, իրենց հանդերձանքի ու վզներից կախ ավտոմատների ծանրությունից քիչ կոացած գինվորները փոքրիկ խմբերով քայլում էին դեռեւս դատարկ մայթերով, անհետանում մուտքերում, կանգնում խաչմերուկներում, պետական շնքերի դռների մոտ, ոմանք պառկեցին առեւտրական փողոցի կամարների տակ, իրենց դիմաց տնկելով արեւի տակ շողացող ավտոմատի փողերը, մյուսները,- աչքովս տեսա,- ծանր գնդացիներ բարձրացրին փոխարքայական թաղամասի տների տանիքները, իսկ երբ բացեցի պատշգամբի դուռը, որպեսզի դուրս գամ, որեւէ տեղ դնեմ քիչ առաջ ներքնահարկում փնջած թաց մեխակները, լսեցի վիճվորների կոպիտ ձայներ ու կոշիկների դոփյուն. լիյտենանտի

գլխավորութեամբ պարեկները թափում էին մեկ այս, մեկ այն դուռը եւ պահանջում անմիջապէս փակել արդէն բացված խանութները,- «Հրամանը վերից է: Այսօր ազգային տոն է»: Ես լեյտենանտին միտակ նետեցի եւ հարցրեցի՝ ի՞նչ է պատահել, ինչո՞ւ են փողոցներում այդքան զինվոր հայտնվել եւ ի՞նչ այժուկ է: Օգտւած որսալով ծաղիկը, նա սկզբում թոթվեց ուսերը. «Միրեյիս, մենք էլ ոչինչ չգիտենք»,- այնուհետեւ ինձ աչքով արեց, բարձրաձայն ու անզուսպ քրքջաց,- «Գուցէ հանգուցայն 1, հարություն առել, հը՞»: Այս ենթադրութեան մեջ զարմանալի ոչինչ չկար, ընդհակառակը, զարմանալին, անըմբռնելին նրա երկրային գոյութեան ավարտն էր. մեզ դժվար չէր հավատացնել, որ պետական գործերն այսքան տարիներ քամահրելուց հետո նա, հարություն առնելով, կրկին իր ամուր ձեռքերի մեջ կառնի կառավարման դեկը, եւ առավել եւանդուն, քան երբեւէ, լայն, հարթ ներբանները քստքստացնելով կքայլի ցնորական այն իշխանութեան տան անվերջանալի ուղիգորգերի վրայով, որտեղ, ինչպէս մի ժամանակ, կրկին վառվում էին ծանոթ գունդ-լամպերը. մեզ դժվար չէր հավատացնել, որ նա, նա է դուրս վռնդել ծուլորեն զբռնող, դե Արմաս հրապարակի ճաքճած սալիկների արանքից դուրս սլործած խոտեր պրծկող բոլոր կովերին, ինչպէս եւ դժվար չէր բնական համարել, որ այդ սալիկներին մեռնող արմավենու ստվիւրի տակ նստած կույրը սմբակը փողոցներում դեռ դոփոփացնող զինվորական կոշիկի հետ չփոթեց եւ սկսեց ոտանավոր արտասանել հրջանիկ, մահը հաղթած ու հաղթանակով տուն դարձած ասպետի մասին. արտասանում էր շնչահեղձ լինելով, ձեռքերը պարզած վեպի կովերը, որոնք անտարբերութեամբ որոճում էին լքյալ շինութեանը՝ տապալված քարի մուսանների կացարանին փաթաթված բալկամիւրի շուրջերը. կեր հայթայթելու համար պալատի սանդղաղբով ելնել-իջնելուն սովոր կովերին հաճելի էր այստեղ, եւ նրանք մնացին բնակվելու:

Ազգային թատրոնի կիսավերակ շինութեանը զարդարող դաշտային քամիկյաներից փնջած ավելը ձեռքներին, մուսանների եւ տալիզներից կախված կապիկների մեջ, ծարավից տոչորվելով նրանք խուժում էին փոխարքայական թաղամասի պող, կիսախավար մուտքերը մի այնպիսի որոտով, ասես մոտերքում միանգամից

տասնյակ ծաղկամաններ էին ջարդում եւ խակույն էլ շիկացած մուռթները ետնաբակերի լճակները խոթում. որքան էլ խամէին, մեկ է, ոչ ոք սիրտ չէր անում վռնդել դրանց, որովհետեւ կովերի սրունքներին եւ ցլերի վզերի վրա պրեզիդենտական խարանի հատու դրոշմներն էին նկատվում. այդ կենդանիները սուրբ էին եւ, նույնիսկ, գինվորներն էին նրանց ճանապարհ գիջում ոլոր-մոլոր եւ ոչ այնքան լայն առեւտրական փողոցում, որը վաղուց ի վեր կորցրել էր տոնահանդեսային իր հրեմնի ուրախությունը, եւ սատանայական, գայթակղիչ փառահեղությունը, տարիների հետ վերածվել կոտորված կրծքուկրի նման ցցված նավակողերի, ժամանակի մեջ մաշված քթակայանների, ոչ մեկին պետք չէկող, դարչահատ ջրափոսերում փոռոլ ցանցերի ազրակույտի, հրբ մենք դեռեւս ծով ունեինք եւ ձկնորսանավորը մոտենում էին գրեթե առեւտրական շարքերին, այստեղ կենդանի ձուկ եւ թարմ բանջարեղեն էին վաճառում. հիմա թանձր դարչահատը կախվել էր ամայի տաղավարներում, որտեղ ժամանակին, նրա պրեզիդենտության վաղ տարիներին, աշխույժ առեւտուր էր անում հնդկական շուկան, հետո հնդիկները հեռացան, նույնիսկ, շորհակալություն չհայտնելով նրան,- «գրողի ծոցը,- բղավից նա նրանց հտեւից ծերունական անհամբերությամբ եւ չարությամբ լեցուն:- Անգլիացիների ոտքերն ընկեք, նրանց կեղտը մաքրեք», - բայց այս խոսքերը նրանք չլսեցին. նրանց փոխարեն շուկայում հայտնվեցին թափառական առեւտրականները՝ մոզական հմայիլներով, օձի թույնի դեմ դեղորայքով, իսկ շուկայի կողքին, նեխած թափոններից պարարտացած հողից բուսանեցին խղճուկ, ներսից բարակ միջնորմներով բաժանված խրճիթներ, որոնց մեջ, մաշված ճայնապնակների ձանձրալի խաչտուտության տակ, օր ու գիշեր ճանչում էին սիրո համար տրված մահճակալները. գինվորական խզակոթերը ցրիվ տվեցին այդ մահճակալները հենց զանգն ազդարարեց ազգային սգի սկիզբը: Այո, ինչ էլ ասելու լինեք, դա իսկական սուգ էր, եւ վիշտը կեղծ չէր, որովհետեւ նրա մահը, ինչին այդպես երկար ու մեծ փափագով սպասում էինք, շատ բան բացահայտեց հենց մեր ներսում. ծայրահեղ անհուսություն մեջ սպասելով, թի երբ է նա սատկելու արքայական իր որեւէ հիվանդությունից, թե երբ են նրա մահվան լուրերը,- քանի-քանի անգամ շուկով բերանից բերան սնցած եւ

նույնքան անգամ էլ հերքված,- դառնալու, ի վերջո, իրականություն, մենք սպասուիկ էինք արդեն, այրվել մինչև. վերջ, եւ հիմա չէինք հավատում նրա վերջնական հեռանալուն ոչ թե այն պատճառով, որ դեռ կասկածում էինք, այլ որովհետեւ հոգու խորքում այլեւս չէինք ցանկանում նրա մահը. մենք չէինք կարողանում պատկերացնել, թե ինչպես ենք ապրելու այսուհետեւ, ինչպես է շարունակվելու, առհասարակ, կյանքն առանց նրա, մեր կյանքը, որի մեջ նրա գրաված տեղը հսկայական էր,- «Ինձ համար շատ թանկ էր այդ մարդը. ինձ՝ տաաներկու տարեկան աղջնակին նա մի այնպիսի հրջանկություն պարգեւեց, որ չէր տվել եւ չէր կարող տալ եւ ոչ մի սղամարդ: Ես հիշում եմ նրան դեռ հեռավոր այն ժամանակներից, երբ հազիվհազ երեւալով Ֆերմայի փոքրիկ պատուհանից, ազահարար մեզ՝ դպրոցից ուղիղ ժամը հինգին դուրս եկող, երկնագույն գուլնոցներով, նավաստու օձիքներով աղջիկներին էր նայում եւ զննելով մեր բարակ կոնքերը, որոնց վրա օձերի պես մեր սեղմ հյուսած ծամերն էին թափվում, քաղցրակիրթ շչնջում. «Մայր իմ, Բենդիսիոն Ալվարադո, ինչ յափն են այս հորթուկները»: Մենք տեսնում էինք նրա քաղցած աչքերը, ծածկված ձեռնոցի միջից ցցված՝ դեպքան Ծոուրբիսի ուղարկած գեղեցիկ, ապակյա անոթը բռնած մատները, հրբեմն-հրբեմն վեր նետելով ապակյա անոթը, նա ուզում էր, որ մենք լսեինք, թե ինչպես են ներսում զնգոցով երգում նաբաթի կտորները, բայց մենք չըջվում էինք ու փախչում հեռու. միայն մի անգամ, համոզվելով, որ ոչ ոք չի տեսնում, ես գաղտագողի մոտեցա պատուհանին եւ ձեռքս պարզեցի դեպի գունավոր անոթը՝ նաբաթների զնգոցը շատ էր դալթակղեցնող. նա ամուր եւ քնքուշ սեղմեց իմ ձեռքերը, թեթեւ, վաղրի շարժումով բարձրացրեց ինձ եւ ցավ չպատճառելով, լուսամուտից ներս տարավ, ձգեց այնպես զգուշ ու ճարակորեն, որ չճմրթվից դպրոցական շրջապատին եւ ոչ մի ծաղբը. հետո նա ինձ նւտեցրեց սուր միզահոտ փչող խոտերին եւ բացեց բերանը, որ խոտի, բայց լեզուն կարծես կպել էր քիմքին, եւ ես մտածեցի՝ նա վախեցած է ամեյի, քան ես, նրա սիրտն այնպես ուժեղ էր լսվում, որ ամեն գարկր նկատվում էր կրծքին ստանձված փերնաշապկի տակից. նա գունատ էր, աչքերում արտասուք կուր, ինչը ես իմ ամբողջ կյանքում այլեւս չտեսա ինձ տիրող եւ ոչ մի սղամարդու աչ-

քերում. կառչուն մատնեցով նա անխոս շոշափում էր իմ թրթռացող մարմինը մի այնպիսի ուժով, մի այնպիսի ցանկությամբ ու քնքշորեն, ինչպես հետագայում երբեք չեմ զգացել, նրա մատները սահում էին փոքրիկ վրայով դեպի վեր, դողեցրոցքով սեղմվում, եւ ես զգում էի, թե ինչպես են դրանց տակ ծաղկում կրծքիս կոկոնները, եւ անհամբեր շուտ ու մուռ էի գալիս խոտերին եւ ավելի ամուր սեղմվում կաչուն, անծանոթ, սղամարդկային քրտնահոտով վերնաշապկին. ոչ, նա այլեւս պետքը չունեի դեսպան Բեյլզրիչի նաբաթների, հիմա ես ինքս էի կովանոցի լուսամուտից ներս մտնում, հրճվելով երջանկությամբ՝ կրկին վերապրել հասունացման ժամերը թախծոտ աչքերով, բայց առողջ սրտով այդ մարդու գրկում, որն արդեն սպասում էր ինձ մարազում, ամենատարբեր ուտեստների զամբյուղով. նա պաշտում էր հոտերը եւ սովորեցրեց ինձ նույնպես սիրել այդ հոտերը. եւ սիրում էր, որ ուտելիքը ներծծված լիներ իմ հոտերով ու արտաթորանքներով: «Դու համեղ ես,- չչնջում էր նա,- դու նավահանգստի համ ունես... Ես ուզում եմ ուտել քո երիկամները՝ քո հյուսիսի մեջ հիված, քո քրանքի աղով...»: Ամեն երեկո նա ոտքից պուֆի կտրատում էր մարմինս, համեմուն իր կրքի այրող պղպեղով եւ դափնու տերեւով, կիում ինձ շիկացած մոլոշավարդի մարմանդ կրակի՝ մեր ցնորական, անհեռանկար սիրո վրա. նա անում էր ինձ եւ ինքն էլ էր ուտում ծեր մարդու կրքոտությամբ ու շուայությամբ,- նման կիրք ու շուայություն եւ այլեւս չտեսա նրանից հետո ինձ սիրող, շտապող եւ բուժ, ժլատ տղամարդկանց մեջ. հագեցած պահերին, մի կողմ հրելով թաց, խորդուբորդ լեզուներով մեզ լիզել ցանկացող կովերին, նա պատմում էր իր կյանքից, ասում, որ երբեմն իրեն այնքան է վատ զգում, ասես կարող է ամեն ինչ գրողի ծոցն ուղարկել. խոսում էր հանգիստ, առանց բողբոջելու եւ չջանալով կարեկցանք առաջացնել, կարծես, լոկ ճիշով պատառտովող ներքին լուսթյան մեջ ինքն իր հետ էր զրուցում. բայց ձայնը համաչափ էր եւ կառչուն մատները կրկին սողում էին դեպի ինձ, եւ նա կրկին տղամարդ էր ու անխոնջ, նա իմ կյանքի միակ իմաստն էր դարձել: Հագլիվ էր տասնչորսս լրացել, հրե մի օր մեր տանը հայտնվեցին բազմաթիվ, խոշոր աստղերը ուսադիրներին սեղմված երկու գինվորական. նրանք ոսկյա դուբլոններով լիցուն ճամպրուկներ էին բերել



եւ կենսագիշերին ինձ ու ծնողներին օտարերկրյա նալ նստեցրին. ա-  
հա, այսկերպ ես Հայտնվեցի օտար ափերում եւ երկար սարիններ  
սպրեցի այնտեղ, մինչեւ հասավ լուրը, որ նա մեռել է. մեռել էր՝  
չիմանալով, որ ես, իմ ձանձրալի ու աղքատ կյանքում, թերեւս,  
հազար անգամ էի մեռել՝ Հիշելով նրա գիրկը, չիմանալով, որ պառ-  
կում էի առաջին պատահածի հետ, որպեսզի ստուգելի՝ աշխարհում  
կա՞ նրանից լավ տղամարդ, եւ նողկանքով չըջվում էի, որովհետեւ  
բոլորն էլ խղճուկ փայքոտներ էին նրա համեմատութեամբ. ես  
հայրենիք վերադարձա պառպած ու դատարկված, երեխաների  
մի ամբողջ շարանով, որ ծնել էի տարբեր հայրերից՝ ամեն անգամ  
ապարդյուն ջանալով համոզել ինձ, թե նա է պտղավորել իմ գոգը,-  
վերադարձա ազոտ հույսով, թե մեռնելիս գտնե հիշած կլինի  
ինձ...»:

Բայց գններալը մոռացել էր բաժանուկից երկու օր անց ար-  
դեն, երբ չէր տեսել նրան Փերմայի լուսամուտի մոտ. նա գայթակ-  
ղել էր մեկ ուրիշի, հետո մյուսին, հաջորդին... եւ այդպես ամեն ե-  
րեկո, որովհետեւ այն ժամանակ նա արդեն դժվարութեամբ էր զա-  
նազանում դպրոցական նույն համազգեստով աղջիկներին. նրա  
համար բոլորն էլ նույն դեմքն ունեին, երբ երկնագույն երամով  
անցնում էին մտոց, դուրս հանում սուր-սուր յեզունները, կշկշոցով  
տնալ անում, անվանում ծեր քավթաւ եւ աչքի տակով նայում  
դեսպան Ռիմպելմեյերի ուղարկած նարաթներով անոթին. նա  
կանչում էր նրանց, լուսամուտից ներս խցկում, չփորձելով նույ-  
նիսկ իմանալ՝ երեկվա՞ աղջիկն է, թե նորը, նրա համար բոլորն էլ  
ամփոփված էին երկնագույն շրջագեստով եւ նավաստու օձիքով  
մեկ էութեան մեջ, եւ այդ էութեանն ուղղված մտքերն էին քաղցր  
հուշութեամբ նրան զբաղեցնում, երբ կիսանինջի մեջ չչսելու էր  
սայլիս դեսպան Շտրեյմերգի ձանձրալիորին միօրինակ դատու-  
ղութեանները. դեսպանը նվիրել էր նրան զրամֆոնի հզոր մի  
ձայնափող (չառ նման այն մեկին, որի վրա շուն էր պատկերված),  
էլեկտրական բարձրացուցիչով, որպեսզի հնարավոր լիներ միշտ  
լսելու վիթխարի, անվերջ աճող տոկոսներով պարտքի դիմաց սահ-  
մանային ջրերը տարւ համառ պահանջները. նա անգիր էր արել  
այդ պահանջները եւ այն ամենը, ինչ հետեւումը էին պահանջնե-  
րի, եւ նույն մեխանիկական միօրինակութեամբ կրկնում էր. «Ոչ

մի դեպքում, թանկագին իմ Ստիվենսոն: Կտամ ամեն ինչ, բացի ծովից»,- եւ անջատեց բարձրացուցիչը, որպեսզի լուր, վերջապես, մետաղական այն ձայնը, որը կրկին ու կրկին, Հանգամանորեն բացատրում էր իրեն այն, ինչը առանց իմաստակուլթյան ու մուլթ բառերի, վաղուց արդեն Հաղորդել էին տնտեսագիտության եւ Ֆինանսների մեջ Հմուտ մարդիկ,- «Մենք տկոր ենք, իմ գեներալ, վճարելու ոչինչ չունենք»: Ասենք, ինքն էլ շատ լավ գիտեր, որ գանձատունը դատարկ է, պաշարները՝ սպառված, որ երկիրն ապրում էր փոխառությամբ. նա Հիշում էր, որ սկզբում փոխառություն վերցրեց՝ վճարելու անկախության Համար կոիվների պարտքերը, Հետո այլ փոխառություններ եղան, որպեսզի վճարի Հետաձգվող վճարումների տոկոսները եւ քանի որ միեւնույն է, փողը չի բավականացնում, պետք էր ինչ-ինչ բան տալ՝ սիրաշահելու փրփրած պարտքատերերին. խինայի ու ծխախոտի մենաշնորհը տրվեց անգլիացիներին, կառուցվեցին եւ կակաոյինը՝ Հոլանդացիներին, երկաթուղագծի կառուցման եւ ջրային ուղիների շահագործման արտոնությունը՝ գերմանացիներին. ամեն, ամեն ինչ Հարկ եղավ տալ օտարերկրացի այդ գրինգոններին՝ բացահայտ, գաղտնի,- մեծ մասամբ, իհարկե, գաղտնի,- այնքան գաղտնի, որ որոշ ծածուկ Համաձայնագրերի մասին նա տեղեկացավ Մոսե Իգնասիո Սաննո դե լա Բարի աղմուկ Հանած, Հրապարակային մահապատժից Հետո միայն, եւ թող ասածո ողորմածությամբ Հավերժորեն այրվի նա դժոխքի կրակում:

Եվ այսուհանդերձ,- «Մենք այլ ելք չունենք, իմ գեներալ»,- լսում էր նա Ֆինանսների յուրաքանչյուր նախարարից, սկսված այն դժվար տարվանից, երբ Հրամայեց երկարաձգել վճարումը ժլատ, իր կոկորդը բռնած Համբուրգյան այդ բանկիրներին. գերմանական նավատորմին այն ժամանակ պաշարեց նավահանգիստը, իսկ անգլիական զրահանավը, որ Հայտնվեց անակնկալ, նախազգուշական կրակոց արձակեց եւ արկով ծակեց տաճարի աշտարակը. նա, սակայն, չսարսափեց նրանց Հրանոթներից.- «Լցրած եմ ունեցել անդլիական թագավորի վրա: Կորչի կայզերը: Ես ավելի շուտ կստուկեմ, քան կՀանձնվեմ»,- բղավեց նա եւ վերջին պահին, երբ թվում է, կորած էր ամեն ինչ, փրկության ձեռք մեկնեց դեսպան Չարլզ Ու. Տրեյկոլերը, որն իր նման մոլի դամիսո

խաղացող էր. նրա ներկայացրած կառավարութիւնը իրեն հայտարարել էր գեներայի՝ եվրոպական պարտավորութիւնների հրաշխավոր, փոխարենը ստանալով մեր ընդերքի անժամկետ շահագործման արտոնութիւնը: Այդ պահից մինք սղքատացանք, դարձանք Հավերժական մուրացկաններ,- «Մինք պարտք ենք, նույնիսկ այն փոխանների համար, որ դուք եք հագնում, իմ գեներալ»: Բայց իրողութիւնը չէր չիտթեցնում նրան, և նա, առաջվա պես արժանապատիւրին, մինչև սանդուղք ճանապարհ էր գցում Հերթական դեսպանին, որոնք բոլորն էլ շատախոսելու սովորութիւն ունեին և Հրաժեշտի պահին թեթեւակի խփում էր նրանց ուսին. «ոչ մի դեպքում, իմ թանկագին Բեյքստեր: Ես ավելի շուտ կատկեն, քան կտամ ծովը»:

Չվճարված բոլոր պարտքերից ավելի նրան վշտացնում էին պրեզիդենտական պալատի գերեզմանոցային լուսթիւնը ու ամառայութիւնը, որ սկսվել էր իր վստահութիւնը չարաշահած, անիծյալ խոսք Իգնասիո Սաննա դե լա Բարի մեղքով. սա գլխատեց բոլորին, բացի նրանցից, ում իսկապես պետք էր գլխատել՝ Լետիսիա Նասարենոյին և իր գովակին կործանող չարագործներին: Թուլթակներն այլեւ ձայն չէին հանում, որքան էլ նա բուժիչ դեղահեղուկ էր կաթեցնում նրանց լայն բացված կտուցները, մերձակա դպրոցի աղջիկները դադարեցրել էին երգը՝ կանաչ ծառին նստող չալիկ թռչնակի մասին. անհրաժեշտ էր մոռացման մեջ ընկնել, և կյանքը, հիմա, անցնում էր փոքրիկ, պիրկ, չհասունացած կիտրոնների նման ծիծիկներով դպրոցական աղջկան սպասելով, նրա հետ սեր խաղալով. նրան հաճույք էին պատճառում առատ սեղանով խնջույքները մենակութիւն մեջ, կենդանի ծաղիկներով կանաչ ծածկի տակ, միկուսի ժամավաճառութիւնը, երբ լողալով շոգ սիեստայի պատրանքներում, իրեմն դուրս էր պրծնում քաղցր նիրհից, որպեսզի չկորցնէր սրտին այնքան մոտ հեռուատտեսային կինոնկարի թելը. այդ կինոնկարում ամեն ինչ այնպես էր, ինչպես չի լինում կյանքում: Բայց նա համոզված էր, որ իսկական կյանքն է տեսնում կամ այն կյանքը, որ իր պատկերացմամբ այդպիսին պիտի լինէր և շատ ուրախ էր դրա համար. փառաբանված և ամենագու այդ մարդը Հավատացած էր, թե զիտե ամեն բան, բայց նա չգիտեր, անշուշտ, որ դեռևս խոսք Իգնասիո Սաննա դե

լա Բարի ժամանակներից մենք Հատուկ ռադիոհաղորդումներ էինք բաց թողնում եթեր, Հետո Հեռուստատեսային փակ ալիքն օգտագործեցինք, որպեսզի նրա Հեռուստացույցի էկրանին ցուցադրվեին միայն իր ճաշակով նկարահանված կամ այդ ճաշակին համապատասխան շտկված Ֆիլմեր, որոնց մեջ պարտվում էին լույս ստորները, սերը հաղթում էր մահին, կյանքը հաճելի ու թեթեւ էր, ինչպես ամհանովիկի շունչ. ամեն ինչ հասկանալով, մենք անամոթաբար խաբում էինք նրան, որպեսզի հրջանիկ լիներ, եւ իր անվերջանալի ծերության մեջ նա էլի երկար տարիներ երջանիկ կլիներ՝ նավաստու օձիքով դպրոցական թրթռուն աղջիկներին գրկելով, եթե մի օր պատահականորեն չհարցնեք նրանցից մեկին. «Բեզ ի՞նչ են սովորեցնում դպրոցում»,- ես նրան ճշմարտությունն ասացի. «Ինձ ոչինչ չեն սովորեցնում, սենյոր, ես չէ՞ որ նավահանգստի լրբերից եմ», - եւ նա նույն պահին ստիպեց կրկնել ասածս, հավանաբար, կարծելով, թե սխալ է հասկացել. եւ ես վանկ առ վանկ ասացի, որ ես դպրոցական չեմ, այլ նավահանգստի լրբերից մեկը, որ ինձ որսացել են պանդոկներից մեկում, լողացրի կուպրի օճառով, տրորի ճիւղով, հրահանգել են հագնել նավաստու օձիքով երկնապույն այս շրջագրաստր, բարոյական աղջկա այս գուլպաները եւ հրամայել՝ ամեն օր երեկոյան ժամը հինգին վազ տալ նրա լուսամուտի մոտով. ես մենակ չէի, ինձ Հետ վագում էին սանիտարական ոստիկանության կողմից վարձված, լողացած, դպրոցական նույն համազգեստը եւ տղայական կոշիկները հագած, ձիու մազերից հյուսած նույն ծամերով,- դրանք ամրացվում են սովորական քորոցով,- ինձ նման այլ լրբեր. մեզ զգուշացրել էին չվախենալ խղճուկ, հիմար ծերուկից, որը ոչինչ չէր կարող անել, միայն մերկացնելու էր մեզ, տնտղելու բժշկի նման, շատ-շատ ձեռք կարող էր գցել ու տրորել մի փոքր,- խոսքով է գործ անում, ինչը եւ անում եք դուք, իմ գեներալ, հրե ձեզ մոտ եմ գալիս,- ասացի ես նրան,- իսկ մեզնից պահանջվում էր քնքշանձ վաղ փակել աչքներս ու, ասել, այրվելով կրքից, մեղմ շնջալ. «Օ՛, սեր իմ, օ՛, սեր իմ...», - ինչը եւ շնջում եմ եւ դա ձեզ դուր է դալիս. մեզ Հետ փորձեցին մեր դերը եւ վճարելուց առաջ ստիպեցին մի քանի անգամ կրկնել, իսկ վճարում են այս մեծ դլխացավանքի համար չնչին գրոշներ. սանիտարական հարկը եւ սերժանտին

Հատկացված միջնորդածախսը Հանած, մեզ մնում է ընդամենը նի-  
Հարիկ չորս պիսո. արդար բան չէ, մանավանդ եթե Հիշելու լինենք  
տապակած այն մալանգաները, որ մեր քամակն եք խրում եւ բա-  
նանները, որ այն մյուս տեղն եք խոթում: Այս ամենը ես չպրտեցի  
այդ մոսյլ ձերի երեսին, որը լսում էր ինձ առանց աչքը թարթե-  
լու»:

«Մայր իմ Բենդիսիոն Ալվարադո,- մտածում էր նա,- ո՞ր մեղ-  
քիս Համար է այս պատիժը: Բայց ոչ մի բառով, ոչ մի շարժումով  
նա ցույց չտվեց իր Հուսախաբությունը. դարսուղի ճանապարհնե-  
րով նա սկսեց պարզաբանել Հանգամանքները, ճշգրտել մանրա-  
մասները եւ շատ շուտով տեղեկացավ, որ Իշխանության տան Հա-  
րեւանությամբ գործող օրիորդաց դպրոցը փակվել էր տարիներ ա-  
ռաջ. եպիսկոպոսի օրհնությամբ ինքը՝ լուսավորության նախա-  
րարն էր առավել Հարուստ եւ երեւելի ընտանիքների Հայրերի Հես-  
թաքուն միացել, միջոցներ տրամադրել ծովափնյա, եռահարկ նոր  
դպրոցի շինարարության Համար եւ այդ նոր դպրոցում պատ-  
վախնդիր Հայրերի դուստրերը Հուսալիորեն պաշտպանված էին  
երկար ու կառչուն ձեռքերով մոսյլ գայթակղեցնողից, որի մար-  
մինը Հիմա պառկած էր մեր դիմաց, ինչույ՞քի սեղանին, ինչ-ինչ  
չափով Հիշեցնելով սոուսի մեջ մուլթը վեր լողացող սաքալո ձկա-  
նը. մեռյալ լույսը գունաստություն էր Հաղորդել նրա դեմքին. դա  
ամայի Հարթավայրերի թորչոմած պատրանքների ու լուանային  
խառնարանների լույսն էր, առանց նորին գերազանցության մեր  
առաջին լուսաբացի լույսի. սպիտակաթույր ծաղիկներով ծածկ-  
ված, նա վերջապես ազատագրվել էր բացարձակ իշխանություն-  
նից, երկարատև կյանքի գերությունից, թեև Իշխանության տա-  
նը, այդ կալանավայրում, կենդանի պրեպիդիստների այդ դամբա-  
րանում այնքան էլ դյուրին չէր պարզել, թե ով է ում գերին: Մի  
ժամանակ, երբ նույնիսկ, տիրոջ Համաձայնությունը չհարցնելով,  
վերակառուցում էին այս դամբարանը, այսինքն՝ պալատը, երբ  
դրսից ու ներսից ներկում էին մի տեսակ մեռյալ-ճերմակ ներկով,  
նա՝ տիրակալը, ինչպես անդադրում Հոգի, շրջում էր սենյակներով,  
միջանցքներով եւ նրան չէին ճանաչում, բղավում էին վրան. «Ին-  
չո՞ւ եք պատերին քսվում, սենյոր, ներկը դեռ չի չորացել»,- եւ նա  
չտատում էր հեռանալ, ջանալով չքավել հենց նոր ճերմակեցրած

պատերիին: Նրա վրա գոռում էին. «Ցած չիջնեք, սենյոր, թե չէ տախտակները կարող են գլխիդ ընկնել,- եւ նա Հլու-Հնագանդ մնում էր վերելում՝ խլացած կացնահարվածներից ու այն որմնադիրների շարությունից, որոնց նույնպես խանգարում էր եւ որոնք արդեն չափից դուրս էին անպատկառ,- «Հիռու գնա, ծեր քավթառ, թե չէ մեկ էլ տեսար՝ շաղախի մեջն արեցիր», - եւ նա հեռանում էր շարքային զինվորի Հնագանդությամբ ու անտրտունջ կուլ տալիս ամեն անպատվություն՝ ոչ իր ձեռնարկած, բայց, իբր, իր բարեկեցության համար սկսած՝ անհեթեթ վերակառուցման այդ դժվար ամիսներին. ինքն իրեն չպատկանելով եւ ավելի քան երբեւէ միայնակ, նա ապրում էր՝ մշտապես զգալով թիկնապահների հայացքները. այնպես դաժան ու անթարթ էին նայում նրանք, ասես վարձվել էին ոչ թե պրեզիդենտի կյանքը պահպանելու, այլ նրա ամեն քայլափոխին հետեւելու համար. նրանք լափում էին պրեզիդենտի ուտելիքի կեսը՝ համոռես անելով բոլոր կերակրատեսակները, փոխում էին մեղրի թարստոցները, ոսկյա խթանին պատյան հագցնում, որ չզնդար քայլելիս եւ ամենատարբեր այլ նախազգուշակման միջոցներ ձեռնարկում, որ Հին բարեկամ Սատուրնո Սանթոսի ծիծաղը կբերեր. առավոտից իրիկուն կրկեսում ելույթ ունեցող ճապոնացի լարախաղացների նման այդ բաճկոնավոր, փողկապ կապած տասնմեկ մարդասպանները ջանում էին նրա շուրջը հավասարակշռության դաշտը պահպանել՝ անվերջ նայելով հատուկ սարքի կանաչ ու կարմիր լամպիկներին, որոնք տազնապած թարթվում էին, եթե հիսուն մետր շառավղով հեռավորության վրա որեւէ մեկի մոտ գենք էր լինում. նրա շքերթային թափորը բաղկացած էր յոթ համանման, արագասուաց ինքնաշարժից. այնքան արագ էին սլանում, ասես հետապնդվում էին, սլանում էին մեկը մյուսից անցնելով եւ տեղերը փոխելով մի այնպիսի արագությամբ, որ երբեմն պրեզիդենտն էլ գլխի չէր ընկնում, թե որ մեքենայով է ինքը գնում. բոլոր այս նախազգուշական միջոցները, սակայն, նույնքան անհեթեթ էին, որքան անիմաստ էր անգլների վրա կրակելը. բավական եղավ մի կողմ քաշել մեքենայի լուսամուտի վարագույրը եւ հրկար տարիների կամավոր բանտարկությունից հետո նա տեսավ, որ ոչ ոք էլ ուշադրության չի արժանացնում պրեզիդենտական շքաթափոսի լիմուզինների խորամանկ

չարժուաները. նա տեսավ նախարարությունների շենքերը, որ նման էին ապակյա ժայռերի եւ ավելի բարձր էին տաճարի փռքերինքից ու իրենցով ծածկում էին նավահանգստային շրջանի բլուրներին փռված նեզրական խայտաբղետ խրճիթների կուտակումը, նա նկատեց մեծ վրձնով պատին գրված ինչ-որ կոչ ջնջող զինվորական պարեկին. երբ Հարցրեց, թե ինչ էր գրված պատին, նրան պտտասխանեցին. «Փառք նոր Հայրենիքը արարողին», - եւ նա գլխով արեց, թեեւ, իհարկեւ, Հասկացավ, որ ստում են, այլապես ինչո՞ւ էին ջնջում. այնտեղ, ուր նախկինում ճահիճ էր, նա տեսավ սովորական վեց զբոսայգուց էլ ընդարձակ զբոսայգին՝ կոկոսատու արմավենիներով ու կոկիկ ծաղկաթմբերով, որ ձգվում էին մինչեւ ծովը, տեսավ նոր արվարձանը՝ նոր, իրար նման, անտիկ սյունասրահներ ունեցող մենասնեկով, տեսավ այգիների ամազոնյան փարթամ կանաչով շրջապատված Հյուրանոցների արկղերը,- այնտեղ, ուր մի ժամանակ աղբակույտեր էին. նա տեսավ, թե ուրոտն փողոցով, ինչպես են կրիայի արագությամբ շարժվում ինքնաշարժերի անվերջանալի շարքերը, տեսավ կեսօրվա շոգից չչամած մարդկանց խմբեր, որ քայլում էին մայթի արեւոտ կողմով, որովհետեւ սովորաշատ մասով ազատորեն գրոտում էին սովերից օգտվելու համար վճար գանձող Հարկային գերատեսչության պաշտոնյաները,- ահա թե ինչու էին արեւի տակ տապակվում խեղճերը: Բայց ամենից շատ նրան զարմացրեց, որ ոչ ոք չցնցվեց վախից՝ նկատելով օդափոխիչ Հարմարանքով դադաղի նման պրեզիդենտական լիմուզինը, որից, թվում էր, իշխանության ալիքային Հարվածներ էին արձակվում. ոչ ոք չճանաչեց նրա թախծոտ աչքերը, տազնապից ու տարակուսանքից ծոված շրթները, ոչ ոք ուչք չդարձրեց նրա ձեռքին, նշանավոր այդ ձեռքին, որով նա ողջունում էր աճապարող, ոչինչ չտեսնող այդ մարդկանց. եւ նա սլացավ առաջ՝ լրագրեր ու Հմայիլներ վաճառողների խիտ ճչոցների, պաղպաղակի սայլակների ճոճչոցների, վիճակախաղի սոմսակները դրոշակների պես թափահարողների մաշված բղավոցների միջով, փողոցային աշխարհի առօրեական այս ողջ գլխոցի միջով, եւ այդ աշխարհը գերազույնս չափով թքած էր ունեցել օդափոխիչ Հարմարանքով դադաղի մեջ շնչահեղձ լինող գեներալական Համազգեստով ձեր մարդու հոգու իրարանցման վրա: «Մայր իմ Բենդլախոն»

Ալվարադո այս ի՞նչ է պատահել իմ քաղաքին»: Նա իսկապես չէր ճանաչում սչինչ. ո՞ւր է այն որբեւայրիների նրբանցքը, որոնք արեւամուտին բոլորովին մերկ հայտնվում էին կրպակների դիմաց՝ ընթրիքի համար մի քանի ձուկ գնելու եւ մինչ կչորանային պատշգամբի բազրիքներին փուլած նրանց շրջագգեստները, հայհոյում էին վաճառողներին. ո՞ւր են իրենց կրպակների դռների տակ պետքերը հոգացող հնդիկները. ո՞ւր են նրանց գուճաստ կանայք, որ կարողանում էին իրենց ձանձրալի երգերով վախեցնել մահին. ո՞ւր է ծնողներին չչսելու համար կարիճ դարձած աղջկա սարսափազու նկարը. ո՞ւր են գարշահոտ ջրափոսերում ընկղմված ավագակային որջերը: Մեքենան շրջվեց փողոցի ծայրում, երեւացին հրաշալիորեն կարված պարանոցներով հավալուսները եւ հանկարծ նրա սիրտը ուժգին ճմլվեց. իսկ նավահանգիստը, ո՞ւր է նավահանգիստը, որտե՞ղ են մաքսանկնգների առագաստանավերը, ո՞ւր է զրահանավը, դեսանտայինների թողած զրահանավը, ո՞ւր է չքվել սովորական քաքահոտը: Չէ, հրեւում է, իրոք, ինչ-որ բան է պատահել աշխարհին, մայր, եթե ոչ ոք չճանաչեց վագոնի լուսամուտից հանած նրա ձեռքը,- լիմուզինից նա վագոն էր փոխադրվել,- նրա կանացի, ամենատիրակալ ծերի ձեռքը: Հիմա այդ ձեռքը չգլտես եւ ում անիմաստորեն ողջունող ձեռք էր, որ թափահարվում էր դեպի սարահարթը ձգված երկաթուղային նոր կառուցված ուղին բացող առաջին գնացքի վարագուրված պատուհանից. պնացքն անցավ ջերմախտի բույն ճահիճների տեղում աճած բուրումնավետ խոտերի դաշտով, անցավ բրնձի նախկին այն արտերի կողքով, որոնց պլսավիբեւում մի ժամանակ ճահճային ճղճղացող թռչուններ էին ճախրում, անցավ, վախեցնելով պրեզիդենտական խարան կրող կովերին, անցավ ծաղիկներով աներեւակայի երկնագույն դարձած հարթավայրով, իսկ նա նստած վագոնի սգո թավիշով պատած խցում,- այս խուցն ավելի սազական էր իր դառը ճակատագրի համար հոգեհանդատյան ծեսին, քան ուղեւորութանը երկրում,- կարոտով հարցնում էր ինքն իրեն. «Որտե՞ղ է գրողը տանի չորս տոտիկներով իմ հին գնացքը ո՞ւր են նակոնգանների հետ հյուսվող այս կողմերի լիանաները ո՞ւր են կապիկների անպուսպ ճչոցները որտե՞ղ են գրախոսահավերի երգերը ո՞ւր է անբաժանելի իր վիշապով իմ հայրենիքը իմ երկիրը ո՞ւր կո-



րան այդ բոլորը մայր»։ Անցյալը հիշեցնում էին միայն անգլիական գլխարկներ դրած լուռ ու մուռնջ Հնդկուհիներով կայարաններն ու կիսակայարանները. այդ կանայք ամենատարբեր զազանիկների տեսքով, շաքարած մրգեր էին վաճառում, կարտոֆիլ եւ սուպակիած հավեր. վաճառքն այն կամարների տակ էր, որոնց վրա կարելի էր կարդալ ծաղկահյուս կոչեր. «Հավերժ փառք Հայրենիքի մեծ Հորր»։ Առաջվա պես նա ամենազոր էր եւ միաժամանակ ոչ ոք չէր իմանում, թե որտեղ է նա սուլյն պահին, իսկ կարելորդ՝ նրա անունը ամենուր սարսափ էր տարածում, քանզի այն ամենը, ինչ կատարվում էր երկրում, կատարվում էր նրա անունից, թեեւ ինքն էր մշտական սարսափի մեջ եւ երբեմն հետապնդվող փախստակունի զգացողութուն էր սպրում։ «Մուռնիւլց վատ է այսպիսի կյանքը», - բղավեց նա հարգալից խոսե Իգնասիո Սահնս դե լա Բարի երեսին, երբ այլեւ ուժ չկար դիմանալու, բայց միշտ էլ լսում էր ի պատասխան. «Օ՛, ոչ գեներալ, դա Առաջընթացն է՝ կարգուկանոնի շրջանակներում», - եւ բազմաթիվ կարճ ու համոզիչ, անբեւեակայելի ժպիտներով Համեմված այլ բառեր լսեց։ Եվ նա արդեն որերո՛րդ անգամ անձնատուր էր լինում, համաձայնում այդ անիծյալ Սահնս դե լա Բարի հետ, առանց որի բոլորովին մենակ կմնար, համաձայնում էր այդ զազանի հետ, որն իր երազներում, անքուն ու երկար գիշերներին թուք ու մուր էր ուտում, պոչտոնազրկվում, իսկ առավոտները կրկին ամենազոր էր ու անհրաժեշտ, բավական էր հայտնվեր արեւի լույսի տակ հմայիչ իր ժպիտով, մարդկային ապշեցուցիչ աչքեր եւ մարդկային՝ լորդ Կյուխել անուն ունեցող շան վզակապը բռնած, - շնից նա չէր բաժանվում նույնիսկ արտաքնոց գնալիս, - որ մեր գեներալը մոռանար գիշերվա զայրույթը. մոռանում էր ու հավանության էր արժանացնում այդ մարդու առաջարկները եւ դա անհւճ էր այնպես անտրտունջ, այնպես թեթեւ ու շտապ, որ հոգու խորքում դայրանում էր իր վրա։ Սակայն զայրույթը երկար չէր մոլեգնում, եւ հենց Սահնս դե լա Բարր իր վարքագծում որեւէ փոփոխութիւն էր նկատում, իսկույն ամեն բան նախկին տեղն էր դնում, հանգստացնում Սահնսին. «Մի հուզվեք, Նաչո, կատարեք ձեր պարտականութիւնը»։ Եվ կրկին ամենազոր ու անխոցելի խոսե Իգնասիո Սահնս դե լա Բարը վերադառնում էր տանջարան, խոշտանգումների այդ կոմբի-

նատը, որ սարքին-կարգին գտնվում էր պրեզիդենտական պալատից հինգ հարյուր մետրի վրա, գաղութային ճարտարապետության շենքում, ուր ժամանակին հոլանդական խելագարանոցն էր,- «Նույնքան վիթխարի, որքան ձեր պալատը, իմ գեներալ», - նա քայլ գցեց նշենինների թփուռների մեջ, նրա դիմաց կանաչին տվեց դաշտային մանուշակներով ծածկված ջրափոսը. առաջին հարկում տեղավորվել էին քրեական հետախուզության ծառայությունները եւ քաղաքացիական դրուժյան ակտերի գրանցման բյուրոն, իսկ մնացած հարկերում տեղադրված էին հնարամիտ ու բարբարոսական, ճիզվիտական շուայլ երեւակայության ծնունդ խոշտանգումների մեքենաները. նա չցանկացավ տեսնել դրանք եւ միայն զգուշացրեց Սահնա դե լա Բարին. «Շարունակեք, որքան հնարավոր է, լավ կատարել ձեր պարտքը հայրենիքի նկատմամբ, Նաչո, բայց հիշեք. ես ոչինչ չգիտեմ, ոչինչ չեմ տեսել եւ ոչ մի անգամ չեմ եղել ձեր գերատեսչությունում»: Խոսե Իգնասիո դե լա Բարը պատասխանեց հարգալից ու հասկացողի խոնարհություններով եւ ազնիվ խոսք տվեց, որ նկատի կունենա պրեզիդենտի ցանկությունը: Եվ նա, անիծյալ այդ Սահնա դե լա Բարն այնպես հավատարիմ մնաց խոստմանը, ինչպես եւ անշեղ կատարեց սեռական օրգաններով բաց թողնվող էլեկտրական հոսանքի միջոցով հինգ տարին չըացած երեխաներին պատժի չենթարկելու հրամանը, այլապես ծնողների բերանը փակելու հնար չկար: Այդ հրամանի կապակցությամբ հարկ եղավ առանձնապես համառել, քանի որ նորին գերագանցությունը վախ ուներ, թե նման նողկալի պատժից կսկսվի իր դաժան այն անքնությունը, որ տանջել էր իրեն վիճակախաղի հետ կապված պատմության օրերին: Հրամանը կատարվեց, բայց, միեւնույն է, նա չէր կարողանում մոռանալ, որ մոտերքում, մի տեղ, սոսկուճների արհեստանոց է գործում, եւ ինչպե՞ս կարելի էր մոռանալ, եթե խաղաղ, լուսնային գիշերներին արթնանում էր գնացքների չկնկոցից եւ որոտի թնդոճներից,- գնացքի եւ որոտի ձայները ձայնագրված էին Բրուկների ձայնապնակների վրա եւ դղրդում էին ողջ գիշեր, որպեսզի իլացնեն խոշտանգվողների ճիչերը. դժոխային այդ փոթորիկը հեղեղի նման գազազում էր լուսաբացին, հեղեղն իր հոեւից նշենինների վրա սպիտակին տվող, ջահել հարսների քողեր էր թողնում,- այդ հարսները խոշտանգման

տուն՝ այն խելագարանոցն էին ընկել, որտեղ մի ժամանակ Հոլանդացի լուսնոտաներն էին բնակվում: Այո, նորին գերագանցութունը վախենում էր անքնությունից, որի մեջ ներխուժում էին խոշտանգումներից մեռնող մարդկանց ճիչերն ու անեծքները, եւ նա անվերջ մտածում էր այդ մարդու՝ Խոսե Իգնասիո Սահես դե լա Բարի մասին, որն իրեն չխնայելով՝ կատարում էր ստանձնած պարտավորությունը: Մի թուլություն ուներ միայն այդ Սահես դե լա Բարը՝ արտաքին շուք էր սիրում. գնում էր ասեղնագործ գանազան պաճուճանկարներով վերնաշապիկներ, թանկարժեք ու գեղեցիկ կոշիկներ, ծաղկի հատուկ տուփերով կենդանի գարդենիաներ, պիտակների վրա տոհմական զինանշաններով ֆրանսիական լուսյուններ. մնացած բոլոր հարցերում ժուժկալ էր. սիրուհի չուներ, չէր հետաքրքրվում հաճոյակատար ու կնատիպ տղաներով, ոչ ընկեր ուներ, ոչ՝ սեփական տուն եւ իր տանջարանում ապրում էր սրբի պես, աշխատում ուժասպառության աստիճան, մինչեւ հոգնությունը, ի վերջո, իրեն առանձնասենյակի բազմոցին էր գցում. քնում էր շորերով, երեք ժամից ոչ ավելի եւ միայն ցերեկը, քնում էր առանց դռան մոտ ժամապահ կարգելու, առանց ձեռքի տակ ատրճանակ պահելու, կյանքը վատահելով անքուն լորդ Կյուլսելին, որը, բերնեբերան հաղորդվող շուկների համաձայն, սեփական մորթուց էլ կարող էր դուրս պրծնել, եթե չստանար իր սիրելի, միակ կերը՝ հենց նոր զլխատված մարդու տաք-տաք աղիքները, քլթքլթալով, ինչպես ջուրը զինվորական կաթսայում. այդ հրեշք իսկույն արթնացնում էր տիրոջը, երբ պատից այն կողմ էլ տեսնող մարդկային նրա հայացքը որեւէ մեկի մոտենալն էր նկատում. ով էլ լիներ՝ մեկ է. Սահեսը ոչ մեկին չէր վստահում եւ կասկածով էր նայում նույնիսկ իր արտացոլանքին հայելու մեջ. բոլոր վճիռները կայացնում էր անձամբ, չէր խորհրդակցում ոչ մեկի հետ, կողմնորոշվում էր անհամար գործակալների գեկուլցներով միայն: Երկրում չէր կատարվում որեւէ, թեկուզեւ չնչին մի դեպք, մուրաակի ցանկացած կեսում չէր արձակվում որեւէ չնչին մի վտարանդիի հառաչանք, որ նա չիմանար իսկույն՝ ողջ երկրագունդը պարուրած ծածուկ իր սարդոստայնի թելերի՝ վախի, անհաբեկման, առատ կաշառքների շնորհիվ, այո, նա շուայլ էր, բայց ոչ միայն պետության հաշվին. նա այնպես էր նվիրված գործին, որ հաճախ մատ-

նիչներ ու լրտեսներ էր վարձում սեփական փողերով. այս անշահախնդրությունը միայն իրեն չէր հատուկ. անտեղյակ շատախոսներն էին սրակ շնչում քունջուպուճախներում, թի նրա վարձկան դահիճները, լրտեսներն ու խուզարկուները աներեւակայի՞ի գումարներ են վաստակում,- ահա թե ինչու են համաձայնում գործակցել. այնինչ, նրանցից շատերը իրենց ծառայությունն առաջարկում էին բացարձակապես անվճար, նրանք սեփական մորն էլ կքառատեին ու արյունոտ մարմինը խողերի առաջ կգցեին, միայն թե ապացուցեին, որ հարմար են դահճի եւ կամավոր խուզարկու՞ի մասնագիտությանը. երաշխավորագրերի եւ անբասիր վարքի վկայագրերի հետ նրանք ներկայացնում էին նաեւ իրագործված չարագործությունների տեղեկանք, որպեսզի աշխատանքի անցնեին սառը դատող ֆրանսիացի խոշտանգողների ձեռքի տակ, իրենց անմարդկայնությամբ հետևողական, զթասիրության փշուր իսկ չունեցող այդ մարդկանց ղեկավարության ներքո. կամավոր այդ խուզարկուները ու դահիճները հնարավոր դարձրին Առաջընթացի կարգուկանոնի շրջանակներում,- նստոտած ալրազացի թեւերով զովացող պաղպաղակի տաղավարներում, լրագիր կարդալով չինական ռեստորաններում, ննջելով էժանագին կինոթատրոններում, ավտոբուսում հղի կանանց նստատեղ զիջելով, էլեկտրիկներ եւ սանտեխնիկներ դառնալով, կես կյանքը մայրաքաղաքի գողերի եւ գավառական ավազակների հետ կողք կողքի ապրելով, օվկիանոսային հածանավերի վրա ու միջազգային բարերում սպասուհիների ու պոռնիկների պատահական փեսացու դառնալով, ծառայելով զեպի Կարիբյան դրախտը կազմակերպվող ուղեւորության ամերիկյան զբոսաշրջիկների գործակալություններում, Բելգիայի արտաքին գործերի նախարարի անձնական քարտուղարը դառնալով,- սրանք եւ էլի շատ շատերը, որոնց մասին ոչ ոք նուրիսկ պատկերացում չունի, ահա, սրանք օգնեցին արմատախիտ անել դավադրությունը, շարքից հանել վտանգավոր մարդկանց, դավադրությունը բացահայտել ավելի վաղ, քան ամենակարող ու վճռական գլուխներում կհասունանար գործելու գաղափարը: Նրանք վստահորեն ու լիտիաբար էին կատարում իրենց գործը, իսկ Հայրենասերները համոզված էին, թե հրեշավոր այդ աշխատանքը կատարվում է առանց պրեզիդենտի գիտության: «Եթե

դուք միայն իմանաք, եթե միայն իմանաք, իմ գեներալ», - մտովի գիմու մ էին նրանք պրեզիդենտին եւ մտովի կրկնում սարսափելի պատմութիւնները, ենթադրելով, որ եթե իրենց խոսքերը հասնեին զինեւրալական ականջին, ապա Սահնս դե լա Բարը վաղուց արդեն մարգարիտների պիտի համեր նավահանգստային բերդին մերձ դավաճանների գերեզմանատան ընդերքից. բայց մեկը հայրենասերներից, որին հաջողվել էր մի անգամ գեներալի մոտ խցկվել եւ առանց վախի պատմել ամեն ինչի մասին, ցնցվեց, երբ պրեզիդենտը թափանցող հայացքով վրան նայեց ու հրամայեց ալանջին օդ անել՝ ինքը հրեք ոչինչ չի իմացել, չգիտե ու չի իմանալու, ինքը ոչ մեկի հետ, - նա էլի քննող հայացքով հայրենասերին նայեց. - ոչ մի հարցի շուրջը չի խոսի. այս հանդիպումից հետո նա որոշ չափով հանդատացավ, բայց կարճ ժամանակով, - ավելի ու ավելի շատ էին ստացվում կտրված գլուխներով պարկերը, այնքան շատ, որ նա այլեւս չէր հավատում, թե խոսե Իգնասիո դե լա Բարը այսքան արյուն հեղելով՝ անձնական ինչ-ինչ նպատակներ չի հետամտում. նա բացարձակապես անտրամաբանական էր համարում այն հանգամանքը, որ երեք զորատեսակների հրամանատարներ անտրտունջ հաշտվել էին իրենց նվաստացուցիչ վիճակի հետ եւ նույնիսկ աշխատավարձի բարձրացում չէին խնդրում. նա վճռեց շոշափել զինվորականութեան տրամադրութիւնը՝ պարզելու նրանց հնազանդութեան շարժառիթը. ինչո՞ւ չեն աստամբում, ինչո՞ւ չեն պահանջում, որ ինքը հեռացնի աներեւակայելի իշխանութեամբ օժտված այդ քաղաքացիականին: Մի անգամ ամենախիզախ ու ազահ հրամանատարներին նա հարցրեց, թե չի՞ թվում, արդոք, որ ժամանակն է արդեն թռցնելու արյան ծարավ, գինված ուժերի արժանապատվութիւնը տրորած այդ դուրսպրծուկի կատարը եւ, ի պատասխան ու ի զարմանա լսեց. «Օ՛, ոչ, իմ գեներալ, դուք չափազանցնում եք»,- այդ պահից նա այլեւս գլուխ չէր հանում, թե ով ում հետ է. ով՛ ում դեմ՝ խորամանկ այդ համակարգում, որ կոչվում էր Առաջինթաց կարգուկանոնի շրջանակում. որից դիակի սուր հոտ էր փչում, ամեն անգամ հիշեցնելով նրան, վիճակախաղի պտտմութեան հետ կապված, խեղճ երեխաների ճակատագրերը: Բայց խոսե Իգնասիո Սահնս դե լա Բարն աչպուրջ էր. սանձահարողի սառը ինքնատիրապետումով նա մա-

րեց իր տիրակալի այրող տագնապները. «Քնեք Հանգիստ, իմ գեներալ, ձերն է աշխարհը,- Հաճախ կրկնում էր Սահնար եւ կրկին Համոզում գեներալին, որ իրեն պատկանող աշխարհում ամեն բան պարզ ու Հասարակ է, եւ սահմանված կարգը փոխելու Հարկը չկա. եւ կյանքն ընթանում էր առաջվա պես, եւ կրկին նա դետուղին էր նետվում գերեզմանային այդ խավարում, ըստ էության ոչ մեկին չպատկանող այդ տանը, իրեն խորապես զգվեցրած պրեզիդենտական այդ դամբարանում եւ Հարցնում ինքն իրեն. «Ո՞վ եմ ես գրողը տանի մա՞րդ եմ թե նրա արտացոլանքը Հայելու մեջ ո՞վ եմ ես եթե արդեն առավոտվա ժամը տասնմեկն է իսկ շուրջբոլորս ոչ մի շունչ չկա նույնիսկ Հավ մի խղճուկ Հավ չկա պալատ կոչված այս անապատում», - այսպես, ինքն իր Հետ խոսելով, նա տրվում էր Հիշողություններին. փառավոր այն ժամանակներն էր Հիշում, երբ արեւածագի Հետ լսում էր բորտաների ու կաթվածահարների աղմուկոտ իրարանցումը,- ճաշի մուսցորդների Համար սրանք կռվում էին շների Հետ,- երբ սանդուղքներին կռվերը թրքում էին Հոտավետ բլիթներ, որոնց վրա քանի՜-քանիսն են սայթաքել, երբ Հեռավոր վայրերից եկած տղամարդիկ ու կանայք ծնկի էին իջնում իր դիմաց, խնդրում բուժել իրենց խոցերը, կնքել երեխաներին, փրկել փորլուծից (նրանք կասկած չունեին, որ գեներալի կամքը ի զորու է ստամոքս պնդացնել), երբ աղերսում էին. «Տվեք ձեր ձեռքը, իմ գեներալ, խաղաղեցրեք իմ սիրտը, դուք, միայն դուք կարող եք դադարեցնել կրծքատակիս այս երկրաշարժը»- երբ անսահման Հավատով ասում էին. «Նայեք ծովին, իմ գեներալ, միայն ձեր առջ են խաղաղվում փոթորիկները: Աչքներդ երկնքին Հառեք, իմ գեներալ, միայն դուք կարող եք պատռել խավարման վարագույրը: Գեռնին պցեք ձեր Հայացքը, միայն ձեզանից է սարսափում ժանտախտը»: Իր ոտքը եկած Հազարավոր այդ մարդիկ խորապես Համոզված էին, որ նա ամենագոր է, որ իր կամքը կարող է թելադրել քամիներին ու կարգի գցել տիեզերքը, որ, եթե պահանջվի, կարող է ուժերը չափել Հենց աստվածային նախախնամության Հետ. նա չէր մերժում ոչ մեկին, բավարարում էր խնդրանքները, Հետզհետե ինքն էլ սողորվելով մոլեռանդ այդ Հավատով,- նա տալիս էր մարդկանց ինչ կարող էր եւ վերցնում առաջարկածը ոչ թե այն պատճառով, որ ծայրաստիճան բարի էր ու զգայուն, այլ ո՛

րովհետև երկաթյա լյարդ էր պետք ունենալ, որ կարողանայիր պլանալ փոքրիկ ուրախություններ պատճառել նրանց, ովքեր այդպես անմնացորդ նվիրումով հավատում էին իրեն, ովքեր այդպես անկեղծորեն փառաբանում էին նրա հպորությունը, գովերգում նրա իսկական եւ կեղծ առաքինությունները: Իսկ հիմա, ահա, չկար մեկը, որ դիմեր իրեն խնդրանքով, չկար մեկը, որը, պարզապես, ասեր. «Բարի լույս, իմ գեներալ: Ինչպե՞ս քնեցիք»,- նրա հոգում չէր մնացել նույնիսկ տարօրինակ այն ակտիանքը, որ ծնում էին լուսամուտի ապակիները փշրող գիշերային պայթյունները եւ խուճապ գցում բանակում,- այդ պայթյուններն էին օգնել նրան զգալու, որ դեռ ողջ է ինքը. լավ է պայթյուն լինի, քան այս մեռյալ լուսթյունը, որ թագավորում է հիմա պալատում եւ գլուխ ճաքեցնում, խանդարում քնել գիշերը. նա տերն էր ողջ երկրի, բայց ավելի ուժեղ չէր, քան պատին ընկած իր ստվերը. բոլոր կարգադրությունները, որ նա տալիս էր կամ մտադիր էր տալ, պարզվում էր, կատարված էին լինում մինչեւ շրթները շարժելը, ուղեղում լրիվ չհասունացած ծածուկ մտքերը մեկն արդեն իրագործած էր լինում եւ նույնիսկ տեղեկացրած պաշտոնական լրագրին, որ նա, սովորության համաձայն, կարդում էր սիեստայի ժամերին, ճոճում պառկած. խոշոր տառերը ճչում էին նրա յուրաքանչյուր քայլի, յուրաքանչյուր անքոցի ու յուրաքանչյուր մտադրության մասին, իսկ լուսանկարները ցուցադրում էին այն կամուրջը, որ նա մտադրվել էր կառուցել, բայց մոռացել էր հրամանն արձակել, այն դպրոցը, ուր երեխաներին փողոցներն ավել էին սովորեցնում միայն, եւ փերջապես, իրեն՝ չբանշաններով ու ժապավեններով, կաթնասուու կովի եւ հացի ծառի կողքին, ինչ-ինչ հանդիսավոր արարողություն բացման ժապավենը կտրելիս: Եվ նա առաջվա պես հանդիսա չուներ, պառավ փղի վիթխարի ոտքերով քստքստացնում էր իր մենության ամայի տան ներսում, փնտրում նույնիսկ չկորցրածը, որովհետև կարուստի զգացողությունն անվերջ հետապնդում էր նրան, եւ նկատում էր, որ մեկն արդեն թուչնավանդակների վրա շոր էր գցել, հաշվել Ֆերմայի կովերը եւ յուրաքանչյուր լուսամուտից նայել ծովին. ամեն ինչ իր տեղում էր, անվնաս, եւ նա լամպը ձեռքին ննջասենյակ էր գնում. մի անգամ, միջանցքով անցնելիս, հանկարծ ճանաչեց իր իսկ ձայնը, որ լսվում էր

պրեզիդենտական գվարդիայի պարեկների սենյակից եւ ծածուկ ծիկրակելով, ծխոտ սենյակում, Հեռուստատեսային էկրանի ազոտ լուսարձակման դիմաց տեսավ ննջող մի խումբ սպաների, իսկ էկրանին ինքն էր՝ փոքր-ինչ նիհարավուն ու ձիգ, - «Բայց սուրից գլուխ ես էի մայր»։ Նա նստած էր պետական զինանշանի ֆոնին, սեղանի մոտ, որի վրա ոսկյա շրջանակներով երեք ակնոց էր դրված, իր առանձնասենյակում, որտեղ պիտի մեռներ Համաձայն գուշակ-պայծառատեսի կանխատեսման եւ ելույթ էր ունենում պետական գործերի վերլուծությամբ, օգտագործելով այնպիսի խելոք, հույժ գիտական տերմիններ, որ իրականում երբեք չէր կարող արտասանել, գրողը տանի։ Այս տեսապատկերը նրան ավելի հուզեց, քան ծաղիկների միջ ընկղմված սեփական դիակի ժամանակին տեսած պատկերը, - «Ուղբից գլուխ ես էի մայր եւ խոսում էի իմ սեփական ձայնով եւ ուր երբեք էլ չհաղթահարեցի պատշգամբից մարդկանց հրեւայու ամոթս որ երբեք չհաղթահարեցի ժողովրդի առաջ ելույթ ունենալու վախս... Ուղբից գլուխ ես էի մի իսկական մահկանացու մայր։ Եվ ես քարացել էի այն մտածմունքից թե ինչպես է ստացվում նման հրաշքը»։

Հեռուստատեսային այս հաղորդումը մեծ պայթյուն առաջացրեց՝ վարչակարգի բոլոր տարիների մեջ գեներալի դժգոհության հազվադեպ պայթյուններից մեկը, սակայն խոսե Իգնասիո Սանես դե լա Բարը նրա դիմաց կանգնեց բացարձակապես անվրդով. «Չափազանցնելու կարիք չկա, գեներալ, - ասաց նա իր քաղցրավուն ձայնով, - հարկ եղավ դիմել անօրինակ այդ միջոցին, որպեսզի խորտակումից փրկենք կարգուկանոնի շրջանակներում մեր Առաջընթացի նավը. հրկնային ներշնչանքով եղավ, գեներալ, եւ դրա չնորհիվ մենք կարողացանք կրճատել ժողովրդի կասկածը, միս ու արյուն իշխանության գոյության՝ ձեր գոյության նկատմամբ, գեներալ։ Մարդիկ պետք է իմանան, որ յուրաքանչյուր ամսվա յուրաքանչյուր վերջին չորեքշաբթի օրը դուք գեկուցելու եք կառավարության գործունեության մասին, եւ նրանք պետք է լսեն ռադիոյով ու տեսնեն Հեռուստատեսությամբ, քանզի նման գեկուցումները փարատում են հասարակության վիշտը։ Ես ինձ վրա եմ վերցնում պատասխանատվությունը, գեներալ։ Ես եմ այստեղ հարմարեցրել վեց արեւածաղկի նման վեց միկրոֆոնների այս



տափորը. այս միկրոֆոննիերով ձայնագրվել են բարձրաձայն աւ-  
ված ձեր բոլոր մտքերը եւ ձեր բոլոր պատասխանները իմ Հարցե-  
րին, որ տալիս եմ ձեզ ուրբաթ օրերին: Դուք չէիք էլ ենթադրում,  
որ ձեր պարզհոգի պատասխանները մի-մի դրվագ են ազգին ուղղ-  
ված ամենամայա ուղերձից: Բայց ես ուզում եմ Հատուկ ընդգծել,  
որ երբեք չեն օգտագործվել կեղծ, սարքովի կաղեր, ինչպես եւ  
չեն Հաղորդվել ձեր կողմից չարտասանված բառեր: Այդ Հարցում  
կարող եք Համոզվել անձամբ, ահա կինոժապավենները եւ ձայ-  
նասանակները»: Եվ խոսե Իգնասիո Սահենս դե լա Բարը սեղանին  
դրեց կինոժապավեններն ու ձայնասանակները, նսեւ այն թուղթը,  
որի վրա շարադրված էր հղելության բացատրությունը,- «Ես ստո-  
րագրում եմ այս թուղթը ձեր ներկայությամբ, գեներալ, եւ սպա-  
սում ձեր վճռին»: Նա սպաշարով նայեց խոսե Իգնասիո Սահենս դե  
լա Բարին եւ Հանկարծ նկատեց, որ նա առաջին անգամ իր մոտ է  
եկել առանց շան, առանց գենքի ու գունատ է մեռյալի պես, եւ Հո-  
դոց քաշելով ասաց. «Իհ, լավ, Նաչո, կատարեք ձեր պարտակա-  
նությունը»: Եվ ալեյի ծեր, քան եղել էր երբեւէ, անսահման Հոգ-  
նած տեսքով խրվեց փափուկ բազիլաթուռի մեջ, նայելով դիման-  
կարներում պատկերված Հերոսների դավաճանական աչքերին.  
Նրա Հայացքը սովորականից ավելի թախծոտ էր ու մոռյալ, իսկ  
դեմքին քարացել էր թաքուն մտադրությունների մշտական ար-  
տահայտությունը. նույն այդ քար արտահայտությունը նրա դեմ-  
քին տեսավ խոսե Իգնասիո Սահենս դե լա Բարը երկու շաբաթ անց,  
երբ առանց թուլյատրության առանձնասենյակ մտավ, ետեւից  
քարչ տալով իր դորերմանին,- «Արտակարգ նորություն է, ձերդ  
գերագանցություն: Զինված ապստամբություն է պատրաստվում:  
Միայն դուք կարող եք կանխարգելել»: Եվ գեներալը վերջապես  
նկատեց պարսպի պես անառիկ, կախարդանքի պես Հանելուկային  
այդ մարդու Հոգու աննկատելի ճաքը, որ փնտրել էր երկար տարի-  
ներ: «Իմ վրեժխնդրության մայր Բենդիսիոն Ալվարադո,- ասաց  
նա ինքն իրեն,- վախից ախր տակը թրջել էր խղճուկ այդ կոտորա-  
վորը»: Ոչ մի ակնարկով, սակայն, նա չմտանեց իր մտքերը,  
մտադրությունները, Սահենս դե լա Բարին բարուրեց Հայրական  
գորովանքի շողերով. «Մի Հուզվեք, Նաչո, մենք շատ ժամանակ  
ունենք եւ ոչ ոք մեզ չի խանգարի պարզել, թե կեղծիքից էլ անհա-

վաստի թվացող Հակասական այս տեղեկությունների հաստատումը տե՞ղ է, գրողը տանի, ճշմարտությունը, խակածան ճշմարտությունը»: Լսելով այս արտահայտությունը, Սաննս դե լա Բարը նստից գրպանի ժամացույցին. «Շուտով յոթը կլինի, գնևերալ: Երեք րատեսակների հրամանատարները հիմա ընթրում են իրենց սնեբում, ընտանեկան շրջապատում, կանանց, երեխաների հետ, սր պեհոգի նուշխակ տնեցիները ոչինչ չկասկածեն. նրանք սնեբից դուրս կգան քաղաքացիական հագուստով, առանց պահակախմբի, դուրս կգան ետնամուտքերից, որտեղ նրանց սպասելու են ծառայողական ինքնաշարժերը, որ կանչել են հեռախոսով, իրենց հետեևող մեր մարդկանց խճճելու նպատակով, սակայն վարորդները մեր մարդիկ են, գեներալ»:- «Ըհը,- ասաց նա ու ժպտաց:- Պետք է այդպես հուզվել: Նաչո: Բացատրեք ինձ, ավելի լավ է, թե ինչպե՞ս եք կարողացել մինչև օրս փրկել ձեր կաշին, երբ մենք ավելի շատ թշնամի ենք ունեցել, քան զինվոր, եթե նկատի ունենանք ձեր ձեռքով կտրված գլուխների քանակը»: Սաննս դե լա Բարը, սակայն, ականջ էր դնում միայն իր գրպանի ժամացույցի թուշլ զարկերակին, որովհետև այդ զարկերակի թեւից էր կախված իր կյանքը: «Երեք ժամից քիչ է մնացել, գեներալ: Հետեևակային զորքերի հրամանատարն այս պահին Կոնդե զորանոցն է մեկնում, ուղղմածովային ուժերի հրամանատարը՝ նավահանգստի ամրոց, օդային նավատորմիղինը՝ Սան Խերոնիմոյի բազա: Նրանց դեռեւս կարելի է ձերբակալել, նրանց պոչից կառչած շարժվում են ազգային անվտանգության, իբրև, բանջարեղեն տեղափոխող սայլերը»: Բայց գեներալը բոլորովին չանհանգստացավ. նա զգաց, որ Խոսե Իգնասիո Սաննս դե լա Բարի աճող տազնապը ազատագրում է իրեն այդ մարդու ծառայությունների բեռից, ծառայություններ, որոնք առավել դաժան էին, քան ինքը՝ իշխելախիբությունը կկարողանա դաժանանալ: «Հանգստացեք, Նաչո,- ասաց նա,- Հանգստացեք եւ բացատրեք ինձ, թե ինչո՞ւ դուք տեր չդարձաք մեծ, շոգենավի պես մեծ մենատանը: Ինչո՞ւ եք դուք աշխատում եզի նման, եթե փողը ձեզ չի հետաքրքրում: Ինչո՞ւ եք դուք սպրում զորանոցային նորակոչիկի պես, երբ նուշխակ ամենատառքիների տիկնոջ վարտիքն է տրաքում ձեզ հետ սնեկոցին մտնելու ցանկությունից: Ի՞նչ է դուրս գալիս. դուք վանականի՞ց էլ սուրբ եք, Նաչո»: Բայց Խո-

սե Իգնատիո Սահնա դե լա Բարը թրջվել էր սառցե քրտինքից, որ դուրս էր գալիս անվրդովության դիմակի տակից, շնչաՀեղձ էր լինում դիտկիրգման վառարանի կրակ ունեցող այս շոգ առանձնասենյակում: «Ժամը տասնմեկն է,- ասաց նա,- այլևս ուշ է: Հիմա ապտոամբության պայմանական ազդանշանը հեռագրով հաղորդվում է երկրի բոլոր գորանոցներին»: Այդպես էլ կար, ապտոամբած գեներալները չքանչաններն էին ամրացնում չքերթային համազգեստներին, որ լուսանկարվեին նոր, կառավարող խոշնտայի պաշտոնական խմբանկարի համար. ապտոամբած գեներալների համհարզները նրանց անուռից անհակառակորդ այս վերջին կռվի հրամաններն էին արձակում. մարտական բոլոր գործողությունների էությունը սա էր. բանակը իր հսկողությունն էր սահմանում կապի կենտրոնների եւ կառավարական կարեւորադույն շնքերի վրա: Իսկ այնտեղ, պրեզիդենտի առանձնասենյակում, նորին գերազանցությունը աչքն էլ չթարթեց, երբ թավչամորթ լորդ Կյուխելը ադիտը կանխազգալով՝ թրթուացրեց բոլոր մկանները, ոտքի ելավ եւ նրա ստորին շրթուքից թաթերին ծորաց անվերջանալի արտասուքի պես թուքը: «Մի վախեցեք, Նաչո,- ասաց գեներալը,- ավելի լավ է բացասութեք, թե ինչո՞ւ եք այդպես սարսափում մահից»: Եվ նոսե Իգնատիո Սահնա դե լա Բարը վրայից պոկեց քրտինքից թրջված, ցելուլոիդի օձիքը եւ օպերետային երգիչ-բարիտոնի նրա դեմքը անշարժացավ. «Դա բնական է,- ասաց նա:- Վախը մահից՝ կյանքի երջանկության այրվող ածուխն է: Զեզ անհասանելի է այդ վախը, ահա թե ինչու չեք զգում, գեներալ»: Եվ, սովորության համաձայն, հաշվելով տաճարի զանգերի զարկերը, ոտքի ելավ. «Տասներկու: Ամեն ինչ վերջացած է: Այս երկնքի տակ ձեզ հավատարիմ ոչ մի կենդանի շունչ չկա այլևս: Ես վերջինն էի, գեներալ»: Բայց գեներալը չչարժվեց իր ըազկաթոռում, մինչև չչսեց դե Արմաս հրապարակով ընթացող, գետինը թնդացնող տանկերի ծանր զրրոցը եւ լսելով այդ գվվոցը, ժպտաց. «Դուք սխալվում եք, Նաչո, ինձ հետ է ժողովուրդը»: Եվ դա այդպես էր: Նրա հետ էր իսկծ ու հավերժական ժողովուրդը, որը լուսաբացից էլ սուռը փողոց էր ելել անհասանելի ծերի անակնկալ քայլով ոպեհնչված, պետական ռազիոյով եւ հեռուստատեսությամբ նա հուզված դիմեց սղջ ազգին, բոլոր հայրենասերներին՝

քաղաքական ինչ Հայացքների պատկանելիս էլ լինեն, և Հայտարարեց, որ բոլոր գորատեսակների հրամանատարները իր անձնական ցուցումով, վարչակարգի անխախտելի զաղափարներով սուգորված, ինչպես միշտ՝ արտահայտելով ժողովրդի ազատ կամքը, պատմական այս կեսգիշերին ոչնչացրին տարերային արդարադատությամբ պատժված արյունախում այդ քաղաքացիականի ահաբեկման գերատեսչությունը: Խոսե իգնասիո Սանես դե լա Բարը գլխավոր կախվեց դե Արմաս հրատարակի լրագրից, իր իսկ սեռական օրգանը բերանը խցկած, ինչպես և դուք կանխատեսել էիք, իմ գեներալ, երբ հրամայեցիք օտարերկրյա դեսպանատները պաշարել, որպեսզի արյունարբու դահիճը չթաքնվեր դրանցից որեւէ մեկում և չխնդրեր քաղաքական ապաստարան: Մինչև կախելը ժողովուրդը քարկոծեց նրան, բայց հարկ եղավ նախ զնդակներով մաղ սարքի նրա գիշատիչ շանը, որը երեք քաղաքացիականի փոր թափեց և բղկտեց չորս գինվորականի. դա պատահեց ստոր դահճի որջը գրոհելիս. մարդիկ այդ որջի լուսամուտներից փողոց շարտեցին ավելի քան երկու հարյուր նոր, գործարանային պիտակներով դիպակե ժիլետ, երեք հազար զույգ խտալական չհագած կոշիկներ,- երեք հազար, իմ գեներալ, ահա թե ինչի վրա էր մտնում նա պետական միջոցները,- և, սաստանան գիտե, թե գարդենիայի քանի տուփ,- չէ՞ որ նա մշտապես մերակը թարմ դարդենիա էր խցկում,- և հետաքննություն պարտիտուրայով Բրուկների բոլոր ձայնապնակները: Այնուհետև մարդիկ նկուղներից բաց թողեցին կալանավորներին և այրեցին հողանդական նախկին գծանոցի խոշտանգման խցերը, բղավելով. «Կեցցե գեներալը, կեցցե իսկական տղամարդը: Կեցցե նա, ով բացահայտեց ճշմարտությունը»: Բոլորն էլ համոզված էին, որ դուք ոչինչ չգիտեիք, իմ գեներալ, որ դուք ճախրում էիք ամպերի մեջ, որ ձեր հոգու բարությունը չարաշահում էին անվտանգություն ծառայություն խողկալի խոշտանգիչները, որոնց որպես առնետների, որսացինք ձեր օգնությունը, իմ գեներալ, որովհետև դուք հրամայեցիք զրկել դահիճներին ամեն կարգի պաշտպանությունից ու հսկողությունից, որպեսզի մարդիկ կարողանային ազատություն տալ իրենց ատելությունը, որ կուտակվել էր անվտանգության ամենազոր ծառայության երկար տարիների ընթացքում:

Նա հավանություն տվեց տարերային գործողություններին՝ «Համաձայն եմ», եւ նրա սիրտը լցվեց զանգերի ցնծալի ղողանջից, դե Արմաս հրապարակում հսկայական ցուցանակներով հավաքված մարդկային ամբոխների ազատություն հրգեից ու շնորհակալական, ուրախ բացականչություններէից. ցուցանակներին գրված էր. «Թող աստված պահի-պահահանի բոլոր մեծերից մեծագույնին, որը մեզ ազատագրեց Խաչակրացի խաչակարների ղողանջը եւ մարդկային ամբոխների գավոցը նրան հիշեցնում էին հեռավոր, փառավոր ժամանակները,- թեեւ ընդամենը վաղանցիկ արձագանքներ էին,- եւ լսելով այդ ղողանջն ու գավոցը, նա ետնաբակում հավաքեց իր իսկ իշխանության վզից կայանավորի շղթան կտրելուն օգնած սպաներին, եւ ներշնչման պոթիվման մեջ, մատի մի շարժումով նրանցից կազմեց գառամայլ վարչակարգի վերջին գերագույն հրամանատարությունը: Սրանք փոխարինեցին գեներալներին՝ Լեոտիա Նասարենոյի եւ որդու դահիճներին, որոնց տկլորված, միայն տակաշորերով որսացին օտարերկրյա դեսպանատների դարպասների տակ, ուր նրանք փորձում էին սպաստարան ստանալ: Սակայն նորին գերագանցությունը չճանաչեց նրանց, մոռացել էր անունները, իսկ գլխավորը՝ սրտում փնտրում ու չէր գտնում զայրույթի այն լիցքը, որ մի ժամանակ ուզում էր մինչեւ կլանքի վերջը սլահել,- փնտրեց ու չգտավ ոչինչ, բացի վիրավորված ինքնասիրության մոխրից եւ ուշ էր այլեւս այդ մոխրից կրակ բորբոքել: Չէր բորբոքվում: «Թող ռազմերը քաշեն», - հրամայեց նա եւ մարդասպան-գեներալներին նստեցրին այն նավը, որը մեկնում էր մի կրկիր, որտեղ ոչ մեկին նրանք պետք չէին, որտեղ ոչ ոք չէր հիշելու այդ խղճուկ կոտորածներին: Նա նոր կառավարության առաջին նիստը վարեց որոշակի այն զգացողություններ, որ նոր դարի, նոր սերնդի քոլոր այս ընտիր ներկայացուցիչները հին ժամանակների քաղաքացիական նույն նախարարներն են՝ թույլ բնավորությամբ, փոշոտ, արձակ սյուրթուկներով, միայն թե այս նորերը ավելի փառասեր են, վախկոտ, ստորաքարշ, անօգտակար, անպետք եւ այս անպատեհությունները՝ արտաքին անհրեւակայելի պարտքերի առկայության դեպքում. պարտքերի գումարը, գերագանցում էր այն ամենի արժեքը, ինչը դեռեւս կարելի էր վաճառել վերջնականապես անկում ապրող վշտի այս

Թագավորութիւնում. «Սարահարթի երկաթուղագծի վերջին գնացքն անդունդն ընկավ, խոլորձների մացառուտների մեջ, իմ գեներալ, եւ Հիմա Հովազներն են ննջում նրա փափուկ նստարաններին. Նոյի տարվա անվավոր շոգենավի բեկորները լողում են բրնձարտերի ճահիճներում, նամակները, որ բերում էր շոգենավը, փտում են փոստային պարկերում, եւ ստելեքայան կովերի՝ մի գույգ խայտում է պրեզիդենտական խցիկի լուսնային Հայելիների մեջ, ապարդյուն Հուսարով գեղեցկուհի ջրահարսեր սաղմնավորել: Եվ միայն դուք եք անտեղյակ, իմ գեներալ: Անշուշտ, դուք Հեշտութեամբ էիք հավատում կարգուկանոնի շրջանակներում Առաջնութեան, որովհետեւ ձեր շփումը իրականութեան հետ սահմանափակվում էր միայն մեկ օրինակ տպաքանակով, միայն ձեզ համար հրատարակվող պաշտոնական լրագրի ընթերցմամբ. այդ լրագիրը տպագրում էր ձեզ ցանկալի լուրեր եւ հաճելի լուսանկարներ, ազդագրեր, Հայտարարութիւններ, որոնք ձեզ տանում էին գայթակղութիւնների ու վայելքների, մեր առօրյա ձանձրալի սիեստայից այնքան սարբերվող աշխարհը»:

«Ի՞նչ ասեմ այդպես էլ կար քանի դեռ ոչնչի չհավատացող իմ աչքերով չտեսա ու չհամոզվեցի որ նախարարական ապակյա հսկա շենքերի ետեւում Թաքնվում են նավամատուցի մերձակա բլուրներին թառած նեգրական խայտարդիտ նույն խրճիթները որ զբոսայգիների երկայնքով մինչեւ ծովը տնկած արմավենիները ինչպես նաեւ մենատների միաձեւ կեղծ դասական ոճի սյունասրահները քողարկում են անհամար մեր փոթորիկներից մեկի ավերած ետնախորշերի Թաղամասերը որ երկաթուղագծի երկկողմյան ծաղկանոցները նրա համար են որպեսզի պրեզիդենտական վագոնի լուսամուտից աշխարհը երեւա գույնզգույն այն ջրաներկերի նման որոնցով մայրս իմ հոգու Բենդիսիոն Ալվարադոն պիրոլ էր դարձնում միակերպ ու գորշ թռչնակները»: Նոր արբանյակները խաբում էին նրան ոչ թէ սիրաշահելու նպատակով, ինչպես Հիշարժան ժամանակների վերջում վարվում էր գեներալ Ռոդրիգո դե Ագիլարը, եւ ոչ նրա համար, որ ավելորդ անհանգստութիւն չպատճառեմ, ինչպես, ավելի շատ խղճահարկելով, Լետիսիա Նասարեմուն էր վարվում, այլ սրովհետեւ ուզում էին վերջնա-

\* Ստելեքի կով - ծովային կաթնատու, վերացել է մեր գարում:

կանապես ստրուկ դարձնել նրան իր իշխանությամբ, եւ նա դառնում էր՝ ընկնելով ու սպիլի խոր ընկզմվելով ծերունական զառամախտի մեջ՝ իր համաքակում, սեյրայի տակ, ճոճում պառկած. ամեն ինչ պատրանք էր ու խարկանք, նույնիսկ դպրոցական աղջիկների երգչախումբը, որ երգում էր կանաչ ծառին նստած չափի թռչնակի մասին. շուրջն ամեն ինչ անիրական էր. - «Սա կյանք չէ, այլ անհեթեթ մի բան»։ Նա ջանում էր արդեն սրտին չափազանց մոտ չընդունել կեղծիքը եւ փորձեց հաշտվել իրականությունից հեռ պետություն բարգավաճման համար անհրաժեշտ հայրենական հինա եւ այլ գեղանյութեր արտադրող ձեռնարկությունների վերահանդման փերաբերյալ հրախարակ արձակելով. սակայն իրականությունը հղի էր չնախատեսված անակնկալներով. այնպես էր փոխվի աշխարհը, որ կյանքում կային իր իշխանությանը բացարձակապես չենթարկվող ինչ-ինչ բաներ եւ սա նա չգիտեր. - «Ինչպե՞ս վերականգնել որեւէ արտադրություն, իմ գեներալ, եթե մենք չունենք այլեւս հինախի ծառ, չունենք կակտո, ինդիգո, եթե չի մնացել ոչինչ, բացի ձեր անձնական, անհատում հարստությունից, որը, սակայն, կորչում է իզուր»։ Եվ, այսուհանդերձ, տեղեկանալով իրավիճակին, նա իրեն չկորցրեց եւ մարտահրավերի ոճով գրություն հղեց հին գեապան Ռաուկարերին, հուսալով, թե նա գտնիտ խաղաղիս կրկին մի ձեւակերպում կղանի, բայց պեսանր պատասխանեց նույն ոճով. «Ոչ մի բան, ձեր գերազանցություն. չի ստացվի: Այս ուղի երկիրը մի գրոշ էլ չարժե, բացառությամբ, իհարկե, ծովի, որն այնքան թափանցիկ է ու ախորժալի, որ կարելի է հատակին կրակ վառել եւ ամբողջ աշխարհի համար խեղ պեսանի հոյակապ ապուր եփել: Այնպես որ՝ մտածեք, ձեր գերազանցություն, մենք պատրաստ ենք ծովն ընդունել այն պարտքերի դիմաց, որ չեն մարի ձեր գերազանցություն նման դործարար հերոսների նույնիսկ հարյուրավոր սերունդները»։ Նա Ռաուկարերի առաջարկը լրջորեն չընդունեց եւ ճանապարհ գրեց նրան մինչև սանդուղք, ինքն իր մեջ մտածելով. «Մայր իմ Բենդիսին Այվարադո տես թե ինչ վայրենիներն են այս գրիվագները: Նրանց մարքինը մեկն է՝ ոնց խոճեն մեր ծովը»։ Նա հրաժեշտ տվեց հյուրին, սովորականի նման թփթփաղբեց նրա ուսը եւ կրկին մնաց ինքն իր հետ, հասավ ստրահարթի մշտնների ցնորական ամպե-

րին, մոլորվեց այնտեղ, որովհետեւ շուրջբոլորը դատարկություն էր. մարդկային ամբոխները լքեցին դե Արմաս հրապարակը, իրենց հետ տարան միանման ցուցանակներն ու թաքցրին իշխանության տված ծեծված կոչերը, որ պետք էին վալու հաջորդ անգամ, երբ նման իրավիճակ ստեղծվեր. ամբոխները ցրվեցին՝ հենց զինվորները դադարեցրին ծափահարությունների արանքում ուտելիքի բաշխումը եւ ամայացավ ոչ միայն դե Արմաս հրապարակը, այլեւ պալատը, թեեւ նա հրաման էր արձակել չփակել դարպասները, որպեսզի ուզածդ պահին ներս մտնիր յուրաքանչյուր ոք, ինչպես այն տարիներին, երբ սա տուն էր բոլորի համար եւ ոչ թե հուղարկավորման գրասենյակ: Բայց նա մենակ չէր, քանի որ վերադարձել էին իշխանության տան պատերի տակ երկար տարիներ ապրած նրա բորոտները, կաթվածահարները, կույրերը, որոնց պարզորոշ պատկերացրել էր Դեմիտրիո Ալդոուսը՝ այրվելով Երուսաղեմի դարպասների մոտ եւ, ասես, տեսնելով աչոք, թե ինչպես են վերադառնում նրանք՝ կործանված, բայց արմատախիլ չեղած, քաջ գիտե՞նալով, որ կրկին պալատ են մտնելու, իշխանության այդ բնակատեղին եւ բուժիչ աղ են խնդրելու այն մարդու ձեռքից, ով դիմացել էր ճակատագրի բոլոր հարվածներին եւ չէր հնթարկվել ամենադաժան կրքերին, ով խուսափել էր մոռացության ամենանենդ ծուղակներից, քանզի հավերժական էր: Այո, իրագործվեց Դեմիտրիո Ալդոուսի կանխատեսումը. առավտովա կովկիթից հետո պալատ վերադառնալիս գեներալը կրկին տեսավ այդ ամբողջ եղբայրությունը. ինչ-ինչ մթերքների մնացորդներից նրանք կերակուր էին եփում պահածոյի տուփերի մեջ, աղյուսաչար, օջախանման կրակարանի վրա. նրանք զբաղեցրել էին ողջ հտնաբակը, ձեռքերը խաչած փռվել խսիրներին, թունավոր արտաթորանքներից քայքայված իրենց խոցերի վրա, բուրումնավետ վարդաթփերի ստվերի տակ: Նա կարգադրեց նրանց համար իսկական օջախ սարքել, գնել տվեց նոր խսիրներ եւ հտնաբակի խորքում հրամայեց արմավենու տերեւներից ծածկ հյուսել, որպեսզի ամբողջ այդ եղբայրությունը չխցկվեր Իշխանության տուն, բայց օր չէր լինում, որ այս կամ այն բորոտին չտեսնեին ընդունելիությունների դահլիճում, պալատի որեւէ գորգին մեկնված, օր չէր լինում, որ կաթվածահարներից որեւէ մեկը վայր չընկներ սանդուղքից ու



մահացու չջարդոտվեր. նա կարգադրեց փակել դռները, որ բորոտները ներս չհուժեին, պատերին հենվելով թարախի ու արնաջրերի բծեր չթողնեին. նա չէր կամենում, որ սանիտարական ծառայության սրսկումից, պալատի ամեն ինչը, կարբորաթթվի հոտ արձակեր. սակայն, որքան եւ ինչպես էլ վճռեին, միեւնույն է, բորոտները, կույրերն ու կաթվածահարները թափանցում էին Իշխանության տուն, սողոսկում սենյակները, քանզի նրանց առաջ էր մղում հին, վայրի ու անհաղթահարելի հավատը՝ թի կապաքինվին անպաշտպան, զառամյալ այդ ծերի հրաշագործ շնորհով, որից ոչ ոք արդեն ոչինչ չէր ակնկալում, որը լուանոտի նման թափառում էր իր հիշողության գոլորչիների ճահճում, կողմնորոշվում՝ ափրիկելով, պատի ճեղքերում պահված օրսպրային թղթի շերտիկներով, որը ժամեր շարունակ դուրս չէր գալիս ճոճից, խորհում, խորհում էր, թե ինչպե՞ս, գրողը տանի, խուսափի նոր դեպպան Ֆիչերից, սա համառորեն պնդում էր երկրում տարածված դեղին տենդախտի համաճարակի բոթը հայտարարել, որպեսզի համաճարակը առիթ ծառայեր ծովային հետեւակի ափելին, անշուշտ, դեպպանի ներկայացրած երկրի նավերով. փոխադարձ օգնության պայմանագրի համաձայն ծովային հետեւակը երկրում մնալու էր անորոշ ժամանակով, որքան անհրաժեշտությունը պահանջեր՝ մինչեւ նոր կյանքի շունչը հաղորդվի մեր մեռնող երկրին: Նա մտածում էր՝ ի՞նչ անել, եւ հիշեց վարչակարգի առաջին տարիները, հիշեց, թե ինչպես համաճարակը պատրվակ բռնելով՝ ինքն իր վրա վերցրեց արտակարգ լիազորություններ եւ ժողովրդական հուզումների լուրջ սպառնալիքի քթի առաջ ռազմական դրություն կարգ սահմանեց: Բայց այն օրերին նա ժանտախտի եւ ոչ թե դեղին տենդախտի համաճարակն էր հայտարարել: Փարոսի կատարին դեղին դրոշ տնկեցին, փակեցին նավահանգիստը, չեղյալ հայտարարեցին կիրակի օրերը, արգելեցին հրապարակայնորեն սգալ հանգուցյալների համար եւ հուղարկավորման ժամանակ սգո քայլերգեր նվագել. զինված ուժերը կոչվեցին պրեզիդենտի արտակարգ սահմանումներն սպահուկելու, եւ հիվանդությունը վարակվածների հետ արտոնվեցին վարվել՝ ինչպես կամենան. սանիտարական թեւակապերով զինվորները հրապարակալ գնդակահարում էին ամենատարբեր դասի մարդկանց, կարմիր շրջանով նշան անում այն տնե-

րի դռները, որոնց բնակիչները կասկածելի էին վարչակարգի նկատմամբ ունեցած իրենց վերաբերմունքով, որպես կենդանու խարանուռ էին քրեականների ճակատները, տղամարդակերպ լեզբոսուհիներին ու հաշիշամուլներին, իսկ դեսպան Միտչելի պնդմամբ ժամանած սանիտարական առաքելությունը զբաղվեց պրեզիդենտական պալատի բնակիչներին ժանտախտի վարակից փրկելու գործով. առաքելության անդամները հատակից հավաքում էին օրապակասների կղկղանքը եւ զննում ոսպնյակի ստակ, եւ այս գործողությունը կոչվում էր անալիզ, ջրի ամանների մեջ ախտահանիչ հարեր էին զցում, փորձանմուշ կենդանիներին սնում զզվելի ու անծանոթ խյուսով, եւ գեներալը ծիծաղից թուլանալով, թարգմանչի միջոցով ասում էր նրանց. «Հիմար մի եղեք, միստրներ, այստեղ ձեզանից բացի ուրիշ վարակ չկա»: Բայց նրանք պատասխանում էին. «Ոչ, ձերզ գերազանցություն, կա: Մինք վիրից հրաման ունենք՝ որ կա, հրաման ունենք՝ որ լինի»: Եվ նրանք մեղրանման ինչ-որ բան սարքեցին, կանխարգելիչ, թանձր ու կանաչագույն մի դեղամիջոց եւ դրանով ստեղծեց գլուխ, անկախ դեմքից դիրքից, լղոզեցին պալատի բոլոր այցելուներին, բոլորին, եւ ամենաանշաններին, եւ ամենանշանսպորներին, եւ այցելուները պրեզիդենտի մոտ ընդունելությանը պարտավոր էին պահպանել սահմանված տարածությունը. նա նստում էր դահլիճի խորքում, ուր հագիվ էր հանում այցելուի ձայնը, բայց ոչ երբեք շունչը, եւ բարձր բղավելով քննարկում գործնական խնդիրներ տկլոր, ամենաբարձրաստիճան մարդկանց հետ, որոնք շեմին կանգնած մի ձեռքով դիմում էին՝ «Ձերզ գերազանցություն», իսկ մյուսով ջանում ծածկել անօգնականորեն կախ ընկած, զզվելի քուլքով պատած իրենց աղոտիկները. ահա թե ինչ էր կատարվում, որպեսզի վարակից փրկեին նրան, ով անքնության տառապանքի մեջ ինքն էր հորինել այդ վարակը ու ամենայն մանրամասնությամբ մշակել աղետի ողջ ընթացքը, ով սարսափազդու լուրեր էր տարածել եւ մարդկանց ստիպում էր հավատալ աշխարհակործան կանխատեսություններ, եւ այս ամենն արել էր առաջնորդ ընտրելով այն սկզբունքը, թե մարդիկ որքան քիչ իմանան, այնքան շատ կվախենան: Նա հոնքն էլ չչարժեց, երբ համահարգներից մեկը, սարսափից գունատված, պատիվ առավ եւ գեկուցեց. «Իմ գեներալ, քաղաքա-

ցիական բնակչութեան մեջ ժամտախտն ուղղակի կոտորած է սարքել»։ Եվ պրեզիդենտական կառքի պղտոր սպակու միջից նա ամայի փողոցներում իր հրամանով կանգնեցրած ժամանակը տեսավ, անշարժ կախված դրոշները, տեսավ խուլ փակված դռները նույնիսկ այն տների, որ խարանված չէին կարմրաչրջան նշաններով, տների քիվերին նստոտած կուշտ ու կուշտ անգղեր տեսավ եւ տեսավ զոհե՛ր, զոհե՛ր, զոհե՛ր... Ամենուր էին, այնքան շատ, որ անհնար էր հաշվելը. դիակներն ընկած էին ցեխոտ ջրափոսերում, կույտ-կույտ թափված էին արեւի կատաղի լուսավորվածութեամբ պատշգամբներում, նեխում էին շուկայի կենտրոնում, բանջարեղենների մեջ։ Ոչ ոք չգիտեր զոհերի ստույգ թիվը, համենայն դեպս, ավելի մեծ էր, քան հաշվել էին թշնամական հորդանները, ավելի մեծ, քան ինքն էր ցանկանում. զոհերից շատերը, որպես սատկած առնետներ, աղբարկղն էին նետվել եւ նեխող դիակների ժամտահոտի ու փողոցների սուփորական գարշահոտի մեջ նա ճանաչեց, պարզորոշ առանձնացրեց քոսի եւ իսկական ժամտախտի հոտերը, բայց չերկնչեց, չնահանջեց ոչ մեկի խնդրանքի առջեւ՝ կանգնեցնել, դադարեցնել աղետը, քանի դեռ չէր զգացել իրեն դրուժյան ու ողջ իշխանութեան բացարձակ տեր։ Եվ այն ժամանակ միայն, երբ թվում էր, թե ժամտամահը կանգնեցնել չի կարող այլեւս եւ ոչ մի մահկանացու եւ նույնիսկ՝ աստված, փողոցներում անծանոթ մի կառք տեսանք, որի տիրական, սառցե վեհուժյունը սկզբում ոչ ոք չնկատեց. ներսից սգո թավիչով պատված կառքի լուսամուտից մեզ երեւացին մեռյալ աչքեր, բարակ, նյարդային շրթներ եւ սպիտակ ձեռնոցով մի ձեռք, որն ամեն տան դարպասի մոտ պտղունցպտղունց աղ էր շաղ տալիս. մենք տեսանք ազգային դրոշի գույնով ներկված գնացքը, որը ճեղքելով գարդենխանների մացառուտները, ընձառյուծներին վախեցնելով, մագիլավորի պես ամենադժվարանց բարձրեռնային գավառները մաղցեց, միակ վագոնի վարագուրված լուսամուտից երեւում էին նրա վշտարեկ դեմքին նկարված աղոտ աչքերը, իր իսկ մանկութեան անկենդան դարձած անսպասուի վրա աղ շաղ տվող նույն ձեռքը. մենք տեսանք Նոյի տարվա անվավոր շոգենավը, որը գրամաֆոնային աշխույժ պարեղանակներ գկրտալով, խուսավարում էր խուժթերի, ավազոտ ծանծաղուտների եւ գարնանային ողորման դեւի կատաղութեան

ծնունդ, իսկը կուսական անտառ, ծառակուտակների միջեւ,- պրեզիդենտական խցիկի լուսամուտին մենք տեսանք վերջալույսի պես աղոտ նրա արջերը, անգույն շրթները եւ հրաշտից տուչուրված ծառերին ամենափրկիչ աղի պսղունցներ շաղ տվող ձեռքը, ավելի ճիշտ՝ միայն դաստակը. նրանք, ովքեր ուտում էին այդ աղը կամ լիզում աղեցան հողը, ակնթարթորեն ապաքինվում էին եւ դառնում անխոցելի՝ հիվանդության, չար աչքի եւ մնացած այլ փորձանքների դիմաց:

Այժմ, դեպի իր վերջը գնալով, նա արդեն չգարմացավ քաղաքական տենդախտի դեմ հին, կեղծ պատրվակներով երկրի նոր դավթման առաջարկից, բայց մի կողմ հրելով անուղեղ նախարարների փաստարկները,- սրանք բացականչում էին. «Թող վերադառնա ծովային հետեւակը, գեներալ, թող նրանք գան պեստիցիդ փոշեցան անող իրենց մեքենաներով, կյանքը հարյուր տարով երկարաձգող ճերմակ հիվանդանոցներով, դրանց դիմաց փուլող կանաչ լճակներով ու պտտվող շատրվաններով. թող գան ու վերցնեն՝ ինչ ցանկանում են», - նա բռունցքով հարվածեց սեղանին եւ դիմադրեց այնքան, մինչեւ անամոթ դեսպան Մակ-Քուլինը ուղղակի ասաց. «Հետագա վեճերն անօգուտ են, ձեր գերազանցություն, ձեր վարչակարգը պահպանվում է ոչ թե խոստումներով, ոչ թե անտարբերություններով եւ կամ նույնիսկ ահաբեկումով, այլ միայն սովորություն ու ժողով. անխուսափելի կործանում է սպասվում, ձեր գերազանցություն, հապա փողոց ելեք եւ նայեք ճշմարտություն աչքերին. դուք վերջին շրջապտույտի վրա եք. կամ պիտի գա ծովային հետեւակը, կամ վերցնելու ենք ծովը, այլ ելք չկա», - «Այլ ելք չկար մայր նրանք գավթեցին Կարիբյան ծովը»: Դեսպան Էուֆնզի ինժեներները մաս-մաս բաժանեցին ծովը, համարակալեցին այդ մասերը, որպեսզի ճշտություններ հավաքեն կրկին, մեր փոթորիկներից հեռու Արիզոնի երկնքի տակ, եւ տարան, իմ գեներալ, տարան իր ողջ հարստություններ քաղաքների արտացոլանքով, մեր խենթ ու խելառ ջրհեղեղներով ու մեր ջրահեղձներով: Որքան էլ նա փորձեց սեղմել հարուստ ստեղնաշարով իր բացառիկ հնարամտության ամենանուրբ ստեղնը,- թալանի դեմ սզվային բողոքի պոթիվում գրգռելու համար,- ոչինչ չստացվեց, կներեք, գեներալ, բայց ոչ ոք փողոց դուրս չեկավ, եւ չօգնեց ոչ սպառնա-

լիք, ոչ ուժ,- մենք չէինք կարող չմտածել, որ բողոքի հրավերը հերթական խորամանկություն է, իշխանության տուփանքը բավարարելու նպատակը հետամտող հին խաղ, թող լինի, ինչ լինելու է, մտածեցինք մենք, թող նույնիսկ ծովը տանեն, գրողի մոր ծոցը թող տանեն, վիշապանկար ազգային դրոշի հետ թող խլեն ողջ հայրենիքը: Եվ մենք խուլ էինք գինվորականների շողոմ ճառերի եւ խոստովանների նկատմամբ. նրանք քաղաքացիական շորերով հայտնվում էին մեր տներում եւ հանուն հայրենիքի աղերսում ելնել փողոց ու վանկարկել. «Կորչի գրինգոն», - որպեսզի վերջ տրվեր թալանին, բայց նրանք մեզ կոչ էին անում, որ ինքներս թալանենք ու այրենք օտարերկրացիների խանութներն ու մենատները, կաշառում էին փողով, որ բանակի պաշտպանությունը ցույցի ելնենք լկտի զավթիչների դեմ, սակայն ոչ ոք, իմ գեներալ, փողոց դուրս չեկավ, քանզի ոչ ոք չէր մոռացել՝ ինչպես էին գինվորականները նախկինում էլ ազնիվ խոսք տվել, իսկ հետո գնդակահարել մարդկանց ճիշտ այն նույն պատրվակով, թե գանգալածների մեջ սողոսկած թշնամի գրգռիչները կրակ են բաց արել գինվորական ստորաբաժանումների վրա,- «Այնպես որ, իմ գեներալ, այս անգամ ժողովուրդը մեզ հետ չէ»:

«Եվ ես ստիպված եղա իմ վրա վերցնել վճուր ծանրությունը ու ես ստորագրեցի այդ փաստաթուղթը մայր իմ Բենդիսիոն Ալվարադո դու Հո բոլորից լավ գիտես որ լավ է անծով մնալ քան թույլ տալ ծովային հետեւակին ափ իջնել: Ծովային այդ հետեւակայիններն ախր հրամաններ էին Հորինում ու Հարկադրում ինձ ստորագրել այդ նրանք երկիր բերեցին Աստվածաշունչն ու սիֆիլիսը դերասաններին նրանք արվամոլ դարձրին նրանք ներչնչեցին մարդկանց թե կյանքը փուչ է մայր թե ամեն ինչ վաճառվում է եւ գնվում թե նեգրերից հոտ է գալիս այդ նրանք Համոզեցին իմ գինվորներին թե հայրենիքն այնտեղ է որտեղ շատ փող ես վաստալում թե գինվորական պատիվը տանձի պոչ է Հորինված կառավարություն կողմից որպեսզի գործին ստիպի կռվել անվճար: Եվ որպեսզի չկրկնվեր այս ամենը ես նրանց իրավունք տվեցի օգտվել մեր սահմանային ջրերից ըստ իրենց կամեցողություն ի շահ մարդկության ժողովուրդների միջեւ խաղաղություն»:

Նա տվեց ոչ միայն իր լուսամուտից մինչեւ Հորիզոնը տեսանելի, շոշափելի ջրե-

րը, այլև ջրերի կենդանական ու բուսական աշխարհները, քամիների ռեժիմը, եղանակի բոլոր քամահաճույքներն ու ողջ մթնոլորտը, նույնիսկ վերջին միլիբարը՝ բայց նա չէր կարող երեւակայել, թե նրանք՝ կարող են ավելին անել. վիթխարի պոմպերով նրանք ծծեցին նախապես ջրարգելակներով կտրատված, շախմատի տախտակի վանդակների պես համարակալված մեր հինավուրց ծովի ալիքները՝ մերկացնելով մարած հրաբուխներով հատակը,- դրանցից մեկի հսկայական խառնարանում բացվեցին ինչ-որ ժամանակ ծովին կուլ գնացած Հնոդարյան Սանտու-Մարիա-դել-Պարիեն քաղաքի ավերակները: Այնուհետև մենք տեսանք բոլոր ծովերի ու օվկիանոսների մեծագույն ծովակալի հրամանատարական, մարջանների մեջ խրված նավը,- ինչպիսին որ տեսել էի իմ պատուհանից մայր».

Հողացունց արկերով մարջանների շերտը պոկեցին արմատից ավելի շուտ, քան կտրվեւր հրամանը՝ պատշաճ պատվի արժանացնել պատմական նավարեկությունը: Նրանք տարան ամեն բան, ինչը հիմքն էր նրա իշխանության, իմաստն էր նրա բոլոր պատերազմների. իրենցից հետո նրանք թողեցին միայն լուսնային բնանկարներով անապատ, որին գեներալը ծանր սրտով նայում էր լուսամուտների մոտից անցնելիս եւ ամեն անգամ բացականչում. «Մայր իմ իմ աշնան Բենդիսին Ալվարադո լուսավորիլ ինձ քո իմաստության լույսով»:

Նա արթնանում էր այն սարսափից, թե հանուն հայրենիքի ընկած մարտիկները կելնեն գերեզմաններից ու պատասխան կպահանջեն վաճառված ծովի համար. նա պարզորոշ լսում էր, թե ինչպես են նրանք ախլվում պատերը, լսում էր նրանց խուլ, անդրչիրիմյան ձայները, զգում ինչպես ճահճում, այս մուսյլ տան լոռատիղմում խրված գիշատիչ մողեսի ոտքերին նման իր վիթխարի ոտքերին բանալու անցքից նայու հայուցքները. նա առանց հոգնության քայլում էր սենյակներում, եւ նրան շրջապատում էին քամու մեքենայի պասատներն ու մխտրայները. այդ մեքենան նվիրել էր դեսպան էրեղվյոտը. որպեսզի արհեստական քամիները փոխարինեն անհետացած ծովի քամիներին. նա տեսնում էր ժայռակատարի՝ տապալված բուսակալների տապատարանի մենավոր լույսը եւ մտածում,- «Նրանց համար լավ է, քնած են

\* Միլիբար - մթնոլորտային ճնշման չափի միավորի հազարիորդ մասը:

կուշտ կերած այդ խոզերը, իսկ ես տառապում եմ», - նա հիշեց նույնիսկ մոր առողջ խումփոցը մահից առաջ, աշխատավոր այդ կնոջ՝ Բենդիսին Ալվարադոյի խաղաղ քունը օրեգանոյի թփով օծված սենյակում, - «Եթե ես երջանիկ քնով քնած նրա մայրը յինեի նա երեք չէր սարսափի ժանտախտից չէր վախենա սիրուց չէր երկնչի մահից»: Նա այնպես էր հյուծվիլ, որ նույնիսկ անձով փարոսի բռնկումներն էին կասկածելի թվում, կապված շիրիմներից հարուժյուն առնելու՝ հանգուցյալների մտադրության հետ, եւ նա սարսափով փախչում էր անմիաս այդ լուսատուիկից ու մտածում, որ փարոսը, պտտվելով, մեռյալների ոսկրածուծից կորզած լուսարձակող փոշի է ցրիվ տալիս շուրջըլորս, - «Անջատել», - ճչաց նա եւ փարոսն անջատեցին. նա հրամայեց ներսից խժուձել ողջ տունը, աչքաթող չանել եւ ոչ մի ճղակ, որպեսզի տուն չսողոսկի մահվամբ հագեցած գիշերվա օդի ամենաչնչին տարրը նույնիսկ. նա մենակ մնաց խավարում, նա խեղդվում էր խոնավ, հեղձուկ շոգու մեջ եւ ատեց հայելիները, թեեւ չէր տեսնում, միայն զգում էր դրանց ներկայությունը, երբ անցնում էր մտից եւ հայելիները ստիպում էին մտածել, որ սենյակում ի՞նչք մենակ չէ. նա ծովահատակի հրաբխի չորացած խառնարանում տեսավ սլացող մի հեծյալի, տեսավ ձիու ամբակների տակից թռչող, տարօրինակորեն խոշոր կայծերը, բայց դա մեռյալ-ճերմակ գույնով լուսինն էր դուրս գալիս: «Հեռացրեք դրան, - ճչաց նա: - Մարեք ասողերը, գրողը տանի, հրամայում եմ աստ՞՞ն անունից», - սակայն ոչ ոք չարձագանքեց, ոչ ոք չլսեց նրան, նախարարական նախկին առանձնասենյակներում ցնցվեցին եւ արթնացան միայն կաթվածահարները, սանդուղքների վրա՝ կույրերը, եւ ցողից թրջված շորերով բորոտները, որոնք նրա ճանապարհը կտրելով՝ բուժիչ աղ էին խնդրում, - «Անհավատներ, ախր, հենց այսպես է եղել. նա շոյում էր մեր գլուխները, դիպչում յուրաքանչյուրիս խոցին իր մոպական ձեռքով, ճշմարտության ձեռքով եւ նույն պահին էլ մենք մարմնական ստողջություն եւ հոգեկան խաղաղություն էինք ձեռք բերում, ուժերի արթնացում ունենում եւ ապրելու տենչ. մենք տեսել ենք կույրերի, սրունք բուժվեցին ու կրկին կուրացան, բայց այս անգամ վարդերի փայլից. մենք տեսել ենք կաթվածահարների, որոնք վագոմ էին սանդուղքով. ահա ձեզ իմ սեփական նորածնի

մաշկը, որ գոյացել է սպիտացած վերքերի վրա, ներծծված է վաղ շուշանների բուրմուռներով եւ որը ես ցուցադրում եմ աշխարհի բոլոր շուկաններում՝ խայտառակելով անհավատներին եւ զգուշացնելով անառակներին»։ Քաղաքներում ու գյուղերում թափառելիս, զբոսավայրերում ու ամենատարբեր արարողություններում այս խոսքերը ճչացող մարդիկ ձգտում էին մեզ ներշնչել ոչ միայն հավատ հրաշքի նկատմամբ, այլեւ վախ. նրանց վաղուց ի վեր ոչ ոք չէր հավատում, մեր կարծիքով, նրանք ծպտյալ այն պայատականներից էին, որոնց մի ժամանակ ուղարկում էին հրամանագրերը տարածելու, իսկ հիմա, ահա՝ մեզ հավատացնելու,- ինչին այլեւս անհնար էր հավատալ,- թե նա բուժում է բորտաներին, կույրերին լույս է պարզելում եւ կաթվածահարներին՝ շարժում. մենք կարծում էինք, որ վարչակարգն այդպիսով ճշմունք էր պրեզիդենտի գոյության պատրանքը ստեղծել։ Նրա պալատի պահակախումբը, իր իսկ հրահանգով, կրճատվեց խիստ եւ մնացին միայն դեղնակտուցնորակոչիկ պարեկները,- թեեւ միահամուռ դեմ էին պետական խորհրդի անդամները, որոնք պնդում էին. «Գոնե կարաբիհավորների մի դասակ է անհրաժեշտ պահել, իմ գեներալ։ Զգուշ է պետք լինել»,,- ինչին նա համառորեն առարկեց. «Ոչ մեկը չի ցանկանում եւ կարիքը չունի ինձ սպանելու, բացի ձեզանից՝ անպետք նախարարներիցդ ու իմ պարապ-սարապ հրամանատարներից, բայց դուք էլ չեք համարձակվի, որովհետեւ քաջ գիտեք՝ ինձ վերացնելով, կսկսեք սպանել մեկ-մեկու»,,- եւ միայն անբեղ պատանիների պարեկախումբը մնաց անժառանգ պալատում, որտեղ կովերը առանց արգելքի ճեմում էին հանդերձարանից պետական խորհրդի նիստերի դահլիճ տանող միջանցքով,- «Նրանք ծամծամել են ծաղկած մարգագետին պատկերող գորգինը, իմ գեներալ, կերել փատաթղթերի պահոցը»,,- նա չէր լսում. միայն մի անգամ փորձեց վռնդել հոկտեմբերյան կատաղի անձրևից փախած, պալատ մտած կովին, բայց «Կով... կով...» կրկնելով թողեց իր փորձերը, հիշելով, որ «կովը» գրվում է «ո»-ով. մի այլ անդամ տեսնելով ժամանակին այդ տեղում լույս արձակող լամպի սնկապլուխը ծամող կովին, նա վճռեց, որ կենդանուն հետապնդելու համար չարժե վազ տալ սանդուղքով եւ մնաց անտարբեր, երբ ինժույթի դահլիճում նկատեց հրկու կով, որոնց թիկունքներին բուն զրած տիգերին կտցում



էին հավերժ. այդ գիշերներին մենք երբեմն առկայծող լույս էինք տեսնում նրա լուսամուտներից ներս եւ պալատի պատերի մյուս կողմից լսում խոշոր կենդանիների սմբակների ծանր դոփյուն. նա էր քայլում կորուսեցյան լամպը ձեռքին, կովերի համար գիշերվա տեղ ընտրելու: Պաշտոնական կյանքը առանց նրա ընթանում էր այնպես, ինչպես իր մասնակցութեամբ էր ընթացել,- վարչակարգի լրագրերը կեղծ լուսանկարներ էին տպագրում այս կամ այն հանգիսավոր ընդունելութուններից, որտեղ նա, ընդունելութեան բնույթին համապատասխան, երեւում էր տարբեր համազգեստներով. ուղիտն պարբերաբար հաղորդում էր նրա ճառերը, որ մենք լսել էինք տարիներ շարունակ, ազգային տոներին. նա շարունակում էր սպրեկ մեր շարքերում,- դուրս էր գալիս պալատից, եկեղեցի էր գնում, քնում էր, լամում, ուտում,- ինչպես հավաստիացնում էին լուսանկարները, թեեւ բոլորս գիտեինք, որ նա ավերակված պալատում հագիվհագ է շարժվում իր անփոփոխ, ճամփորդական կոշիկներով. նրա սպասուհիների թիվը կրճատվեց, մնացին երեք-չորս սպասյակ, որոնք սնում էին նրան, մեղրի պաշարն էին լրացնում, եւ սրանք մի անգամ, այնուամենայնիվ, վճռեցին կոփերին,- ջարդափշուր էին արել, ախր, գերազույն շտաբի սենյակը եւ փշրել հախճապակյա բայր մարշալներին, գաղտնի առանձնասենյակում, որտեղ նա պիտի մեռներ, համաձայն գուշակուհու կանխատեսման, որին, ի դեպ, զեներալը չէր էլ հիշում. սպասյակները ձանձրանում էին որեւէ հրաման չլսելով եւ անհամբեր սպասում այն պահին, երբ վերջապես դուան մոտ կկախվեր լամպը եւ կկալիր ազմուկն ու չխկչխկոցը երեք սողնակի, երեք շղթայի ու կիսակվիր առանձնասենյակը, որի օդը,- առանց ծովի,- չէր թարմացվում այլևս. ահա այդ ժամանակ էին միայն սպասյակները սուռաջին հարկի իրենց սենյակը գնում, համոզված, որ նա մեռածի պես կքնի մինչեւ առավոտ. սակայն քնի մեջ ցնցվելով նա արթնանում էր ու սկսում հսկել իր անքնությունը, ուրվականի նման քայլում մուայլ պալատում՝ ոչ կովերի համաչափ որոճը նկատելով, ոչ էլ փոխարքայական կախիչին թառած հավերի շնչառությունը զգալով. ժամանակի ընթացքի մասին նրան հիշեցնում էր նախկին ծովի լուսնային ամայութեան մեջ քամու սուլոցը. նա տեսնում էր իր մորը՝ Բենդիսիտն Ալվարադոյին՝ ձեռքին կանաչ ճյուղերից

Հյուսված ավելը, որով Կորնելիա Նեպոտի առաջին Հրատարակության այրված էջերն էր ավլում, մոռացված ճարտասանների Լիվիո Անդրոնիկոյի եւ Սեսլիա Հատատոյի գրքերի էջերը, որ աղբ էին դարձել արյունոտ այն դիշերը, երբ ինքն սոռաջին անգամ մտավ իր Համար ազատված Իշխանության այս տունը, երբ փողոցներում դեռեւս դիմադրում էին ականավոր լատինագետ, գեներալ Լատտարո Մունյոսի,- աստված լուսավորի այդ Հիմարի Հոգին,- ինքնասպանների բարիկաղները, երբ Հրդեհների բոցերից լուսավորված, ինքը՝ տենդախտի դողէրոցքի մեջ եւ մայրը՝ Բինդիսին Ալվարադոն, զինված կանաչ ճյուղերից Հյուսված ավելով, կտրեցին անցան ներքնաբակը, մթության մեջ դիպչելով պրեզիդենտական Հիանալի ախոռի ձիերի լեշերին, վեր ելան Հանդերձարան տանող սանդուղքով եւ Հասան նիստերի դահլիճ. դժվար էր չնչիլը վառողի ու ձիերի արյան թանձր, թթու Հոտերի պատճառով,- «Այնտեղ մենք տեսանք բոբիկ ոտքերի արյունոտ Հետքեր. այստեղով անցել էին ձիերի արյան լճակները տրորած մարդիկ. տեսանք նույն արյան ձեռնահետքեր միջանցքների պատերին, իսկ նիստերի դահլիճում տեսանք արյունաքամ լինող գեղեցիկ Ֆլորենտուհու մարմինը՝ մարտական սուրը կուրծքը խրված,- նա պրեզիդենտի կինն էր. նրա կողքին տեսանք լարովի խաղալիք-պարուհու նման մի աղջկա՝ ճակատին գնդակի Հետք,- նա պրեզիդենտի իննամյա դուստրն էր: Եվ, վերջապես, մենք տեսանք գարիբալդիական կեսարի՝ պրեզիդենտ Լատտարո Մունյոսի դիակը. նա ամենաճարպիկն ու խելացին էր Ֆեդերալիստական տասնչորս այն գեներալներից, որոնք տասնմեկ տարվա ընթացքում, իշխանության Համար պայքարի արյունոտ խառնաչվոթում, փոխարինում էին մեկը մյուսին, միակն էր, որ Համարձակվեց իր լեզվով անգլիական Հյուսպատոսին ասել «ոչ» եւ Հիմա պատժված էր զրա Համար, պառկած ոտաբոբիկ, փշրված գանդով. գնդակը բերանն էր ուղղել այն բանից Հետո, երբ ստիպված էր եզել սրով խոցել կնոջը, գնդակահարել դատերը եւ սատկեցնել անդալուզյան քառասուներկու ձիերին, որպեսզի իրենից ոչինչ չթողնի բրիտանական պատժամաքի մասնակիցներին. եւ այդ ժամանակ նրանց Հրամանատար Կիտչեները մատնացույց անելով դիակը, ասաց մեր գեներալին. «Տեսնո՞ւմ ես, գեներալ, թե ինչպես են վերջացնում նրանք, ովքեր ձեռք

են բարձրացնում իրենց հոր վրա: Չմոռանաա այս բանը, հրբ կառավարել սկսես»:

«Նա ասաց «սկսես» թեև սպասման երկար ու անքուն գիշերներից հետո ես հռչակվել էի արդեն բոլոր երեք զորատեսակների գերազույն հրամանատար եւ հանրապետության պրեզիդենտ մի այնպիսի ժամկետով որն անհրաժեշտ էր կարգուկանոնը վերականգնելու եւ երկրում տնտեսական կայունությունն ապահովելու համար»,- ահա, այսպես, սենատի եւ դեպուտատների պալատի համաձայնությունը, Ֆեդերալիստական վերջին կաուզիլյո ընտրեցին եւ ընտրությունը հաստատվեց անգլիական պատժախմբի կողմից եւ կնքվեց դամիոնյի խաղաքարտերով, որոնցով նա անհաշիվ երեկոներ խաղում էր Մակ-Դոնեյլ հյուպատոսի հետ,- «Միայն թե ոչ ես ոչ էլ մյուսները սկզբում չէինք հավատում հաջողությունը», - եւ ո՞վ կհավատար, հատկապես սարսափելի այն գիշերվա իրարանցման մեջ, եթե ինքը՝ Բենդիսինո Ալվարադոն էլ մինչեւ օրերի վերջը եւ արդեն մահվան մահճում հաստտ չէր ընծայում որդուն, որը ստեղծված քառուստ գլխի չէր ընկնում, թե ինչից է պետք սկսել կառավարումը. նրանք փնտրեցին ու չգտան տեղախտի գեմ խաչուկի եւ ոչ մի խոտ՝ սուսնյ կահույքի այգ սանը, որտեղ արժեքավոր ոչինչ չկար, բացի անցյալի գիրկն ընկած իսպանական տիրակալություն ժամանակաշրջանի՝ ճանճածիտերով պատված փոխարքաների ու արքեպիսկոպոսների դիմանկարներից. մնացյալը թալանել էին նախորդ պրեզիդենտները, եւ պատմական խոշոր իրադարձությունները պատկերող պատի գորգերի տեղը հուշող քառակուսիները վաղուց արդեն պատառների գույնն էին ստացել, ննջասենյակները լեցուն էին զորանոցային աղբով. պատմությունը պատերին գրի էր առնված մի գիշերվա ընթացքում, պրեզիդենտի արյունոտված մատներով. ոչ մի տեղ նույնիսկ խսիր չգտնվեց. որ փախավ վեր մեջն ու քրտներ,- «Այնպես որ մայրս Բենդիսինո Ալվարադոն պոկեց լուսամուտի փոշոտ վարագույրը փախավից ինձ գրանտով եւ պատկերից գլխավոր սանդուղքի մի անկյունում իսկ ինքը կանոն ճյուղերից հյուսված ավելով մաքրեց պալատի այն սենյակները որտեղից անգլիական ծովային հետեակի մուկ պոկողները այլեւս ոչինչ չունեին թուցնելու», - մայրը ավելի հատակը, փնդկելով թալանչիներին, որոնք ամեն դուսն ստակ

փորձում էին բռնաբարել նրան, եւ լուսաբացից էլ առաջ նստեց գլխավոր սանդուղքի ամենավերին աստիճանին, թավշե վարագույրով փաթաթված, քրտինք ծորող եւ դողացող որդու կողքին. տենդի այրող ջերմությունը նա փորձեց մեղմել այն հանգիստ դատողություններով, թե չարժե ուշադրություն դարձնել այս անկարգության վրա, թե հարկավոր է գնել մի քանի կաշվեպատ, էժանագին աթոռներ, ներկել ու զարդարել դրանք տարբեր գազանիկների նկարներով,- «Ես ինքս կանեմ, հարկավոր է մի քանի ճոճ առնել, ճոճերը, թերեւս, առաջին հերթին, որովհետեւ այս տունը անպայման չատ հյուրեր է ընդունելու. այնուհետեւ,- խորհում էր նա,- մենք կառնենք ճաշասեղան, երկաթյա գրայներ եւ պատառաքաղներ, ալյումինե ափսոսներ,- զինվորական կյանքին դրանք են հարմար, կառնենք մի կարգին կավի սափոր՝ խմելու ջրի համար եւ քարածխի վառարան, եւ այս բոլորը պետության հաշվին»,- սփոփեց նա մորը չլսող որդուն. բացվել էին լուսաբացի ալ ճերմակ առաջին մուշակաբեկերը,- ալ, ինչպես արյուն եւ ճերմակ, ինչպես այն մարմինները, որոնցից այդ զիշեր արյուն էր հոսել. եւ այդ կրկնակի լույսի տակ մերկացավ ճշմարտության թաքնված էությունը: Նա հասկացավ, որ ինքը մի խղճուկ ծերունի է. տենդի ջերմության մեջ նա դողացնում էր սանդուղքի գլխին եւ անվերջ մտածում. «Եվ ա՞յս է բոլորը: Ա՞յս է իշխանությունը այրված ձիու մսի ու խանձված բրդի այս հոտերը հոգու այս դատարկությունը խորտակված նավի նման այս տունը այս լուսաբացը որ նույնն է ինչ բոլոր օգոստոսների բոլոր տասներկուանների լուսաբացները: Այս ի՞նչ պատմության մեջ ընկանք մայր»: Դա մի անասնական վախ էր իր համար էլ անսպասելի իջած խավարից, թեեւ ծովի մոտերքում հրճվանք սպրիտով, լուսաբացի համար երգում էին արդեն աքաղաղները, թևև. պալատի դիակները հավաքող անգլիացիները ուրախ երգեր էին դեղդեղում, իսկ մայրը՝ Բենդիսիոն Ալվարադոն իր հաշվարկների սփոփիչ արդյունքն ամփոփելով ասաց, որ ոչ մի հարց իրեն այնպես չի մտահոգում, ինչպես սավաններին: Ե. ինքն է, չէ՞, լվանալու այս տան բնակիչների համար. իր հիասթափությունների ամենահատուկն իջնելով՝ նա կարծես հող զգաց ոտքի տակ եւ նույնիսկ մխիթարել սկսեց մորը. «Ոչինչ, քնիր հանգիստ, մայր, պրեզիդենտներն այս պալատում եր-

կար չեն ապրում, աստված տա դիմանամ գոնե կես ամիս», - եւ նա չէր կեղծում ոչ այդ պահին, ոչ էլ բռնակալի ու ճգնափորի իր երկար կյանքի բոլոր ակնթարթներին, եւ որքան հավատում էր, այնքան առավել համոզվում էր՝ տիրակալը երբեք չի ապրում երկու միանման օր. նրա աչքին միշտ էլ թաքուն նպատակ էր երեւում, երբ պրեմիեր-մինիստրը ամենօրյա գեկույցներում, ստի շքեղ փնջի մեջ ճշմարտութեան մի ծաղիկ էր ավելացնում. նա թեթեւակի ժպտում էր, ասում. «Ինձ ճշմարտությունը մի ասեք, լիցենցիատ\*, դուք ձեզ վտանգի եք ենթարկում, ես չէ՞ որ կարող եմ հավատալ», - եւ այս մի արտահայտութեամբ նա ի չիք դարձրեց պետական խորհրդի վիթխարի ողջ ռազմավարությունը, որի նպատակը մեկն էր՝ ստանալ պրեզիդենտների ստորագրությունը, առանց ավերորդ հարցուփորձի: «Երբեք նա այնքան խորաթափանց չի երեւցել, որքան այն ժամանակներում, երբ ավելի ու ավելի համոզիչ էին դառնում լուրերը, թե պաշտոնական ընդունելություններին պրեզիդենտը, ինքն էլ դա չնկատելով, թրջում է շալվարը», - «Իմ կարծիքով, նա ավելի էր խստանում ծերանալու հետ, քայլում արդեն բորիկ ոտքերին հողաթափեր հաղած եւ մի աղենակով ակնոցը քթին, իսկ մյուսին հասարակ թիկ էր փոխարինում» - «Նրա զսպոթյունը ավելի ու ավելի էր ուժեղանում, զգացողությունը՝ սրվում, եւ նա առանց կարգալու թղթի կույտերից անխնայ հանում, ստորագրում էր անհրաժեշտը», - «Ձեզ ի՞նչ է պետք, ժպտում էր նա: - Ի վերջո ինձ, միեւնույն է, ոչ ոք չի լսում», - «Երեւակայեք, որ նա այսուհանդերձ հրամայեց փայտե երկար նիզօգտագործել ֆերմայում, որպեսզի կովերը պալատում զբոսնելու հնարավորություն ունենան, իսկ հետո տեսավ, թե ինչպես կովերից մեկը, - «կո՞վ թե կով...» - վրեժն իր առանձնասանյակի լուսամուտը խցիկից ու խժռեց գրասեղանին, հայրենիքի այդ զոհաստեղանին դրված թղթե ծաղիկները. նա միայն ժպտաց. «Ահա տեսնո՞ւմ եք, լիցենցիատ, ասում էի, չէ՞, ձեզ: Այս երկրի բոլոր դժբախտությունները նրանից են, որ ինձ ոչ ոք երբեք չի լսում», - այդ տարիքի համեմատ՝ ուղիղի ինչպիսի՛ արտակարգ պարզություն: Այնինչ դեպքում Կիպլինգը արգելված իր հուշագրությունում պատմում է, թե տեսել է նրան մանկութեան մեջ ընկած եւ բացարձա-

\* Լիցենցիատ - իրավաբանին գրանցելու հարգայեց ձեւ:

կապես անընդունակ ինքնուրույն որևէ արարքի, պնդում, թե նրա մարմնի բոլոր ծակոտիները հեղուկ էին արսադրում, իբր փքված էր ջրահեղձի նման եւ բոլոր շարժումները ծուլ էին, դանդաղ, ա-յո, ալիքների վրա օրորվող հենց ջրահեղձի նման, «Նա նույնիսկ արձակեց շափիկը, որպեսզի ցույց տա ինձ ջրահեղձի իր ճերմակ, ջրոտ մարմինը, որ ափ էր չլորտվել, մաշկի կախված ծալքերում ծովի հատակի մակաբույծներ պահած», - նա ինքը հաստատեց, որ թիկունքին ուսմորաներ՝ կան, թեւերի տակ՝ պոլիպներ ու մանր խեցգետիններ, ըստ որում՝ նա համոզված էր, որ զրանք սոսկ առաջին նշաններն էին մեզնից խլված ծովի տարերային վերադարձի, որովհետեւ ծովերը, սիրելի Ջոնսոն, կետերի նման միշտ էլ վերադառնում են. նա համոզված էր, որ իր փորի խեցգետնակերպների գաղութը նախանշանն է երջանիկ այն լուսաբացի, երբ ինքը կբացի ննջասենյակի լուսամուտը եւ կրկին կտեսնի երեք նավերը ամհնայն ծովաց ու օվկիանոսաց ծովակալի, որին այս երկնքի տակ հոգնել է փնտրելուց, քանզի համոզվիլ էր ուզում՝ ճիշտ է, արդյոք, որ նրա ձեռնափերը պատմության մեջ բոլոր մեծ մարդկանց ձեռնափերի պես հարթ են, առանց բախտի գծերի, ինչպես եւ իրենը: Այո, նա փնտրում էր ծովակալին, հրամայել էր բերել նրան նույնիսկ ուժ գործադրելով, երբ լսել էր ծովայինների պատմությունները, թե իբր, հարեւան ծովերում ցրված մանր կղզիները քարտեզագրելու եւ զրանք ոչ թե կոնկրետադորների, այլ թագավորների ու սրբերի անուններով անվանակոչելու ժամանակ տեսել էին նրան բնիկների գիտությունները ուսումնասիրելիս. իբր փնտրում էր իրեն հետաքրքրող միակ բանը՝ միջոցը ճաղատացման դեմ: Մենք արդեն կորցրել էինք հույսներս, բայց լիմուզինից դեռեւս դուրս չեկած, պրեզիդենտը ճանաչեց նրան. ծպտված էր Ֆրանցիսկյան վանականի դարչնագույն փարաջայով, մեղա եկող մեղսագործի ճշանակով, որ չխկչխկացնում էր կիրականօրյա շուկայի ամբոխի մեջ, այնպես նվաստացած, խղճուկ վիճակում, որ ոչ մի կերպ չէինք կարողանում հավաստել, թե ինքն է, նույն ինքը, որին տեսել էինք ընդունելությունների դահլիճում՝ կարմիր կամպոլով, ոսկյա շղթաներով, տեսել ափ իջնելիս՝ հաղթող զինվորականի քայլերով. սակայն, երբ հրամայվեց նրան մեքենա նստեցնել, հետքն

\* Ռեմորա - նավախրանին կառույց ձուկ:

էլ չբւեց, իմ գեներալ, ասես, գետնի տակն անցա՛մ. պնդում էին, թե նա մուսուլման է դարձել, մեռել Սինեգալում՝ պելագրայից եւ թաղվել միաժամանակ երեք գերեզմաններում, աշխարհի երեք տարբեր քաղաքներում, թեեւ իրականում նա չէր թաղվել, քանի որ հողը չէր ընդունել նրան եւ ոչ մի գերեզմանոցում եւ մինչեւ աշխարհի կործանումը նա գերեզմանից գերեզման էր թափառելու. աստժո նման պատիժ էր բաժին ընկել նրան բռնած բոլոր ծուռ ճանապարհների համար, քունդի այդ մարդը սրիկա էր, իմ գեներալ, ավելի անարգ, քան կեղծ ոսկին. սակայն գեներալը երբեք չհավատաց իրողութեանը եւ անվերջ սպասում էր իր պաշտամունքի վերադարձին, ապրում այդ սպասումով, նույնիսկ խոր ծերութեան վերջին այն օրերին, երբ առողջապահութեան նախարարը ունեւիով դուրս էր քաշում նրա մաշկը խրված կովի մակաբույծներին, ըստ որում՝ նա հավաստիացնում էր բժշկին, թե դրանք բոլորովին էլ մակաբույծներ չեն, այլ ծովադարձի նշաններ, հավաստիացնում էր այնպես տրամաբանորեն ու համոզիչ, որ նախարարը սկսեց մտածել. «Նա այնքան էլ խուլ չէ, որքան ձեւացնում է մարդկանց շրջապատում եւ ոչ էլ այնքան միամիտ, որքան խաղում է իր համար տհաճ ընդունելութուններին»: Բայց նա անսահման ծեր էր եւ բազմակողմանի ուսումնասիրութեանը ցույց տվեց, որ նրա արյունատար անոթները դարձել են ապակի, երիկամները լցվել ալագով, ասես ինքն է կուլ տվել ծովափը, սիրտը ճաքճքել է սիրո բացակայութեանից, այնպես որ հին բժիշկը, մտերմական հարաբերութեաններից օգտվելով, ուղղակի ասաց. «Ժամը մոտենում է, իմ գեներալ: Համենայն դեպս, ճիշտ ժամանակն է մտածելու, թե ում եք հանձնելու կառավարման սանձերը: Չի կարելի, չէ՞, թողնել մեզ որբ, ճակատագրի կամքին»: Բայց նա զարմացած հարցրեց. «Ո՞վ ձեզ ասաց, թե ես մտադիր եմ մեռնել, իմ թանկագին բժիշկ: Սա ի՞նչ բան է: Թող ուրիշները մեռնեն, ես չեմ շտապում»: - Եվ ավելացրեց կատակով. - «Երեկ չէ, առաջին օրը երեկոյան ես տեսա ինձ Հեռուստատեսութեամբ եւ զգացի, որ տեսքս, ավելի քան երբեւէ, հրաշալի է: Ճլամարտի ցուլը՝ քեզ օրինակ»: Եվ քրքջաց, որովհետեւ հիշեց, թե ինչպես քիթը վեր քաշելով, թաց սրբիչը գլխին նստել էր այդ երեկո մունջ Հեռուստացույցի դիմաց, - ձայնը չէր միացնում իր այդ վերջին, մենութեան երեկոներին, - եւ նայում

էր ինքն իրեն, զարմանալով իր իսկ շարժումների վճռականությամբ (իրոք, ոնց որ ցուլը ասպարեզում), Քրանսիացի դեսպանի կնոջ Հետ Ջահելյական իր վարվեցողությամբ,- բայց գուցե Թուրքիայի<sup>6</sup>, Շվեդիայի, սաստանան էլ գլուխ չի Հանի, բոլորն էլ նույն դեմքն ունեին. նկարահանման օրերից ի վեր այնքան ժամանակ էր անցել, որ նա իսկապես չէր կարողանում հիշել՝ իրո՞ք ինքն է եղել Հմայիչ այդ կանանց շրջապատում, ի՞նքն է, արդյոք, ընդունելության երեկոյին եղել շքեղ համազգեստով, համոես չարած շամպայնի դավաթը ձեռքին կամ օգոստոսի քսաներկուսի՝ իշխանության գլուխ բարձրանալու հերթական տարեդարձի, հունվարի տասնչորսի՝ հաղթանակի պատվին կամ մարտի տասներեքի՝ ծննդյան օրվա կապակցությամբ,- ո՞վ է հիշում բոլոր այդ տարեթվերը,- կազմակերպված հանդիսություններին: Նրա վարչակարգի տարիներին այդ հանդիսություններն այնպես շատացան, որ նա սկսեց խճճվել, չէր հիշում, թե դրանցից որն է ինչ կապակցությամբ, եւ պատմական տարեթվերի գերկոտակումից գլուխ հանելուն բացարձակապես չէին օժանդակում խոզովակաձեւ գալարված թղթի այն շերտիկները, որ նա ժամանակին խնամքով ամենատարբեր ճեղքերն էր խցկոտում, բարեհոգաբար հուսալով, թե դրանց օգնությամբ հետագայում կմտաբերի ամեն բան. ապավինելով դրանց, նա մոռացել էր ամեն ինչ եւ պատահաբար գտնելով որեւէ թղթաշերտ, ոչինչ չէր հասկանում. այսպես, ահա, մեղրի մի թաքստոցում գտավ հերթական գալարը եւ կարդաց վանկ առ վանկ. «Ապրիլի յոթին դոկտոր Մարկոս-դե-լե-ո-նի ծընընդյան օրն է հարկավոր է ըն-ծա ու-ղար-կել մի քա-նի յա-գու-ար»: Ձեռագիրն, անկասկած, իրենն էր, բայց բացարձակապես պատկերացում չուներ, թե ում մասին է խոսքը, ով է այդ դոկտոր Մարկոսը եւ նա մտածեց, որ մարդու համար չկա ավելի նվաստացուցիչ, միաժամանակ առավել արդարացի պատիժ, քան սեփական էության փոփոխությունը, սեփական մարմնի ու հիշողությունից ձեռացումը. այս բանը նա հասկացավ խոսե Իգնասիո Սաննս դի լա Բարի անմոռանալի օրերից շատ առաջ, երբ բազմամարդ ընդունելություններից մեկի ժամանակ նկատեց հանկարծ, որ չի ճանաչում գրեթե բոլորին, չի հիշում ով ով է,- այդ նա, ով մի ժամանակ հիշողությունս մեջ պահում էր իր վշտարեկ ու տնտեսման թագավոր



րության ամենատարբեր շրջանների շատ ու շատ գյուղերի բնակիչների անուն-ազգանունները եւ գիտեր բոլորին դեմքով: Բանը նրան հասավ, որ կառքի լուսամուտից տեսնելով մի տղայի, որի դեմքը ծանոթ թվաց, ոչ մի կերպ չկարողացավ հիշել, թե ով է նա, վախեցավ հիշողության կորստից եւ հրամայեց պահակախմբին որսալ տղային.- «Թող կայանքի տակ մնա, մինչեւ հիշեմ՝ թե որտեղից եմ ճանաչում»: Խեղճ գեղջուկը բանտում նստեց քսաներկու տարի, աստժո ամեն օր կրկնելով այն, ինչ հենց սկզբից պարզել էին դատական պաշտոնյաները, ինչը համապատասխանում էր իրականությանը. նրան կոչում են Բրատլիո Լինարես Մուկոտե, ապօրինի գավալին էր գետային նավատորմի դի նավաստի Մարկոս Լինարեսի եւ Դիեֆինա Մուկոտեի, որը յագուաբների որսի համար շների բուծարան էր պահում. երկուսն էլ ապրում են Ռոսայե-դե-Վլորեյում, ինքը նույնպես այնտեղ է բնակվում, իսկ մայրաքաղաք է եկել կյանքում առաջին անգամ եւ եկել է, որովհետեւ մայրն էր ուղարկել՝ մարտյան տոնախմբությանը իր բուծարանի երկու քոթոթը վաճառելու. նա առանց հորինելու կրկնում էր, որ մայրաքաղաք է ժամանել վարձված ավանակը հեծած, որ ինքը չունի եւ չի ունեցել այլ հագուստ, բացի հագինից, որով ձերբակալվել էր այն հինգշաբթի օրը, երբ նստած է եղել շուկայի խորտկարանի ծածկի տակ եւ խմելիս է եղել էժանազին սուրճը, վաճառողուհիներին հարցուվորձ անելով՝ չգիտե՞ն, արդյոք, թե ով է կամենում յագուաբների սպապա որսորդ, խաչասերված երկու քոթոթձ ձեռք բերել. նրան պատասխանեցին, որ չգիտեն եւ հենց խոսակցության միջոցին իրարանցում ու վազվզոց սկսվեց, թմբուկներ զարկեցին, շփոթներ հնչեցին, երկինք սուրացին զուռավոր հրթիռներ, շուկայում հավաքված մարդիկ ըղավեցին. «Գալիս է: Գալիս է: Գալիս է իսկական տղամարդը: Ահա նա»: Տղան հարցրել էր վաճառողուհիներին, թե ո՞վ է «իսկական տղամարդը»: Իսկ նրանք պատասխանել էին. «Ինչպե՞ս թե ով է: Նա է, ով գլուխն է իշխանության»: Տղան քոթոթներին ստվարաթղթե արկղ է խոթում եւ խնդրում վաճառողուհիներին՝ աչքները վրան պահեն մինչեւ իր վերադարձը ու փողոց է վազում, բարձրանում մի տան պատուհանին, որմասխորչին եւ ամբոխի պլխի վրայով տևանում ձիերի պատվո պահակախումբը, վիշապանկար դռներով կառքն ուղեկցող

ձիերի ոսկյա ծածկոցներն ու չքեղ փետրափնջերը, տեսնում է կառքի լուսամուտից թափահարվող, մետաքսյա ձեռնոցով ձեռքը, իշխանության մարդու գունատ դեմքը, թորշոմած, անծախս շրթները, տեսնում է նրա թախծոտ աչքերը եւ այդ աչքերը հանկարծ հազարավոր այլ մարդկանց միջից որսում են տղային, գտնում են նրան, ինչպես ասեղն են գտնում ծովում, եւ կառքի լուսամուտից դուրս ցցված մատը տղայի կողմն է ուղղվում: «Չերբակալեք, ահա, նրան, որը պատուհանին է բարձրացել: Թող նստի բանտում, մինչեւ հիշեմ, թե որտեղից եմ ճանաչում»: Ահա այսպես բռնեցին տղային եւ սկսեցին սրերով մաշկահան անել խեղճին, խորովել ածուխների վրա, որ խոստովաներ՝ թե որտեղ է իրեն տեսել իշխանության մարդը: Բայց նախահանգատի բերդի սոսկալի խցում ոչ մի խոշտանգում չհարկադրեց կայանավորին ետ կանգնել սրբազան ճշմարտությունից: Նա կրկնում էր եղելությունը մի այնպիսի համոզականություններ ու աննկուն խիզախություններ, որ գեներալն, ի վերջո, ստիպված էր խոստովանել իր սխալմունքը՝ երբեք նախկինում չի հանդիպել Բրաուլիո Լինարես Մոսկոտեին,- «Բայց հիմա այլ ելք չկա, պիտի նստի: Այնպես վատ են վարվել հետը, որ եթե չի էլ եղել, հիմա դարձած կլինի թշնամի»: Եվ դժբախտը փտում էր խցում, իսկ գեներալը ոչինչ չհիշելով, դեռ թափառում էր իր մռայլ իշխանության տանը, քթի տակ փնթփնթալով: «Իմ լավ օրերի մայր Բենդիսիոն Ալվարադո օգնիր ինձ նայիր վրաս դեմքիդ ծածկոցը մի կողմ տար որպեսզի կարողանամ տեսնել քեզ: Օգնիր ինձ մայր այլպես արժե՞ր այսքան փառավոր մեծագործություններ գործել այսքան հաղթանակներ տոնել եթե չես հիշելու դրանցից գոնե մեկը որպեսզի սխալվես ու՞մ առնես ծերության ճահիճը սուզվելիս»: Բայց նրա կյանքի թե մենադառը վշտերը, թե ամենուրեքանիկ ակնթարթները, թե իր վեհությունն ամենափառավոր բույները մոռացությունն սեւ ծակերն էին մտել, չնայած անհեթեթ, միամիտ փորձերին՝ խցկոտել այդ ծակերը խողովակաձեւ գալարված թղթի շերտիկներով: Նա դատապարտված էր երբեք էլ չհիմանալու, թե ով էր Ֆրանսիսկա Լիներոն, իննսունվեց տարեկան այդ պատավր, որին արքայազայել պատիվներով թաղելու հրաման արձակեց,- այդպիսի վարվել էր ճեղքերից մեկում հայտնաբերված, իր ձեռքով գրոտած թղթաշեր-

տի զրդմամբ. նա նաեւ տեսողութիւնն էր կորցրել եւ Հարկ էր լինում կառավարել կուրորեն,- տասնմեկ ակնոցները բացարձակապէս անօգուտ էին, սակայն նա օգտագործում էր դրանք, Հանելով գրասեղանի դարակից առաջին պատահածը եւ քթին Հարմարեցնելով, որովհետեւ այդպէս միայն կարող էր ձեւացնել, թե գերազանցորեն տեսնում է բոլորին, ում հետ խոսում է, թեեւ զրուցակիցներին, իրականում, ընկալում էր որպէս անմարմին Հոգիներ, չէր լսում ձայները, Հոտառութեամբ էր գուշակում դիմացինի ու լինելը. ծայր աստիճան անօգնական էր դարձել, թվում էր, ահա, ահա, կավանդի Հոգին եւ այդպէս կարծելով, մի տեսակցութեան ժամանակ վախից քիչ մնաց մեռներ պաշտպանութեան նախարարը. դեներալը Հանկարծ փուշտացել էր, եւ պաշտպանութեան նախարարն ասել էր. «Առողջութիւն»:- Նա տեղն ու տեղը երկրորդ անգամ էր փուշտացել եւ պաշտպանութեան նախարարը երկրորդ անգամ էր ասել. «Առողջութիւն»:- Բայց փուշտոցը չէր կտրվում,- «Երբ նա փուշտաց իններորդ անգամ, ես այլեւս նրան առողջութիւն չցանկացա, վախեցա նրա կատաղած դեմքից, արտասովալից, չոված աչքերից, որ դաժանորեն ինձ էին նայում Հոգեվարքի մշուշից. ես տեսա նրա դուրս ընկած լեզուն,- ասես խելզված պառայ կենդանու լեզու լիներ,- եւ Հարմար գտա չքով շտապ առանձնասենյակից, որտեղ նա բառացիորեն մեռնում էր աչքերիս առաջ եւ որտեղ անմեղութիւնս ապացուցող ոչ մի վկա չկար. ոչ մի կենդանի շունչ չկար մոտերքում. բայց Հագիվ էի քայլ գցել փախչելու, հրբ նա երկու փուշտոցի արանքում Հասցրեց գոռալ. «Վախկոտ մի եղեք, բրիգադի գեներալ Ռոսենդո Սաքրիստան: Հանգիստ մնացեք, գրողը տանի, ես այնքան ապուշ չեմ, որ մեռնեմ ձեր ներկայութեամբ»:- Պաշտպանութեան նախարարը, քար կտրեց, իսկ նա շարունակում էր փուշտալ, զգալով իրեն, իրոք, մահվան սահմանագծին, Հագիվ տեղը պահելով գիտակցութիւնը. անհամար լուսատուիկների նման կայծեր էին ցատկոտում նրա աչքերի դիմաց, բայց նա ամբողջ ուժով կառչել էր այն համոզմունքին, թե մայրը՝ Բենյիսիան Ալվարադոն թույլ չի տա նման խայտառակութիւն, թույլ չի տա իրեն մեռնել փուշտոցից, այն էլ ստորադասի ներկայութեամբ.- «Դատարկ բան է, մենք դեռ կապրենք: Ոչ մի գնով չեմ նվաստանա»:- Այս դեպքից հետո նա եզրահանգեց, որ լավ է կովե-

րի մեջ մեռնել, քան մարդկանց, որոնք կարող են թույլ տալ մեռնել արժանապատվությունով ոտնաՀարված,- «Գրողի ծոցը թող կորչին դըռնք»: Նա չընդունեց այլևս պապի նվիրակին, Հրաժարվեց աստվածաբանական վեճերից, որովհետեւ շոկոլադը ստիպված էր նորածնի պես գդալով խմել եւ չէր ցանկանում, որ նվիրակը դա նկատեր. Հրաժարվեց դոմինո խաղալուց, վախենալով, թե որեւէ մեկը տանուկ կտա խղճահարությունից դուրս, նա չէր ուզում տեսնել եւ ոչ մեկին, որովհետեւ չէր կարող թույլ տալ, որ որեւէ մեկը նկատեր,- չնայած իր բոլոր ջանքերին՝ չքստքստացնել Հարթաթաթ, վիթխարի ոտքերով, թեեւ սղ կյանքում էլ քստքստացնում էր եւ թաքցնելու բան չէր,- որ նա ի վիճակի չի այլեւս քողարկելու իր տարիները. նա սկսեց ամաչել իր սարիքից, զգալով իրեն անհյանելիության այն անդունդի եզրին, որտեղ բնակվում էին թշվառ վերջին բռնակալները, որոնց նա պահում էր ավելի շատ կալանավորի, քան քաղաքական ապաստան ստացած մարդկանց պես,- նրանք այնտեղ, ժայռակատարի ապաստարանում էին տառապում, որպեսզի աշխարհը չվարակներ գառամախտի ժանտախտով: Նա ըմբռնեց այդ բանը, ճաշակեց սեփական խղճուկ, անօգնականության զգայությունը չարաբատտիկ այն առավոտյան, երբ քեց անբնաբակի ավազանում, բուժիչ ջրերի մեջ ընկղմված. «Երազումս քեզ տեսա մայր տեսա որ դու էիր ծնել գլխավերեւումս նշենու ծառի ծաղկուն սաղարթում ճռռացող ու տրաքվող ճռռիկներին ես տեսա որ քո վրձիներով դու էիր ներկել երգող պիրոնների խայտաբղետ ձայները բայց ես արթնացա աղիքներիս անակնկալ ժայթքումից մայր արթնացա գազազած իմ իսկ ապականած ջրի մեջ որտեղ լողում էին օրեգանոյի մոլոչավարդի բուրբանավետ ծաղկաթերթեր եւ նարնջենուց թափված տերեւներ եւ որտեղ իկոտեա կրիաները ուրախ-ուրախ յոգում էին գեպի այն ոսկեգույնը որ դուրս էր շարտել իմ ներսը ահա թե ինչ հիմար բան ստացվեց մայր»: Նա դիմացավ գառամած իր մարմնի այս ստոր արարքին, դիմացավ ստարիքի ուրիշ այլ ստորաթյուներին եւ սպասուհիների թիվը Հասցրեց նվագազույնի, սրպեպի խոր ծերության նորանոր անակնկալները դիմավորի առանց ավելորդ վկաների. Համենայն դեպս, ոչ ոք չի տեսնի, թե ինչպես է աննպատակ շրջում այս լքյալ Իշխանության տանը, գրսխը թույլ սրբիչով

փաթաթած, անհուն հուսահատությունից, ամեն պատի տակ ատամները կրճատացնելով, տառապելով բոռերից շշմած անտանելի գլխացավից, որի մասին ոչ մի անգամ չէր ակնարկել բուժակին, որովհետեւ հասկանում էր՝ ցավը նույն այդ ծերությունից է. ցավը սկսվում էր նախ ցավի նախազգայումից, որտտի գլաքարային դլիրդով մոտենում ավելի շուտ, քան հրկնքում հայտնվում են փոթորիկի ամպերը, եւ այդժամ նա հրամայում էր, որ ոչ ոք չհամարձակվի անհանգստացնել իրեն. այնուհետեւ ցավը սեղմվում էր քունքերում եւ նա բղավում էր, որպեսզի ոչ մեկին ներս չթողնեն՝ ինչ էլ պատահի, իսկ երբ գանգը սկսում էր կտրատվել գլխաներսի պողպատյա պտուտակադռների շարժումից, նա ճշում էր, որ ներս չթողնեն նույնիսկ տեր սատժուն, եթե հանկարծ բարեհաճի հայտնվել,- «Ոչ մեկին ներս չթողնել, եթե նույնիսկ միռնելու լինեմ»:

Ցավը նրան կեղեքում էր անպթորեն, շունչ քաշելու դադար չտալով, գրկում նույնիսկ աշխարհի կործանման չափով հուսահատությունը գիտակցելու ունակությունից, բայց հենց թափվում էր օրհնյալ անձրեւի հեղեղը, ցավը մեղմվում էր, եւ նա բոլորին իր մոտ էր կանչում եւ այնպիսի տեսք էր ունենում, սուս նոր-նոր էր աշխարհ եկել: Նա նստած էր լինում մունջ էկրանի դիմաց, սեղանի մոտ, որի վրա մինք ընթրիքն էինք մատուցում տապակած բեկոնով լոբի, ծեծած կոկոս եւ խորոված բանաններ,- նրա տարիքին անհամապատասխան կերակրատեսակներ: Ուտելիքին, սակայն, նա ձեռք չէր տալիս, որովհետեւ տարված էր լինում Նոյի տարվա հեռուստատեսային կինոնկարով: Այն հանգամանքը, որ կինոնկարը կրկնում էին հեռուստատեսության հատուկ ծրագրով, ըստ որում՝ մի այնպիսի հապճեպություն, որ ժապավենը գլխիվայր էր պտտվում, վկայում էր պետական գործերի անմխիթար վիճակը. կառավարությունն ակնհայտորեն ինչ-ինչ բան էր թաքցնում: «Այս ի՞նչ է կատարվում այնտեղ», - մրթմրթաց նա, սակայն իսկույն էլ ինքնահանգստացման կարգով համոզեց իրեն, որ ոչինչ էլ չէր թաքցնում, որ եթե որեւէ լուրջ բան պատահած լիներ, ինքն արդեն տեղյակ կլիներ. այսպես ահա, այս մտքերով տարված նա նստեց մեկնության մեջ, սառած ընթրիքի դիմաց, իսկ երբ տաճարի ժամացույցը զարկեց ութ անգամ, ոտքի ելավ եւ ընթրիքը զուգա-

րանի կոնքը թափեց, ինչպես վարվում էր վաղուց ի վեր, իրիկնա-  
յին ուշ ժամերին, որպեսզի ոչ ոք չիմանար իր համար նպաստացու-  
ցիչ այդ վիճակի մասին. նրա ստամոքսն այլեւս ոչ մի կեր չէր ըն-  
դունում. նա ուզում էր, որ մարդիկ կարծեին, թե ինքը նույն  
մարդն է, ում պատկերում էին փառավոր ժամանակների առա-  
պելները եւ ինքն էլ էր սփոփվում այդ առասպելներով, դրանց  
շնորհիվ մոռանում իր իսկ նկատմամբ ծնվող ատելությունը,  
զգվանքը, որ համակում էր նրան ամեն անգամ, երբ օրգանիզմը  
զառամախտի հերթական խաղն էր խաղում. նա ճգնում էր մոռա-  
նալ, որ հազիվհայ է քարչ տալիս գոյությունը. ջանում էր չհիշել,  
որ ինքն էր արտաքնոցի պատերին գրում. «Կեցցե գններայլ: Կեց-  
ցե իսկական տղամարդը»,- նա աշխատում էր չհիշել, թե ինչպես  
մի օր ծածուկ հերիմական դեպ ընդունեց, որ զիշերվա ընթացքում  
բավարարի հրեք կնոջ եւ թե անկարողության ինչ չար արցունք-  
ներով վճարեց ծերունական այդ միամտության դիմաց. այդ իսպ-  
տասակությունից հետո արտաքնոցում նստած եւ ջրաթափի թե-  
լից բռնած, նա լաց եղավ. «Իմ սրտի իմ մայր Բենդիսինն Ալվարա-  
դո ատիր ինձ մաքրիր ինձ քո կրակ-ջրով»: Սակայն այդ խայտա-  
ուակությունը հասկանալի էր նրան, հասկանալի էր, թե ինչու էր  
նման այլ անհաջողությունների հանդիպել, նա հրաշալիորեն գի-  
տեր, որ ինչպես միշտ, այս դեպքում էլ անկողում իրեն սերն էր  
պակասել եւ ոչ թե տղամարդկային ուժը, իրեն տաք կնիկներ էին  
պետք եւ ոչ թե բարեկամ պրեմիեր-մինիստրի հրամցրածները,-  
«Որպեսզի օրիորդաց հարեւան դպրոցը փակելուց հետո ես մոռ-  
հան չանեի փառավոր այդ զբաղմունքը»: Դրանք անոսկր էգեր  
էին,- «Հատուկ ձեզ համար, իմ գեներալ», - որ բերում էին ինքնա-  
թիռներով՝ Ամստերդամի հենց ցուցափեղկերի հոնեից, բուրա-  
պելոտակ ծովափերից,- «Հապա նայեք, իմ գեներալ, ինչ հրաշալիք  
են: Աշխարհի ամենագեղեցիկ կանայք են»: Այդ կանայք սպասում  
էին նրան առանձնասենյակի կիսախավարում, հրդեհողություն  
դասատուի համեստ կեցվածքով, հանվում էին մշակված շարժում-  
ներով՝ մերկացնելով հոյակապ մարմինները,- նրանց տաք, մեղրա-  
գույն մաշկին նկատվում էին լողազգեստի շրտերը, ասես տպված  
լուսանկարչական եղանակով. ստամբի մածուկի անամուխային.

ծաղկե լոսյոնի բույրեր արձակելով, նրանք պառկում էին թավաշա-  
 պատ բազմոցին, վիթխարի եզան կողքին, որը նման էր երկաթբե-  
 տոնի խոշոր բեկորի,- «Բայց նա ոչ մի կերպ չէր համաձայնում  
 հանել համադգեստը, ոչ մի կերպ չէր համաձայնում մերկանալ:  
 Որքան էլ ջանք թափեցի, ինչ միջոցների էլ դիմեցի, չստացվեց:  
 Ինձ չհաջողվեց նույնիսկ շարժել նրան տեղից»,- «Ինձ հոգնեցրին  
 այդ գեղեցիկ, սառը, մեռած ձկան խաղիքը, եւ ես ասացի. Հերիք է,  
 դատրիկա, ավելի լավ է կուռանոց մտնես»: Այո, այսպես էր հարա-  
 բերութունը պերված, երազային գեղեցկությամբ, ամենաբարձ  
 դուրսով վճարվող կանանց հետ, եւ նա շատ էր ընկճվում հանդի-  
 պումների նման ընթացքից: Բայց մի անգամ, երկկոյան, ժամը ու-  
 թին, պալատի լվացքատանը նա գինվորական սպիտակեղենը ե-  
 ուացնող լվացարարուհուն տեսավ եւ թաթի մի հարվածով նրան  
 դատարկ տաշտակը գցեց. կինը վեր թռավ տաշտից, փորձեց ծլկել  
 ու վախեցած արդարացավ. «Այսօր չեմ կարող, գեներալ, արնա-  
 խում վիշապն է այսօր ինձ հյուր եկել»,- բայց նա լռեցյալ կուաց-  
 րեց նրան՝ դեմքով դեպի լվացքի տախտակները եւ ետեւից տիրա-  
 ցավ աստվածաշնչյան մի այնպիսի կրքով, որ խեղճ կինը, ողնաշա-  
 րի ու հոգու շխկրտոցը զգալով, տնքաց. «Այ թե գազանն էք, գե-  
 ներալ: Դուք երեւի էշերից եք դաս առել»: Իսկ նա շոյվել էր կնոջ  
 տնքոցից ավելի, քան իր մասնագետ-շոգոքորթների հանդիսավոր  
 ներբողներից, եւ լվացարարուհուն ցմահ թոշակ նշանակեց՝ երե-  
 խաներին դատտիրակելու համար. երկար տարիների ընդմիջու-  
 մից հետո կովերին գիշերվա կեր տալիս նա կրկին երգեց. «Օ՛,  
 հունվարյան լուսին»: Նա երգում ու չէր մտածում մահվան մա-  
 սին, անսխալ իմանալով, որ նույնիսկ իր վերջին գիշերը չի տրվի  
 թուլությանը եւ թույլ չի տա իրեն գիտակցության մեջ չտեղավոր-  
 վող հարցի շուրջը մտածել. նա հաշվում էր կովերին եւ երգում  
 քթի տակ. «Դու իմ խավար ճանապարհների լույսն ես, դու ուղե-  
 ցույց ասող ես»,- հաշվից երկու անգամ եւ համոզվեց, որ պակաս  
 են չորսը, որից հետո պալատ գնաց, հաշվեց փոխարքայության  
 ժամանակների կախիչներին թառած հավերին, թռչնավանդակնե-  
 րը հաշվից,- «Քառասունութ»,- ծածկից բոլորն էլ սեւ ծածկոցնե-  
 րով, այնուհետեւ վառեց կովի չորացած բոլոր բլիթները,- այդ օր-  
 վա թրքած,- եւ, ինչպես միշտ, այրվող աթարի ծուխն ու հոտը

արթնացրին նրա մեջ մանկության Հուշեր, բայց այս անգամ Հայտնված տեսիլները ակնթարթային ու մշուշոտ չէին, այլ բացարձակապես պարզորոշ. նա տեսավ իրեն տղայական Հասակում, սարահարթի սառցե քամու բերանն ընկած, ցրտից դողալիս եւ կողքին տեսավ Հենց նոր, ազբակույտի գիշերակիրներից ոչխարի փորոտիք խլած մորը՝ Բենդիսիոն Ալվարադոյին, որը մինչեւ ոսկորները սառած որդուն կերակրելու Համար ճաշ էր եփելու:

Տասնմեկը խփեց, եւ նա սկսեց մարել լույսերը միջանցքում ու դատարկ սենյակներում, մի անգամ էլ շրջեց պալատում՝ լամպը ձեռքին. տասնչորս մթնած Հայելիներում տասնչորս անգամ տեսավ իր արտացոլանքը՝ լամպը ձեռքներին տասնչորս միանման գեներալներ: Բայց Հայելիներից մեկի խորքում, Համերգային դահլիճում, նա սմբակները վեր ցցած, Հաստակին ընկած մի կով նկատեց եւ ձայն տվեց իսկույն. «Կով, այ կով, սա ի՞նչ բան է: Սասկե՞լ է, ի՞նչ է»: Նա քստաքստացրեց գեպի պահակախմբի սենյակը՝ գգուչացնելու, որ քիչ առաջ Հայելու մեջ սասկած կով է տեսել. «Հարկավոր է վաղ առավոտյան գուրս բերել զբան, թե չէ վրա կթափվեն անգոյները»: Այս հրահանույր տալով, լամպը ձեռքին, առաջին Հարկի ողջ երկարությունը սկսեց փնտրել պակասող երեք կովերին, նա փնտրեց նրանց արտաքննողներում, սեղանների տակ, բոլոր Հայելիների ետևում, Հետո մի Հարկ վեր ելավ եւ փնտրեց այնտեղ, աչք գցելով բոլոր սենյակները, բայց ոչ մի տեղ ոչինչ չՀայտնաբերեց, բացի մի թխսական Համից, որ նստել էր վարդագույն ու ժանյակավոր ամպհովանու տակ, անհիշելի ժամանակներից կուսանոցի միանձնուհու անկողնու վրա, նա նույնիսկ նրա անունն էր մոռացել. Հետո, քնելուց առաջ, մի գըլալ մեղր կերավ եւ պուլիկը կրկին թաքստոցը դնելիս գտավ իր անհաշիվ թղթե շերտիկներից մեկը. այդ թղթին մի ինչ-որ նշանավոր տարեթիվ էր նշված՝ կապված ականավոր բանաստեղծ Ռուբեն Դարիոյի անվան Հետ, եւ թող աստծո արքայությունում փառավորվի նրա Հոգին: Կարդալով գրությունը եւ ոչինչ չՀասկանալով, նա կրկին գալարեց այն խողովակաձև, տեղը գրեց ու աղթք մրմնջաց. «Հայր մեր, հրաշագործ ուսուցիչ մեր երկնքի, դու, որ օդում սավառնակներ ես պահում եւ ծովի Հարթության վրա՝ նստի...»: Այս աղթքը շրթներին նա քստաքստացրեց առաջ ընչապուրկ փղի իր վիթխարի



ոտքերով, անքնությունից տառապած, լուսավորված կանաչ լուսաբացների վերջին ակնթարթներով, լույսի վերջին կանաչ փնջերով, որ արձակում էր պտտվող փարոսը. նա լսում էր վաճառված ծովին կարոտած քամու աղմուկը, ժամանակի ցնորքային հեռուներում ինչ-որ հարսանեկան ուրախության երաժշտություն. այդ հարսանիքում տեր աստծո անհաշվենկատությունք քիչ մնաց դանակ խրեն նրա թիկունքը. հանկարծ նա դեմ առավ մոլորված կովին եւ ճանապարհ ուղեց տալ. «Կով, այ կով, գնա այստեղից»։ Կովին վոնդելով, նա իր ննջասենյակը դնաց, բոլոր քսաներեք լուսամուտներից տեսնելով ծովազուրկ քաղաքի լույսերը. յուրաքանչյուր պատուհանից նրա վրա փչում էր քաղաքի ընդերքից հլնող գաղանիքների շունչը, հաղարավոր մարդկանց խորհրդավոր շնչառությունը՝ քաղաքի միաձուլյ շնչառությունը. քսաներեք անգամ նա տեսավ նրան,- բոլոր լուսամուտներից,- եւ, ինչպես միշտ, ամեն անգամ նոր ուժով ընկալեց մեծ ու ահեղ փոփոխականությունք այդ անընդդրկելի, անհասանելի օվկիանոսը, որի անունը ժողովուրդ էր. նա պատկերացրեց այդ ժողովրդին քնած, ձեռքը սրտին դրած եւ հանկարծ գիտակցեց, թե որքան խոր են ատում իրեն նրանք, ովքեր, թվում էր, ամենից շատ էին սիրում։ Նրա պատվին մոմեր էին վառում, մոլիռանդ հավատով արտասանում անունը, այդ անունով խնդրում, որ ծննդկանները հաջող ազատվեն հղիությունից եւ որ մաշը հեռանա մեռնողների մահճից, եւ անիծում էին նրան լույս աշխարհ բերողին՝ մորը, հրք անցած օրերի լուսնոտային լիմուզիանների զրահապակու միջից տեսնում էին նրա թախածոտ, իգուանի աչքերը, վշտարեկ շրթները, կանացի ձեռքը. համբուրում էին նրա ճութավոր կոշիկների հետքերը, որ դաջվում էին ցիխերի մեջ եւ ետեւից հղում անեծքներ, ամենասարսափելի մահին էին օգնության կանչում այն շոգ գիշերներին, երբ քաղաքային ամեն ներքնաբակից անմարդաբնակ իշխանություն տան լուսամուտների թափառող կրակներն էին նշմարվում։ «Ոչ ոք մեզ չի սիրում», - հառաչեց նա եւ աչք դցեց թռչնապահ վարպետի, պիրոլների նկարչուհու, մոր՝ Բենդիսիոն Ալվարադոյի ննջասենյակը. մոր մարմինը վաղուց փտել էր հուղարկավորման դամբարանում։ «Խաղաղ մահ քեզ, մայր», - շնջաց նա։ - «Խաղաղ մահ քեզ, դավակ», - արձագանքեց մայրը դամբարանից։

Ուղիղ տասներկուսն էր, հրբ նա լամպը կախեց ննջասենյակի դռան մոտի կեռից, շամփրված փոշտանկի դաժան ցավից,- փոշտանկը նույնիսկ սուշում էր սոսկալի այդ ցավից: Ցավը զավթել էր ամեն ինչ, աշխարհն էր դրավել, տարածությունը, այլևս չկար ոչինչ, բացի ցավից, եւ նա վերջին անգամ փակվեց երեք բանալիով, երեք սողնակով եւ երեք շղթայով, վերջին գոհը մատուցեց իր փոքրիկ աթոռակին՝ իրագործելով վերջին ու ժլատ միզաթափությունը, եւ բերանքսիվայր ընկավ մերկ Հատակին՝ առանց Հանվելու, կոշտ կոտորի շալվարով, որ Հագից չէր Հաննի ընդունելություններն ու տեսակցությունները դադարեցնելու. օրերից, առանց դնովի օձիքի շերտավոր վերնաշապկով, խղճուկ, մուրացիկի Հողաթափերով, դեմքը, ինչպես բարձին, ափերի մեջ խրեց եւ ակնթարթորեն քնեց, բայց երկուսն անց Հինդ բուսիկն արթնացավ ծանր, շքամբ գլխով, ոտքից դուրս քրտինքի մեջ կորած,- նույնիսկ Հագուստն էր թրջվել քրտինքից, ինչպես լինում էր միշտ, փոթորից առաջ: «Ո՞վ է», - դողացող ձայնով Հարցրեց նա, որովհետեւ Հիշեց, որ երազում մեկը ձայն էր սփել իրեն, բայց դիմել էր այլ անունով. «Նիկանոր:- Եվ էլի.- Նիկանոր»: Հավանաբար ներս էր խցկվել առանց կողպեքներին դիպչելու. փակ սենյակ մտնելու ընդունակությամբ օժտված մեկը: Իսկ հրբ շուրջրտյորը նայեց, տեսավ, որ մահն էր,- «Ձեր մահն էր, իմ գեներալ, մեղա եկող մեղսագործի քրճեր Հագած, կեռգլուխ ցուպը ձեռքին. գանդը փաթաթված էր գերեզմանոցային խոտերով, ոսկորների ջարդվածքներում ստորերկրյա ծաղիկներ էին բուսել, ակնախոտոչներում առկայծում էին այն Հին օրերի գուշակուհու աչքերը»: Եվ հրբ նա տեսավ նրան ողջ Հասակով, իսկույն գլխի ընկավ, թի ինչու էր մահն իրեն «Նիկանոր՝, Նիկանոր» կանչում: Մահը չէ՞ որ այդ անունով է դիմում նրանց, ում շատ է Հավանում: Բայց նա բացականչեց. «Սպասիր, մահ: Չէ՞ որ դեռ չի Հասել իմ ժամը: Ես պետք է մեռնեմ քնի մեջ, իմ առանձնասենյակի կիսախամալարում, ինչպես անհիշելի ժամանակներում կանխատեսել է կույր պայծառատեսը՝ նախաստեղծ ջրերի Հայելուն նայելով»: Բայց մահը պատասխանեց. «Ո՛չ, գեներալ, դուք կմեռնեք այստեղ, Հիմա: Դուք կմեռնեք

\* Նիկանոր (Հուն.) - Հաղթանակը տանող, այս դեպքում՝ մահի Հաղթանակը, ամենագորությունը:

ոտաբոբիկ, մուրացիկի հագուստով, ինչով որ կաք, թեև նրանք, ուլբեր կգտնեն ձեր մարմինը, կհավաստեն, թե գտել են ձեզ առանձնասենյակում, առանց տարբերանշանի դաշտային համագրեստով, ձախ կոշիկի ոսկյա խթանով,- նրանք այդպես կասեն առասպելին չհակադրվելու համար, մարգարեությունն նկատմամբ հավատը պահպանելու համար»: Եվ նա մեռավ այնպես, ինչպես սասց մահը, մեռավ այն պահին, երբ ամենից քիչ էր ուզում մեռնել, երբ այդքան սարինների անպտուղ պատրանքներից ու ինքնախաբեությունից հետո սկսել էր գլխի ընկնել, որ մարդիկ չեն ապրում, գրողը տանի, այլ գոյություններն են պահպանում, որ ամենակար ու գործունյա կյանքն էլ հազիվ է բավականացնում ապրելի սովորելուն, այն էլ ամենավերջում: Նա մեռավ, երբ հասավ իր ամփոփմանը. մի ժամանակ (ճանապարհի սկզբին) հավատալով, թե ընդունակ չէ սիրելու, ինչը վկայում էին, իբր, հարթ, առանց գծերի ձեռնափերը եւ հայտնում գուշակուհիների խաղաքարտերը, նա փորձեց մարմնական սերը փոխարինել իշխելու սիրով, իր հոգում խնամելով իշխելափրություն հրեշի, տալով նրան ամեն բան. նա կամավոր զոհ դարձավ եւ ողջ կյանքում այրվեց հրեշավոր զոհասեղանի մարմանը կրակի վրա. նա իրեն սնում էր խաբեությունը ու մեղքերով, հասունանում դաժանություն ու ապականություն վրա, ճգնում ներսի տենդագին ապահությունը, ի ծնե վախկոտությունը հանուն այն բանի, որ մինչև տախարհի կործանումը սեղմ բուռնացրում պահի իր սալակյա գնդիկը, չհասկանալով, որ իշխելու ծարափն է ծնում միայն իշխելու անհագ ծարափ, չհասկանալով, որ իշխանությունը հագենալ անհնար է՝ թի մինչև մեր, թե մինչև այլ աշխարհների կործանումը, իմ գեներալ:

Այնինչ նա հենց ամենասկզբից գիտեր, որ իրեն առաջին հերթին խարում են նրանք, ուլբեր սիրաշահում են, գիտեր, որ քծնանքի դիմաց կանխիկ են վճարում, գիտեր, որ ցնծությունը իրեն փառաբանող եւ հավերժական կյանք մաղթող մարդկանց գեներ ուժով են փույց դուրս բերում, գիտեր այս բոլորը եւ վարժեցրել էր իրեն ապրել այս ստով, նվաստացուցիչ այս փառքի սուրբով, քանզի անհաշիվ տարիների ընթացքում բազմիցս համոզվել էր՝ սուտը հարմար է կասկածից, օգտակար՝ սիրուց, երկարակյաց՝ ճշմարտությունից. նա այլևս ոչ մի բանի վրա չէր դարձնում, երբ հա-

սավ իշխանության ամոթալի պատրանքին. հրամայում էր՝ իշխանության տակ ոչինչ չունենալով, փառաբանվում էր՝ փառքը կորցրած, եւ սփոփվում էր՝ պալատականների հնազանդությամբ միայն, չվախելելով եւ ոչ մի հեղինակութուն: Իր աշնան դեղին տերեւաթափի տարիներին նա համոզվեց, որ երբեք ի գորու չի լինի իր ողջ իշխանության տերը լինելու, երբեք չի ընդգրկի ողջ կյանքը, քանզի դատապարտված է կյանքի թիկունքային կողմը ճանաչելու ճակատագրով, դատապարտված է կեղծ իրականության գորելենի, պատրանքային գորելենի կարևոր գննելու, հենքի թելերը խճճելու եւ թեզանի հանգույցները քանդելու ճակատագրով միայն. նա գլխի չէր ընկնում եւ չհասկացավ ամենավերջին պահին նույնիսկ, որ իսկական, իրական կյանքը բոլորիս աչքի առաջ էր, բայց մենք տեսնում էինք այդ կյանքը լողորովին այլ տեսանկյունից, իմ գեներալ,- թշվառների տեսանկյունից, տեսնում էինք անվերջանալի տարիների մեր վշտի ու մեր տատապանքների միջից, առանց նկատի ունենալու, թե այդ տարիներից որում ենք մենք, այնուամենայնիվ, սպրիկ, եւ մեր դժբախտությունը դժբախտություն էր, իսկ ակնթարթային երջանկությունը՝ երջանկություն. մենք գիտեինք, որ մեր սերը վարակված է մահվան հարուցիչով, բայց դա իսկական սեր էր, անդամաճան սեր, իմ գեներալ: Մերը մեր պայծառ աստղն էր այն կյանքում, որտեղ դուք ընդամենը ցնորքային տեսիլք էիք վագոնի լուսամուտի փոշոտ ապակու ետեւում, որտեղից մեզ տեսանելի էին ձեր խղճուկ աչքերը, գողացող, անգուլյն շրթները, մետաքսյա ձեռնոց հագած ձեր ձեռքի հրաժեշտի թափահարումը,- տոանց կյանքի գծերի ձեռքի թափահարումը այն ծերի, որին մենք կրկն էլ չճանաչեցինք, չիմացանք նրա ինչ լինելը. արդյոք, առասպել չէ՞ր անհեթեթ այդ բանակալը, որը չէր ջոկում երեսի եւ կտուրի կողմերը այն կյանքի, որ մենք սիրում էինք նրա երեւակայությանը անհասանելի, անսպառ կրքով. նա չէ՞ որ սարսափում էր իմանալ մեր իմացածը՝ կյանքը դժվարին է ու արագընթաց, բայց ուրիշ այլ կյանք չկա, իմ գեներալ: Մենք չէինք սարսափում այդ միակ, իրական կյանքից, որովհետեւ գիտեինք, թե ով ենք մենք, իսկ նա, սուլող փոշտանկով անվերջ քայլող այդ ծերը, որ հատակին փռվեց կյանքից արմատախիլ անող ճակատագրական հյուրի մի հարվածից, թե իր եւ թե մեր վերա-

բերմամբ մնաց խոր անտեղյակության մեջ. իր աշնան սառը, վերջին տերեւների մուկ-հեղեղ շրջունի մեջ նա ձգվեց դեպի մոռացության մռայլ երկիրը, սարսափով կառչեց մահվան նավակի փտած առագաստների լաթերից, կյանքին օտար, մարդկային ամբոխների անզուսպ խնդությանը անհաղորդ, ազատության թմբուկներին եւ տոնական հրավառությանը խուլ, խուլ ու անհաղորդ ցնծության զանգերին, որ մարդկանց հայտնում էին բարի ավետիսը՝ սպառվեց հավերժության անհաշիվ ժամանակը:

Գարսիա Մարկես, Գաբրիել

Գ 363 Նահապետի աշունը: Վեպ (թարգմ. ռուս. Ռ.Յովսեփյանի):  
Երևան: Նորք, 2000 - 294 էջ:

Վերջին տարիների իրադարձությունները մեզ ընդհուպ մոտեցնելով նոբելյան մրցանակի դափնեկիր Գարսիա Մարկեսի գեղարվեստական աշխարհին, անմիջական մասնակիցը դարձնելով այդ աշխարհի հետ աղերսներ ունեցող մեր նորօրյա գրականությունը, ընդկլայնել են «Նահապետի աշունը» վեպի կենսական տարածքը: Այս վեպը նաև մեր կյանքի արտացոլումն է:

Գ 4703040100 2000  
0142(01)-2000

ԳՄԴ 84.7 Կո

**Գաբրիել Գարսիա Մարկես**

**ՆԱՅԱՊԵՏԻ ԱՇՈՒՆԸ**

**Խմբագիր ՖԵԼԻՔՍ ՄԵԼՈՅԱՆ**

**Շարվածքը համակարգչային**

**Էջադրումը, սրբագրումը ՍԱՄՎԵԼ ԽԱՉԱՏՐՅԱՆԻ**

**Ձևավորումը՝ ՄՈՆԻ ՀՈՎՍԵՓՅԱՆԻ**

**Հանձնված է շարվածքի 10.03.2000թ.**

**Ստացված է տպագրության՝ 6.06.2000թ.**

**Չափսը 84X108 <sup>1/32</sup>: Ծավալը՝ 18.25**

**Տպաքանակը 500: պատվեր՝ 101**

**«Նորք» հրատարակչություն  
Երևան, Մարշալ Բաղդամյան 3, հեռ. 58-45-17**

**«Երևանի առաջին տպարան» ՓԲԸ  
Երևան 10, Հանրապետության 65  
հեռ. 52-36-00.**